



Ms 21, G. 33

cc. 593









PANTOMETRVM
KIRCHERIANVM
AD SERENISSIMVM CHRISTIANVM
DVCEM MEGAPOLITANVM
Explicatum

P. GASPARE SCHOTT
SOCIET IESV

Apud Ioannem Arnoldum Cholinum.

Anno 1668

BIBLIOTECA NAZ.
ROMA
VITTORIO EMANUELE

PANTOMETRUM KIRCHERIANUM,

HOC EST,

Instrumentum Geometricum novum,

à Celeberrimo Viro

P. ATHANASIO KIRCHERO

Ante hac inventum, nunc decem Libris, universam pænè
Practicam Geometriam completentibus explicatum,
perspicuisque demonstrationibus illustratum

à

R.P. GASPARE SCHOTTO

Regiscuriano è Societate JESU, olim in Panormitano

Siciliæ, nunc in Herbipolitano Franconiæ ejusdem Societatis

JESU Gymnasio Matheseos Professore.

**AD SERENISSIMUM PRINCIPEM
CHRISTIANVM, DVCEM MEGAPOLITANVM.**

HOC INSTRUMENTO,

*Quidquid alii variis organis, intricatissimis demonstrationibus,
laboriosissimis calculationibus præstant ad Geometriam practicam
spectans, summâ facilitate, brevitate, ac certitudine
perficitur.*

Cum Figuris æri incisus, & Privilegio.

Apud **JOANNEM ARNOLDUM CHOLINUM**


Bibliopolam Francofurtensem.

HERBIPOLI

Excudebat **JOBUS HERTZ** Typographus Herbipolensis.

Anno M. DC. LXIX.





SERENISSIMO PRINCIPI

AC DOMINO,

D. CHRISTIANO,

Duci Megapolitano, Principi Wandalorum,

Suerini, & Razenburgi; Comiti Suerinensi; terrarum Rostochii & Stargardiz Dñõ &c.

DOMINO MEO CLEMENTISSIMO.



Eniam dabis, SERENISSIME PRINCEPS, si Operi meo exiguo atque obscurissimo clarissimum

SERENITATIS TUÆ nomen præfigere sum ausus. Incredibilis affectus quo me primo statim congressu es complexus, amoris ac benevolentiae signa luculentissima quæ porrò exhibuisti, ardor ingens quo Mathe-

DEDICATIO.

matica, hoc est, verè Regia colis studia, audacem me fecêre. Exiguum sanè (haud diffiteor) munusculum est quod Magno offero P R I N C I P I ; pomum est, non caballus Persicus: verùm quia honorarium majus esse nec potest, nec debet, quàm ærariũ, ut ei non ab auctore ac donante, sed ab accipiente accedat magnitudo & pretium; in spem venio, id à S E R E N I T A T E T U A haud fore spernendum. Magnarum Mentium est, ad non magna etiam donaria, magno tamẽ affectu exhibita, respicere, Cyri exemplo, qui vel pomum oblatum ab agricola non respuit, quoniam non donum, sed animum respexit. Pote-
ram quidem, à fortassis etiam debe-
bam

DEDICATIO.

bam aliud expectare tempus, donec majus aliquod, ac tanto PRINCIPEDIGNIUS elaboraretur Opus; at impetrare à me ipse non potui, quin hãc qualem qualem grati animi teferam, & ingentis erga SERENITATEM TUAM affectus arrham in publicum quàm maturrimè protruderem. Causa affectus (ingenuè fateor) est quæ sequitur. Vix SERENITATEM TUAM oculis aspexeram, vix loquentem perceperam auribus, cum sensi me velut magnetismo potentissimo rapi. Animadvertēbam enim, Illi Palladem in capite, Virtutem in pectore, in ore Gratiam ac Sinceritatem habitare. Deprehendebam indolem, quàm meritò amēt

DEDICATIO.

omnes; ingenium, quod omnes optent; amorem litterarum ac bonarum artium, quem omnes suspiciant. Obstupescebam tantam, in tanta sanguinis eminentia, morum suavitatem. Si vaticinari Mathematico licet, uti vix alibi uspiam quam in SERENITATE TUA verius esse credo, in summis omnia summa reperiri; ita haud vanè conjicio, summa omnia eandem SERENITATEM TUAM à DEO Optimo Maximo manere. Sed nolo hic in laudes SERENITATIS TUÆ excurrere, nè peccem aliquorum more, qui & libros, & encomia simul ingerunt. Tu Tibi, PRINCEPS Magnanime, Tu Imperio, Tu subjectis Tibi populis, Tu bonis omnibus pro-

DEDICATIO.

probatissimus, non expectas à Mathematico panegyricum. Ars nostra rerum ferax, verborum sterilis est; neque si abundaremus, Tu indiges. Magnam enim illam mentem Tuam, quam præsentēs miramur; illa animi, corporis, stemmatis ornamenta, quæ suspicimus; in historiis temporum mirabuntur nepotes, & agnoscent inserta Germaniæ annalibus. Vale igitur, Magne PRINCEPS, atque ad magnam nate; & DEO, Imperio, ac Patriæ quàm diutissimè ac felicissimè vive. Ita opto ac voveo Herbipoli Franconiæ, Die XII. Martii, Anni à salutifero DEIPARÆ partu M. DC. LX.

SERENITATIS TUÆ

Humilissimus Client

CASPARUS SCHOTT SOC. JESU.
EIDEM

E I D E M
SERENISSIMO PRINCIPI

Musæ Mathematicæ


Geometria Practica Clavem
PANTOMETRUM
dedicabant.

E *St vota tandem cernere plurium
Implenda! nam quis spreverit artium
Florem MATHESIN, certiore
Qua methodo nitidam laborat
In veritatis scandere Regiam,
Et scandit? è quo culmine dum redit,
Stupenda Vulgo, Chara Doctis,
Principibus redit expetenda;
Et culta cur non? difficilis coli
Intexta longis tadia regulis
Addensat, invisumque præ se
Agmen agit, tetricasque curas.
Sic vota plebis temnere pertinax,
Nec non amores ludere Principum,
Plebemque vitat, Principesque
Territat objiciens Labores.
Ac nunquid uno crimine Principes
Vulgusque peccant? hic Rea vilitas,
Augustus illic splendor: ergo
Imparibus quoque plente pænis.
Et est Mathesis digna palatiis,
Et sunt Mathesi digna palatia.
Splendore ducatur, Labore
Auspice si nequeat, Mathesis.*

Sic non eadem lege Beatitas
 Vulgi penates visitat, & domos
 Regum superbas. multa Divi
 Principibus faciles dedere.
 Illis Honores absque laboribus,
 Illis Voluptas absque molestiis,
 Et illaborato paratu
 Prosperitas venit ex Olympo.
 Quin mitigato Vos etiam datis
 Labore, Musa, posse Matheseos
 Libare flores, fructibusque
 Ingeniis recreare mentem?
 At ecce! Musa spe citius mea,
 Ad iusta tendunt vota, recondita
 Matheseos Clavi reperta,
 (Pantometrum placuit vocare.)
 Hac calculosas expediet vias,
 Hac metiendi tadia leniet,
 Hac artis Arcana recessus,
 Et penitas referabit arces.
 At unde, quaris, muneris id fluat?
 Musa dederunt Athanata mihi,
 Ego parergus dum politum
 Do Tibi, me dare credo Luci.
 Nostros Labores, si lubet, accipe,
 Præcesse Princeps. hoc pretium feram
 Ingens Laborum, si Voluptas
 Forsitan hinc aliquid capeffes.

Plausus Anagrammaticus,
SERENISSIMO PRINCIPI
CHRISTIANO,
Megapolitano Duci &c.

*Cum Alma Universitatis Herbipolensis Scholas invi-
sere dignaretur, ab ejusdem Universitatis Humaniorum
Litterarum studiosis exhibitus.*

set sanè vehementer optandum, SERENISSIME PRIN-
CEPS, ut ipsa, si fieri posset, Eloquentia Tuam, quâ Musas nostras
invisis, humanitatem depradicaret: sed quoniam Natura loquē-
di facultatem Matri Facundia negavit, nobis autem pusillus ad-
huc & balbutientibus ejus alumnis coram tanta Celsitudine loqui non licet;
quod unum restat, signis ac notis Illustrissimum nomen Tuum si non illustrare
magis, at benevolâ saltem mente revolvere tot vicibus conabimur, quot in
eodem littera deprehenduntur. Agite ergo socij, arripite chrypeos, inserite bra-
chia, conserite manus, pedem figite. En nomen illustre

CHRISTIANUS,

Gaudeat, exultet, vivat, multisque perennet

Dux Christianus sæculis.

ANAGRAMMATA.

I.

NI SIT CHARUS.

Dispeream, NI SIT CHARUS. cæloque, soloque,
Qui nos benignè visitat.

II.

CHARIS INTUS.

Ipsa suo quem melle replet CHARIS INTUS, & extrâ,
Totumque corpus obsidet.

III.

SIT CHARINUS.

Alter

Alter auctet Pyladem, plus diligat alter Orestem,
CHARINUS hic SIT omnibus.

IV.

HUNC SI RATIS.

HUNC SI Diva RATIS cœlestibus invehat oris;
Spernet procellas æquoris.

V.

HUNC SI TRIAS.

HUNC SI summa TRIAS solito tueatur amore;
Ridebit hostiles minas.

VI.

HIS NAT CURIS.

His etenim Princeps placido NAT pectore CURIS,
Ut se Deo devinciat.

VII.

IN HAC STRUIS.

HAC IN rupe Struis sanctæ fundamina vitæ,
Mundumque vincis, & stygem.

VIII.

HINC STAS VIR.

HINC tali nixus fulcimine STAS VIR, & omnes
Contemnitis adversarios,

IX.

HUC INIRA SIS.

HUC, precor, INIRA SIS, nostrasque revile Camænas,
Quâ fronte spectas subditos,

X.

TRAHIS INCUS.

Nostra TRAHIS pridem præcordia, qualiter INCUS
Fragmenta Magnetis trahit.

M. Georgius Roth S. J. Rhetor. Profess.

)o()o(2

FACUL

FACULTAS R. P. PROVINCIALIS
Societatis Jesu Per Rhēni Superioris Pro-
vinciam, Auctori facta.

*Nithardus Biberus, Provincialis Societatis Jesu
Rhēni Superioris.*

CUM Librum, cujus titulus est, *Pantometrum Kircherianum*, à Pa-
tre Casparo Schott Nostræ Societatis Sacerdote compositum,
tres ejusdem Societatis Sacerdotes, quibus id commissum fuit, reco-
gnoverint, & in lucem edi posse probaverint; facultate nobis ab Ad-
modum Reverendo Patre Gofwino Nickel Societatis Jesu Præpo-
sito Generali communicatâ, concedimus, ut idem typis mandetur;
si ita ijs, ad quos pertinet, videbitur. In quorum fidem has litteras
manu nostrâ subscriptas, & nostro sigillo munitas dedimus. Herbi-
poli 21. Januarij 1656.

L. T. S.

Nithardus Biberus.

FACULTAS R. P. PROVINCIALIS SOCIE-
tatis Jesu per Rhenum superiorem, Bibliopolæ
facta.

EGO Ricquinus Göltsens Societatis Jesu per Rhenum superiorem Præpo-
situs Provincialis, potestate ab Admodum Reverendo Patre nostro Gof-
wino Nickel Præposito Generali ad id factâ, concedo Hæredibus Ioannî Go-
defridi Schönwesseri facultatem imprimendi Librum, cui titulus, *Panto-
metrum Kircherianum*, à P. Casparo Schott Societatis nostræ Sacerdote com-
positum, atque à deputatis ad id Patribus lectum, approbatumque. In cujus
rei fidem hoc illi chirographum manu meâ, sigilloque communium dedi Spi-
ra 3. Januarij 1660.

L. T. S.

Ricquinus Göltsens.

TESTI.

R. P. Athanasij Kircheri è Societate JESU,
Operis Auctori datum.

BENEVOLO LECTORI

ATHANASIVS KIRCHERUS S. J.

CUm olim Instrumentum quoddam Geometricum, quod Pantometrum appellare visum fuit, tum in eorum qui à tadiosis Arithmetica regulis ut plurimum abhorreere solent, tum potissimum in Principum usum excogitaverim, quo calculorum submotâ difficultate, univèrsa Geometria praxi exhiberetur; ac proinde P. Gaspari Schotto, meo tunc temporis hîc Romæ in re Litteraria Socio, hujus Instrumenti usus tum facilitas, tum certitudo, quam vario & multiplici exercitio sibi comparaverat, non parum arrisisset: nihil antiquius, opratiusque illi fuit, quàm ut illud publici juris faceret. Quod sæpè eâ quâ fieri potest industriâ, & ingenij sui commendatione hoc præfente Libro magnâ meâ, aliorumque quibuscum contulerat, satisfactione præstitit, dum totius Instrumenti, singulorumque sub eo contentarum præceptum leges, ita pulchrè docet, adeo solidâ rationum geometricarum apodixi evoluit, ut summum inde Reipublicæ Mathematicæ emolumentum emanaturum confidam. Romæ

25. Martij 1656.



AD
R. P. ATHANASIVM KIR-
CHERVM, Pantometri Kircheriani
Inventorem,

*P. NICOLAUS MOHR è Societate Jesu.
Observantia & Amoris ergò.*

De Te cùm audio,
Vir in Mathematicis maxime,
R. P. ATHANASI KIRCHERE;
Mihi ipsi dissimilis
Opto, quod fieri posse nego,
Priora sæcula redire,
Ut erubescant:
Et, si ad columnas fortè,
Quas statuerunt
Ptolemæo, Gemmæ Frisio, Orontio Finæo, Purbachio,
Latino Ursino, Appiano, Magino, Clavio &c.
Fixerunt NON PLUS VLTRA; refigrant,
Tu progressus es dudum
PLUS VLTRA;
Quando in Mathematicis Disciplinis
Humani Ingenij limitem propè es egressus:
Qui omnia tam facile capis unus,
Quàm difficulter singula capiebant singuli:
Vt non rebus aut discendis aut inveniendis
Tua Capacitas;
Sed res ipsæ discendæ & inveniendæ deesse viderentur
Tuæ Capacitati.
Hoc scilicet est quod meritò stupet Orbis;

Nce

Nec caperet ipse, nisi te caperet
Orbis Caput.

Testatur hoc PANTOMETRVM Tuum
(Nam ad reliqua, ne incurram, non ausim excurrere)

Quo Tu uno metiris omnia,
Quæ plures pluribus instructi non valuerunt.
Novo compendio laborum!

Et ita feliciter;
Vt, dum minùs præstas, plura tamen præstes.
Sic per Te modò GEOMETRIA videtur fieri
Publici juris,
Quando peritis simul & imperitis per Te fit
Communis.

Nam ita metiendi Artem doces
Hoc Tuo PANTOMETRO,
Vt eo instructi jam Tyrones præstare possint,
Quod tentare olim non audebant Magistri.
Nemo enim tam est ab Arithmetica alienus,
Tam Matheseos nemo est ignarus;
Quem tu non ex tempore facias
GEOMETRAM

Sine demonstrationibus certū, sine calculationibus perfectū.

Nec tamen propterea vilescit Ars;
Quando & Principes, & Duces, & Reges,
Imò & Imperatores fieri dignantur
Per tuum PANTOMETRVM

GEOMETRÆ.
Aut quomodo vilescat quod magni fecit
FERDINANDVS III.

Trium Coronarum Rex,
Romani Imperij Augustus

IMPE.

IMPERATOR?

Cujus Judicium nemo non probat;
Nisi qui improbat Majestati eum junxisse

ARTES LIBERALES:

Quas ita amavit, ut coluerit;
Ita coluit, ut suas fecerit.

Vnde oriebatur,

Vt quàm cum Imperij Proceribus versaretur graviter,

Tam conversaretur suaviter

Cum Litteratis:

Inter quos ita de scientijs agebat,

Vt docere videretur.

Probavit is PANTOMETRVM primò,
Cùm obtulisti Anno sæculi hujus trigésimo primo:

Et se approbasse, ostendit,

Quia describi illud jussit & demonstrâri

A Te, quem non minùs amavit,

Quàm scientias tuas æstimavit.

Paruisti, & PANTOMETRUM adumbrasti

HERBIPOLI,

In Universitate Eoo-Julia Matheseos tunc Professor:

Ut jam mirum non sit explicatiùs illud

Primùm in lucem etiam prodire

HERBIPOLI,

Adlaborante & explicante

R. P. GASPARE SCHOTTO Regiscuriano

FRANCONE.

Neque enim ab alio potiùs debuit,

Quàm à Tuò in eadem Cathedra Successore:

Nec ab alio meliùs potuit,

Quàm à Discipulo & Laborum Socio,

Cui

Cui Te, tuaque credis omnia;
 Quique, Te ipso teste, mentem tuam unus optime
 Assequitur in Tuis,
 Nec alibi prius decuit, quàm HERBIPOLI,
 Ut eadem esset patria concepti & editi
 PANTOMETRI.
 Verùm, quantum putetur cunque perfectum
 PANTOMETRUM Tuum;
 Tamen esse notatur defectuosum.
 Vin' dicam? Venia sit verbo:
 Cùm omnia metiatur, Tui tamen ingenij non metitur
 Capacitatem:
 Quanquam hoc ipso fortè est perfectissimum;
 Quòd, dum in capacitate sua cedit Tux,
 Te semper suum profitetur
 INVENTOREM & AUCTOREM;
 Ut Te verè faciat
 ATHANASIVM,
 Dum famæ & Nomini tuo pariet
 ΑΘΑΝΑΣΙΑΝ.

)o()o()o(PROOE-

PRO O E M I U M O P E R I S.

De Pantometri Kircheriani præ-
stantia, appellatione, inventione, ac facili-
tate; deque præsentis Operis me-
thodo,



*M*ulta fuerunt, Benigne Lector, à variis
doctissimisque viris nullo non tempore vel
excogitata de novo, vel novis inventioni-
bus illustrata Organa, Geometrie practi-
ca operationibus non minori facilitate quàm ingenio per-
agendis apprimè utilia: cujusmodi sunt Scala Altimetra,
Quadratum Geometricum, Quadrans Astronomicus,
Baculus mensorius, (quem S. Jacobi baculum appellant
aliqui) Protheus Militaris, Horoscopion Planimetrum,
Holometrum, Henrimetrum, Annulus Astronomicus,
Asserculus Geometricus, Mensula Prætoriana, Gno-
mon Geometricus & Astronomicus, aliaque similia quàm
plurima; quæ ingeniosissimè adinvenierunt, auxerunt no-
vis praxibus, scriptis libris illustrarunt, Ptolemaus,
Gemma Frisius, Orontius Finaus, Latinus Ursinus, Pur-
bachius, Appianus, Maginus, Clavius, Crescentius, Sil-
vius Belli, Zublerus, Hulsus, Metius, Theisnerus, Dan-
tes, alijsque innumerabiles ferè. Nullum tamen præcla-

rius,

rius, nullum ingeniosius, nullum facilius, universalius, certius excogitatum hactenus fuisse videtur, quàm illud, quod delineat graphicè, explicatque dilucidè vir doctissimus P. Athanasius Kircherus, meus olim in Mathematicis Præceptor, lib. 2. *Artis Magneticae Parte 2. Cap. 3.* Quod quidem Instrumentum ipse ab utilitate & fabrica appellat Pantometrum, Ichnographicum, Magneticum; ego verò ab Auctore Kircherò haud immeritò Kircherianum vocandum censeo. Pantometrum appellat ipse, eò quòd unum omnia metiatur; latitudines scilicet, longitudes, altitudines, profunditates, superficies, corpora, terrestria, Cælestia, quidquid denique omnibus omnium ferè aliorum instrumentis metiri solemus; præter innumerabiles alios, quos habet, usus. Ichnographicum appellat, quia ejus usus in Ichnographijs maximè elucet, ut ipse ait; ut ego, quia in iisdem Ichnographijs faciliior, jucundiorque, ac fortè etiam certior est ejusdem, quàm ullius alterius, praxis. Magneticum denique appellat, quia in ejus usu Magnes, seu Versorium Magneticum pyxidi inclusum, non ultimum locum obtinet.

Occasionem autem inventionis hujus Instrumenti prædicto Patri Athanasio dedit (ut ipsemet fatetur loco citato, paulò ante Caput tertium) P. Joannes Reinardus Ziglerus Societatis nostræ, vir omni eruditionis genere, raræque rerum experientiâ, cum primis celebris, quod ipse

postmodum P. Kircherus varijs occasionibus ad perfectionem deduxit, Augustissimoque Imperatori Ferdinando III. tunc Austria Archiduci, anno hujus seculi 31 obtulit; cujus jussu etiam tunc ejusdemmet descriptionem ac demonstrationem Herbipoli, cum Mathematicam publicè in illa Universitate praelegeret, confecit; jurisque publici fecisset, nisi furore bellico primum impeditus, deinde docendi munere in exteris Nationibus distractus, desistere ab incepto fuisset coactus; donec Roma tandem, dum hujus ejusdem seculi anno quadragesimo primo primam Magneticae Artis editionem moliebatur, aliorum importunis precibus sollicitatus, id tandem Operis citati citato loco interseruit, loco tamen minimè importuno.

Accedit & hoc ad huius egregij Instrumenti commendationem, quòd non solum Geometriae & Arithmeticae peritis (quales scientias aliorum instrumenta ferè omnia requirunt) usui esse possit, sed etiam huiusmodi scientijs penitus destitutis. Scimus nos, quotidianà experientià edocti, plerosque absterri ab utilissima aequè ac incundissima dimetiendi Arte, vel ignorantia demonstrationum Mathematicarum, vel imperitià Calculorum Arithmeticorum, ut ut ab instrumentis sint instructi; aut certè molestia in demonstrationibus & calculationibus quas callem optimè, peragendis. At hoc nostrum, seu potius Kircherianum Instrumentum, tale est, ut quidquid præstan-

issimum

tissimi Mathematici varijs hæcenus præstiterunt organis subtilissimisque roborarunt demonstrationibus, adhibito multiplici Arithmetica adminiculo; sine omni Arithmetica subsidio, ac ferè sine ulla demonstrationum molestia, imò sine ulla demonstratione præstari possit. Vidi ego non semel Romæ summâ animi voluptate, cum Auctor instrueret nobilissimos Adolescentes, Barones, Comites, Duces, Principes, quâ indigenas, quâ externos, qui Mathematicas scientias nè à limine quidem salutarerant, nec primis Arithmeticae elementis imbuti erant; eos tamen Instrumentum tam dextrè tractare, & proposita geometrica, geodæticaque problemata tam peritè solvere, quàm à summo Geometra expectari potuisset.

Quoniam tamen & iucundiùs animo illabitur, quod penitiùs perspicitur; & tenaciùs hæret, quod solidiùs docetur ac discitur; & certiùs possidetur, quod evidentiùs demonstratur; rem gratam me, Geometriae saltem practicae Tyronibus, facturum putavi, si quem Auctor doctissimus instrumenti sui usum breviter ac compendio, nec nisi duodecim problematibus describit, ac ferè sine demonstrationibus, si primum excipias problema (quod quidem doctioribus, & in mensurandi arte exercitatis abundè satis est); ego pluribus declararem propositionibus, singulisque demonstrationem subijcerem; aut quæ singula demonstrari possint, indicarem.

Sic tamen rem totam disponam, ut si quis demonstrationibus minus afficitur, aut in illis minus versatus fuerit, earum doctrina propositionum nudarum doctrina nihil officiat, ac nè remoretur quidem ipsarum lectionem. Tradam enim primò doctrinam propositionum, & quidquid ad praxin pertinet, quodque cuique satis esse possit; deinde verò demonstrationem ipsam subijciam, peculiari titulo, diversoq; characteris genere distinctam, ut dignosci sine labore, & omitti, ubi libuerit, possit. Deducam etiam ex propositis demonstratisque Propositionibus varia Corollaria, ac subinde Scholia addam, quæ utilia iudicaverò; quorum tamen pleraque eadem libertate omitti poterunt. His premonitis, ad Instrumenti fabricam accedamus; ubi prius totius Operis ideam paucis exhibuerimus, ut unico quasi intuitu, quid in illo contineatur, comprehendas.

S Y N O P S I S

Totius Operis

Rætica Geometria operationes omnes eò præcipue diriguntur, ut exactam continuæ quantitatis dimensionem indispicamur; Lineatum dico, seu distantiarum, Superficierum, & Corporum. Corpora dimetienda aut solida sunt, aut inania: superficies aut dimetiende solum, aut delineanda, aut dividenda: utraque, superficies dico, & corpora, aut augenda diminuendave, aut in alias figuras transformanda. Omnia hæc nullo Geometrico Organo facilis

cilius certiùsque fiunt, quàm Pantometro Kircheriano, ut luce clariùs toto hoc Opere ostendam. Quod ut præstem, nec Geometris solum, & in Mathematico pulvere exercitatis, sed Aegometris etiam, Tyronibusque omni Matheseos subsidio destitutis me accommodem, (qui præcipuus fuit suscepti laboris scopus) in sequentes Libros dividendum censui præfens Opus.

Primus Liber erit Technicus, continebitque Instrumenti Pantometri Kircheriani, omniumque ejus partium, plenà & exactà fabricam; aliarumque rerù ad ejus usum necessariarù preparationem.

Secundus Liber erit Euthymetricus, seu de linearum rectorum dimensionibus; quo omnis generis lineas in directum porrectas, & secundùm quemlibet situm, longitudinem videlicet, latitudinem, altitudinem, profunditatem, horizontaliter, perpendiculariter, diametraliter seu obliquè extensas, dimetiri docemus modis varijs, facillimisque, absque ulla Arithmetices operatione, & absque demonstrationum Geometricarum cognitione; quamvis illa singulis apponantur operationibus, eà methodo, eaque de Causa, quas in Proæmio Operis explicavimus.

Tertius Liber erit Embadometricus, seu de superficierum dimensionibus; quo omnis generis superficies, planas, curvas, triangulares, quadrangulares, polygonas, regulares, irregulares, rectilineas, curvilineas, & quidquid demum in planum extensum est, ut sunt campi, horti, sylve, lacus, & similia, dimetiri docemus, modis non minùs ut antea varijs ac facilibus, & si opus est, sine arithmetico calculo, ac sine demonstrationibus; quamvis ubique illæ apponantur.

Quartus Liber erit Ichnographicus, seu de Plantarum, ut vocant, delineationibus; quo quarumcunque & cujuscunque figura plantierum, Urbium, domuum, subterraneorum locorum, Regionum, sylvarum, lacuum, similiumque locorum Ichnographiam perficimus summà facilitate & certitudine.

Quin-

Quintus Liber erit *Stereometricus*, seu de solidorum dimensionibus; quo omnis generis Corpora, regularia, & irregularia, ut sunt tetraëdra, hexaëdra, octaëdra, dodecaëdra, icosaëdra, pyramides quotcunque facierum, pyramidia, sphaera, sphaeroides, cylindri, coni, conoides parabolici, hyperbolici &c. dimetimur.

Sextus Liber erit *Coilometricus*, seu de concavorum dimensionibus; quo omnis generis vasorum, cubicorum, cylindricorum, mixtorum, pyramidalium, conicorum; doliorum item vinariorum, cupparum, urnarum, poculorum, quin & lacuum, puteorum, conclavium &c. capacitatem investigamus, preparatis in hunc finem cubimetricis ac cylindrimetricis Regulis, Pantometro nostro inscribendis.

Septimus Liber erit *Geodaticus*, seu de terrae divisionibus; quo modum docemus dividendi campos & planities, quasunque in figuras efformatas, trilateras, quadrilateras, multisilateras, in partes quotcunque, & quomodocunque.

Octavus Liber erit *Metamorphoticus*, seu de planorum, corporumque transformatione ab una in aliam figuram; simulque de augendis, minuendisque figuris, tam planis, quam solidis.

Nonus Liber erit *Hydragogicus*, seu de Libellatione ac deductione aquarum per alveos, aquaductus, canales &c. ubi varia Libellatica Instrumenta, praeter Pantometrū nostrum adducimus, & non inutilia in Hydragogorum gratiam asserimus documenta.

Decimus denique ac ultimus Liber erit *Vatius*, continetque Problemata Arithmetica, Grammodetica, Cyclometrica, Trigonometrica, Polygonographica, Metamorphotica, Statica, aliaque plurima, non minus facilia, quam jucunda, quae Pantometri Kircheriani ope perfici poterunt.

Ex quibus quidem omnibus, aliisque innumeris quae afferri in medium possent, patebit evidentissimè, nihil ferè in toto Mathematicarum Pragmaticarum censu contineri, quod hujus nobilissimi Instrumenti usum effugiat.



LIBER PRIMUS. TECHNICUS,

Sive

DePantometri Kircheriani fabrica, rerum-
que ad ejus usum necessariorum præparatione.



V Pantometri nostri, cuius usum sequē-
tibus Libris describimus, ac demonstra-
mus, fabricam ritè perficere possis; omnes
eius partes, quâ potero claritate, & ver-
bis, & schematismis, ob oculos animumque tuum, Le-
ctor, proponere conabor. Et licet aliis etiam modis, ac
fortè commodioribus, construi possit; eo tamen modo,
quo Auctor ipsum describit, quoque ipsemet pro se, a-
liisque id fieri curat, depingam. Quòd si mentem meam
aut ego declarare, aut tu percipere nequiveris, diffici-
le fortasse non erit, inspiciendi unius iam confecti copi-
am nancisci; nam ad diversas Regiones allatum jam
est ab iis, qui hîc & Roma illius usum à nobis didicè-
re. Hisce deinde annectemus aliarum rerum ad Instru-

et

menti

menti usum necessariorum preparationem. Duas ergo hic Liber habebit partes; Prima continebit Instrumenti, & partium eius fabricam; altera aliarum rerum ad Instrumenti usum necessariorum preparationem.

PARS PRIMA.

Pantometri Kircheriani fabrica, & partes.

Pantometrum Kircherianum, cujus fabricam proponit P. Athanasius Kircherus Lib. 2. Artis Magneticae Par. 2. Cap. 3. Probl. 1. multis constat partibus, quarum tamen nonnullae desunt in illo, quo ipse utitur, quodque pro aliis passim, praesertim Viris principibus, & pro ipsa etiam Caesarea Majestate fieri curavit. Posterius hoc in solis Geometricis usum habet; prius illud etiam in Astronomicis, doctrina & usu sinuum, & resolutionibus triangulorum Sphaericorum. Nos utrumque cum suis partibus proponimus; posterius quidem hic, prius vero infra in fine Operis. Quod hic describimus, Simplex appellabimus; quod infra, Compositum. Sic ergo simplex constituitur.

PRAGMATIA I.

Quadratum Pantometri praeparare.

Figur. I.
Iconis. I.

Flat ex ligno solidissimo, ac bene exsiccató, ut buxo, ebeno, pruno, aliove simili, quadratum ABCD (quod majoris commoditatis & ornamenti ergo orichalco in subtilissimas laminas diducto vestiri poterit) cujus latus quodlibet unius sit pedis in longitudine paulove minus, aut majus; crassitie verò digiti latitudinem non excedat. Fiant deinde alia duo veluti brachia, FG, HI, decussa-

im-

Konismus I Ponatur è regione

Fig: K I

Pag: 3.




Fig: II.




Fig:

Fig: III.



Fig: IV.



Fig: VII.



Fig: VIII.



Fig:



1
1

Technicus,

3

tim in medio, ubi E, coagmentata; quibus quadratum ABCD impositum connectatur, & tota Instrumenti moles sustentetur. In horum brachiorum centro fiat foramen rotundum E, ut in eo orbis superimponendi (de quo mox) axis vel uti polus circumagi possit. His ita peractis, habebis primam Instrumenti partem præparatam.

PRAGMATIA II.

Orbem Pantometri fabricare.

Flat Orbis STVX, ejusdem exactè cum ABCD quadrato descripto crassitie; tantæque magnitudinis, ut suâ diametro latera quadrati ABCD intrinseca præcisè adæquet, atque exactè tangat (consistit enim in hac adæquatione totius ferè Instrumenti perfectio); atque hoc situ ita firmetur Orbis prædictus intra quadrati latera, & supra brachia FG, HI, ut tamen quadratum circa ipsum Orbem volvi ac revolvi in gyrum possit, prout aliquo modo apparet in figura STVX, si quadrato prædicto imposita atque inserta intelligatur.

Figur. II.
Iconil. I.

In ipso porrò Orbe STVX excavetur aliquò usque quadratulum OPQR, ita ut Cavitati imponi possit charta, & tabula quadrata, ejusdem cum quadratulo OPQR capacitatis. Serviet autem charta ad lineas in ea ducendas plumbo, aut rubricâ, in operationibus geometricis peragendis, si tabulæ quadratæ adglutinetur cerâ, aut aliâ ratione.

PRAGMATIA III.

Pyxidem Magneticam Pantometri conficere.

Præterea in Orbis STVX parte aliqua largiori, v.g. inter S & T, excavetur spatium rotundum, quod acui magneticæ impositæ, & supra obelum suum versatili sufficiat; impositæque acui magneticæ ad magnetem excellentis virtutis legitimè affricâ, claudatur superius vitro, tum nè excidat acus, tum nè à vento dimoveatur. In fundo verò spatii rotundi excavati notentur duæ lineæ rectæ, intersecantes se in centro ad angulos rectos: & uni quidem

Figur. II.
Iconil. I.

adſcribatur ab una extremitate ORIENS, ab altera OCCIDENS; alteri verò ab una extremitate MERIDIES, ab altera SEPTENTRIO; quod tamen hic in figura, propter ejus exilitatem, non eſt factum. Et hæc poſterior repræſentat lineam meridianam, ſi magneti- cum verſorium ab ea non declinat; alioquin notanda etiam erit linea declinationis, juxta dictam Arte Magnetica Lib. 2. par. 1. Progym. 3. vel 4. Spatium verò rotundum excavatum appellabi- mus poſt hæc pyxidem magneticam.

PRAGMATIA IV.

Curſorem Pantometri ordinare.


Fig. III.
Iconif. I.


IN latere DB, quadrati ABCD, excavetur canalis RS, ut in eo Regula ſive Curſor TV, pro uſurpantis arbitrio huc illucque, ſeu furſum deorſum verſus B & D moveri poſſit. Qui quidem Curſor TV adeo exactè dicto canali inferi debet, ut lateribus quadrati AB, & CD, ſemper ſit parallelus; ſive quod idem eſt, ut lateribus AC, & BD ſemper normaliter, ſeu ad angulos rectos inſiſtat; in hoc enim ſi peccatum eſſet, Inſtrumentum fallax admodum red- deretur, & exiguæ perfectionis.

Poſſet etiam prædictus Curſor aliâ ratione aptari, ita ut præ- fatum ſitum parallelum cum lateribus AB, CD, aut normale cum lateribus AC, BD ſervaret ſemper; quod induſtrii artificis ingenio relinquitur: v.g. Si in ſuperficie extrema lateris BD, fieret canalis RS, ut dictum, & Curſori TV affigeretur manubriolum, quod intra Canalem RS, huc illuc diſcurrere poſſet, ſecumque Curſorem deferre ita, ut prædictum ſitum parallelum ad latera AB, CD ſemper retineret. Vt verò ſitum in operatione actuali ac- quiſitum pro operationis exigentia conſtanter, quàm diu opus fuerit, retineat dictum manubriolum, firmari poterit cochleolâ.

Debet autem prædictus Curſor TV fieri ex ære, aut ebena, ſimilivè materia dura, ſolida, & ſubtili; vel ſi ex ligno ejusdem cum quadrato ſpeciei fiat, poterit in medio ſecundum longitudi- nem MN inferi lamella ex orichalco, aut ehore: qualem in præce- denti figura TV monſtrat faſciola in medio Regulæ notata, & punctis ac lineolis diſtincta.

Præ.





Præterea in hac lamella Cursoris, aut in ipso Curfore ducl debent duæ, pluresvè lineæ secundum totam longitudinem, æque dividi in 100, aut 200 minutissimas æquales partes, appositis numeris, ut præcedens figura monstrat.

PRAGMATIA V.

Regulam dioptricam Pantometri construere.

EXteriori superficiæ Lateris AB quadrati ABCD, in loco K, adaptabis Regulam MN, dioptris suis instructam, qualem Figur. IV.
Iconis. I.
 Fig. IV. Iconismi I. monstrat: cujus longitudo adæquet totius lateris prædicti longitudinem. Hanc Regulam in loco K quadrati ita firmabis cochleolâ, ut eam elevare, deprimere, firmare possis, prout libuerit, aut opus fuerit. Vocetur autem Regula hæc, dioptrica Regula, seu absolute Dioptra.

PRAGMATIA VI.

Pedem Pantometri fabricare.

Pedem Instrumenti ita fabricabis. Ex ligno solido fiat forceps AB, in teretem, aut triangulosam superficiem elaborata: quæ Figur. V.
Iconis. I.
 forceps fissuram in capite deorsum versus habeat, ut cochleolis C, D, à latere immixtis diducti aut constringi possit. Tribus hujus forcipis lateribus, aut punctis æquè inter se distitis, ubi B, tres pedes aculeis ferreis armatos ita accommodabis cochleis, ut instrumentum totum in quamlibet, pro pedum divaricatorum situ, positionem constitui possit. Forcipsis autem cavitati globum ligneum indes, qui & superius, ubi A, foramen quadratum habeat, capax axis sive capuli quadrilateri è centro E quadrati ABCD intra brachia FG, HI, prominentis. Globus autem cum Instrumento in eo firmato, in omnem partem mobilis intra cavitatem forcipis cochleis C, D, è latere appositis firmari poterit. Atque hæc est totius instrumenti, ejusque partium fabrica, quam totam simul unico schemate ob oculos Lectoris ponere hic placuit. Vide Figur. Figur. I.
Iconis. II.
 Iconismi II.

Cautela, pro Pantometri usu necessaria.

CAve, quicumque hoc nostro Instrumento Pantometro uteris, in actu-
li ejus usu, in quo versorii magnetici requiritur directio, ab omni pra-
sentia ferri: imò ab ipso ferri odore, & ab omnibus aliis ferrea aut magne-
tica natura corporibus, cujusmodi sunt lateres ferruginei, calx indurata,
fibula ferrea vestium, & similia: incredibile enim est, quam facile, & quā
subinde enormiter hujusmodi ferrea aut magnetica corpora versorium a
linea sua polari seu meridiana divertant, ac proinde magnorum in opéra-
tione errorum causa esse poterunt, nisi fugiantur.

PARS SECUNDA.

Aliarum rerum ad Kircheriani Pantome-
tri usum necessariarum præparatio, atque ex-
plicatio.

IN Vo præcipuè in hac secunda Parte præstabimus: pri-
mò docebimus modum præparandi Virgam mensori-
am, si ve Decempedam: Secundò trademus nonnulla
de Pede Romano antiquo, ejusque genuina mensura, & de modo
eandem ad exteras Nationes transmittendi.

CAPUT PRIMUM.

*De Funiculo, seu Virga catenavè mensoria, de-
que Decempeda.*

IN plurimis Geometriæ practicæ operationibus, præfertim verò
in Agrimenfioriis, imò in omnibus fere Euthymetricis, Embado-
metricis, Ichnographicis, Gzodeticis, aliisque similibus dimen-
sionibus, necessaria est mensura aliqua longitudinis major, in alias
minores, & in iis Regionibus, in quibus mensuratio fit, usitatas di-
vifa: quā distantiam ab uno ad alterum signum, ab uno ad alte-
rum locum dimetiamur. Videndum igitur hic est, quænam sit hu-
ic negotio apta, quæ inepta, & quomodo præparanda.

Multi

Multi utuntur fune lineo, aut cannabino, in pedes, palmos, cubitos, ulnas, decempedas & c. idiviso. At quoniam funes hujusmodi, cum madefiunt (quod sæpe contingit, dum pluvia inter mensurandum ingruit) contrahuntur, & solito breviores redduntur; Cum vero siccifunt, facillè extenduntur, & ultra naturalem mensuram excreſcunt, ita ut sæpe ſpatio non maiori quàm quatuor aut quinque Decempedarum, unius pedis differentiam inducant, ſeu per exceſſum, ſeu per defectum, (quæ differentia non contemnendum in multiplicationibus errorem inducit;) clarum eſt, huiusmodi funes prædicto negotio minimè aptos eſſe.

Alii igitur, ut ſimiles funes à madore, & à nimia ſiccitate defendant, cerâ durâ illos perfricant, aut liquefactæ intingunt: alii verò oleo perſuſos, ac bene maceratos traducunt per liquefactam ceram ac ſulphur. At licet hac ratione non nihil à madore defendantur, ab extensione tamen, contractioneque, etiam notabili, minimè immunes redduntur, uti experientiâ docuit.

Alii adhibent funes è ſetis equinis contortos, aut ex aliis capillis confectos. At licet hi commodiores ſint prioribus, minusque extendantur, ac contrahantur; non ſunt tamen ab omni errore liberi.

Alii prædictorum funium uni extremitati alligant globum plumbeum duorum, trium, quatuor vè librarum; globum collocant paulò ante ſignum, aut locum, à quo menſurare incipiunt; funem extendunt verſus alterum ſignum, aut locum, eumque eâ moderatione trahunt, donec ſequatur non nihil pondus alligatum. Idem faciunt in ſecundo ſigno, aut loco, verſus tertium; & idem in tertio verſus quartum &c. conanturque in omnibus locis eâdem vitrare funem cum pondere; ſicque putant, funem in omnibus locis & operationibus ſervare eandem extensionem. At quis non videt, quantis erroribus ſit hæc praxis obnoxia? præſertim ſi funis in aliis operationibus ſiccus eſt, in aliis madidus.

Alii funem, ut dictum, oleo ac cerâ oblinunt, eumque antequam operationem incipiant, madefaciunt; & dum ſiccari incipit, iterum humectant, idemque ſæpius repetunt. Sed hi coguntur locis omnibus, & tempore omni, dum prolixas inſtituunt agri-meſſiones, aquas ſecum deferre. Nec tamen obviant erroribus, cum neque ſic extensionem & contractionem funis prohibere queant.

Alii

Alii non fune, sed perticâ utuntur, divisâ in certum pedum numerum. At dum metiuntur, perticam non extendunt per terram, sed positâ prius unâ ipsius extremitate in signo, à quo incipiunt operationem, dum extremitatem alteram versus terram declinant, eâque signum terræ imprimunt, elevant alteram: idem faciunt positâ prius unâ extremitate in hoc secundo signo impresso, idem in sequentibus. Itaque ab uno ad alterum signum non notant spatium æquale perticæ, sed minus; dicuntque, scire se, quantum cuique spatio addendum sit. ut perticæ sit æquale. At ego huic modo minus quàm præcedentibus fidendum censeo: ideoque alium certorem investigo.

Alii igitur, & melius, utuntur perticâ duas decempedas, seu viginti pedes longâ, hac ratione. Iuxta latus mensurandum, in agris & campis, extendunt funem ab uno signo ad alterum, & juxta funem prosternunt perticam, incipiendo à primo signo, notantq; ad ejus extremitatē alterū signum: à quo iterum incipiunt perticam prosternere juxta funem; sicque ad finem usque totius lateris progrediuntur, notantes interim diligenter numerum perticarum. Idem faciunt in aliis lateribus dimetiendis. Habet tamen huiusmodi pertica hoc incommodi, quod non ita facilis est ad portandum, nec ita commodè adhiberi potest in locis non planis. Ideo

Alii loco perticæ catenam usurpant ex filis seu virgis ferreis compositam, atque in decempedas distinctam. Quæ quidem virgæ annulis inter sese connectuntur, ut primum Schema fig. VII. Iconisfmi I. monstrat. Quælibet virga inter duorum annulorum centra pedem unum exactè adæquat: omnesque numeros suos habent adjunctos, ut faciliè numerari possint. In utraque autem catenæ totius extremitate annuli sunt majores, ut commodè manu teneri possint, & catena extendi. Mensor itaque antequam dimensionem inchoet, juxta lineam visualem ab uno ad alterum determinatum signum disponit arundines seu baculos perpendiculariter erectos; deinde in primo signo, in quo dimensionem incipit, humi defigit, si potest, bacillum breviculum, eique annectit primum catenæ annulum majorem & juxta arundines dispositas extendit catenam, ultimoque ipsius annulo majori immittit aliū bacillum breviculum, cumque terræ infigit: tunc ipse, aut alius

Fig. VII.
Iconisfmi I.

alius administer priorem bacillum refigit humo, alterique bacillo adhuc annexam catenam extendit iterum secundum arundines dispositas, & operatur ut antea; sicque procedit ad finem usque, notando interim benè numerum catenarum integrarum, atque virgarum ferrearum, hoc est, decempedarum ac pedum.

Illustri Dominus Carolus viginti millia, Eques Panormitanus, omni scientiarum genere excultus, & in Mathematicis, Geometria præsertim practica, exercitatissimus, in dimensione Sicilia, quam bis Hispaniarum Regis jussu summâ curâ peregit, dum inibi degerem, & jam luci publicæ parat, utebatur simili catenâ, non ex ferreis, sed ligneis virgis compositâ, quarum quælibet quinque pedes habebat in longitudine, & omnes ferreis annulis erant inter se connexæ, numero decem; unde & faciliè complicari, & sine incommodo magno circumferri, in fascem colligatæ, poterant, & summâ etiam facilitate explicari atque extendi, ut non semel ipsemet sum expertus apud ipsum. Inspice secundum schema Fig. VII. Iconismi I.

Hæc pro agrorum atque camporum dimensionibus, aliorumque spatiorum longiorum. Pro aliarum rerum non ita longarum dimensionibus non incommodum est instrumentum, quo communiter utuntur Architecti, Arcularii, similesque Artifices Romani, & repræsentat schema tertium dictæ Fig. VII. Bacilli sunt complures prismatici, seu parallelepipedi A B, B C, C D, &c. singuli longi pedem dimidium ab A ad foramen B, & à foramine B ad foramen C, & à foramine C ad aliud foramen, aut ad finem D. Hi in B, & in C &c. superponuntur sibi invicem, & per foramina correspondentia adigitur claviculus teres utrimque repandus, circa quem converti possunt bacilli, & complicari inter se, ac sine incommodo circumferri, atque extendi pro libitu.

Alii segmenta chartæ pergamenæ longa ac stricta in funiculum confluunt ad instar prædictæ figuræ, eaque dividunt in pedes, aut palmos, alia sive minutiores mensuras. Deinde funiculum circumplicant cylindrulo utrimque chalybeis & acuminatis apicibus veluti polis armato, & ita complicatum funiculum includunt capsulæ rotundæ, ac per centrum tam fundi quàm operculi capsulæ adigunt polos chalybeos & acuminatos cylindruli A B, ita ut cylindrus intra dicta centra circumvolvi possit. De-

B

mum

Fig. VIII.
Iconismi I.

mun in latere capsulæ rimam E excindunt, & per eam chartæcum è pergamento funiculum exsertum extrahunt ad longitudinem desideratam; factâque dimensione contorquent in gyrum cylindrum ad unco manubriolo A G axis extremitati A per capsulæ operculum transeuntî annexo, sicque introtrahunt funiculum. Sed apposita figurâ VIII. Icon. 1. rem meliùs ob oculos ponet.

Veteres Romani virgas seu perticas menforias, quibus utebantur, in decem dividebant pedes, easque propterea decempedas appellabant. Hoc tempore diversæ nationes diversimodè suas dividunt perticas, nimirum aliquæ in pedes 10, aliæ in 12, aliæ in 14, aliæ in 16, aliæ in alium numerum. Expediret tamen, ut omnes uterentur decempedâ, ob facilitatem arithmeticarum operationum, præsertim multiplicationis, suppositâ prædictâ divisione in decem partes, ut dicemus lib. 3.

CAPUT SECUNDUM.

*De Pedis Romani antiqui genuina mensura, à
Villalpando tradita.*

OMnes ferè Nationes, Inter cæteras intervallorum mensuras, utuntur Pede, eumque in minutiores particulas, puta palmos, pollices, digitos, uncias, aliasvè similes dispescunt; extendunt in majores, nempe cubitos, passus, decempedas, perticas, stadia, milliaria, alias. At tanta est apud diversas nationes pedis varietas, quanta linguarum, & fortasse etiam major; vixque una natio cum altera convenit; Imò nè civitas quidem una cum altera civitate. Eademque est de cæteris mensuris pede minoribus aut majoribus, ab ipso tamen dependentibus, ratio. Et tamen maximopere expediret, ut scriptores diversarum Regionum, qui suis in Libris quoquo modo de mensuris agunt, aut mensuras usurpant, vel usurpare præcipiunt, in pedis saltem mensura, qua omnes ferè Nationes uti diximus, convenirent, utpote à qua cæteræ dependent. Ex omnibus igitur omnium nationum pedibus unus eligendus esset, & in exemplum omnibus proponendus, ad quem cæterarum gentium pedes compararentur, accommodarenturque. Quod quidem facere conati sunt non pauci: sed alii omni-

omnibus præferunt Rhynlandicum apud Leydenſes in Hollandia uſitatum, ut Willebrordus Snellius in ſuo Eratoſthene Batavo; alii Bononienſem recentioreſ, ut P. Joannes Baptiſta Ricciolus in ſuo eruditiffimo Almageſto Novo; alii Viennenſem, ut Amuſſis Ferdinandeæ; alii Pariſienſem, ut Marinus Merſennus in Libro de menſuris, Ponderibus, ac Nummis, alibique paſſim; alii alios. Ego ex omnibus jure meritiffimo eligendum puto Pedem Romanum antiquum, illum videlicet, qui ſub Auguſto & Veſpaſiano Imperatoribus uſitatus erat, utpote qui olim communis vel erat, vel eſſe debebat (ut conſtabit ex dicendis) toti Romano Imperio: præſertim cum alii etiam graviffimi Auctores illo utantur, aut certè uti ſe autument, eumque aliis In exemplum proponant, Hujus igitur Romani Pedis antiqui menſura vera & genuina cum mihi certiffimè & indubitanter conſtet, de eo non nihil hic diſſerendum cenſui, oſtendendumque, quis, & quantus ſit, & qua ratione certò inventus; addendumque deinde, qua arte ipſius menſuram genuinam aliæ etiam nationes indagare, invenireque certiffimò poſſint: Utrumque enim tam gratum, quàm utile futurum exiſtimo ſtudioſo Lectori, totique Reipublicæ Literariæ. Primum præſtabimus hoc atque ſequenti Capite, poſterius Capite quarto.

Multi multùm laborarunt, ut veram Romani Pedis antiqui menſuram, aut in Scriptorum veterum monumentis repertam, aut ex Urbis ruderibus erutam aſſequerentur, ac poſteritati tranſmitterent, at pauci ſcopum attigerunt. Alii enim deſideratam menſuram nunquam attigerunt; alii verò poſtquàm alieno labore illam obtinuiſſent, nescio quo errore longe ab illa diverſam aliis vendiderunt. Omnium feliciffimè in hoc negotio operam ſuam collocarunt, ſub finem ſuperioris ſæculi, viri doctiffimi ac diligentiffimi è noſtra Societate P. Joannes Baptiſta Villalpandus, & P. Chriſtophorus Grünbergerus, Hiſpanus ille, iſte Germanus, & in Romano noſtro Collegio tunc Mathematicæ Profeſſor. Eruerunt enim certiffimam, ac prorsus genuinam dicti pedis menſuram è Congio Farnefiano, cujus Archetypum etiam num in Farnefiani Palatii Gazophilacio ſuperſtes ſpectavi ſæpius ſummâ animi voluptate; ectypum verò, ab ipſomet Villalpando extractum è Farnefiano, & incredibili accurarione elaboratum,

in celeberrimo R. P. Athanasii Kircheri Museo asservamus. Ut verò rem totam, Reipublicæ Literariæ adeo utilem, intelligas penitus; ex eodem Villalpando Tomo III. Appar. par. 2. lib. 2. cap. 11. & lib. 3. cap. 25. narrandam censui; quæ ita se habet.

Audierat Villalpandus, Congium antiquum metallicum mensuræ exactissimæ pondo decem, olim à Cæsare Vespasiano, & Tito ejus Filio, in Capitolio Romano positum, velut normam omnium Romani Imperii mensurarum ac ponderum, asservari in ditissimo antiquarum rerum promptuario Eminentissimi Domini Odoardi Cardinalis Farnesii. Sciebat etiam, ante non multos annos Lucam Poetum, ingeniosum virum ac solertem, prædictum Congium examinasse, mensurasse, ponderasse, ut inde certi aliquid de antiquis Romanorum mensuris ac ponderibus erueret, quippe qui sciebat, Congium Romanum aquâ plenum pendisse olim decem libras Romanas. At cum veritatem quæsitam inde Poetus non fuisset assecutus, desideravit vehementer Villalpandus eundem Congium inspicere, examinareque, si forte certius quid inde elicere posset. Cum igitur Cardinali prædicto significasset desiderium, quo tenebatur, videndi, pariterque mensurâ ac pondere examinandi antiquum illum suum Congium; is, tum propter innatum studium quo bonarum artium tenebatur, tum vel maximè propter singularem animi benevolentiam, qua Ordinem nostrum prosequeretur, annuit; addiditque se velle experimentum coram spectare, atque auctoritate suâ ab omni falsitatis & deceptionis suspitione tueri. Igitur statuto die, qui fuit tertio Nonas Martij anni 1598, horâ quoque statutâ, cum justissimam bilancem, quam attulerat Villalpandus, fune appendisset ex unco ferreo, qui in media fenestra pendeat, variæque pondera, alia majora, alia minora attulisset, ex durissimis faxis, in eadem bilance examinata; allatus fuit ipsi Congius, à Luca Poeto olim examinatus. Erat is ex Orichalco ductili; ejusque inscriptio, lineæ, ac signa omnia ita erant (& etiamnum sunt) integra, ac perspicua, ac si tunc diductus, efformatusque fuisset. *De ejus tamen antiquitate nullus aut dubitavit, aut dubitare meritis poterit*, inquit Villalpandus. Habebat rimulas quasdam tenuissimas; quas rubrâ cerâ obtaravere prædicti Patres, ut aquam infusam fideliter retineret. Vasis forma erat duplicis decurtati coni, basibus

annexis: quam exhibet exactissimè æri incisam atque impressam Villalpandus loco cit. cap. 25. inter pag. 500, & 503. Colli summum orificium mensuræ terminus erat: cujus quasi custodia erat labrum superimpositum, ut præter alios usus liquorem infusum cohiberet, nè efflueret, & deperderetur, nè mensurantis manus inficeret. Inscriptionem exteriori dorso incisam characteribus majusculis hanc habebat.

IMP. CÆSARE
 VESPAS. VI.
 T. CÆS. AUG. F. III^{CO}.
 MENSURÆ
 EXACTÆ. IN
 CAPITOLIO
 P. X:

ADerat, dum P. Villalpando afferebatur Congius, Eminentiſſimus Cardinalis: & Nobilis vir Petrus Albertinius Juris utriusque Doctor, ejusque publicus Professor in Alma hujus Urbis Academia, ejusdem Cardinalis familiaris; aliique ex eadem familia aliquot viri Nobiles pariter, atque ingeniosi. Aderat & Pater Christophorus Grünbergerus, ut supra dicebam, publicus Collegii nostri Romani Mathematicarum disciplinarum Professor, mirâque cùm in Mathesi universa, tum in sumendis experimentis solertiâ præditus: quem proinde socium sibi adsciverat Villalpandus, vel potius eorum omnium, quæ peragenda forent, experimentorum effectorem, & judicem. Ministrabant ipsis ad nutum, Cardinalis jussu, adstantes ejusdem famuli. Igitur primum vas illud antiquum æneum aquâ benè dilutum fuit, nè quid postea aquæ ponderandæ suâ imbiberet siccitate. Lotum, atque exinanitum, in altera pendentis libræ lance erectum constituerunt: in altera verò lance pondera temperaverunt, inani vasi æquiponderantia. Mox eidem lanci, in qua erant pondera, lapidem unum imposuerunt decem æquas libras pendentem. Attulerant & ampullam vitream, in qua sæpius appenderant aquæ pu-

rae uncias viginti, (quæ sunt Sextarii mensura, & Congii pars sexta) assignaverantque extrinsecus in angustiori collo ejusmodi aquæ terminum. Et quoniam Congii denæ libræ (quas Congium capere diximus) uncias viginti supra centum complectuntur, quarum sexta pars sunt uncia viginti; ideo rogati constanter assererebant, ampullam illam ad usque prædictum colli signum plenam, sexies effusam, totum illud magnum vas expleturam. Quod quamvis admirationi ferè omnibus, qui tunc aderant, fuit; rem totam brevissimo experimento mox secuturo confirmandam testabantur. Allata est igitur continuò è limpidissimâ cisternâ aqua purissima. Quinquies ampullam in vas illud magnum effuderat Pater Grünbergerus, & bonam sextæ partem, cum adhuc vas elevatum, sidente pondere, manebat: tantâque omnes expectatione, ac sollicitudine tenebantur, ut vehementer etiam ipse P. Grünbergerus dubitare inceperit. Nec tamen propterea paulatim aquam infundere desistebat. Mirum dictû: effusâ tandem ampullâ, vas usque ad colli terminum ex æquo plenum, pondera simul elevata, libræque examen ita in medio fixum stetit, ut non mobilis libra videretur, sed fixa & permanens; atque ita permansit, donec cominus omnes accedentes, oculati possent esse testes justæ librationis vasis ex æquo pleni, ita tamen, ut aqua madefaceret potius quàm operiret latiore partem à labro superimposito efformatam. Verùm quò omnes certiores magis multò redderentur, non defuit adstantium unus, qui numerum infusarum aquæ ampullarum in dubium revocaret. Quare Congium in argenteum magnum guttum paulatim profundere cæperunt, nè quidquam aquæ efflueret, atque eo deinde ampullam impleverunt, & in argenteam concham sexies, omnibus pariter numerantibus, effuderunt. Quo factum est, ut eadem aqua, Congii mensuræ, sextariorum numero, ac decem librarum ponderi, omnium probante judicio, ex æquo respondere probaretur.

Supererat tamen aliud experimentum, quo non minùs tunc indigere se arbitrabatur Villalpandus, quàm reliquis (nondum enim illas omnes mathematicas rationes, quas postea citato supra tomo 3. lib. 1. explicavit fusè, doctèque, excogitaverat) cubicum inane ligneum vas è cupressinis tabulis, ac nuceis, è semipede Ro-

mano

mano antiquo, quem perlectis plurium Scriptorum sententiis se-
legerat tanquam legitimum, suis permotus rationibus, confecerat,
secumque attulerat. Quod quidem vas ita oleo, coloribus-
que quibus pictores utuntur, obtniverat, ut aquam continere fa-
cile posset; effundere, aut imbibere nullâ ratione posset. Hoc i-
gitur vas aquam illam, quam mensurâ, pondereque examinave-
rant Villalpandus & Grunbergerus, ex æquo capere testabantur.
Id quod tamen minùs verisimile adstantibus videbatur: nam latè
patens in argenteâ conchâ limpida illa aqua tanta erat, ut ligne-
um illud vas bis expletura videretur. Verùm ita illud exactè com-
plevit, ut nè una quidem aquæ gutta vel addi, vel detrahi posse ad
justam cubi mensuram judicaretur. Quapropter mens atque a-
nimus Villalpandi & Grünbergeri ejusmodi experimentis ita
conquievit, ut non amplius in dubium revocarint, aquam, cujus
Congius ille capax erat, pondere lapidi decem librarum, quem
lanci alteri antea, præter lapides vasi æquiponderantes, impo-
suerant, æqualem esse; & semipedem illum, quem ad constru-
endum prædictum cubicum vas adhibuerant, esse similiter genui-
num semipedem Romanum antiquum; & tandem Congii Far-
nesiani prædicti altitudinem ab interiori fundo ad summum la-
brum, ejusdem Romani antiqui pedis integri longitudinem ex-
actissimam exhibere.

Hactenus de Congio Farnesiâno: cujus cum Villalpandus
dimensiones omnes, omniaque signa diligentius notasset, & ca-
pacitatem; alium Congium materiâ, formâ, magnitudine, ac ca-
pacitate similem formari curavit, quem à Patre Grünbergero si-
bi traditum asservat in Museo suo, ut supra innui, P. Athanasius
Kircherus. Diu quæsierat Villalpandus Romæ artificem, qui
metallum, Farnesiâni Congii materiâ, deducere posset, aut vel-
let, utpote quod malleo vix cedat, quin frangatur. Tandem ta-
men incidit in alienigenam, qui id præstitit. Fateor tamen, no-
strum Congium Farnesiâno longè inferiorem esse, si vasis nito-
rem, & æris diducti æqualitatem consideres, quamvis quoad for-
mam, altitudinem, capacitatem, ab illo nè hilum differat. Ab-
solverat præne alienigena prædictus Congium inchoatum in ædi-
bus suis, adstante, ac opus dirigente Villalpando, cum casu illac
pertransiit vir quidam ipsi tunc ignotus, qui simile quoddam vas
inter

inter pretiosa maximi cujusdam Principis, tanquam minùs pretiosum asservare se aiebat. Cujus videndi cùm facultatem petisset Villalpandus, liberaliter & videndi, & apud se habendi diebus non paucis permisit, eâ lege, ut nè cui manifestaret, à quo, aut apud quem vas illud vidisset. Credidit vix potest, ac nè cogitari quidem, ipsomet Villalpando teste, quantâ perfusus sit lætitiâ, ejusmodi vase perspecto; quòd cogitaret, plurium testium auctoritate rem scitu jucundam pariter, ac necessariam magis ac magis confirmari. Erat hoc fusile ex ære, quod vulgò dicitur *bronze*, exterius affabrè elaboratum, sed altera ex parte exesum, atque instauratum, ita ut resossum fuisse videretur ex antiquorum ædificiorum ruinis. Sed, ut semper animus contraria iis, quæ desiderat, suspicatur, dubitare mox cœpit, num recens factum ad imitationem Farnesiani vas illud fuisset, præsertim cùm facile modò plures ipsi occurrerent, quibus illa omnia, quæ videbat, antiquitatis argumenta, ementita esse à solerti artifice potuissent. Cœpit anceps animus in novo Congio rimari mensuras omnes, atque artificiosas illas observationes, quas in antiquo illo admirabatur; atque ita ad amussim omnia respondere comperit, ut nullâ ratione persuadere sibi potuerit, ea omnia ab aliquo artifice observari potuisse, cui nota omninò non essent. Mihi hunc Congium videre non contigit: Farnesianus autem, ac noster cùm mihi cogniti sint, ac de illius antiquitate, hujusque cum illo conformitate dubium nullum habeam, credamque firmissimè (quod & alii viri doctissimi faciunt, quos paulò pòst adducam) utriusque altitudinem Romani Pedis antiqui mensuram exactam referre; cognita etiam mihi erit certissimò ejusdem Pedis genuina mensura; quod principio asserebam.

CAPUT TERTIUM.

Grünbergeri, & Ghetaldi judicium de Pede Romano antiquo, à Villalpando prodito.

REperi Romæ inter Patris Christophori Grünbergeri Manuscripta chartam, in qua notatâ est linea recta, æqualis dimidio pedi Romano antiquo, de quo agimus, cum adjuncta Nota,
manu

manu propriâ dicti Patris exarata, cujus hæc est Epigraphe. *Dimidium Pedis Romani antiqui, quem suo in Apparatu Urbis ac Templi dedit Villalpandus, confirmavitque Marinus Gethaldus in suo Archimede redivivo.* Subjungit deinde sequentia verba. *Hic quantum differat à Rinlandico, videat Eratosthenes Batavus: neque enim differentia tantilla est, ut debeat cursim præteriri. Tantum veracè, quantum hic describitur, sic persuasum habeo, ut alium admittere nefas putem. Præfens fui ipse, ipseque dimensus sum Congium illum Farnesianum, Romanum è ruderibus erutum, quem olim in Capitolio reposuerat T. Vespasianus, ut inscriptio indicat, quæ ita se habet.* Hic adjungit Grünbergerus inscriptionem illam, quam in Capite præcedenti adduximus. Deinde prosequitur in hunc modum. *Hic Congius aquæ cisterna plenus cum à nobis trutinâ quàm accuratissimè examinaretur, deprehensus est aquare decem libras, quas non minori diligentia ex semuncia Hispanica, quâ ibidem Aurifices uti solent, confecimus, quamque proculdubio usurpare antiqui. Nisi forte Congius nobis oblatu adulteratus fuit, non verus. Congii figuram videre est apud Villalpandum. Quæ si cubica fuisset, ipso suo latere semipedem expressisset: sed constitit duabus portionibus conicis. Quare cubus nobis fabricandus fuit decem librarum aqua, hoc est, pars amphoræ octavæ, cujus latus esse pedem Romanum antiquum, certissimum est. Sed Geometra difficile non fuit, vel ex paucis uncis aqua eundem pedem eruere; id quod etiam præstitimus, ut prius inventum pluribus approbaremus. Gethaldus eundem eruit ex cylindro stanneo, quem ponderavit intra & extra aquam; neque alium invenit, quàm nos. Hactenus Grünbergerus.*

Gethaldi locus à Grünbergero citatus est in Archimede promoto pag. 34 & 35. ubi dimidii Pedis Romani antiqui mensuram typis impressam invenies, sed justò minorem, ob causam Capite sequenti dicendam; quam proinde Grünbergerus correxit in exemplari, quo ego Romæ utebar, additâ unâ parte illarum, quarum linea ibidem expressa est 14 4.

In Museo suprâ nominato P. Athanasii Kircheri spectatur vas cubicum, ex lapideis tabulis nigris à Villalpando compactum, cujus exteriori lateri uni incisa est ab ipso met Grünbergero prædicti semipedis Romani antiqui ab ipso in charta notati mensura; latera verò interiora omnia, uti & fundum, eandem mensuram exactissimè exhibent. In eodem Museo Amphoram asservamus,

exiſſem lapideis tabulis à Villalpando compactam, cujus ſingula interna latera, unà cum fundo, æqualia ſunt ad amuſſim gemino ſemipedi à Grünbergero notato, & Congii Farnefiani, noſtrique, altitudini.

Chartam antea citatam fideliter transcriptam, & ſemipedis meſuram accuratiſſimè ex autographo delineatam, Bononiam olim miſit P. Athanaſius Kircherus ad P. Joannem Baptiſtam Ricciolum, ut Kircherus mihi aſſeruit, & fatetur ipſemet Ricciolus in ſuo Almageſto Novo lib. 2. cap. 7. ubi ait, eum ex multis Romanis pedibus antiquis, quibus paſſus, & milliaria Italica conſtabant, eligendum eſſe. Apponit ibidem Ricciolus lineam in ſex partes diviſam, aitque illam eſſe veram longitudinem ſemipedis Romani antiqui prædicti à Kirchero ſibi tranſmiſſi. Sed mirum quantum ab illo diſcrepat, eumque longè excedit: continet enim linea apud Ricciolum notata partes 163, qualium Grünbergeriana continet 157. Ingens ſanè error; qui cum vel in paucos propagatus pedes intolerabilem inducat differentiam, quid efficiet multiplicatus in milliaria, ac Terræ, cælorumque Diametros, ac Peripherias? Juſtam autem à P. Kirchero meſuram fuiſſe Bononiam tranſmiſſam, præterquàm quòd id ſanctè aſſermet idem Kircherus, teſtantur prædictæ Grünbergerianæ lineæ extrema puncta aciculâ perforata; impoſuit enim Kircherus chartam tranſmiſſam chartæ Grünbergeri, & acu lineam notatam perforavit in extremis punctis. Eſt prædicta linea à P. Ricciolo notata, omnino æqualis ſemipedi Rhyndandico apud Willebrordum Snellium in ſuo Eratoſthene Batavo lib. 2. notato: unde ſuſpico, Ricciolum, aut alium cujus id curæ commiſſum, incifori per errorem tradidiſſe Rhyndandicum pedem pro Villalpandico à P. Kirchero tranſmiſſo.

CAPUT QUARTUM.

De Pede Romano antiquo, ab aliis Auctoꝝibus prodito; & de pede Capitolino.

Guilhelmus Philander, accuratus Vitruvii Scholiaſtes, Commentario in Caput 3. libri 3. Vitruvii, exhibet Semipedem
Ro-

Romanum antiquum in duas divisum partes, atque se illum eruisse ex antiquo marmore, quod est in hortis Angeli Colotii Roma. Addit, se eum cæteris, qui circumferuntur, prætulisse, quod conveniret cum eo, quem sculptum invenit in marmoreo epitaphio T. Statilii Vol. Apr. mensoris adificiorum, quod operâ Jacobi Meleghini, summi Pontificis Architecti, ex Ianiculo non ita pridem resossum, in Vaticanum horum translatus est. Eundem Colotianum pedem exhibent Georgius Agricola lib. de restituendis ponderibus, Lucas Poetus lib. de antiq. liquid. & aridor. ponderibus, & Stanislaus Græpsius in Epitome Budæi. Omnes hos pedes, vel potius eundem à diversis expressum, circino expendit diligentissimè Villalpandus, & nullum reperit alteri æqualem, ut ipsemet fatetur to. 3. Apparatus parte 2. lib. 3. cap. 25.

Causa sine dubio est. quia non eodem tempore, nec in ejusdem rationis charta fuit impressus; vel potius, quia non omnes desumpserunt illum ex archetypo, sed ex aliorum libris impressis. Certissimum enim est, & longâ experientiâ comprobatur, chartam prælo subjectam non reddere fideliter eandem mensuram linearum, quæ ipsi commissa fuerat. Cùm enim charta, antequam prælo committatur, madefiat prius; necesse est, ut dum typum patitur, ipsâ pressurâ, & humore quem antea imbiberat; non nihil extendatur, & seipsâ fiat amplior; dum verò deinde siccat, iterum contrahatur, & simul linearum mensuras quas receperat, iusto exhibeat minores. Quantum verò deficient lineæ à suo prototypo postimpressionem, non potest certò statui. Willebrordus Snellius lib. 2. Eratosthenis Batavi cap. 1. pag. 124. ait, se didicisse à diligentibus & peritis typographis, partem sexagesimam typorum & formarum longitudini decedere; imò & quinquagesimam, si charta tenuior sit, & minus firma. Idem Snellius addit in fine Operis, cùm charta omnis ætate melior, hoc est, spissior evadat, necesse esse, eam semper magis in se contrahi, & linearum quantitatem semper fieri minorem. P. Ricciolus cap. 7. lib. 2. Almagesti ait, se Bononiæ deprehendisse, chartas, sicut firmiores, cylindræo tamen prælo circumvoluto subactas, non ita decrescere, & contrahi ostendit siccationem (parte scilicet sexagesimâ, uti ex Snellio retulerat) sed tantummodò quinquagesimâ sui parte in longitudinem. Volebat, credo, dicere, decrescere plus quàm sexagesimâ parte;

quingagesima enim major est, quàm sexagesima. Ego diversas lineas, tum ligno, tum æri incisas, & in diversâ bonitatis, spissitudinis, tenuitatis chartis, temporibus diversis, ab eodem & diversis typographis atque chalcographis Romæ impressas examinavi diligentissimè; nec unquam unius, sed diversi semper modi defectum reperi, inter quingagesimam tamen ac sexagesimam ferè partem consistentem.

Unde colligo, non posse certò determinari, quantum deficiant typi à prototypis, cùm id dependeat à chartæ diversitate, majori vel minori madefactione, lentâ aut violentâ exsiccatione, temporis post impressionem elapsi diuturnitate, majori vel minori chartæ, dum libri compinguntur, tunsione, & similibus.

Colligo ulterius, quàm fallax sit Snellii discursus, volentis Rhyndanicum pedem esse eundem cum Colotiano, à Philandro allato, atque adeo cum Romano antiquo. Sic autem discurret loco suprâ citato cap. 2. *verùm cùm, ut dixi, charta archetypi magnitudinem non reddat, & is Philandri Commentarius initio seorsim Romæ formâ ostendit, ut vocant, editus sit anno 1544; iterum Lugduni ab ipso Philandro simul cum Vitruvio in quarto, anno 1552; denique ibidem anno 1586: si primam omnium & Romanam editionem sequarè, deprehendes Romanum antiquum, quem in duabus columnis se invenisse Philander testatur, equari partibus 984, quantarum Rhyndanicò sunt mille. Atqui cùm forma chartæ impressa sexagesimam partem ab archetypo suo deducat, sexagesima autem pars 984, sinit, 16; ea addita constant veram archetypi pedis magnitudinem partium 1000 pro pede Romano. Unde efficitur, pedem Rhyndanicum Romano axatè æqualem esse. Quin idem ex novissima editione anni 1586, eadem viâ efficies. Ex isto enim semipede, totius pedis Romani quantitatem deprehendes partium 942, quantarum Rhyndanicus 1000. Atqui cùm hic typus non sit ex archetypo priore expressus, verum mensura ista sculpta ex pede chartaceo anni 1552; sequitur si ad 942 adiciam partem sexagesimam 16, effici 958, longitudinem pedis, quanta erat in editione anni 1552. Atqui ille quoque sexagesimâ parte à suo typo deficit, qui erat sumptus ex pede chartaceo editionis Romanæ; huic igitur quoque 16 si addantur, dabitur pes Romana editionis 974, quem antea ex ipsa Romana editione protulimus partium 984. Ut planè appareat, vitium discrepantiæ ex iterata typorum sculptura factum, & semper 20, aut si charta tenuior sit, & minùs firma, 20*

omnis typi longitudini decedere. Ut nunc causa satis manifesta appareat, cur tam diversa pedum omnium magnitudo circumferatur. Hæc Snellius loco cit. ubi etiam ex ruderibus arcis cujusdam Romanorum vetustæ prope pagum Cattorum haud procul à Lugduno Batavorum superstitibus probat, pedem Rhynlandicum congruere pedi Romano antiquo. Arcus ipsius fundamenta, inquit, quadratâ sunt formâ, & quæquæ versum ducentis quadraginta Rhynlandicis pedibus patent. ut vel hinc Romanam mensuræ vestigia quàm planissimè agnoscas; nam ipsius podismus duorum Romanorum jugerum magnitudinem complectitur. Iuger enim mensuram ducentos & quadraginta longitudinis pedes esse, non est ferè quisquam qui ignoret.

Multipliciter hic peccat Snellius. Primò, quòd existimet, ferè semper sexagesimam partem lineis decedere, dum typum patiuntur; quod tamen incertum est, ut vidimus paulò antè. Secundò, quòd asserat, 16 esse partem sexagesimam numeri 984, cum tamen factâ divisione hujus numeri per 60, remaneant 24. Tertiò, quòd æstimet, secundam Philandri editionem esse Lugdunensem anni 1552, cum tamen in Bibliotheca nostra Collegii Romani habeamus editionem Basileentem anni 1550, cui adjunctus est Frontinus de Aquæductibus Romanis, & Dialogus Nicolai Cusani de Experimentis Staticis. Quartò, quòd supponat, pedis mensuram pro editione prima Lugdunensi desumptam fuisse ex prima editione Romana, & ejusdem pedis mensuram pro secunda editione Lugdunensi desumptam fuisse ex prima Lugdunensi; cum tamen omnia ea sint incerta, & gratis omnino asserantur. Quintò, quòd calculo utatur vitioso; ait enim, pedem Colotianum in prima Philandri editione fuisse partium 984, in secunda 958, in tertia 942. Atqui inter 984, & 958, intercedunt 26, non 16; plus ergo quàm parte sexagesimâ defecerat in secunda editione. Si dicat, in secunda editione defecisse parte quinquagesimâ, eò quòd charta non fuerit ita bona & firma; divinat. Taceo alia contra Snellium argumenta.

Rhynlandicus ergo pes non est æqualis Romano antiquo, quandoquidem Colotiano æqualis non est, & multò minùs Villalpandico.

Esse tamen Colotianum archetypum Villalpandico æqualem, hanc habeo conjecturam, vel si mavis, probabilitatem, ac

ferè dixerim evidentiam. Edita sunt Romæ anno 1608 opuscula Petri Ciaconii Toletani, viri in omni antiquitate eruditissimi, de Ponderibus, Mensuris, & Nummis. Hisce opusculis addita est in fine Nota de Pede Romano antiquo cum hac Epigraphæ. *DE PEDE ROMANO ex Latini Latini observationibus.* Cui epigraphi subiiciuntur hæc verba. *Ut mensurarum Romanarum rationem certam, itemque ponderum habere possimus, Romani pedis vera mensura tenenda est. Nam ex quadrato pede vas excitatum, quod Quadrantal vel Amphoram Romani vocabant, octoginta pondo aqua vel vini capiebat: ex quo & Romana libra pondus, & inanis quantitas ad metiendam tam liquida, quam arida colligitur: quin & Modius, & Congius, & Sextarius, & totus minorum mensurarum census & ordo ex eo unico certo principio, & non aliunde, haberi potest.* Superioribus autem annis Ant. Augustinus, qui postmodum fuit Archiepiscopus Tarraconensis, Ioannes Baptista Sighicellus Episcopus Faventinus, P. Octavius Pacatus, Achilles Massæus, Achilles Statius, Benedictus Ægius, Fulvius Ursinus, Latinus Latinus, cum veram pedis Romani quantitatem statuerent, plures ejusdem pedis mensuras simul contulerunt, & earum octo cum antiquissima dicti pedis forma, qua in basi quadam in Hortis Vaticanis extat, ad amissim convenire videntes, ex hoc pede quadrato vas confecerunt, quod etiam nunc octoginta aque vel vini libras, quibus publicè signatis Civitas utitur, omnino capere invenerunt, & cum octo Congiis antiquis ita congruere, ut neque minus quidquam, neque amplius inter utraque esset. Quo experimento evidentissimè cognoverunt, & libras nostri temporis cum antiquis Romanis esse easdem, cum congiis antiqui vas sub Vespasiano Imperatore signatum decem libras contineret, quot etiam nostri temporis libras capit; & hunc esse justum pedem Romanum, cum ex ejus modulo perfectum Quadrantal octoginta libras contineat, qua cum congiis antiqui libris ad momentum respondent. Hæc apud Ciaconium. Quæ egregiè conveniunt cum illis, quæ supra ex Villalpando retulimus; probantque, Colotianum pedem à Villalpandico minimè discrepare, si de archetypo sermo sit: nam cur idem Colotianus typis expressus non congruat Villalpandico, patet ex dictis hoc eodem capite. Archetypum Colotiani pedis, quod ex Philandro, & Ciaconii fragmento didicimus extare in Hortis Vaticanis, reperire quidem hæcenus non potui, non tamen spem omnem ejusdem reperiendi deposui; ubi invenero,

cer.

certius de illo iudicium formabo, & Litterariæ Reipublicæ communicare non gravabor.

In atrio brachii dextri (ascendentibus) Capitoli Romani spectatur lapis marmoreus candidus, muro insertus, in quo variæ Romanorum mensuræ sunt incisæ: quas inter est etiam pes Romanus antiquus, in quatuor palmos similiter antiquos divisus. Lapis, & incisio apparet valde recens, nec murus cui insertus est lapis, est admodum antiquus. Quæ causa fortassis est, cur nec Villalpandus, nec Ciaconius, multòque minùs Philander, aut aliî suprâ citati, mentionem istius pedis fecerint. Contuli illum cum Villalpandico, & reperi non parum ab eo discrepare: continet enim partes 308, qualium Villalpandicus continet 314. Convenit tamen exactissimè cum Colotiano, quem lapis excudit Petrus Ciaconius loco citato in fragmento. Unde suspicor, ex eodem Ciaconio fuisse desumptam illius mensuram ab Architecto, aut alio, qui operi præfuit, ignaro lineas typo excusas deficere à legitima & genuina mensura. Sed quidquid de hac resit, interim confirmor in opinione mea, Colotianum pedem, cujus Ciaconius meminit, æqualem esse Villalpandico: *sic enim Ciaconiano* typis excuso adjeceris partem sexagesimam, aut paulò plùs (nempe 6, pars enim sexagesima numeri 314, sunt $5\frac{1}{5}$) invenes mensuram pedis Villalpandici, id est, Romani antiqui genuini.

CAPVT QVINTVM.

*De modo transmittendi ad externos genuinam antiqui
pedis Romani mensuram.*

Difficillimum est, ac pænè desperatum negotium, legitimam pedis Romani (aut alterius cuiusvis mensuræ) quantitatem ad externos, quibus ipsum prototypum ostendi non potest, transmittere. Et quidem fieri id nullâ ratione posse typis committendo prædicti pedis mensuram, jam constat ex dictis cap. præcedente, quòd deficiat ea à prototypo suo, nec unius modi defectu, sed nunc majori, nunc minori. Alia ergo tentanda est via ad id perficiendum. Unam, aut alteram ab aliis præscriptam in sinuabo breviter; deinde quid ego sentiam, aperiam.

Ex Vålalpando constat, ut vidimus Capite 1. & ex Grünbergero, ut vidimus cap. 3. & ex Ciaconio, ut cap. præcedenti patuit, si fiat vas cubicum, capiens præcisè libras decem aquæ, aut vini; cubi illius altitudinem fore æqualem semipedi Romano, & Vespasiani Congio, & Colotiano è marmore desumpto. Si verò fiat vas cubicum octoginta librarum capax, hoc est: Amphora; æquabit ejusmodi vasis altitudo pedem prædictum integrum. Hanc ergo rationem præscribunt aliqui exteris, ad pedis Romani mensuram genuinam inveniendam. At quotus quisque est, qui possit, aut velit tantum subire laborem? Subeat tamen quispiam, & utrumlibet vas cubicum præparet exactissimè; quis est qui nesciat, aquas & vina diversorum locorum, imò & ejusdem loci, diversæ esse gravitatis, alia majoris, minoris alia? Demus tamen, ejusdem gravitatis aquam aut vinum ad hujusmodi adhiberi negotium; quid efficies, nisi cognitam habueris & adhibueris libram Romanam antiquam, modernamvè antiquæ (ut prædicti Auctores sentiunt) æqualem? certè hujus libræ pondus legitimum ad exterarum nationes transmittere æquè difficile est, imò longè difficilius, quàm legitimam pedis Romani antiqui mensuram, cum illud aliter quàm dicti pedis mensurâ mediante, fieri vix, autnè vix quidem possit:

Willebrordus igitur Snellius hac relictâ aliam inivit viam. Procuravit diversarum civitatum ac nationum pedes; & Rhylandico pede, quem eundem esse putat cum Romano antiquo, ut vidimus, in mille æquales particulas diviso, comparavit singulos pedes cum hoc, notavitque quot quilibet contineret particulas ex mille, ut sciret quinam, & quantum essent Rhylandico minores, majoresvè. Ut porro hoc idem aliis constaret, pedis Rhylandici mensuram justam, ut putabat, typo commisit. At cum typus eam non reddat fideliter, sed semper minorem, ut vidimus præcedenti capite; impresso jam libro unâ cum pede, iterum examinavit illum, ut sciret quantum à justa mensura defecisset; quem defectum notat in fine libri, dicens, lineam impressam esse unâ ducentessimâ parte minorem justò. In eundem finem comparat aliarum nationum ulnas cum ulna Rhylandica; itemque earundem nationum pondus nummarium inter se, & cum pondere nummario Rhylandico. Quæ dum facit, mirum est, quàm

quàm & seipsum, & alios defatiget: an verò scopum attingat, alii viderint. Snellium sequitur Doghen in Architectura militari.

Ego sequentem viam inire cogitabam, mihi quidem longam ac laboriosam, at Lectori brevissimam, nec admodum laboriosam, & ut mihi persuadeo, certam; at temporis angustia impeditus propositum exequi non licuit. Diversarum civitatum ac nationum pedis mensuram justissimam conquirere volebam, partim propriâ, partim amicorum, quorum studio ac fidelitati fidere poteram, operâ. Mensuras illas omnes, unâ cum Romani pedis antiqui mensura, è Congio Farnesiano desumpta, æri incidi in eadem lamina, & in eadem imprimi charta curare constitueram. Hac enim ratione factum fuisset, ut omnes eâdem servatâ proportionem decrevisset, hoc est, si Romanus decrevisset parte sui sexagesimâ, aut majori, minorivè, etiam Neapolitanus v. g. & quilibet alius, eâdem sui decrevisset parte. Si igitur Neapolitanus (aut quilibet alius) Lector, legitimam Neapolitani pedis mensuram conquisivisset, eamque cum mensura Neapolitani pedis, in eadem lamina incisa comparasset, & defectum hujus in parte aliquota, v. g. sexagesima notum habuisset, certissimò scivisset, etiam Romanum pedem ibidem incisum eâdem sui parte à legitima Romani pedis mensura deficere. Si ergo inventum defectum mensuræ pedis Romani ibi incisæ adjecisset, legitimam ac genuinam habuisset Romani pedis antiqui mensuram, tantopere hætenus desideratam.

Atque hic est modus, qui mihi in mentem venit: sit tibi, Lector, melius quid occurrerit, idque mihi suggereris gratiam apud me inibis non vulgarem. Si genuinam Romani pedis antiqui mensuram desideras, haud gravatè ad te mittam, quicumque id à me petiveris. Quæ sequitur linea, in Fig. ix. Icon. 1. mensura est semipedis Romani antiqui, fideliter æri incisi; at hîc justò minor est, propter causas suprâ cap. 4. relatas.

Semipes Romanus antiquus, à P. Joan. Bapt. Villalpando è Congio Farnesiano depromptus.
vide Fig. ix. Iconismi I.

Fig. IX.
Iconis I.




LIBER II. EUTHYMETRICUS,

sive

De linearum rectarum dimensionibus.

PRecipuus usus geometricus huius nostri Instrumenti consistit in dimensione longitudinum, latitudinum, altitudinum, profunditatum; sive, quod idem est, in dimensione linearum secundum varios situs extensarum, nempe horizontalium, verticalium, diametralium, & similium. De omnibus hisce dimensionibus agemus, ac primò de dimensione longitudinum ac latitudinum, cujusmodi sunt latitudines fluminum, ac fossarum, distantie inter duas aut plures civitates, aliarumque qualibet loca in horizontali plano constituta; idque variis, ac planè facillimis modis, absque Arithmetica & Geometriae regulis ac demonstrationibus, ut diximus; quamvis demonstrationem singulis Problematis

5-
H.



*matris subjungamus in Annotationibus pro iis, qui sci-
re illas desiderant.*

CAPUT PRIMUM.

De dimensione longitudinum, ac latitudinum.

Longitudines, ac Latitudines hic appello, quasunque locorum in eodem horizontali plano existentium distantias inter se, à quorum uno ad alterum recta linea duci, saltem per imaginationem, possit. Harum enim linearum mensuram in palmis, pedibus, passibus, cubitis, perticis, miliaribus, similibusque investigare hoc capite docemus.

PROBLEMA I.

*Duorum locorum distantiam metiri, quando ad unum
illorum accedi potest.*

SIt mensuranda latitudo fluminis aut fossæ AC, seu distantia Fig. Icon-
duorum locorum A & C, ad quorum tamen unum, nempe ad nismi III.
A, accedere potes. Sic operare.

Primò, in ripa fluminis elige duo loca, seu duas stationes, scilicet A & B, distantes inter se v. g. 100 pedes, aut quotquot volueris. Deinde colloca Instrumentum supra suum pedem & globum accommodatum in A, ita ut horizonti sit parallelum; & tam diu huc illucque verte pedem Instrumenti, donec acus magnetica orbis quiescat supra lineam meridianam in fundo pyxidis ductâ.

Secundò, gyra quadratum Instrumenti, unâ cum Regula dioptris instructa, & consequenter unâ cum cursore, ita ut & Regula & cursor versus C respiciant; & per dioptras dirige radium visualem in C, & juxta latus cursoris promoti versus Regulam & latus A c, duc in charta quadratulo excavato superposita lineâ rectam A c, indeterminatam per totam chartâ latitudinem, quæ imaginatione protendatur usque in signum C.

Tertiò, gyra iterum quadratum Instrumenti, orbe, cum charta & acu magneticâ, immoto manente; & dirige Regulam

Curforemque versus signum B, & per dioptras respice in dictum signum B, juxta latus verò Cursoris promoti versus Regulam & latus A *b*, duc rectam A *b* indeterminatam in charta, intersecantem A *c* antea ductam, in A; & imaginatione produci ipsam usque in signum B.

Quartò, Intercede circino ex linea Cursoris divisa particulastot, quot pedes numerasti inter loca A & B, nempe 100, easque transfer in lineam A *b* in charta ductam, ex puncto intersectionis A usque ad punctum *b*.

Quintò, transfer Instrumentum in locum B, relicto baculo, aut alio quopiam signo in loco A; & in loco B colloca Instrumentum ut antè horizonti parallelum, & tam diu gyra pedem cum Instrumento superposito, donec iterum acus magnetica quiescat supra lineam meridianam, eundemque situm habeat, quem antea in loco A habebat. Deinde pro majori certitudine (si forte acus magnetica in loco B non acquireret eundem situm, quem habuerat in loco A) promove Curforem supra lineam A *b* antea ductam, & gyra Instrumentum, pede immoto manente, donec per dioptras videas locum A: tunc enim certum est, Instrumentum habere eundem situm in B, quem habuerat in A.

Sextò, gyra quadratum Instrumenti unà cum Curfore circa orbem immobilem; & dirige Regulam in locum C, respiciendo per dioptras ipsum C signum. Deinde colloca Curforem supra punctum *b* tabulæ, in quo scilicet finitur numerus 100 particularum, & juxta ipsius Cursoris latus duc in charta lineam *b* *c*, intersecantem priorem lineam A *c*, vel *a* *c*, in *c*, & protensam imaginatione usque ad C locum.

His omnibus ritè peractis, intercede circino lineam *a* *c* in charta ductam, & vide quot particulæ in linea Cursoris divisa ipsi respondeant. Dico, latitudinem fluminis, seu distantiam A C, continere tot pedes, quot particulas continet linea *a* *c* in charta ducta; quod sic demonstro.

DEMONSTRATIO.

IN hac operatione (uti & in omnibus aliis sequentibus) formantur duo triangula; parvum quidem & reale in tabula ex lineis realibus *ab*, *ac*, *bc*; magnum verò & imaginarium extra tabulam ex lineis visualibus A B,

AB, AC, BC. Quæ quidem duo triangula sunt omnino aequiangula. Nam angulus B seu b est communis utrique triangulo; angulus b a c parvi, est idem cum angulo BAC magni; angulus denique c parvi, est æqualis angulo C magni, per 32. propos. lib. primi Elem. Eucl. Ergo per quartam propos. lib. Sex. Eucl. latera quæ aequalibus angulis opponuntur, sunt homologa. Ergo quam proportionem habet latus B A magni trianguli ad latus AC; eandem proportionem habet latus b a parvi trianguli ad latus a c: & permutando, per decimam sextam propos. libri Quinti Euclid: quam proportionem habet latus B A magni, ad latus b a parvi, eandem proportionem habet latus A C magni, ad latus a c parvi: Atqui ex operatione facta, latus B A magni continet t t pedes, quot particulas continet latus b a parvi. Ergo & latus A C magni continebit tot pedes, quot particulas continet latus a c parvi; quod erat inveniendum.

ANNOTATIONES.

I.

IN omnibus sequentibus operationibus per hoc nostrum Instrumentum factis, formantur similia duo triangula *ABC, abc*, (aut aliis litteris expressa) parvum unum in charta, magnum alterum in aëre aut terrâ per imaginationem. Itaque qui hanc primam Operationem ac Demonstrationem bene perceperit, nullo negotio percipiet etiam sequentia. Sciendum ergo est, nihil referre, quod linea visualis dirigatur per Dioptram, & linea realis ducatur juxta latus Cursoris, tum propter exiguam earum inter se distantiam, tum quia optice amba productæ in idem punctum concurrunt. Sed de hac re vide Kircherum in Arte Magnetica.

II. Eandem distantiam inter duo loca *A & C* invenies per regulam Trium, si n ea ponas primo loco particulas lateris *ab*, parvi trianguli, secundo loco pedes 100 lateris *AB* magni trianguli, tertio loco particulas lateris *ac* parvi trianguli. Vel si ponas primo loco particulas *ab* parvi, secundo particulas *a c* ejusdem parvi, tertio pedes *AB* magni.

III. Si numeres particulas intercepti lateris *bc* parvi trianguli, habebis etiam distantiam inter duo loca *B & C*. Ratio est eadem quæ suprâ. Eandem distantiam *BC* invenies per regulam Trium, si opereris modo paulo antè dicto. Hac, aut similis advertentia locum etiam habet in omnibus sequentibus operationibus.

IV. Non est necessarium, ut angulus *A* vel *a* in charta tabula ex Dioptra & Regule directione factus, sit rectus, sed potest esse vel obtusus, vel acutus, si necessarium fuerit, & ita res postulaverit. In aliis vero aliorum Instrumentis ferè omnibus debet semper esse rectus; quod tamen saepe fieri non potest, ob locorum incommoditatem.

V. Si accideret, ut tantus esset numerus pedum inter duo signa *A* & *B* assumptorum, ut in lineam *ab* tabula non posset transferri numerus particularum aequalis numero pedum; tunc vel minue numerum pedum inter duo signa *A* & *B*, accipiendo nimirum minorem distantiam inter duo signa *A* & *B*; vel unicuique particula lineae Cursoris divisa tribue duas, aut tres, pluresvè partes, hoc est, quamlibet Cursoris particulam divide mente in duas, tres, aut plures. E contrario verò si numerus pedum inter duo signa *A* & *B* assumptus esset nimis parvus, computa duas, aut tres, pluresvè Cursoris particulas pro una, ut sic triangulum in tabula formetur aliquantò majus ac distinctius.

VI. Ederit exactior operatio, quò major fuerit distantia inter duas stationes *A* & *B*, quando latitudo metienda erit magna. At si latitudo metienda fuerit parva, melius erit assumere parvam distantiam duarum stationum. Ratio est utrobique, quia formatur distinctior triangulus in Charta, praesertim si observentur qua diximus Annotat. precedenti.

VII. Si spatium inter *A* & *B* non fuerit planum, sed fossas seu cavitates habuerit atque tabercula, ac proinde pedibus aut decempeda mensurari sine errore non possit; extende chordam ab uno termino ad alterum; qua quidem chorda sit prius in suos pedes distincta, adjunctis etiam numeris. Melius tamen erit adhibere catenulam, aut virgas annulis inter se connexas; nam chorda facile extenditur, aut remittitur, plus quàm oportet, praesertim cum secus fuerit, aut humidus aer, ut diximus suprà lib. 1. parte 2. cap. I. Dixi, chordam aut catenam extendi debere, quia si in terram prosterneretur, idem error committeretur qui per decempedam prostratam.

VIII. Si inquirenda est distantia alicujus civitatis, alteriusque rei amplè; observandum est in ea signum aliquod determinatum, & quantum fieri potest minimum, in utroque loco in quo fit operatio, seu in utraque statione *A* & *B*.

IX. Qua ratione invenisti distantiam inter *A* & *C* in pedibus, eadem ratione invenies illam in palmis, passibus, cubitis, & alia quacunque
men-

mensura, si nimirum inter duas stationes A & B numeres palmos, passus &c. & particulis utaris tanquam palmis, passibus &c.

X. Quando Instrumentum collocatur in B loco, debet B Instrumenti correspondere loco B, quantum fieri potest. Et hoc in aliis etiam similibus operationibus observandum est semper.

COROLLARIA.

Ex dictis colligitur primò, quæ ratione dimetienda sit latitudo aut longitudo quacunque horizontalis, aut quacunque duorum locorum distantia, quando ad unum illorum accedi potest, & fieri duæ stationes queunt; in omnibus enim una & eadem est ratio operandi.

Colligitur secundo, quæ ratione inquirendum, quantum distet navis, aut classis à littore, exercitus à manibus &c. si nimirum operatio instituitur modo dicto.

Colligitur tertio, quæ ratione metienda sit declivitas aut acclivitas alicujus montis: declivitas enim reperitur, si in montis summitate fiant duæ stationes A & B, & ex utraque conspiciatur per dioptras Regula signum aliquod C in valle, aut in planitie positum, collocato Instrumento superficies obliqua montis parallelus, ita ut planum Instrumenti sit plano montis parallelum: acclivitas verò, si in valle aut planitie fiant duæ stationes A & B, & ex utraque conspiciatur signum aliquod C in monte positum. Quod si in hoc, similibusq; casibus, acus magnetica, propter suam inclinationem, incumbet fundo pyxidis, adhiberi debet cautela, de qua in Problemate num. 5 diximus.

Colligitur quarto, quæ ratione mensuranda sit latitudo alicujus fossa juxta propugnaculum, ad proiciendum super eam pontem: si nimirum operatio instituitur modo dicto in Problemate.

PROBLEMA II.

Duorum extremorum distantiam metiri, quando Geometra in uno existens non videt alterum, adest tamen altitudo ex qua mensurari possit.

Monitio ad Lectorem.

INsequentibus figuris, facilitatis ac distinctionis gratiâ, Pantometrum ita delineabo, ac si simplex Quadratum Geometricum esset, Regulâ suâ dioptricâ instructum. Omittam igitur Orbem & Quadratum in medio, uti & Cursorem, quæ tria semper intelligi debent adesse, eo modo disposita, quo in Iconisimo II. ac III. factum vides.

Fig. IX.

Icon. IV.


Evenire potest, ut desit planities, in qua fiant duæ stationes modo dicto; aut ut inter utrumque extremum intericiatur tumor, exercitus, aut simile impedimentum, ob quod ex uno alterum videri nequeat. Quo casu elige altitudinem quampiam perpendiculariter in uno extremorum erectam, ut turrim, domum, murum, arborem &c. aut si non adsit altitudo, erige perpendiculariter scalam, aut quid simile, & operare ut sequitur.

Esto igitur distantia AB , altitudo AC . Primò, conscende ad ejus summitatem, aut ad aliquam ejus fenestram, portam &c. & demisso fune cum pondere affixo, metire quot palmorum &c. sit altitudo à loco, ubi stas, usque ad planum distantiarum AB . Secundò, Habitâ altitudine, colloca instrumentum, sive supra pedem accommodatum, sive supra limen portæ aut fenestræ positum, aut aliâ ratione suspensum, ita ut Regula cum dioptris sit horizontali perpendicularis; & juxta Cursoris latus duc rectam Ca in charta tabulæ. Tertiò, Gyra quadratum Instrumenti, & per dioptras vide locum B ; positoque Curseore supra punctum C lineæ Ca , duc juxta latus Cursoris lineam Cb . Quartò, Ex lineâ divisa Cursoris intercipe circino tot particulas, quot invenisti palmos à C , usque ad A , hoc est, à summitate turris usque ad basim; easque transfer à puncto C , in lineam Ca chartæ, usque ad punctum a v. g. & per a duc perpendicularem ipsi Ca , intersecantem rectam Cb in b . Dico, distantiam AB esse tot palmorum &c. quot particulae continentur in lineâ ab chartæ; quod ita demonstro.

DEMONSTRATIO.

DVo triangula ABC , abc , sunt æquiangula: nam angulus C est communis utrique; angulus A & a in utroque est rectus, in parvo quidem ex constructione, in magno verò ex suppositione, aut operatione. anguli denique B & b sunt æquales, per 29, & 32. pri. Ergo per quartam 5xvi, & decimam sextam Quinti, ut CA magni ad Ca parvi, ita AB

.magui



magni ad a b parvi: Cum ergo C A magni contineat tot palmos, quot particulas C a parvi; etiam A B magni continebit tot palmos, quot particulas a b parvi; quod erat inveniendum.

ANNOTATIONES.

I.

Eandem distantiam inuenies, si in charta tabula ducas ante omnia duas lineas Ca, & ab, interfecantes sese in a ad angulos rectos; & collocato Instrumento, ut dictum, numeres ab a usque ad C tot particulas, quot inuenisti palmos ab A radice usque ad C; & posito Cursore supra C, directè quæ Regulâ cum dioptris in B, ducas rectam Cb.

II. Altitudini turris, domus &c. semper adici debet altitudo Instrumenti usque ad punctum C, & ex utrâque constanda est una altitudo, & operandum, ut dictum.

III. Si numeres particulas lateris Cb parvi trianguli, scies quot palmarum sit linea diametralis C B magni trianguli.

IV. Si distantia est parua, v. g. exigui fluminis, fosse &c. sufficit accommodare Instrumentum modo dicto supra pedem. Quod si pedem cum Instrumento affixo ponas supra scammum, aut mensam, certius operaberis. In hoc casu expedit, computare singulas particulas pro pluribus, v. g. duabus, tribus, quatuor. Si non potest accedi ad unum extremum distantia, observentur ea, quæ dicemus Probl. 4. sequenti.

V. In hac, & simili bus operationibus, Magnes, seu acus magnetica, nullum habet usum.

COROLLARIA:

Patet hinc primò, quomodo deprehendi possit, quantum distet à manibus Civitatis, Castris Militaribus &c. navis, classis, exercitus, Castellum &c. Quod expedit scire, quando ejaculandi sunt globi è tormentis bellicis in hostes.

Patet secundò, quomodo deprehendi possit, utrum navis, classis, exercitus &c. procul apparens moveatur, aut quiescat; appropinquet, aut recedat. Si enim intra modicum tempus opereris bis ex eodem loco altitudinis, & manente Instrumento in eodem situ; & in utrâque operatione Cursor interfecet lineam a b chartæ in eodem puncto b, signum est rem visam quiescere: Si in alio viciniori ad a; appropinquat: si in remotiori recedit. Patent hac omnia melius ex figura Problematis quarti sequentis.

E

PRO-

PROBLEMA III.

*Duorum locorum distantiam metiri, quando Mensor
in uno existens nec videt alterum, nec
adeſt altitudo.*

Fig. XII. **S**It ex B mēſuranda diſtantiā inter B A, inter quæ ſit tumor in-
Icon. IV. ſterjectus, ita ut ex B non poſſis videre baſim loci A, ſed ſolūm
altitudinem aliquam in ipſo, aut prope ipſum exiſtentem; neque
in B ſit altitudo, ſed ſolūm poſſis ex ipſo B recedere ad dexteram,
aut ſiniſtram, verſus C, factō quocūpue angulo ABC, indeque
videre locum A; ſic operare.

Colloca Inſtrumentum in B, ita ut ſit horiſonti parallelum;
& dirige dioptricam Regulam unā cum Curſore verſus locum A,
quem tibi altitudo viſa indicat; & juxta latus Curſoris duc rectā
B a in charta. Gyrate deinde quadrato, dirige Regulam cum
Curſore verſus ſignum quodcūque C, ductā in charta rectā B c
juxta latus Curſoris. Fixo dein baculo in B, metire ſpatium inter
B C; & transfer in rectā B c chartæ, ex B uſque ad c, tot particu-
las, quot palmos v. g. numeravi inter ſigna B & C. Colloca jam
Inſtrumentum in loco C, ita ut C Inſtrumenti correſpondeat C
loci; & quieſcente acu magneticā ſupra meridianam lineam, po-
ne curſorem ſuper punctum C chartæ; gyra quadratum, & diri-
ge Regulam dioptricam in A, ductā rectā C a juxta latus Curſo-
ris. Dico, diſtantiā B A locorum eſſe tot palmorum, quot par-
ticulæ continentur in b a parvi trianguli. Similiter & C A tot palm.
quot particularum C a.

DEMONSTRATIO.

Hujus rei demonſtratio patet ex dictis ac demonſtratis Problemate
primo: eſt enim utrobique eadem ratio; quare ſupervacaneum du-
xiſcam hic repetere.

PROBLEMA IV.

*Duorum locorum diſtantiā metiri, quando ad neu-
trum accedi poteſt.*

Sit

SIt dimetlenda distantia inter loca A, D, ad quorum neutrum possis accedere, possis tamen recedere in directum versus B, & ex B versus C (sive ad dextram, sive ad sinistram) indeque videre utrumque extremum A & D; sic operare.

Fig. XIII.
Icon. IV.

Colloca Instrumentum horizonti parallelum in B; & ac magneticâ quiescente supra meridianam, dirige Regulam dioptricam, Cursoremque, versus utrumque locum A & D, ita ut B A D sint in eadem linea recta; & in chartâ juxta Cursoris latus duc lineam B a d. Iterum dirige regulam atque Cursorem in C, ductâ lineâ B c. His factis, inquire distantiam inter B & C, transfer ex puncto B usque ad punctum c particulas tot, quot inter B & C, stationem geminam, invenisti palmos; colloca Instrumentum in C, & dato ipsi debito situ magnetico, dirige Regulam & Cursorem, supra C punctum collocatum, primò in A, deinde in D, ductis rectis C a, & C d. Dico, distantiam A D in palmis, indicari à particulis inter a d parvorum triangulorum.

DEMONSTRATIO.

DVo triangula parva C b a, & C b d, sunt equiangularia duobus triangulis magnis C B A, & C B D, ut ex dictis patet. Ergo ita se habent palmi inter B A magni ad particulas inter b a parvi, sicut palmi inter B C magni, ad particulas inter b c parvi; item, ita se habent palmi inter B D magni, ad particulas inter b d parvi, sicut palmi inter B C magni, ad particulas inter b c parvi. Si igitur particulas inter b a parvi subtrahas à particulis inter b d parvi, & consequenter palmos inter B A magni à palmis inter B D magni; remanebunt particula inter a d parvi pares numero palmis inter A D magni, juxta 3. Axio. lib. prim. Euclidis. Aliis etiam modis demonstrari potest hoc Problema, quos omitto.

ANNOTATIO.

Particula C a, & C d parvi trianguli dant palmos C A, & C D, magni trianguli, ut jam saepe dictum est, & demonstratum.

PROBLEMA V.

Duorum locorum distantiam metiri, quando ad neutrum accedi potest, ex altitudine.

PRO hoc Problemate servit figura præcedentis Problematis. Sit igitur invenienda eadem distantia inter duo loca A & D, ad quorum neutrum accedi possit, adsit tamen altitudo C B, ab utroque remota, & in eadem recta linea cum ipsis constituta; sic operare.

Ex loco C altitudinis inquire primò distantiam B A; deinde distantiam B D, per dicta Problemate 2. Quibus habitis, subtrahes distantiam B A, à distantia B D, & remanebit distantia A D. Ratio patet ex demonstratis Probl. præcedenti.

ANNOTATIO.

Recta C a & C d Instrumenti dant diametrales C A, & C D. Ratio patet ex dictis.

COROLLARIUM.

Ex his patet ratio illius, quod diximus supra Probl. 2. Corollario 2. quomodo scilicet deprehendere possimus, utrum navis, exercitus &c. moveatur, accedat, aut recedat.

PROBLEMA VI.

Aliter duorum locorum distantiam metiri, quando ad neutrum accedi potest.

Fig. XIV. **S**It ex A dimetienda distantia B C. Inquire per Problema I. aut
Icon, IV. Aliquod aliud ex præcedentibus, distantias A B, & A C. Quibus habitis, colloca Instrumentum in A, & dirigendo primò Regulam cum Curfore in B, observa per dioptras ipsum B, ductâ rectâ A b, in charta tabulæ quadratæ Instrumenti. Deinde dirigendo eandem regulam dioptricam in C, observa per dioptras ipsum C; Curforem verò pone supra punctum A in linea A b chartæ electum, & duc rectam A c. His factis, numera ex A puncto, in quo lineæ A b, A c sese intersecant, usque ad b, in linea A b ducta in chartâ, tot particulas, quot palmos continet distantia A B; item ex eodem puncto A, usque ad c, in linea A c ducta in chartâ, numera tot particulas, quot palmos continet distantia A C. Duc deinde ex
b in c

b In charta rectam *b c*. Dico, distantiam *B* C esse tot palmorum, quot particularum erit linea *b c* prædicta; quod sic demonstro.

DEMONSTRATIO.

Recta *b c* Charta secat latera *A B*, *A C*, majoris trianguli proportionaliter in puncto *b* & *c*, ex operatione facta; Ergo per secundam Sexti est parallela alteri rectæ inter duo loca ducta; ergo bina triangula *A B C*, *A b c*, sunt similia, id est, habent angulos singulos singulis aequales, & latera circum aequales angulos proportionalia: Ergo cum *A b* parvi trianguli contineat tot particulas, quot *A B* magni palmos; & *b c* parvi continebit tot particulas, quot *B C* magni palmos; quod erat inquirendum.

COROLLARIUM.

Ex his colligitur, quomodo ex eodem loco *A* explorari possint plurimum locorum distantia inter se, ad quorum nullum accedi possit; si nimirum etiam distantia aliorum locorum ab *A* prius investigentur, & deinde modo prædicto procedatur.

PROBLEMA VII.

*A*dhuc aliter duorum locorum distantiam metiri, quando ad neutrum accedi potest.

Sit mensuranda distantia *A B*. Colloca Instrumentum in *C*, ita Fig. XV.
Icon. IV. ut horizonti sit parallelum; & per dioptras Regulæ respice primò in *A*, ductâ rectâ *C a* juxta latus Cursoris: deinde respice in *B*, ductâ rectâ *C b* juxta latus Cursoris: tandem respice in signum quodcumque *E*, ductâ rectâ *C e*, juxta Cursoris latus, quod semper debet poni supra punctum *C*. His factis, relinque baculum in *C*; metire in passibus spatium inter *C* & *E*, transferque Instrumentum in *E*, & in linea *C e* Instrumenti numera tot particulas, inclupiendo à *C* versuse, quot invenisti passus inter *C* & *E* stationes. His etiam factis, colloca Instrumentum in statione *E*, ita ut punctum *e* Instrumenti correspondeat signo *E* spatii, & acus magnetica habeat eundem situm, quem habebat in *C*; & per dioptras Regulæ respice primò in baculum *C*; deinde in *A*, & posito Cursore supra punctum *e* vel *E* Instrumenti, correspondens *E* loco,

duc lineam Ea ; tandem in B , & posito Curfore in eodem puncto E , duc rectam Eb . Nota jam puncta b & a , in quibus lineæ Eb , & Ea intersecant in charta lineas Cb , & Ca ; & à puncto intersectionis b , usque ad punctum intersectionis a , duc rectam ba . Dico, tot esse passus inter duo loca B & A , quot particulas continet linea ba chartæ.

DEMONSTRATIO.

Duo triacula, CEA majus, & cEa minus, sunt equiangula: nam angulus CEA , seu cEa , est communis utrique; angulus ECA , seu Eca , est idem in utroque; angulus EAC majoris, est equalis angulo Eac minoris, per 32. primi. Ergo per quartam Sexti, proportio lateris EC minoris trianguli, ad latus Ea ejusdem minoris, est sicuti proportio lateris EC majoris ad latus Ea ejusdem majoris: & permutando juxta decimam sextam Quinti, proportio lateris EC minoris, ad EC majoris, est sicuti proportio lateris Ea minoris ad latus Ea majoris: & è contrario. Quia igitur particula lateris EC minoris sunt tot, quot sunt passus lateris EC majoris; ideo & particula lateris Ea minoris erunt tot, quot sunt passus lateris Ea majoris. Iterum

Duo triacula, bEC parvum, & BEC magnum, sunt equiangula: nam angulus BEC , seu bEc , in utroque est communis; angulus ECB , vel EcB , est idem in utroque; & reliqui duo sunt æquales, per 32. primi. Ergo per quartam Sexti, proportio lateris Eb parvi ad latus EB magni, est sicuti proportio lateris Ec parvi, ad latus EC magni: & quia particula lateris Ec parvi sunt tot, quot sunt passus lateris EC magni; etiam particula lateris Eb parvi erunt tot, quot sunt passus lateris EB magni. Iterum

Duo triacula, baE parvum, & BAE magnum, sunt equiangula: nam latera EB , & Ea magni sunt secta proportionaliter in punctis b & a , cò quòd, sicut se habet Eb parvum, ad EB magnum, ita se habet Ea parvum ad Ea magnum, ex demonstratis: Ergo per secundam Sexti latus ba parvum est parallelum lateri BA , magno: Ergo per 29. primi, anguli Eba , & Eab parvi, sunt æquales angulis EBA , & EAB magni; & angulus BEA , seu bEa , est utrique communis. Quam ergo proportionem habet Eb parvi, ad ba parvi; vel quam proportionem habet Ea parvi, ad ab parvi; eandem habet EB magni ad BA magni, vel Ea magni ad BA magni. Cum ergo Eb , & Ea parvi contineant tot particulas, quot

quot passus continent E B. & E A magni, ut probavimus; etiam b a par-
vi continebit tot particulas, quot passus continet B A magni; quod erat
inveniendum.

ANNOTATIO.

Si adsint plura loca, quorum distantie ab invicem sint investigandæ: di-
rige ex utraque statione lineas visuales in omnia loca, & puncta inter-
sectionum in charta conjunge rectis lineis modo dicto, & habebis inten-
tum.

PROBLEMA VIII.

*Metiri distantiam duorum extremorum, ad quorum
unum accedi potest, mediâ altitudine mensura cogni-
ta erectâ in altero extremo, sive alterum extre-
mum videatur, sive non.*

Istât locus A à loco B; existis in A, & in B erecta est perpendi- Fig. XVI.
culariter turris C B notæ altitudinis; vis scire quanta sit di- Icon. IV.
stantia inter A & B, sive videas ipsum B, sive non; sic operare.

Colloca Instrumentum supra pedem suum accommodatū
ita, ut sit ad horizontem perpendiculare, unumque quadrati la-
tus sit parallelum altitudini C B, alterum sit parallelum horizon-
ti, seu lineæ distantie A B. Deinde In Charta Instrumenti duc
lineam A b parallelam horizonti, & aliam b c perpendicularem
horizonti. In lineâ b c, à b usque ad a, numera tot particulas, quot
palmorum est altitudo B C. Gyra quadratum Instrumenti, ma-
nente immobili orbe cum charta, & per dioptras Regulæ aspice
summitatem C altitudinis. Quâ visâ, promove Cursorem supra
punctum c lineæ b c, & juxta latus ipsius duc rectam c A. Dico, di-
stantiam A B esse tot palmorum, quot particularum est A b lineâ
Instrumenti.

DEMONSTRATIO.

Duo triângula, A C B, A c b, sunt aquiangula: nam angulus A est
communis; utrique; anguli C & c sunt æquales per 29 primi, utpote
internus & externus facti à rectâ secante duas parallelas; anguli B & b
sunt

sunt recti. Ergo per quartam Sexti, ut $c b$ ad $b A$, in parvo triangulo, ita $C B$ ad $B A$ in magno.

ANNOTATIONES.

I.

Eandem distantiam $A B$ invenies, si posito Instrumento ut dictum, ducas in Charta lineam $d A$ horizonis perpendicularem, & per dioptras Regula gyrata videas summitatem C , & posito Cursore supra punctum A , ducas rectam $c A$, & ab A in d numeres particulas aequales seu pares palmis altitudinis $C B$, & per d ducas ad angulos rectos lineam $d c$. Quot enim particulas continebit linea $d c$, tot palmos continebit distantia $A B$. Ratio est, quia parvum triangulum $A d c$ est equiangulum magno $A C B$, ut patet, ideoque ut $A d$ ad $d c$, ita $C B$ ad $B A$.

II. Si numeres particulas comprehensas inter $A c$ Instrumenti, habes palmos diametralis $A C$ à loco A ad summitatem C .

III. Quomodo eadem distantia $A B$ inveniri possit, etiamsi altitudo $B C$ esset ignota, patebit ex dicendis cap. sequenti Problem. 2.

PROBLEMA IX.

Duorum locorum distantiam metiri ex altitudine, etiamsi ignoretur quanta sit tota altitudo.

Suprà Problemate secundo diximus, quomodo inveniri possit distantia inter duo loca ex altitudine juxta alterutrum existente, si sciatur quanta sit altitudo. Quoniam verò contingere potest, ut totius altitudinis mensura ex ipsa altitudine haberi non possit, propter ædificia, aliaque impedimenta, juxta basin existentia; alia arte utendum est.

Fig XVII
Icon. IV. **E**sto igitur turris $A C$, à cujus base C ad signum D , interval-
lum sit explorandum. Instrumento turri ad A superius applicato, ut vides, duc in charta Instrumenti juxta Cursoris latus rectam $A C$, parallelam lateri $A C$ turris; & demisso fune inquire partem altitudinis, v. g. ab A usque ad H inferius, nempe usque ad fenestram, aut portam turris; in lineam verò $A C$ Instrumenti, ab A usque ad H v. g. transfer tot particulas, quot palmos invenisti inter A & H turris. Dirige deinde radium visualem per dioptras
Regu-

Regulæ in D, & applicato Curfore ad punctum A, duc rectam A D in Charta Instrumenti. Transfer deinde Instrumentum in fenestram H, ibique colloca ut antea, ita tamen, ut H Instrumenti correspondeat H turris, quantum fieri potest; & dirige Regulam dioptricam iterum in D, applicatoque Curfore supra punctum H, duc rectam H D, quæ interfecet rectam A D in puncto D. Tandem à puncto intersectionis D ad rectam A C, duce lineam D C perpendiculararem. Dico, particulas lineæ D C dare palmos distantia D C; simulque altitudinem totius turris A C, & altitudinem H C, & duas diametrales A D, & H D.

DEMONSTRATIO.

Triangulum A H D parvum, & A H D magnum, sunt æquiangula: quia angulus ad H est communis utrique, angulus ad A est idem in utroque, & reliqui sunt æquales, tum per 29, tum per 32. primi. Ergo, per quartam Sexti, & decimam sextam Quinti, quam proportionem habet A H parvum ad A H magnum: eandem habet A D parvum, ad A D magnum: sed particule A H parvi sunt pares numero palmis ipsius A H magni, ex operatione facta; Ergo etiam particula ipsius A D parvi sunt pares numero palmis ipsius A D magni.

Iterum triangulum A C D parvum, & A C D magnum sunt æquiangula: quia anguli C in utroque sunt recti, ex suppositione in uno, & ex constructione in altero; angulus A in utroque est idem; anguli reliqui sunt æquales, per 32. primi. Ergo, per quartam Sexti, quam proportionem habet A D parvum ad D C parvum, eandem habet A D magnum, ad D C magnum: & permutando, juxta decimam Sextam Quinti, quam proportionem habet A D parvum, ad A D magnum, eandem habet D C parvum, ad D C magnum: sed particule A D parvi sunt pares numero palmis ipsius A D magni, ut ostensum est; Ergo etiam particula ipsius D C parvi, erunt pares numero palmis ipsius D C magni; quod erat invenendum.

ANNOTATIONES.

I.

Altitudinem totius turris A C dant particule lateris A C parvi trianguli A C D. Nam duo triangula, A D C parvum, & A D C magnum, sunt æquiangula, ut paulo antè probavimus: ergo sicut se habet

F

A D, ad

AD, ad *AC* in parvo, ita se habet *AD*, ad *AC* in magno: & permutando, sicut se habet *AD* in parvo ad *AD* in magno, ita se habet *AC* in parvo ad *AC* in magno: sed *AD* in parvo continet tot particulas, quot palmos continet *AD* in magno, ut probavimus; Ergo etiam *AC* in parvo continebit tot particulas, quot palmos continet *AC* in magno: quod demonstrare volebam.

Si jam à tota altitudine inventa subtrahas altitudinem *AH*, remanebit altitudo *HC*.

II. Aliter etiam eandem altitudinem *AC*, & *HC*, sic invenies, supposità demonstratione præmissa. Duo triangula, *HCD* parvum, & *HCD* magnum, sunt æquiangula; quia angulus ad *H* est utrique communis; angulus *C* est in utroque rectus; anguli reliqui sunt æquales, per 32. primi. Ergo *HC* parvi ad *HC* magni, se habet, sicut *CD* parvi, ad *CD* magni: sed *CD* parvi continet particulas pares numero palmis *CD* magni, ut demonstratum fuit; Ergo etiam *HC* parvi continebit particulas pares numero palmis *HC* magni. Et ecce altitudo portionis *HC*, cui si addas portionem *HA*, habebis totam altitudinem turris.

III. Si turris non est sita juxta alterutrum extremorum, sed ab utroque remota; inquire primò, modo jam dicto, distantiam turris ab extremo proximiori, deinde à remotiori; & minorem subtrahere à majori, & habebis distantiam duorum extremorum.

IV. Diametrales lineas *AD*, & *HD*, dant particula laterum *AD* & *HD* in parvis triangulis, propter rationes jam dictas.

V. Si turris sit imposita monti, à quo prospici possit in planum monti proximum; poteris per hunc modum explorare, & altitudinem perpendiculari à turri usque ad planum, cui mons insistit; & distantiam alicujus signi in plano positi usque ad basim perpendiculari; & declivitatem montis, & distantiam inter duo loca in plano posita.

PROBLEMA X.

Distantiam cacuminum duarum turrium inæqualium metiri.

Fig. XVIII.
Leonis. IV.

Sint duæ turres *AB*, *CD*, inæqualis altitudinis, posite in eodem plano horizontali, quarum distantia *AC* sit inquirenda; sicoperare.

In

In plano horizontali elige duas stationes, E & F, quantumvis inter se distantes; & pone Instrumentum in E, ita ut planum ipsius imaginatione transeat per utriusque turris cacumen; directâque dioptricâ Regulâ in A & in C, Curfore verò posito in eodem puncto E chartæ, duc juxta ipsius latus duas rectas EA, & EC; & præterea directâ Regulâ in F, duc juxta Curforis latus rectam EF. Numerâ deinde in lineâ EF chartæ, ab E usque ad F, tot particulas, quot palmos numerasti inter stationes E & F, & transfer Instrumentum in F, ibique dato ipsi priori situ, ita ut F Instrumenti correspondeat F loci, dirige Regulam iterum in A & C; & posito Curfore supra F punctum, duc rectas FA, & FC, quæ duas priores EA & EC, interfecent in A & C. Tandem per puncta intersectionum duc rectam AC. Dico, rectam AC in particulis manifestare distantiam AC in palmis.

DEMONSTRATIO.

Dvo triangula, EAF parvum, & EAF magnum, sunt equiangula. Nam angulus EFA est communis utrique; angulus FEA est idem in utroque; & reliqui, per 32 primi, sunt æquales. Ergo, per quartam Sexti, ut in parvo EF ad EA, ita in magno EF ad EA; & permutando, ut EF parvi ad EF magni, ita FA parvi, ad FA magni; ac proinde quot particulae sunt in FA parvi, tot palmi sunt in FA magni.

Iterum duo triangula, ECF parvum, & ECF magnum, sunt equiangula. Nam angulus EFC est communis utrique; angulus FEC est idem in utroque; & reliqui duo, per 32. primi, sunt æquales. Ergo, per quartam Sexti, & decimam Sextam Quinti, ut EF parvi ad EF magni, ita EC parvi ad EC magni; ac proinde cum EF parvi contineat tot particulas, quot palmos EF magni, etiam FC parvi continebit tot particulas, quot FC magni palmos.

Tandem, duo triangula, FAC parvum, & FAC magnum, sunt equiangula. Nam cum duo latera magni FA, & FC, sint scilicet proportionaliter in A & C, ut ex demonstratis patet, (nam FA parvi continet tot particulas, quot FA magni palmos; similiter & FC parvi continet tot particulas, quot FC magni palmos) erunt, per secundam Sexti, latera A C utriusque parallela; ac proinde, per 29. primi, anguli externi FAG, & FCA, æquales internis FAC, & FCA; est autem & angulus ad F utrique triangulo communis; equiangula ergo sunt dicta duo triangula

F 2

FAC,

FAC, ut dicebam; ac proinde, per quartam Sexti, & decimam sextam Quinti, ut FC parvi, ad FC magni, ita CA parvi, ad CA magni; Atqui quot particulas continet FC parvi, tot palmos continet FC magni; ergo &c.

PROBLEMA XI.

*Ex turri metiri latitudinem fossæ, aut fluvii ante
turrim extensi.*

Fig. XIX. **Leon. IV.** **S**It turris AB, fossa, aut fluvius ante ipsam extensus CD, cujus latitudo sit inquirenda. Inquire ante omnia duas diametrales AD, AC, in palmis, aut passibus, per Problema V. hujus Capituli. Quibus habitis, colloca Instrumentum in A ita, ut planum Instrumenti transeat per C & D fossæ; & directâ Regulâ in C & D, duc juxta latus Curforis in A positi rectas AC, AD. Numera deinde in AC & AD chartæ tot particulas, ab A usque ad C, & D, quot palmos aut passus invenisti in diametralibus AC, AD; & per puncta C & D duc rectam DC, quæ dabit in particulis distantiam DC desideratam.

DEMONSTRATIO.

Cum diametrales AD, & AC, sint sectæ proportionaliter in D & C, *est* quòd ut AD parvi, ad AD magni, ita AC parvi, ad AC magni; erit, per secundam Sexti, recta DC parvi trianguli ADC, parallela rectæ DC magni trianguli ADC, ac proinde erit, ut AD ad DC parvi, ita AD ad DC magni.

PROBLEMA XII.

Eàdem operâ invenire distantiam inter duos terminos ad quos accedi non potest, & quantum uterque à loco stationis electo distet.

Pulcherrimum est quod sequitur Problema, & ad multa utile, præsertim in rebus militaribus, hoc est, in oppugnandis urbibus, collocandis castris &c.

Sint

Sint igitur duo loca quælibet, & quantumlibet distantia inter se, & à te, A & B, ad quorum neutrum possis accedere. Col-
 loca Instrumentum in \mp C, horizonti parallelum; & quiescente
 super meridianam lineam ac magneticâ, duc juxta latus Curso-
 ris tres rectas C A, C E, & C B in charta Instrumenti. Deinde re-
 cede in directum per passus v. g. 40, usque ad D, & collocato In-
 strumento ut antea, numera in linea C E Instrumenti, à C usque
 ad D, 40 particulas; & per dioptricam Regulam respice in A, &
 B, ducendo duas rectas D A, D B; quæ necessariò interfecabunt
 rectas C A & C B, in duobus punctis, v. g. in A & B. Conjunge er-
 go hæc duo puncta per lineam rectam A B; & quot particulas in-
 venies in linea A B Instrumenti, tot passus erunt inter loca A & B.
 Item, quot particulae erunt in lineis C B, C E, D E &c. Instru-
 menti, tot passus erunt inter loca C B, C E, D E &c.

DEMONSTRATIO.

In duobus triangulis, D C B parvo, & D C B magno, angulus ad D est
 communis utriq; anguli ad C sunt aequales inter se, per 13. primi, eò quòd
 angulus E C B parvi est aequalis angulo E C B magni, nempe unus & idem
 utrobique; & anguli ad B similiter sunt aequales, per 32. primi. Ergo,
 per quartam Sexti, ut D C parvi ad D C magni, ita tam D B, quàm C B
 parvi, ad D B & C B magni; ac proinde tot passus continebunt latera D B
 & C B magni, quot particulas latera D B & C B parvi. Eandem ob cau-
 sam latera D A & C A magni continebunt tot passus, quot particulas la-
 tera D A & C A parvi. Tum sic. Ut D B parvi ad D B magni, ita D A
 parvi & D A magni. Ergo in triangulo majori D A B, latera D A, D B,
 sunt secta proportionaliter in punctis A & B: Ergo, per secundam Sex-
 ti, recta A B parvi est parallela rectæ A B magni: Ergo, per quartam
 Sexti, ut D B parvi, ad D B magni; ita B A parvi, ad B A magni; & con-
 sequenter, ut D B parvi, ad B E parvi, ita D E magni ad B E magni.

Iterum, ut est B E parvi, ad E C, aut E D parvi; ita B E magni, ad
 E C, aut E D magni. Quæ erant inveniendæ.

COROLLARIUM.

Hinc patet, quomodo investiganda sit distantia inter te & locum ante
 te positum, seu inter duo loca ad quorum alterum possis accedere &
 retrocedere in directum.

ANNOTATIONES.

I.

Non est necesse, ut punctum *E* inter duo loca, *A* & *B*, in quod collimat oculus, sit in medio lineæ *AB*.

II. Neque est necesse, ut lineæ *EC* efficiat cum lineæ *AB* angulos rectos ad *E*.

PROBLEMA XIII

Aliter prædicta invenire in iisdem circumstantiis.

Orontius Finæus in sua Geometria practica utitur baculis duobus ad modum crucis se decussantibus, quorum brevior discurrit per longitudinem longioris, servato semper eodem angulo recto. Idem modus includitur etiam in Radio Astronomico Gemmæ Frisii, & Ursini Latini. Quod igitur in prædicto (& in omnibus aliis casibus) præstatur prædictis Instrumentis, præstari etiam potest nostro Instrumento. Sic igitur procede.

Sic ut antea proposita distantia *AB*. Per medium chartæ Instrumenti duc rectam *EC* protractam versus *D*, & aliam ipsi perpendicularem *AEB*, cujus pars *EA* sit æqualis parti *EB*, & utraque sit libitarum particularum, v. g. 30. Elige deinde stationem *C* tali conditione, ut recta *CE* producta usque ad lineam distantiarum *AB*, sit media inter *A* & *B* loca, & cum recta inter loca *A* & *B* efficiat angulos rectos. His factis numera in lineæ *EC* Instrumenti, à *C* usque ad *D*, tot particulas, quot continet tota lineæ *AB* Instrumenti, nempe 60; & retrocede in directum, donec posito Cursore in punctis *DA*, *DB*, videas eadem loca *A* & *B*, ex eadem statione *D*. Dico, inter duo loca *A* & *B* esse tot pedes aut passus, quot pedes aut passus sunt inter duas stationes *C* & *D*.

DEMONSTRATIO.

Ex dictis in præcedenti Problemate, est ut *DC* Instrumenti ad *CB* Instrumenti, ita *DC* spatii inter duas stationes, ad *CB* spatii: & ut *BC* Instrumenti ad *CE* Instrumenti, ita *BC* spatii ad *CE* spatii: & ut *CE* Instru-

Instrumenti ad E B Instrumenti, ita C E spatii ad E B spatii. Ergo, per 17 Defin. & 12. Propos. Libri Quinti Euclid. hoc est, per æqualitatem, erit ut D C Instrumenti ad E B Instrumenti, ita D C spatii ad E B spatii. Cum igitur D C Instrumenti sit duplum ipsius E B Instrumenti, ex operatione facta; erit etiam D C spatii duplum ipsius E B spatii; & consequenter spatium inter duas stationes D C, erit æquale spatio inter duo loca A B.

ANNOTATIO.

HÆc praxis tunc tantum est legitima, quando linea utriusque stationis excurrrens usque ad lineam distantiarum, dividit illam bifariam, & ad angulos rectos, & consequenter baculus brevior seu transversarius est parallelus lineæ distantiarum. Vtrum verò prædictæ conditiones in praxi de facto observentur, nullâ ratione ex operatione colligi potest. Nam potest quis ex prima (& etiam ex secunda) statione aspicere utrumque locum per utrumque extremum lineæ A B Instrumenti aut baculi, & tamen lineæ distantiarum non esse parallelâ transversariæ lineæ A B, nec secari bifariam, nec ad angulos rectos, ut consideranti patet. Vnde meo iudicio parallogizat Bettinus Apiario 2. Progym. 3. Propos. 1. Schol. 2. dum probat C D, F G, in suo schemate, hoc est, in nostro schemate A B baculum transversarium, & A B lineam distantiarum, esse parallelâ, ex eo, quod triangula à se adducta sint æquiangula: cum tamen ipsemet in Demonstratione Propositionis supponat esse parallelas, & factâ hac suppositione probet, triangula à se adducta esse æquiangula.

CAPUT SECUNDUM.

De Dimensione Altitudinum verticalium.

Altitudines verticales voco illas, quæ insistant horizonti perpendiculariter, ut sunt turres, ædificia, arbores, columnæ, & similia.

PROBLEMA I.

Altitudines verticales, ad quas accessus patet, metiri.

Esto

Fig. XXI.
Iconif. V.

ESto turris, domus &c. A B, ad horizontem perpendicularis, ad quam liberè accedere possis. Numerà à B basi turris usque ad C, quotlibet pedes, aut palmos; & colloca Instrumentum supra pedem suum accommodatum, ita ut sit horizonti perpendicularare, prout figura monstrat, in C; directâque Regula dioptricâ in B, fac juxta Cursoris latus lineam C b horizonti parallelam; deinde directâ eâdem Regulâ in A, & posito Cursore supra C punctum, duclineam Ca. His factis, numerà à C usque ad b chartæ tot particulas, quot pedes numerasti à C signo usque ad basin B; & ex b chartæ erige perpendicularem ba, quæ interfecet lineam Ca in a. Dico, particulas lineæ ba chartæ dare pedes altitudinis B A.

DEMONSTRATIO.

IN duobus triangulis A B C, ab C angulus ad C est communis utrique, anguli ad B & b sunt recti, ex suppositione & operatione; anguli ad A & a sunt æquales, per 29 & 32 primi. Ergo ut particula C b ad particulas ba, ita pedes C B ad pedes B A, per quartam Sexti, & decimam Quinti.

ANNOTATIONES.

I.

Alitudini A B inventæ, in hoc, & in omnibus sequentibus casibus, debes adicere altitudinem pedis Instrumenti, nempe in casu posito altitudinem C F, hoc est, B G: nam per operationem factam reperitur solam altitudo A B, non altitudo A G.


II. Particula lineæ Ca parvi trianguli dant pedes lineæ diametri C A magni trianguli.

Fig. XXII
Iconif. V.

III. Si spatium inter basin B turris & locum C stationis tuæ, non est æquale, sed cavitatibus & monticulis plenum; extende chordam à C usque ad B. Item si idem spatium est declive, dirige Regulam dioptricam horizonti parallelam in turrim, & nota in ipsa ut punctum, ad quod terminetur radius visualis: factâ enim operatione modo dicto, habebis altitudinem à cacumine usque ad punctum notatum; cui altitudini, si adicias spatium usque ad terram, (habitâ ratione altitudinis pedis) habebis totam altitudinem turris.

IV. Notandum verò hic est, per prædictam & sequentes similes pra-





praxes, tunc tantum inveniri præcisè altitudines perpendiculares, quando distantia inter locum stationis, & basim turris non est notabilis; si enim notabilis esset, committi posset error, longèque minor inveniretur altitudo, quàm reverà est, ut acutè notavit Cabeus in Meteor: & Ricciolus lib. 2. Almag. c. 4. n. 8. & lib. 10. sect. 4. Probl. 31. & 32. ubi etiam remedium adhibet, quod apud ipsum legere poteris.

COROLLARIUM.

EX his colligitur, quomodo mensuranda sit portio alicujus altitudinis verticalis, v. g. distantia inter fenestram D, & cacumen A; item distantia inter duas fenestras D & E. si enim primò investigates altitudinem majorem à terra, deinde minorem; & minorem subtrahas à majori; remanebis distantia seu differentia inter utramque, v. g. inter D B & E B.

Easdem portiones E D, D A, dant particula parvi lateris a b comprehensa inter e d, da & c.

PROBLEMA II.

Altitudines verticales metiri ad quas accessus non patet, potest tamen in directum retrocedi.

ESTO turris A B, ad cujus basin B accedere non possis, propter fossam, ædes adiunctas &c. utere duabus stationibus C & D, Fig. XXIII
Iconism, V.
sic.

Colloca Instrumentum in C horizonti perpendiculare, & juxta Cursoris latus duc in charta lineam C b horizonti parallelâ. Respice deinde per dioptras Regulæ cacumen A turris, & applicato Cursori supra punctum C, duc rectam in charta C a. His factis procede versus turrin usque ad D, & numera pedes inter C & D interiectos; simulque in lineâ C b chartæ numera ex c usque ad d tot particulas, quot pedes numerasti à statione C usque ad stationem D. His etiam factis; colloca Instrumentum in D, ita ut D Instrumenti respondeat D loci; & dirige Regulam Dioptricam iterum in cacumen A, Cursori verò pone supra punctum D, & fac lineam D a, quæ interfecet lineam C a in a. Post hæc à puncto intersectionis a demitte perpendiculare a b ad lineâ c b chartæ. Dico jam, turrin A B continere tot pedes, quot particu-

ticulas continet perpendicularis ab chartæ. Dico præterea, rectam bD dare latitudinem fossæ, si D fuit prope fossam; bc distantiam primæ stationis à turris; Da , & ca lineas diametrales à locis stationum ad cacumen A . vide etiam sequens Problema.

DEMONSTRATIO.

Duos triangula ACD majus, & aCD minus, sunt æquiangula, propterea quod angulus ADC est communis utrique; & angulus ACD est idem cum angulo aCD ; & reliqui sunt æquales, per 32. primi. Ergo, per quartam Sexti, & decimam sextam Quinti, proportio lateris D a minoris, ad latus DA majoris, est sicuti proportio DC minoris, ad DC majoris. Quia ergo latus DC minoris continet tot particulas, quot pedes continet latus DC majoris, & è contrà; sequitur quod etiam latus Da minoris contineat tot particulas, quot pedes continet latus DA majoris, & è contrà.

Iterum duo triangula ADB majus, & aDb minus, sunt æquiangula, propterea quod angulus B & b in utroque est rectus; angulus ADB est communis utrique; & reliqui sunt æquales, per 32. primi. Ergo, per quartam Sexti, & decimam sextam Quinti, proportio lateris aDb minoris ad latus AB majoris, est sicuti proportio lateris aD minoris, ad AD majoris, & è contrà. Quoniam igitur AD majoris continet tot pedes aut palmos, quot particulas continet aD minoris; sequitur quod etiam AB majoris contineat tot pedes aut palmos, quot particulas continet aB minoris; quod erat inquirendum.

ANNOTATIONES.

I.

Si primam stationem facias in D , & secundam in C , & ex d charta usque ad c numeres particulas, & reliqua omnia præstes, ut dictum; invenies eandem altitudinem, propter eandem rationem hætenus explicatam.

II. Non est necesse, ut videatur basis turris, sed sufficit ut Regula & Cursor in basim directi, sint paralleli horizonti.

III. Si numeres particulas lateris Db trianguli aDb parvi, habebis distantiam DB , nempe à D usque ad basim turris B . Ratio est, quia duo triangula ABD , aBd sunt æquiangula, & habent latera homologa proportionalia; ac proinde ut particula ab parvi ad palmos AB magni, ita particula bD parvi ad palmos BD magni.

IV. S.

IV. Si verò numeres particulas cb parvi trianguli $a cb$, habebis distantiam CB , nempe à Cremotiori ad B basin turris; à qua distantia CB si subtrahas distantiam duarum stationum $C \& D$, remanet distantia inaccessibilis DB . Ratio ex dictis patet, quia utrobique triangula minora sunt similia majoribus.

COROLLARIA.

I.

EX dictis colligitur primò, quæ ratione mensuranda sit altitudo perpendicularis alicujus Montis, etiam si ad basin perpendicularis accedi non possit propter montis acclivitatem. Si enim primam stationem facias in C a monte remotiori, alteram in D monti propinquiore, & ex utroque loco aspicias verticem montis, aut signum aliquod vertici impositum, & reliqua præstes ut dictum; habebis perpendicularem à vertice montis usque ad planum cui mons insistit, & in quo operationem instituisi.

Eandem altitudinem habebis, si invenias declivitatem montis juxta dicta Cap. 1. Probl. 1. Coroll. 3. & à summitate ad lineam horizontalem demittas perpendicularem; hæc enim dabit tibi in particulis altitudinem quasitam.

II. Colligitur secundò, quæ ratione inveniendæ sit distantia à loco stationis, seu primæ, seu secundæ, usque ad perpendicularem montis, aut turris, arcus &c. monti impositæ. Vnde si perforandus esset mons, & arci imposita supponendus pulvis pyrius; quantum perforandum sit, scies.

III. Colliges tertio, quomodo inveniendæ sit acclivitas montis secundum lineam rectam: si enim secundam stationem facias prope montem, & numeres particulas Da parvi trianguli $Da c$; habebis intentum.

IV. Colliges quarto, quomodo mensuranda sit portio alicujus altitudinis verticalis, ad quam non possis accedere: si nimirum primò investigates majorem, deinde minorem altitudinem, demum subtrahas minorem à majore, ut dictum in Corollario Problematis præcedentis.

V. Colliges quinto, quomodo mensuranda sit distantia duorum locorum, quando in altero extremo erecta est altitudo ignota mensuræ: quod monuimus Cap. præcedente Probl. 8. Annotat. 3.

ANNOTATIO.

Hic modus inveniendi altitudinem inaccessam per duplicem stationem, est omninò similis modo inveniendi distantiam inaccessam duorum locorum tradito supra Cap. 1. Probl. 12. & 13.

PROBLEMA III.

Metiri altitudines verticales, ad quas neque accedi potest, neque in directum retrocedi, sed tantum ad latus.

Fig. XXIV.
Iconif. V.

SIt metienda turris A B præcedentis figuræ inaccessibilis, velis-
que eam metiri ex loco C, ex quo tamen non possis retrocede-
re, sed solum in transversum ire versus D, unde videre possis ba-
sim turris B, & locum C; sive ex loco C possis videre basim B, sive
non. Per Problema aliquod Capitis primi præcedentis investiga
ex D intervallum C B: deinde ex C, per dicta Problemate primo
hujus Capitis investiga altitudinem A B.

ANNOTATIONES.

I.

HAc ratione investigare etiam poteris portionem alicujus turris, si ni-
mirum prius investigates distantiam C B, & deinde opereris modo di-
cto in præcedenti Corollario 4.

II. Poteris etiam hac ratione investigare distantiam diametralen-
tæ C usque ad A. Item ex distantia C A altitudinem turris invenire.

PROBLEMA IV.

*Altitudinem verticalem metiri ex alia altitudine,
per duas stationes.*

Fig. XXV.
Iconif. V.

SIt turris A B, quam velis metiri ex loco C; sed neque in dire-
ctum, neque in transversum recedere possis ex C ad faciendas
duas stationes in plano. Elige, aut erige in loco C altitudinem
D C; & consensâ ejus summitate, statue Instrumentum horizonti
perpendiculari, & in charta duc duas rectas, C B horizonti paral-
lelæ, & D C intersectantem priorem in C ad angulos rectos. De-
inde fune aliquo explora altitudinem D C, & in lineam D C char-
tæ transfer ex D in C tot particulas, quot palmorum est altitudo
D C. Posthæc per dioptras Regulæ aspice summitatem A, &
Cur-

Cursor ad punctum D applicato duc rectam DA. Descende jam, & colloca Instrumentum in C eo modo, quo antea collocaveras in D, ita tamen, ut punctum C Instrumenti correspondeat loco C. Respice deinde per dioptras in A summitatem turris; & posito Cursor supra punctum C, duc rectam CA, interfecantem in A rectam DA. Tandem ex A puncto in lineam CB duc rectam perpendicularem AB. Dico, turrim AB continere tot palmos, quot particulas continet linea AB Instrumenti.

DEMONSTRATIO.

Dvo triangula, ADC majus, & ADC minus, sunt equiangula: quia angulus DCA est communis utrique; angulus ad D est idem in utroque; & anguli DAC sunt aequales, per 32. primi. Ergo, per quartam Sexti, & decimam sextam Quinti, ut DC majus, ad DC minus; ita CA majus, ad CA minus: Sed DC majus continet tot palmos, quot DC minus particulas; Ergo & CA majus continebit tot palmos, quot CA minus particulas.

Iterum duo triangula CAB majus, & CAB minus, sunt equiangula: quia anguli ad B sunt recti; angulus ACB est communis utrique; & reliqui sunt aequales, per 32. Primi. Ergo, per quartam Sexti, & decimam sextam Quinti, ut AC majus, ad AC minus; ita AB majus, ad AB minus: Sed AC majus continet tot palmos, quot AC minus particulas; Ergo & AB majus continet tot palmos, quot AB minus particulas.

ANNOTATIONES.

I.

Particula CB minoris trianguli dant intervallum inter duas turres: & particula CA ejusdem minoris dant diametralem CA majoris in palmis.

II. Hic modus infervit etiam ad inveniendam altitudinem perpendicularem alicujus montis: & etiam distantiam horizontalem a loco stationis usque ad basim perpendicularis, ut consideranti patet.

III. Ut hic ex minori altitudine invenimus majorem, ita ex majori inveniri potest minor.

IV. Quomodo ex unica statione turris inveniri possit altitudo alterius turris, dicemus Capite 5. Problem. 2.

PROBLEMA V.

*Altitudinem verticalem majorem metiri ex minore,
per unicam stationem.*

Fig. XXVI.
Iconif. V.

SIt turris A B major metienda ex turri B C minore. Metire distantiam inter C & B, per modum aliquem ex Capite i. v. g. per Problema secundum prædicti Capitis. Deinde colloca Instrumentum in D, prout figura monstrat, & dirige Regulam atque Cursorem in signum E quodcunque, & duc rectam D E in charta juxta latus Cursoris. Iterum dirige Regulam in A, & in B; positoque Curseore supra punctum D, duc rectas D A, D B. Tandem à puncto D, usque ad punctum E chartæ numera tot particulas, quot palmos invenisti inter B C; & per punctum E duc rectam A B, turri A B parallelam, hoc est, rectæ D E perpendicularem. Dico, hanc rectam A B in particulis dare tibi altitudinem turris A B.

DEMONSTRATIO.

DVo triangula D A E, & duo alia D B C, sunt aequiangula. Nam cum recta A B sit parallela turri A B, erunt anguli E E, A A, item E E, B B, æquales, per 29. primi; est autem angulus ad D communis: Ergo ut D E parvum, ad D E magnum; ita E A, & E B parva, ad E A, & E B magna; hac autem duo dant totam altitudinem.

COROLLARIUM.

Ex his colligitur, quæ ratione dimetiri possis quamcunque altitudinem verticalem per unicam stationem, si nimirum à loco stationis erigas perpendiculariter hastam, vel scalam, sive notæ, sive ignotæ altitudinis; & Instrumentum ita ad eius summitatem applies, ut operatio modo dicto institui possit.

PROBLEMA VI.

*Altitudinem verticalem minorem ex majori
metiri.*

Fig. XXVII.
Iconif. V.

SIt ex turri A B notæ altitudinis metienda turris C D. Colloca Instrumentum in A, ut vides; & duc in charta duas rectas A B, B D,

B D, quarum illa sit horizonti perpendicularis, hæc parallela. Numera deinde ex B usque ad A tot particulas, quot palmos continet turris A B; & directâ Regulâ in C & in D, positoque Curfore in A, duc rectas A C, A D. His factis, ex puncto D, ubi linea A D intersecat lineam B D, erige rectam D C, perpendicularem rectæ B D. Dico, particulas rectæ D C dare altitudinem C D.

DEMONSTRATIO.

B Ina triangula A B D, sunt aquiangula, cum angulus ad A sit communis, & ad B rectus; Ergo cum A B minoris contineat tot particulas, quot palmos A B maioris; etiam A D minoris continebit tot particulas, quot palmos continet A D maioris.

Iterum, bina triangula A C D sunt aquiangula: nam angulus ad A est communis utrique, anguli tam ad D, quàm ad C, sunt æquales, per 29. primi: Ergo ut se habet in minori latus A D ad D C, ita se habet in maiori latus A D ad D C; & vicissim; Sed A D maioris continet tot palmos, quot A D minoris particulas, ergo etiam D C maioris continet tot palmos, quot D C minoris particulas.

PROBLEMA VII.

Altitudines verticales in monte positas, ad quas accessus patet, metiri.

E Sto turris A B in monte posita, observanda ex C dorsi montis; F. XXVIII. Iconism. V.
Sistque distantia à C usque ad B per rectam lineam 40 verbi gratiâ palmorum. Colloca Instrumentum in C; dirige dioptricam Regulam in B, & in A; positoque Curfore in puncto quocunque C chartæ, duc rectas C b, C a. Numera deinde ex C usque ad b Instrumenti particulas 40, & per b duc rectam a b perpendicularem horizonti, ope perpendiculari. Dico, rectam a b continere tot particulas, quot palmos A B.

DEMONSTRATIO.

B Ina triangula A B C, & a b C sunt aquiangula, quia turris A B, & recta a b, sunt parallela, per Sextam undecimi. cum utraque sit ad horizontem recta; & lineæ a C, b C, incidentes in ipsas, efficiunt angulos ex-

ser.

ternos aequales internis; & angulus C est communis utrique. Habent ergo circa aequales angulos latera proportionalia, & est, ut C b parvum, ad C B magnum, ita B a parvum, ad B A magnum,

PROBLEMA VIII.

Altitudines in monte positas, ad quas accessus non patet, metiri.

ESto ut antè turris A B supra montem posita, ad quam non possis accedere.

Si existis in planitie infra montem; cape per Problema II. hujus Capitis primò altitudinem B D, deinde altitudinem A D; & subtrahere minorem à majori, remanebitque altitudo A B.

Si es in montis dorso, ubi non potes recedere in directum; aut in planitie, & similiter non potes recedere; cape per Probl. IV. hujus capitis primò altitudinem solius montis B D, deinde montis & turris simul; & subtractà minorem ex majori, remanebit altitudo turris. Demonstratio patet ex citatis locis.

PROBLEMA IX.

Metiri altitudinem turris ex ipsa turri, quando basis turris non potest videri.

UTere modo dicto Capite primo, Problemate 9, & habebis intentum.

PROBLEMA X.

Altitudinem nubium verticalium metiri.

SIt nubes verticalis, hoc est, quæ vertici tuo immineat, A B, & sit quiescens. Quære locum C, ex quo per lineam horizonti perpendicularem aspicere possis extremitatem A nubis. Colloca ergo Instrumentum in C, & per Regulam aspice extremitatem A, ductà secundum latus Cursoris rectà C A. Iterum aspice per Regulam extremitatem B, & Cursori posito in puncto C Instrumenti, duc rectam C B. Quære jam alium locum D, vel per te ipsum,

Fig. XXIX.
Iconism, V.

Fig XXX



Fig XXXI



Fig XXXII



Fig XXXIII



Fig XXXIV



Fig XXXV




Fig XXXVI




Fig XXXVII



Fig XXXVIII




Fig XXXIX



Ipſum, vel per ſocium, ex quo per lineam perpendicularem aſpici poſſit altera nubis extremitas B. Numera jam palmos inter loca C & D interiectas, & in rectam CD Inſtrumenti, ex C in D, transfer tot particulas, quot palmos inveniſti; atq; ex D erige perpendicularem DB. Dico, DB in particulis dare altitudinem nubis in palmis.

DEMONSTRATIO.

Dvo triangula BCD ſunt equiangula, ut patet; eſtque ut CD parvum ad DB parvum, ita CD magnum ad DB magnum.

PROBLEMA XI.

Altitudinem nubium non verticalium metiri.

Sit nubes non verticalis A, & tu exiſtas in C. Colloca Inſtrumē. Fig. XXX.
Iconiſ. VI.
ſtum in C, ut vides, & ductâ rectâ CD horizonti parallelâ, dirige Regulam in A, & juxta latus Curſoris duc rectam CA. Procede deinde, vel alium mitte verſus D, donec punctum A fiat tibi aut ipſi verticale; & numera palmos inter loca C & D; in lineam verò CD Inſtrumenti transfer tot particulas, quot inter C & D loca inveniſti palmos, & ex D erige perpendicularem, quæ ſecet rectam CA, in A. Dico, rectam DA in particulis dare tibi altitudinem DA nubis,

DEMONSTRATIO.

Dvo triangula CAD ſunt equiangula, ut patet, ac, proinde eſt CD intervallum ad DA altitudinem, ut CD particula ad DA particulas. Vide plura infra.

PROBLEMA XII.

Aliter metiri altitudinem nubium non verticalium.

Sit nubis A altitudo perpendicularis AE dimetienda ex locis C Fig. XXXI.
Iconiſ. VI.
& D. Colloca Inſtrumentum in C, & ductâ rectâ horizontali CE, aſpice per dioptras nubis extremitatem ſeu punctum quodcunque determinatum A; & applicato Curſore puncto C, duc rectam CA in Inſtrumento. Procede deinde ad ſtationem D, & ex

H

CIn.

C Instrumenti usque ad D numera tot particulas, quot pedes numerasti ex loco C ad locum D; positoque puncto D Instrumenti in loco D, aspice iterum per dioptras punctum A nubis; applicatoque Curse puncto D Instrumenti, duc rectam D A, secantem priorem lineam C A in A. His factis, demitte ex puncto A Instrumenti perpendicularem A E; & hujus particulæ indicabunt tibi numerum pedum altitudinis A E nubis.

DEMONSTRATIO.

D Votriangula C A D sunt aequiangula, quia angulus ad C, est idem in utroque, angulus ad D, communis utrique, & anguli ad A æquales, per 32. primi. Ergo ut C D parvi, ad C D magni; ita D A parvi ad D A magni.

Iterum, duo triangula D A E sunt aequiangula, quia angulus ad D est communis utrique, angulus ad E est rectus in utroque, & anguli ad A æquales, per 32. cit. Ergo ut D A parvi ad D A magni; ita A E parvi ad A E magni.

ANNOTATIONES.

I.

Potest eodem tempore, quo tu ex C aspicias punctum A, & formas rectam C A, aliis ex D aspicere idem punctum A. & formare rectam D A, in aliquo asserculo rite collocato: si enim tunc in charta aliqua ducatur recta C E, fiat angulus æqualis angulo A C E, numerentur particula à puncto C usque ad punctum D tot, quot sunt palmi inter C & D, fiat angulus A D E, demittatur perpendicularis A E; habebis idem quod antea.

II. Si una statio fiat in C, altera in O, & à C Instrumenti usque ad O sumantur tot particulae, quot pedes sunt inter loca C & O, & à puncto interseccionis A Instrumenti demittatur perpendicularis A E. dabit hac altitudinem A E nubis. Demonstratio facilis est, & ex dictis colligitur.

PROBLEMA XIII.

Altitudinem turris in fossa posita metiri.

Sit fossa A B C D, turris E F. Metire profunditatem A B fossæ sunt demisso. Colloca Instrumentum in A, ut vides; dirige Regulam in E, & in F, ductis juxta Curforis latus rectis A E, A F. Numera deinde ex A in B chartæ tot particulas, quot palmorum est

F. XXXII
Iconis. VI.

F. XXXIII.
Iconis. VI.

est profunditas AB fossæ: & ex B duc perpendicularem BF, intersecantem AF in F; & ex F erige perpendicularem FE, quæ dabit tibi altitudinem turris.

DEMONSTRATIO.

Duo triangu- *AEF*, sunt aquiangula, per 29. primi; sicut & duo *ABF*: (suppono enim rectus *E* esse inter se parallelas, & horizonti perpendiculares) Ergo, ut *AB* ad *FA* in parvo, ita *AB* ad *FA* in magno: Item ut *AF* ad *FE* in parvo, ita *AF* ad *FE* in magno.

ANNOTATIO.

Diametralem *AE* in palmis, dat *AE* Instrumenti in particulis. Idem dicendum de diametrali *AF*, & horizontali *BF*.

PROBLEMA XIV.

Metiri altitudinem verticalem ex summitate ipsius, quando nota est distantia quedam horizontalis à basi altitudinis.

Utere modo dicto Capite primo, Problemate secundo, & invenies quod quæris. Utere inquam modo dicto, non ut ibi habetur, sed accommodatè ad hunc casum.

CAPUT TERTIUM

De Dimensione Profunditatum.

Profunditates hic appello lineas perpendiculariter descendentes è loco superiori, vel ascendentes ex inferiori; cujusmodi sunt profunditates puteorum, vallium &c. quæ etiam vocari possunt verticales profunditates, & eandem ferè dimetiendi rationem habent cum verticalibus altitudinibus.

PROBLEMA I.

Profunditates puteorum metiri.

Esto puteus *DFEC*, æqualem habens latitudinem, superius *F*. XXXIV *EDC*, & inferius *FE*; cujus profunditatem usque ad aquæ su- Iconif. VI.

perficiem scire velis. Metire primò ejus latitudinem DC , quæ sit v. g. 20 palmorum: deinde applica Instrumentum, ut vides, & duc in charta duas, BC , FC , interfecantes se orthogonaliter in C . His factis, numera ex C usque ad F chartæ 20 particulas, & dirige Regulam in F putei; positoque Cursore in puncto F Instrumenti, duc rectam FB . Dico, profunditatem putei esse tot pedum, quot particulae continentur in BC chartæ.

DEMONSTRATIO.

Demonstratio fundatur in proportionem laterum homologorum duorum triangulorum similium BFC , & ex jam saepe dictis patet.

ANNOTATIO.

Subtrahendum tamen est latus BC Instrumenti. Quod si B Instrumenti esset in C linea DC , nihileffet subtrahendum.

PROBLEMA II.

Aliter puteorum profunditates metiri.

F. XXXV. Iconif. VI. **A**pplica Instrumentum ut vides, & directâ Regulâ in B , applicatoque Cursore in A , duc in Instrumento rectam AB . Numera deinde ex A Instrumenti usque ad punctum C tot particulas, quot palmos continet latitudo AC putei, & ex C demitte perpendicularem CB ; quæ dabit tibi profunditatem putei. Demonstratio fundatur in duobus triangulis similibus ACB .

PROBLEMA III.

Profunditatem puteorum, aliarumque rerum depressarum aliter metiri.

F. XXXVI. Iconif. VI. **E**rige supra os putei, ubi E , hastam EA ad perpendicularum; & applicato Instrumento in A , ductisque in charta rectis AB , CB secantibus sese orthogonaliter in B , dirige Regulam in C putei, & simul applicato Cursore ad punctum A , duc rectam AC . His præstitis, numera in hasta ex A usque in H inferius, v. g. 30 palmos, totidemque particulas ex A usque ad H Instrumenti punctum.

Etumque H Instrumenti applica ad punctum H inferius hastæ; iterumque per Regulam aspice punctum C putei, applicatoque Curfore puncto H , duc rectam HC , intersecantem rectam AC in C : à quo puncto C si duces perpendicularem CB , ad latus AB Instrumenti; dabunt particulæ AB totam lineam AB , nempe à summitate hastæ usque ad imum putei; particulæ verò HB dabunt profunditatem putei ab H usque ad B .

DEMONSTRATIO.

Demonstratio fundatur in triangulis ABC , & AHC , prout explicatum est in simili suprà Capite I. Probl. 9.

ANNOTATIO.

HAc eadem ratione mensurari potest profunditas vallium ex monte, aliarumque profunditatum ex altitudinibus.

PROBLEMA IV.

Profunditatem vallis metiri.

Sit vallis A , cujus profunditas sit mensuranda ex monte D Iconif. VI. F. XXXVII, ascendendumque quanta sit perpendicularis CA . Elige in planitie montis, aut in ejus dorso, duas stationes, ex quibus videre possis signum A ; & investiga per dicta Capite I. Probl. 1. Coroll. 3. distantiā diametralem DA . Quā habitā, erige Instrumentum in monte, ut vides, & per dioptras respice in A , positoque Curfore in D , duc rectam DA ; in qua ex D , usque ad A , numera tot particulas, quot palmos invenisti inter D & A . Deinde ex A instrumenti ad ejus latus DF , duc perpendicularem AF . Dico, tot palmorum esse perpendicularem montis DF , & consequenter vallis CA , quot particularum est linea DF Instrumenti. Auferri tamen debet altitudo Instrumenti ex profunditate inventa.

DEMONSTRATIO.

Demonstratio fundatur in similitudine duorum triangulorum DAF , uti jam sæpe diximus in precedentibus.

ANNOTATIONES.

I.

Eadem particula DF dant palmos à D usque ad F centrum montis. Particula verò FA dant distantiam FA .

II. Si montis sit imposita turris, poteris per duas stationes in ipsa facetas indagare vallis profunditatem, modo dicto Problemate precedente.

III. Si in ipsa valle fieri possint duas stationes, poteris eadem profunditatem, seu potius altitudinem DF , seu CA mensurari per Problema secundum cap. 2. Et etiam declivitas.

CAPUT QUARTUM.

De Dimensione distantiarum diametralium.

Distantias seu lineas diametrales voco, distantias à termino quopiam in planitie constituto usque ad alium in eminentiori loco situm; qualis est distantia CA in figura sequentis Problematis. Est porro hujus distantie diametralis inventio summè utilis atque necessaria Belli ducibus ad fabricandas scalas, aut pontes, in propugnaculorum oppugnationibus. Scimus enim ex Polybio, Philippum Regem Macedonum gravi clade affectum ex eo, quòd ad Melitarum urbem capiendam scalas non satis longas muris admovebat. Idem contigit Gallis ad Mediolanum, & Austriacis ad Canisam. Inservit eadem res missilibus ignitis in arcem monti impositam proliciendis.

PROBLEMA I.

Distantiam diametralem invenire, quando ad basim altitudinis accedi potest, aut nota est ipsa altitudo.

F. XXXIIX
Iconif. VI.

Sit invenienda distantia CA , aut CD , aut CE . Metire in palmis v. g. 50 intervallum CB ; & collocato Pantometro in C , ductisque in Instrumenti charta rectis AB , CB , numera ex B usque in C particulas 50, & dirige regulam in A , aut D , aut E ; postroque

toque Cursore supra punctum C Instrumenti, duc rectam CA, aut CD, aut CE. Dico, particulas in CA Instrumenti dare distantiam quæsitam in palmis. Vide Probl. 8. cap. I.

DEMONSTRATIO.

Demonstratio constat ex dictis Capite I. Probl. 1. & alibi passim toto hoc Libro.

COROLLARIUM.

Ex his colligitur, quotiescunque nota est distantia aliqua ab altitudine, aut ipsa altitudo, inveniri nullo negotio lineam diametralem.

ANNOTATIO.

Si Instrumentum fuit accommodatum supra suum pedem, addenda est ad diagonalem distantiam inventam, distantia diagonalis ab Instrumento usque ad terram, nempe à C usque ad F, aut G, aut H; que habetur, si solum juxta latus Cursoris extendatur recta usque ad terram, ut figura monstrat.

PROBLEMA II.

Distantiam diametralem invenire, quando ad basim altitudinis non potest accedi, neque nota est ipsa altitudo.

Utere modo dicto Capite 2. Probl. 2. & particulæ linearum CA, vel DA Instrumenti, dabunt tibi quæsitum.

PROBLEMA III.

Distantiam diametralem invenire ope Instrumenti, sine observatione, quando nota est altitudo, & distantia ab ipsa.

Si scias tam altitudinem turris A B præcedentis figuræ, Problematis primi, quàm distantiam B C à basi turris; invenies diametralem sine ulla observatione sic. In charta duc duas rectas
AB,

AB, CB, intersecantes se orthogonaliter in B, prout in prædicta figuræ factum vides: à B versus A transfer tot particulas, quot palmos continet altitudo nota; ab eodem B versus C transfer tot particulas, quot continet distantia nota à basi turris: fines particularum utriusque lineæ conjunge lineâ rectâ CA, & in ipsâ invenies distantiam diametralem in particulis Cursoris.

PROBLEMA IV.

Declivitatem & acclivitatem alicujus montis invenire, quando non est valdè inequalis.

Utere modo dicto in Corollario 3. Cap. 1. Probl. 1. & invenies quod quaeris, ob rationem ibidem dictam.

PROBLEMA V.

Diagonale intervallum ex ipsa altitudine metiri.

Utere modis dictis Capite 1. Probl. 2. §. 9.

CAPUT QUINTUM.

De Dimensione variorum intervallorum.

Proponam hoc capite nonnullos casus dimetiendi varia intervalla seu distantias, quas simul notas esse quis desiderat; licet singulæ earum distantiarû ex traditis jam modis inveniri possint.

PROBLEMA I.

Duarum altitudinum verticalium inequalium, & non in eodem plano horizontali existentium distantiam inter se, & diametralem alterutrius unâ cum altitudine invenire ex alterutra.

F. XXXIX. **S**it turris, arx &c. AB minor, & altiori loco sita; CD turris, aut Isola, &c. VI. S arbor, aut navis major, & de pressiori loco sita; velisque ex CD invenire prædicta; sic operare.

Primò,

Primò, distantias CB, & DB habebis sic. Applica Instrumentum in D, verticaliter erectum, & directâ regulâ in B, duc in charta juxta latus Cursoris rectam DB, aliamque verticalem DC. Deinde conscende in C, & metre in palmis, demisso fune, altitudinem CD; applicatoque Instrumento verticaliter in C, numera ex D chartæ in Cusque tot particulas, quot palmarum est altitudo CD; & dirigendo in B Regulam cum Cursore posito in C Instrumenti, fac lineam CB, quæ interfecet priorem DB in B. His factis, dabunt particulae DB distantia DB à basi ad basim; particulae verò CB dabunt distantiam diametralem CB, à puncto B usque ad punctum C.

DEMONSTRATIO.

Quia duo triangula CBD, sunt æquiangula, eò quòd angulus ad C sit communis, ad D idem in utroque, ad B unus alteri equalis, per 32. primi, ut ergo CD nota in particulis, ad CD notam in palmis; ita CB nota in particulis, ad CB ignotam in palmis, per quartam Sexti, & decimam sextam Quinti. Item, ut CD parvi, ad CD magni trianguli, ita DB parvi, ad DB magni.

Secundò, distantiam horizontalem EB habebis, si ex loco aliquo altitudinis CD, nempe ex E dirigas in B lineam visualem horizontalem; & applicato Instrumento, metiaris intervallum ED, numereque in linea DC Instrumenti, ex D in E, tot particulas, quot palmos invenisti in intervallo ED; ducasque rectam EB, interfecantem DB in B; particulae enim EB Instrumenti dabunt palmos E B intervalli horizontalis. Vel sine alia operatione, ex punctis intersectionis B ad latus CD Instrumenti duc perpendicularem EB.

DEMONSTRATIO.

Quia triangula EBD sunt æquiangula, cum angulus ad E sit communis utrique, angulus ad D idem in utroque, reliqui aequales, per 32. primi, ut ergo DE nota in particulis, ad DE notam in palmis; ita EB nota in particulis, ad EB ignotam in palmis.

Tertiò, altitudinem AB habebis, si ex alio loco altitudinis CD, nempe ex F, dirigas in A, aliam horizontalem FA, metiarisque distantiam inter F & E: hæc enim distantia seu altitudo FE, erit æqualis altitudini AB.

DEMONSTRATIO.

Quoniam enim in quadrilatero $ABFE$, duæ rectæ AB , FE parallelæ sunt ex suppositione; suntque anguli ad F & E recti, ex constructione, erunt etiam anguli ad A & B recti, utpote æquales angulis F & E , per 29. primi. Parallelogrammum ergo est, quadrilaterum $ABFE$, per Scholium Clavii trigessimæ quartæ primi, eò quod oppositos angulos habeat æquales, vel eò quod omnes angulos habeat rectos; ac proinde ad-versa latera FA , EB sunt æqualia, per 34. primi.

ANNOTATIO.

Eandem altitudinem AB invenies, si ex D & C , opereris modo dicto Capite secundo Probl. 4. Simili præterea modo invenies diametralem DA .

PROBLEMA II.

Ex una turris statione metiri alterius turris altitudinem, & distantiam horizontalem, & Diametralem.

Fig. XL.
Iconic. VII.

EX loco C turris CD , sit inventenda turris AB altitudo, distantia horizontalis DB , & diametralis CB , CA . sic operare.

Hunc demisso metire altitudinem CD , & applicato Instrumento in C , duc juxta directionem Regulæ & Cursoris rectas CB , CD . Ex C usque ad D Instrumenti numeri particulas tot, quot invenisti ex C in D turris palmos; & ex D puncto duc rectam perpendicularem DB , secantem CB in B ; dabitque DB in particulis distantiam horizontalem DB in palmis; & CB in particulis, dabit distantiam diametralem CB in palmis.

DEMONSTRATIO.

Duo triangula CBD , sunt æquiangula; ergo habetur intentum.

Altitudinem porro AB , & diametralem CA , sic invenies. Duc rectam CA , juxta directionem Regulæ & Cursoris in A ; & ex puncto B Instrumenti erige perpendicularem BA , secantem CA in A ; dabitque BA altitudinem, CA diametralem quæ sitam.

DE.




FIG. XL.




FIG. XLI.





FIG. XLII.

FIG. XLV.



A	Fig. XLIII.										B
C	1	2	3	4	5	6	7	8	9	10	D
	1									20	
	2									30	
	3									40	
	4									50	
	5									60	
	6									70	
	7									80	
	8									90	
	9									100	
	10	20	30	40	50	60	70	80	90	100	

DEMONSTRATIO.

Duo triangu^{la} CAB , sunt æquiangula, quia angulus C est communis, anguli A & B sunt æquales angulus A & B , per 29. primi. Ergo ut CB ad CB , ita CA , ad CA ; vel ut AB ad AB , ita CA ad CA .

PROBLEMA III.

Trium montium aut turrium distantias ab invicem, unâ cum altitudine, determinare.

Sint tres montes, aut turres AE , BF , DC . In monte D C elige Fig. XLI,
Iconic VII,
duas stationes, C & D . In statione C colloca Instrumentum
ita, ut planum ipsius transeat per cacumina B & A simul, & directâ
in A , & in B Regulâ, cum Curfore posito supra punctum C , duc
rectas CB , CA , CD . Deinde transfer Instrumentum in D , &
colloca iterum ut antea; & à puncto C Instrumenti ad punctum
 D numera tot particulas, quor palmis distat statio D , à statione
 C ; & directâ iterum Regulâ cum Curfore in A , & in B , duc rectas
 DA & DB , intersecantes rectas CB , CA , in punctis B & A , & duc
rectam BA . Dabunt particulæ DB , distantiam DB ; particulæ
 BA , distantiam BA ; particulæ DA , distantiam DA ; particulæ
 CA , distantiam CA ; particulæ denique CB , distantiam CB .

DEMONSTRATIO.

Duo triangu^{la} DAC sunt æquiangula: nam angulus D est communis, angulus ACD est idem in utroque, reliqui sunt æquales, per 32. primi. Ergo sicuti distantia DC continet tot palmos, quot linea DC particulas; ita distantia CA , & DA , continens tot palmos, quot linea CA & DA particulas.

Iterum, duo triangu^{la} DCB , sunt æquiangula: nam angulus D est communis, angulus BCD est idem in utroque; reliqui sunt æquales, per 32. primi. Ergo sicuti CD distantia continet tot palmos, quot DC linea particulas; ita CB & DB distantie continebunt tot palmos, quot CB & DB lineæ particulas.

Iterum, duo triangu^{la} DAB sunt æquiangula: nam angulus D est communis, latera DA , DB sunt secta proportionaliter,

ac proinde anguli DAB , DBA parvi trianguli, sunt æquales eidem magni trianguli, per 29. primi, cum lineæ AB parvi, & AB magni, sint parallelæ, per secundam Sexti. Ergo sicuti AD distantia continet tot palmos, quot AD linea particulas, ut probavimus; ita AB distantia continet tot palmos, quot AB linea particulas, per 4. Sexti.

ANNOTATIO.

Altitudo AE colligitur ex particulis lineæ DE ejusdem parvi trianguli, demissa perpendiculariter ex puncto A in lineam CE Instrumenti, si turres sint in eodem plano horizontali. Similiter altitudo BF colligitur ex lineæ BF Instrumenti. Distantia DE , ex particulis lineæ DE ejusdem parvi trianguli colligitur. Ratio patet ex dictis. Si turres non sint in eodem plano horizontali, investigentur distantia CF , CE in palmis. & ex puncto C Instrumenti usque ad puncta F & E , transferantur totidem particula, & ducantur rectæ AE , BF dabuntque hæc turrium AE , BF altitudines.



LIBER



LIBER III. EMBADOMETRICVS,

sive

De Dimensione superficierum.

Superficies apud Mathematicos est magnitudo longa ac lata, carens profunditate. Geometra tamen practici seu Agri-
mensores, nomine superficierum intelligunt planities camporum, hortorum, vinearum, pratorum, & similium rerum; item sylvas per planities extensas; & quidquid denique in longum, in latum, in circulum, & in quamcunque figuram planam est extensum, & secundum superficiem suam mensurabile. De superficierum itaque dimensione, ut non solum methodicè ac ordinate, sed clarè ac breviter agamus, nonnulla pramittenda duximus, praesertim in gratiam Tyronum. Duas ergo partes habebit hic Liber; Prima continebit Prolegomena; altera Problemata.

I 3

PARS

PARS PRIMA

CONTINENS

PROLEGOMENA.



Getur in his Prolegomenis de variis speciebus seu divisionibus superficierum, de famosis mensuris Geometrarum, tandemque de calculo Geometrico, seu de Arithmetica Geometrica. Licet enim in dimensione superficierum per nostrum Instrumentum non sit omninò necessaria Arithmetica cognitio atque operatio, ut suo loco indicabimus; tamen facilius & certius cum illa, quàm sine illa, dimensiones prædictæ peraguntur, saltem in aliquibus casibus.

CAPVT PRIMVM

De variis Superficierum speciebus.

Superficies dividitur in planam, cavam, & convexam. Plana dividitur in rectilineam, curvilineam, circularem, & mixtam. Rectilineæ superficies sunt, quæ rectis circumscribuntur lineis, seu quorum omnia latera sunt recta.

Dividuntur rectilineæ superficies in trilateras, quadrilateras, & multilateras: sive in triangulares, quadrangulares, & multangulares; quæ etiam vocantur græcè trigonæ, tetragonæ, & polygonæ. Trilateræ, seu triangulares appellantur triangula, & dividuntur in triangula rectangula, & obliquangula; & hæc in acutangula, & obtusangula. Hæc tres triangulorum species appellantur græcè triagula orthogonia, oxygonia, & amblygonia.

Quadrilateræ superficies dividuntur in quadrata, oblonga, rhombos, rhomboides, & trapezia. Multilateræ dividuntur in regulares, & irregulares. Regulares sunt, quæ habent & latera æqualia & angulos æquales. Irregularia sunt, quæ aut latera, aut angulos, aut utraque inæqualia habent.

Cut-

Curvilinearum superficiesum variae sunt species. Inter illas censentur ellipticae (quas aliqui vocant ovals) hyperbolicæ, & parabolicæ. Circulares sunt circuli: Mixtae sunt, quæ habent latera partim recta, partim curva, cuiusmodi sunt circulorum segmenta, & similia.

Superficies Cavæ sunt interiores superficies sphaerarum, cylindrorum, conorum, & similibus rerum intus cavarum. Convexæ sunt exteriores superficies earundem rerum, & quorumcunque solidorum sphaericorum, cylindraceorum, & conicorum.

Omnium superficiesum hactenus enumeratarum figurae propriis locis exhibentur.

CAPUT SECUNDUM

De variis superficiesum mensuris.

IN superficiebus mensurari possunt ac debent latera, & area seu capacitas lateribus conclusa. Utraque mensurantur palmis, pedibus, passibus, cubitis, ulnis, perticis, milliaribus, & similibus maioribus minoribusve mensuris; cum hac tamen differentia, quod latera mensurentur simplicibus palmis, pedibus, passibus &c. area verò seu capacitas, palmis, pedibus, passibus &c. quadratis.

Ut hæc intelligantur, sciendum est, pedem geometricum (quod dico de pede, intelligendum etiam est de palmo, passu, cubito, pertica, milliari &c.) triplicem esse. Primus dicitur simplex, & est linea uno pede longa; qualem refert linea C, si sit uno pede longa. Secundus dicitur pes quadratus; & est superficies uno pede longa, & uno pede lata; qualem refert figura A, si singula ejus latera sint longa integro pede. Germanicè vocatur *Errug Schut*; pes cruciatus, hoc est, superficies secundum longitudinem & latitudinem, seu quasi per crucem, habens mensuram unius pedis. Tertius dicitur pes cubicus; & est corpus aliquod habens sex superficies, quarum qualibet est longa & lata uno pede; qualem refert figura B, si singula ejus latera seu superficies sint longæ ac latæ uno pede, seu contineant unum pedem quadratum.

Horum

Horum trium pedum primo metimur lineas, eoque hactenus usi sumus in præcedenti Libro nostræ Geometriæ prædicæ; Secundo metimur superficies, eoque utimur in hoc tertio Libro, & in quarto sequenti, tertio metimur corpora, eoque utemur in Libro quinto & sexto. Itaque lineas metimur lineis, superficies superficibus, corpora seu solida corporibus seu solidis.

Mensuræ porro communissimæ apud Agrimensores seu prædicos Geometras sunt duæ, pes, & pertica. Pedis magnitudo apud varias nationes varia est, & nunc major, nunc minor, ut vidimus Lib. 1. par. 2. Pertica apud nonnullos continet 16 pedes, apud alios 12, apud plerosque 10, ut ibidem diximus. Et hæc divisio perticæ in decem pedes etiam apud Antiquos in usu erat; unde Decempeda dicebatur; & Agrimensores, qui eâ utebantur, Decempedatores. Est etiam hæc divisio commodissima, præ cæteris, & miram in arithmeticis operationibus, ad superficierum dimensionem necessariis, facilitatem affert, ut postea videbimus. Quare suas erim, ut omnes utantur perticâ divisâ in decem æquales partes, quæ pedes, aut palmos, aut alias mensuras perticæ minores repræsentent; præsertim cum quævis aliæ perticæ in Decempedas faciliè converti possint, ut docet Erasmus Rheinoldus in suo de Geometria Libro germanica lingua scripto.

Fig. XLIII.
Icon. VII.

Decempeda igitur, ut & aliæ mensuræ supra nominatæ, triplex est; Simplex, quadrata, & cubica. Simplex continet decem pedes simplices, estque nihil aliud, quàm linea decem pedibus longa; qualem repræsentat linea A B hic posita. Decempeda quadrata continet centum pedes quadratos, estque nihil aliud, quàm superficies longa decem pedibus simplicibus, & totidem pedibus simplicibus lata; qualem repræsentat figura C D E F appositæ: si enim singula ejus latera dividantur in decem pedes, & puncta divisionum opposita conjungantur rectis lineis, resultat superficies continens centum pedes quadratos, ut figura monstrat. Decempeda cubica est corpus longum, latum, & profundum seu altum, unâ Decempeda.

Campi, horti, prata, vineæ, sylvæ, & similia dividi solent, ac mensurari, alia majori mensura, quæ apud antiquos dicebatur Jugerum, quia tantum erat terræ spatium, quantum uno die jugum boum arare potest. Apud nonnullos populos adhuc in usu est hu-

jus.

iusmodi mensuræ genus, & variis nominibus appellatur, & in varias minores mensuras dividitur, præcipuè tamen in perticas, & pedes. Jugerum semper habet longitudinem ac latitudinem, ideoque non dividitur in simplex & quadratum, sed semper est quadratum, aut æquivalens quadrato.

Tandem notandum est, pedem dividi solere in duodecim æquales partes, quas uncias vocant (germanicè Zoll;) & has in alias duodecim, quas vocant minuta; quorum quodlibet subdividi potest in alia duodecim, quæ appellentur minuta secunda. Melius tamen & commodius erit, si pes dividatur in decem partes, seu uncias; & uncia in decem minuta; & minutum in decem secunda, & sic deinceps, si opus fuerit; sic enim longè facilius peragentur operationes arithmeticæ, ut videbimus. Itaque.

Decempeda simplex	} continet	decem	pedes simplices
Pes simplex			uncias simplices
Uncia simplex			Minuta simplicia
Minutum simplex			Secunda simplicia
Secundum simplex			Tertia simplicia.
<hr/>			
Decempeda quadrata	} continet	centum	pedes quadratos
Pes quadratus			uncias quadratas
Uncia quadrata			Minuta quadrata
Minutum quadratum			Secunda quadrata
Secundum quadratum			Tertia quadrata.

Alia tamen & commodior appellatio nonnullarum partium ex prædictis, afferetur in capite sequenti.

CAPUT TERTIUM

De Numero, & Calculo Geometrico, seu de Operationibus Arithmeticis in Geometria practica usitatis, in genere.

In hoc tertio, & quarto sequenti libro, licet non omnino necessariz, utilissimæ tamen sunt quatuor vulgatz species Arithmeticæ practicæ, quæ sunt Additio, Subtractio, Multiplicatio, Divi-

lio: & præterea Extractio radice quadrata. Bene ergo in illis exercitatum esse oportet Geometram. Quoniam verò, si per usitatam viam incedatur, solent plurimum negotii facessere numeri fracti; excogitarunt Recentiores Mathematici numeros, quos vocant Geometricos; quorum ope facillimè, & sine ulla fractionis molestia, prædictæ operationes absolvuntur. Operationes verò Arithmeticas hujusmodi Numerorum subsidio peractas appellant calculum Geometricum.

Ut verò scias, quid Numerorum Geometricorum, & quid calculi Geometrici nomine Mathematici intelligant, recolendū est id, quod in præcedenti capite diximus, nempe Recentiores Geometras dividere Decempedam in decem æquales partes, easque appellare Prima; deinde singula hujusmodi Prima subdividere in decem alias æquales partes, easque Secunda appellare; rursus singula Secunda distribuere iterum in decem æquales partes, easque appellare Tertia. Potest ulterius, si lubet, aut expedit, quodlibet Tertium dividi in decem Quarta, quodlibet Quartum in decem Quinta, & sic deinceps.

Ex his constat primò, Decempedas esse Integra, Prima esse pedes, Secunda esse uncias, Tertia esse minuta. Constat ulterius, Prima seu pedes esse partes decimas Decempedarum; Secunda centesimas, Tertia millesimas. Et tametsi in agrorum dimensionibus rarò ultra Prima seu Pedes procedatur; tamen in aliis dimensionibus, præsertim stereometricis, de quibus in sequenti quinto & sexto libro, sæpe accidit ut ultra Prima & Secunda progredi sit necesse.

Compendii porrò causâ Geometræ, exemplo Astronomorum, hos suos Geometricos numeros peculiari ratione signare solent: nam supra numerum integrarum Decempedarum notare solent cyphram, supra Prima unam virgulam, supra Secunda duas, supra Tertia tres, supra Quarta quatuor virgulas, & ita deinceps. Exempli gratia, numerum significantem decem decempedas, 8 Prima, 6 Secunda, 4 Tertia, ita scribere & signare solent:

10, 8, 6, 4. Item hunc alium numerum: 20, 3, 0, 7, 5, sic signant & enuntiant; viginti Decempedæ, tria Prima, nulla Secunda, septem Tertia; quinque Quarta.

Nota

Nota hic, quod diximus suprà de mensuris simplicibus quadratis, & cubicis, applicandum etiam esse præsentibus mensuris: sunt enim Decempedæ; Prima seu pedes, Secunda seu uncia, Tertia seu minuta &c. simplicia, quadrata & cubica.

CAPUT QUARTUM.

De Additione Numerorum Geometricorum

IN superficierum dimensionibus addi solent, seu in unam colligitur summam, Decempedæ, Prima, Secunda &c. Simplicia, & quadrata. Recolendum igitur est, decem Prima Simplicia efficere unam Decempedam Simplicem; & decem Secunda Simplicia unum Primum Simplex; & decem Tertia simplicia unum secundum Simplex. At verò centum Prima quadrata efficiunt unam Decempedam quadratam; & centum Secunda quadrata unum Primum quadratum; & centum Tertia quadrata unum Secundum quadratum. Quod bene notandum est, alioquin enormes committi possunt errores in Additione, & in aliis sequentibus Operationibus.

In Additione igitur Simplicium Numerorum scribantur Integra sub Integris, Prima sub Primis, Secunda sub Secundis, Tertia sub Tertiis &c. Deinde instituatur operatio ut in vulgari modo, nempe incipiendo à dextra versus sinistram, & colligendo numeros in dextima columna repertos in unam summam, & deinde numeros reliquarum columnarum. Quoties verò repereris 10. in summa aliqua alicujus columnæ collecta, toties pone unum ad proximè sequentem numerum, & residuum pone infra numeros additos. Sed in Exemplis res melius patebit.

Sint igitur addendi hi tres numeri: $\overset{0}{2} \overset{0}{4} \overset{0}{6} \overset{0}{3} \overset{0}{2} \overset{0}{0} \overset{0}{1} \overset{0}{4} \overset{0}{8} \overset{0}{4} \overset{0}{2} \overset{0}{4} \overset{0}{6} \overset{0}{3}$.
 Scribe illos ut in exemplo vides: deinde incipiendo à dextra collige in unam summam 3 & 4 Secunda; quæ quoniam efficiunt solùm 7, scribe 7 infra lineam. Collige deinde 4, & 2, & 6 Prima: quæ quoniam efficiunt 12 Prima, & decem Prima efficiunt unam Decempedam; scribe infra lineam solùm 2, & pro reliquis decem adde unum numeris sequentis columnæ. Collige tandem 8 & 4 $\overset{0}{5} \overset{0}{3} \overset{0}{2} \overset{0}{7}$.
 K 2. Inter-

Integra, quæ faciunt 12, & addito uno prius retento, 13; scribe ergo 3 infra lineam, & unum adde numero sequenti, qui est 2, & 2, quæ addito uno faciunt 5, infra scribenda. Erit igitur totalis sum-

ma, 53, 2, 7, id est, Quinquaginta tria Integra, duo Prima, & Septem Secunda.

1
 4 17.
 18, 2.
 9, 0.
 10, 40.
 36, 73
 88, 31.

In Additione quadratorum Numerorum scribe numeros ut antè, & incipe à sinistra, & quoties summa collecta unius seriei excedit 100, appone unum sequentis seriei numeris, & residuum scribe infra lineam. Exempli gratia, sint addendi numeri hîc in exemplo positi. Prima addita efficiunt 132; scribe ergo infra 32, & adde unum Integræ; quæ simul cum hoc efficiunt 88.

CAPUT QUINTUM.

De Subtractione Numerorum Geometricorum.

Possunt ac solent subtrahi numeri Simples à simplicibus, & quadrati à quadratis; non verò simplices à quadratis, & e contra.

Utrobique numeri eodem signo notati, seu ejusdem speciei, sibi invicem supponuntur, nempe Integra sub Integræ, Prima sub Primis, Secunda sub Secundis &c. Incipitur à dextra versus sinistram; operatio fit, ut in vulgata Subtractione; residuum quod scribitur infra lineam, eandem denominationem accipit, quam habent numeri supra lineam scripti.

Exempla.

Primum	Secundum.
$\begin{array}{r} 8. \quad 7. \quad 5. \\ 3. \quad 5. \quad 2. \\ \hline 5. \quad 2. \quad 3. \end{array}$	$\begin{array}{r} 8. \quad 9. \quad 3. \quad 4. \quad 2. \\ 3. \quad 0. \quad 0. \quad 8. \\ \hline 5. \quad 9. \quad 2. \quad 6. \quad 2. \end{array}$

Quando subtrahendæ sunt partes, scilicet Prima, Secunda, Tertia &c. ab Integræ, & numeri sunt Simples; tunc numero

mero Integrorum addi debent tot cyphræ, quot virgulas habet supra se numerus partium, qui primus est à dextera in serie partium. Exempli gratia, si ab 8 Integris subtrahenda sunt 2 Prima, addi debet ad 8 una cyphra: si 2 Prima, & 3 Secunda; addi debent duæ cyphræ; si 2 Prima, 3 Secunda, 4 Tertia; addi debent ad 8 tres cyphræ. Sic ergo stabunt sequentia Exempla.

primum.	Secundum.	Tertium.
^o 8 0	^o 8 0 0	^o 8 0 0 0
ⁱ 2	ⁱ ⁱⁱ 2. 3	ⁱ ⁱⁱ ⁱⁱⁱ 2. 3. 4.
^o 7. 8	^o 7. 7. 7	^o 7. 7. 6. 6

Ratio hujus rei est, quia ut Prima subtrahantur ab Integris; item Secunda & Tertia ab Integris, debent Integra converti in Prima, Secunda, Tertia &c. quod fit per additionem cyphrarum modo prædicto: & hoc ideo, quia multiplicatio fit per 10.

Eodem modo si à Primis subtrahenda sunt Secunda, aut Tertia; addi debent Primis, una, aut duæ cyphræ, & operatio institui, ut dictum.

Quando verò subtrahendi sunt numeri quadrati à numeris quadratis, scilicet partes ab integris, aut partes plurium virgularum à partibus pauciorum virgularum; tunc loco unius cyphræ addi debent duæ, & loco duarum quatuor, & loco trium sex &c. verbi grati, subtrahenda sint 2 Prima quadrata ab 8 Integris quadratis; aut 2 Prima, & 3 Secunda quadrata ab 8 Integris &c. debent stare exempla, ut sequitur.

Primum	Secundum	Tertium
^o 8 0 0	^o 8 0 0 0 0	^o 8 0 0 0 0 0 0
ⁱ 2	ⁱ ⁱⁱ 2. 3	ⁱ ⁱⁱ ⁱⁱⁱ 2. 3. 4
^o ⁱ ⁱⁱ 7. 9. 8	^o ⁱ ⁱⁱ ⁱⁱⁱ 7. 9. 9. 7. 7	^o ⁱ ⁱⁱ ⁱⁱⁱ ⁱⁱⁱⁱ ^v ^{vi} 7. 9. 9. 9. 7. 6. 6

Ratio verò hujus rei est, quia unum Integrum quadratum æquivalet 100 Primis quadratis, & 10000 Secundis quadratis, & 100000 Tertiis quadratis; quæ quidem æquivalentia habetur per additionem cyphrarum modo dicto.

Eodem modo si à Primis quadratis subtrahi debent Secunda quadrata, aut Tertia &c. addi debent ad Prima duæ, aut quatuor cyphræ; idque ob eandem rationem jam dictam.

CAPUT SEXTUM

De Multiplicatione Numerorum Geometricorum.

Multiplicatio in hac præsentī Geometriæ practicæ specie, quæ de superficierum dimensionibus agit, maximè est necessaria, & in omnibus operationibus adhibenda; ideoque valde familiarem sibi reddat ipsam Geometra necesse est.

Sciendum autem est, ac bene notandum, quando multiplicantur inter se numeri simplices, seu significantes mensuras simplices, produci numeros quadratos, seu significantes mensuras quadratas; ut si 4 Decempedæ simplices multiplicentur per 3 Decempedas simplices, producuntur 12 decempedæ quadratæ.

Quid porro producat, dum multiplicantur perticæ per pedes, & pedes per uncias, aut perticæ & pedes per pedes &c. alii multis docent Regulis; nos qui divisione denaria Integrorum, Primorum, Secundorum &c. utimur, nulla peculiari Regula indigemus, nisi sequente unica, quæ universalis est pro omnibus mensurarum speciebus, supposita prædicta denaria divisione.

Pro Multiplicatione Numerorum Geometricorum Simplificium (de quibus solum hîc agimus) hæc duo observabis.

Primò, scribe multiplicatorem sub multiplicando, prout fieri solet in vulgata multiplicatione; deinde operationem institue eo penitus modo, quo fieri solet in eadem multiplicatione vulgari, nulla omnino adhuc habita ratione Primorum, Secundorum &c. ac si omnes numeri essent integri, aut omnes unius cujuscunque speciei, v. g. Prima, Secunda &c.

Secundò, peracta operatione, ac descripto infra lineam totali producto, vide quot virgulis signata sit dextera figura tam

Mul-

Multiplicandi, quam Multiplicatoris; & totidem virgulis, quot in utraq; figura reperies, signabis dextimam figuram totalis producti, reliquas verò ejusdem producti figuras versus sinistram nota unâ semper virgulâ minus. Sed in exemplis res clarius apparebit.

Sint igitur multiplicandæ 3 Decempedæ, & 2 Prima, per 2 Decempedas, & 4 Prima. Scribe numeros sub se invicem, ut vides in primo Exemplo, & duc vulgari modo 24 in 32; producentur 768. Quia igitur duæ dextimæ figuræ, nempe 2, & 4 (quæ sunt dextimæ figuræ Multiplicandi & Multiplicatoris) habent singulæ unam virgulam; notabis supra 8, quæ est dextima figura producti, duas virgulas, hoc est, denominationem Secundorum (sed quadratorum;) at supra proximè sequentem figuram, 6, notabis unam virgulam, seu signum Primorum; & supra, 7, notabis cyphram, seu signum Integrorum (sed quadratorum.) Si igitur detur superficies quadrilatera rectangula, cujus unum latus sit longum 3 decempedas, & 2 Prima, hoc est, 32 pedes simplices; alterum verò latus sit latum 2 decempedas, & 4 Prima, id est, 24 pedes simplices; continebit tota area seu capacitas ipsius 7 decempedas quadratas, 6 Prima, & 8 Secunda quadrata. Sed hæc melius intelliguntur ex dicendis infra in Problematis.

Sint iterum multiplicandæ 6, 3, 4, per 4, 2, hoc est, sex decempedas, tria prima, quatuor secunda, per quatuor decempedas, & duo secunda. Scribe numeros ut vides in secundo Exemplo, operare ut in præcedenti Exemplo, & producentur 26628. Ubi vides, dextimam figuram producti, nempe 8, esse signatam signo Tertiorum, quia duæ dextimæ figuræ supra lineam habent simul tres virgulas.

Sint denique multiplicandæ 3 Decempedæ, & 4 Prima, per 2 Prima: stabit Exemplum, ut vides in margine, dabitque productum 6, 8. In hoc Exemplo videtur productum esse minus quam Multiplicandus numerus, cum in hoc sint Integra, in illo minimè; non tamen ita res se habet, quia in producto sunt Prima & Secunda quadrata, at in Multiplicando sunt Integra & Prima simplicia.

Ratio

Ratio verò prædicti modi operandi est, quòd propter denariam Decempedæ divisionem ac subdivisionem hac ratione idè præstatur, ac si Integra Multiplicandi ac Multiplicatoris resolverentur in partes; & partes majores in partes minores, ac deinde productum divideretur, ut fieri solet per aliorum Regulam multiplicandi, prout consideranti patebit.

CAPVT SEPTIMVM

De Divisione Numerorum Geometricorum.

IN Divisione Numerorum Geometricorum, dividendus numerus significat superficies, seu numeros significantes mensuras quadratas; Divisor significat unum latus superficiei illius, quàm exprimit numerus dividendus; Quotiens denique proveniens significat alterum latus ejusdem superficiei. Verbi gratia, sint propositæ 24 Decempedæ dividendæ per 3 Decempedas; sensus est, quòd sit superficies aliqua continens 24 Decempedas quadratas in sua area, & habens in latitudine 3 Decempedas simplices, quæritur igitur alterum latus quot decempedarum simplicium sit in longitudine?

Possunt dividi numeri ejusdem speciei, id est, significantes vel sola Integra, vel sola Prima, vel sola Secunda &c. Possunt etiam dividi numeri diversarum specierum, ut Integra, Prima, & Secunda &c. Divisor præterea potest significare res ejusdem speciei, & res diversarum specierum.

In omni porro divisione proceditur ut in divisione vulgari, observando solum duo,

Primum est; Quando prævidetur fore, ut peractâ divisione remaneat aliquod residuum, adeoque occurrat aliqua fractio; adjungantur Dividendo numero duæ, aut tres cyphræ cum notis partium convenientium; ut si Dividenda sint 25 Integra, proximè sequens cyphra significet Prima, altera verò cyphra significet Secunda. Hoc autem ideo fit, ut numerus Dividendus reducat ad numerum significantem minores partes, saltem Secunda; si enim habentur Secunda, satis præcisa & exacta erit divisio, etiam si remaneant Tertia & Quarta; quia hæc ordinariè sunt tam exigua, ut sine errore possint negligi.

Secun-

Secundum est, ut peractâ divisione modo communi, videatur quot virgulis signata sit dextima figura tam Divisoris, quam Dividendi; ac deinde minor numerus virgularum subtrahatur à majori; & denique tot virgulis signetur dextima figura Quotientis, quot post factam subtractionem remanserunt, sequentes verò figurae post dextimam signentur semper unâ virgulâ minùs.

Sint dividenda $1^{\circ}.8''.4'''$, per $8'$. Collocentur numeri, ut vides hîc, & fiat divisio more ordinario; dabitque Quotiens $2^{\circ}.3^{\circ}.1^{\circ}.8''.4'''$. Nam cùm Divisor $8'$ signetur tantùm unâ virgulâ, dextima autem figura Dividendi tribus: si unam subtrahas à tribus, remanebunt duæ, quæ poni debent supra 3 dextimam Quoti, & supra sequentem numerum 2 debet poni una.

Quòd si eundem numerum $1^{\circ}.8''.4'''$ divides per $8'$, provenient in Quotiente $2^{\circ}.3'$.

Si verò hunc numerum $1^{\circ}.8''.4'''$ divides per $8''$; provenient in Quotiente 23 Integra.

Si denique divides $1^{\circ}.8''.4'''$ per $8'''$; provenient in Quotiente $2^{\circ}.3''$.

Sint dividenda $8^{\circ}.4'$, per $9'$. Quoniam factâ divisione numeri 84 per 9 , remanent 3 ; addatur ad 84 una cyphra, & remanebunt, factâ primâ divisione, 3° : quoniam verò factâ secundâ divisione remanent iterum 3 , addatur altera cyphra, & remanebunt $3''$; quæ ferè negligi possunt si tamen vis exactiorem divisionem, addere poteris plures cyphas.

Ex his patet, tum potissimum adjungendas esse cyphas ad Dividendum, quando Divisor continet plures figuras, aut quomodocunque major est, quàm Dividendus; quod contingere potest, si Dividendus significat Integra, Divisor partes.

CAPVT OCTAVVM

De Extrâctione Radicis Quadrata.

Radicis quadratæ extractio aliquando, licet rariùs, necessaria est in dimensionibus superficierum, seu in areis, capacitatibusvè earundem indagandis. Quare de illa hoc loco brevissimè agendum, nè Tyro extra hunc Librum, quod necessarium est ad

L

Pra-

Prædicam Geometriam, quærere cogatur. Clariùs tamen atque distinctiùs eandem Regulam trademus in Arithmetica.

Numerus quadratus est, qui resultat ex aliquo numero in seipsum ducto; quales sunt numeri secundæ columnæ in appposita tabella. Numerus autem ille, ex cuius in se multiplicatione producit numerus quadratus, appellatur latus sive radix quadrati, aut radix quadrata, & ab Arabibus zensus, ab Italis cosa.

Extrahere igitur, sive invenire radicem quadratam, aut latus quadrati alicujus numeri, est, numerum indagare & invenire, qui in se ductus efficiat propositum numerum, si quadratus est; vel si non est quadratus, maximum numerum quadratum in ipso contentum.

Rad.	Quad.	Cub.
1	1	1
2	4	8
3	9	27
4	16	64
5	25	125
6	36	216
7	49	343
8	64	512
9	81	729

Ad extrahendam igitur invenendamve propositi numeri radicem quadratam, sic operare. Primò. Colloca numerum propositum, ut in divisione fieri solet, & sub prima figura versus dexteram pone punctum, & prætermittâ unâ figurâ pone aliud punctum sub tertia, rursusque unâ prætermittâ aliud sub quinta, & sic deinceps; & scias quòd in quoto, sive in Radice, tot figuræ debeant esse, quot sunt puncta.

Secundò. Incipe operationem ab ultimo ad sinistram puncto, & vide (ex tabula apposita) an numerus illo puncto inclusus usque ad finem sit quadratus; & si non est quadratus, vide quis numerus quadratus proximè minor in tabula apposita ipsi respondeat: accipe deinde ejus radicem (quæ non potest esse major quàm 9.) eamque pone pro quoto post lunulam, & similiter pro divisore sub ultimo puncto, & operare ut in divisione. Videndum autem est, nè residuum sit majus radice inventâ duplicatâ.

Tertiò. Pro novo divisore duplica quorum jam antea inventum, (quocunque figurarum is sit) productum enim erit novus divisor (& hoc semper observa, quando inveniendus est novus divisor) quem pones sub dividendo, modo dicto in divisione, id est, sub illa figura dividendi, quæ sequitur proximè illam sub quæ positus erat primus divisor.

Quar-

Quartó. Vide quoties novus divisor contineatur in dividendo supra ipsum posito; & quotum novum pone post lunulam, & similiter ante novum divisorem versus dexteram, ut ex hoc quotó & figuris antea sub dividendo positis fiat unus integer divisor; & operare ut antè. Providendum autem est, ut totus hic divisor non sit major numero illo, sub quo collocatus est; alioquin figura ultimò appposita tam Radici post lunulam, quàm novo divisorì, erit minuenda unâ vel pluribus unitatibus, prout re exiget. Eundem hunc ordinem serva usque ad finem divisionis.

Exemplum. Estò numerus 119025, cujus latus quadratum, sive radix quadrata quaeritur. Operare ut dictum est, & factâ operatione invenies pro radice 345; quæ si ducas in se, resultat totus prior numerus; quod signum est operationem fuisse bonam.

Si peracta extractione radice manet aliquod residuum, signum est, numerum propositum non esse perfectè quadratum, ac proinde non fore radicem, ut vocant, rationalem, id est, quæ numero exprimi possit. Inveniendâ igitur tunc est radix propositi numeri propinquior, cujus nimirum numerus quadratus à proposito numero non quadrato insensibili ferè differentia distet. Hoc autem fit duplici via. Priori reperitur radix propinquior quidem in infinitum, sed tamen minor quàm vera; adeo ut ejus quadratus numerus semper à numero proposito superetur. Posteriori invenitur radix propinquior quoque in infinitum, sed quæ veram excedat; ita ut ejus numerus quadratus major sit semper numero proposito. Indicabo solùm priorem viam.

Prior igitur via hæc est. Inventâ radice maximi quadrati in proposito numero comprehensi, (quæ est ille ipse numerus quem pro Quoto reperisti) adiciatur ad eam fractio, cujus numerator est residuum extractionis (quo nimirum propositus numerus quadratum numerum proximè minorem, quem radix inventa in se multiplicata producit, superat) denominator verò duplum radice inventæ, & præterea unitas (qua nimirum radix numeri quadrati, qui proximè major est proposito numero, superat radicem inventam numeri quadrati, qui proximè minor est numero proposito.) Hæc enim ratione composita erit radix multò propinquior quàm inventa, minor tamen quàm vera, vide Clav. in Arith. cap. 27. ubi etiam invenies secundam viam.

234
119025
345
256
2 635
34
(345

Nota, si numerus qui ex radice post primam aut secundam operationem inventa duplicata resultavit, non continetur in numero illo, sub quo collocatur velut divisor; ponendus est pro radice zerus, & procedendum ut antea ad inveniendas reliquorum numerorum radices.

CAPVT NONVM

De Extractione Radicis Cubica

Cubicæ Radicis extractio non pertinet ad embadometriam, seu superficierum dimensionem, sed ad stereometriam, de qua agitur libro quinto. Hic tamen annectere placuit hoc caput, ut totus calculus Geometricus eodem in loco reperiretur propositus.

Numerus Cubicus dicitur ille, qui fit ex ductu numeri alicujus primò in seipsum, & deinde ex ejusdè numeri ductu seu multiplicatione in productum: ut si 10 ducantur in se, hoc est, in 10, fiunt 100; quæ iterum multiplicata per 10, producant 1000. Hic igitur numerus, 1000, dicitur cubicus, seu cubus; 10 verò, ejus radix cubica, seu latus cubicum.

Hic præcognitis, Radicem cubicam ex quolibet numero oblato faciliè erues, si sequentia observaveris præcepta.

I. Habenda est præ manibus Tabella decem primorum cuborum, eorundemque Radicum. Hæc autem fit ex multiplicatione cubica primorum simplicium numerorum ab unitate usque ad numerum denarium continuatorum, ut apparet in tabella.

II. Numerus datus distinguatur, antequam operatio incipiatur, in aliquot membra punctis, à dextra sinistram versus, ita ut sub prima dextima figura ponatur primum punctum, secundum sub quarta levam versus, tertium sub septima, quartum sub decima versus eandem sinistram, ac ita deinceps, quoad numeri suffecerint, notentur puncta, duabus figuris semper intermissis, ut hic apparet.

Rad.	Quat.	Cub.
1	1	1
2	4	8
3	9	27
4	16	64
5	25	125
6	36	216
7	49	343
8	64	512
9	81	729
10	100	1000

34258630921

III. Ex tabella prædicta cape radicem numeri à primo puncto ad sinistram intercepti, siue is unâ figurâ constet, siue duabus, siue tribus. hoc est, quare numerum hunc in tabella sub titulo cub. (quod si non reperiatur, sume proximè minorem cubum) ejusque radicem cubicam colloca extra lunulam. Ut in superiori exemplo paulo antè posito, quare radicem numeri 34; qui cùm in tabula cuborum exactè non inveniatur, accipe proximè minorem, nempe 27, ejusque radicem cubicam, 3, annota post lunulam hoc modo:

$$\begin{array}{r} 34258630921 \\ 3 \end{array}$$

IV. Radicis hujus cubum, 27, subtrahè ex numero sub dicto primo puncto intercepto, nempe ex, 34; residuumque 8 supra scribe, eo planè modo, ut in vulgari divisione fieri solet, & appareat in sequenti exemplo.

$$\begin{array}{r} 07 \\ 34258630921 \\ 3 \end{array}$$

V. Tripla radicem modò inventam, & triplum hoc subijce figuræ proximè antecedenti figuram sequenti puncto notatam: si autem plures fuerint figuræ hujus tripli, collocentur ex ordine lævam versus, eo modo, quo infra appareat.

VI. Para divisorem hoc modo. Duc quotientem (hoc est, Radicem positam post lunulam) in triplum jam inventum: productum scribe uno loco deinceps remotiùs, lævam versus, quam triplum incæperis, & loco inferiori, ut sint jam duo numeri distincti, quorum unus Triplum, alter Divisor à nobis post hac appellabitur. Per hunc divisorem si numerum ipsi superscriptum dividās, habebis secundam figuram Radicis in Quotiente post lunulam collocandam. Exemplum habes infra.

VII. Totum id, quod jam in Quotiente est, duc in Triplū; productum iterum duc in figuram Quotientis per divisionem modò inventam; huic producto adde cubum ejusdem numeri, eodem ordine, ut ultima istius cubi figura dextram versus nō sub-

L 3

ificia;

lioiatur Immediatè loco inferiori figuræ ultimæ superioris producti, sed ad intervallum unius figuræ dexteram versus reiiciatur.

VIII. Numerorum eorum hoc ordine descriptorum aggregatum subduc ex numeris superioribus, si id fieri poterit, & residuum (si quod fuerit) (suprà scribe; si autem subduci non poterit, miuendus erit Quotiens eò usque, quoad aggregatum dicto modo inventum subduci possit à superiore, manente semper eodem Divisore & Triplo.

Exemplum.

UT in superiori exemplo, tripla Radicem, 3, sunt 9; quæ scribe sub 5. Duc deinde 3 in 9, proveniunt 27; quæ colloca inferius quàm Triplum, ac unâ deinceps figurâ versus lævam, nempe sub 72. Divide jam 72 per 27, habebis quotientem, 2, priori Quotienti, 3, adjungendum, ut fiat totus Quotiens 32. Hunc duc in triplum 9, fit productum 288. Hoc rursus multiplica per numerum modò inventum, nempe per 2, & habebis productum secundum 576. Huic denique adde cubum numeri modò inventi, 2, nempe 8, fiet aggregatum ex numeris eo ordine dispositis, ut in exemplo sequenti apparet, 5768; quod ex superiori numero, 7258, subductum relinquit pro residuo 1490.

07	
34258630921	
9	(32
27	Triplum quoti
32	Divisor
288	Radix tota multiplicata per triplum
2	Productum
576	Numerus modò inventus
8	Productum
5768	Cubus numeri modò inventi.
	Aggregatum.


Hæc igitur est summa totius operationis. Si tamen adhuc numerorum figuræ superflue sunt (ut in exemplo proposito) ex quibus Radix cubica extrahi debeat, operatio ulterior instituenda est eo-

est eodem prorsus modo, quo instituta fuit proximè præcedens: nempe triplatur Quotiens totus, Triplum ducitur in Radicem immediate inventam, Producto additur cubus modò inventæ Radicis, Aggregatum denique subducitur à numero superiori, residuumque (si quod fuerit) annotatur superius. Ut in nostro exemplo, quia plures restant numerorum figuræ, ex quibus Radix cubica extrahenda est: ideo instituta à ulteriori operatione juxta Regulas traditas, habebis Radicem cubicam totam numeri superioris hanc, 3247, manente residuo 25490698.

Examen.

TOta Radix inventa cubicetur, cubo deinde adiciatur numerus ex operatione residuus: hoc aggregatum si respondeat numero, ex quo Radix extracta est, nullus error in operatione admissus est; sin minùs, iteranda operatio, ut error emendetur. Sic si in exemplo posito ducantur 3247 in se, producet quadratum 10543009; quod si multiplicetur per 3247, producet cubus 34233150223; cui si addantur 25480698, producet numerus à principio propositus, nempe 34258630921.

PARS SECUNDA CONTINENS PROBLEMATTA

 *Nulla superficies duplicem habet dimensionem; unam in longum, seu secundum longitudinem, alteram in latum, seu secundum latitudinem. Quòd si quando superficies dimetiende proponantur quæ longum & latum perfectè ac propriè secundum communem hominum acceptionem non habent, cujusmodi sunt triangula, & figura multilatera; priùs ad figuras parallelogrammas rectangulas (quæ propriè habent longitudinem & latitudinem) revocandæ sunt, ut suo loco videbisur. Merito ergo de his primo loco tractamus.*

PRQ.

PROBLEMA I.

Parallelogrammorum rectangulorum areas metiri.

Parallelogrammum est figura plana quadrilatera, cujus bina opposita latera sunt parallela, seu æquidistantia. Euclid. lib. I. Elem. Defin. 35. Sunt autem solùm quatuor parallelogrammorum species; Quadratum, Figura alterâ parte longior, seu oblongum, Rhombus, & Rhomboides: quorum priora duo appellantur rectangula, quòd omnes angulos habeant rectos; posteriora verò duo non rectangula vocantur, quòd nullus in eis angulus rectus existat. Hic inquirimus aream parallelogrammorum rectangulorum, nempe Quadrati & Oblongi. Dicitur autem area cujuslibet figuræ planæ seu superficiæ, capacitas seu spatium intra latera ipsius contentum.

Ut igitur scias aream seu capacitatem in mensuris quadratis cujuscunque superficiæ quadrilateræ rectangulæ, metire Instrumento nostro, aut certa aliqua mensura, ut pertica, aut catenula in perticas ac pedes geometricos divisa, duo quæcunque ejus latera circa eundem angulum rectum: Deinde duc unum latus in alterum, hoc est, multiplica unius lateris numerum per alterius lateris numerum: productum enim erit area figuræ propositæ in mensuris quadratis.

Fig. XLIV.
Iconis VII.

Sit y g. figura quadrilatera rectangula A B C D, cujus singula latera contineant quinque pedes simplices; duc latus A B in latus A D, invenies 25; habebit ergo dicta superficies 25 pedes quadratos, hoc est, continebit 25 quadratula, quorum quodlibet sit longum & latum uno pede simplici.

Fig. XLV.
Iconis VII.

Sit iterum superficies parallelogramma rectangula E F G H, cujus unum latus circa angulum rectum, nempe latus E F contineat 5 pedes simplices; alterum verò latus F G circa eundem angulum rectum contineat 3 pedes simplices; multiplica 5 per 3, producentur 15; ac proinde dicta superficies continebit 15 pedes quadratos.

DEMONSTRATIO.

Ratio hujus rei patet ex ipsis figuris appositis: si enim in figuræ E F G H, linea E F dividatur in quinque palmos simplices, & linea E H in tres, &c.

Et à punctis divisionum ad opposita latera ducantur lineæ parallele; resultant 15 quadratula, quorum unumquodque est longum & latum uno palmo simplici, ac proinde unumquodque est palmus quadratus; quæ quidem 15 quadratula explent totam aream seu capacitatem figuræ. Idem autem numerus 15 resultat, si unum latus ducatur in alterum, hoc est, si 5 multiplicentur per 3, aut si 3 multiplicentur per 5. Rectè ergo diximus, figuræ quadrilateræ rectangulæ aream inveniri ex ductu unius lateris in alterum. Et hoc est quod vult Euclides, dum lib. 2. Elem. Def. I. ait, Omne parallelogrammum rectangulum contineri sub rectis duabus lineis, quæ rectum comprehendunt angulum: quia videlicet qualibet huiusmodi duæ lineæ exprimunt totam parallelogrammi magnitudinem, una quidem longitudinem, ut EF, altera vero latitudinem, ut EH.

Cur autem dictæ duo latera debeant in se mutuo duci, seu inter se multiplicari, potest assignari hæc ratio. Superficies, ut Mathematici ajunt, concipitur oriri ex fluxu lineæ. Hinc si duæ lineæ palmares, AB, & BC, ita sibi mutuo insistant in B, ut efficiant angulum rectum; & concipiat lineam AB moveri in transversum versus C, ita ut cum lineæ BC semper efficiat angulum rectum B; & relinquat post se vestigium sui; nascetur ex tali fluxu superficies palmaris quadrata. Eadem superficies nascetur, si lineæ BC cogitur elevari usque ad A ita, ut cum AB semper constituat angulum rectum B. Simili igitur ratione, si duæ lineæ EF, FG, quarum prior sit 5 pedum, altera 3, moveantur dicto modo; oriatur superficies 15 pedum quadratorum. Atque hoc est, duci unam lineam in aliam.

Fig. XLVI.
Iconic. VII.

ANNOTATIO I.

Quod dixi de figuris ABCD, & EFGH, intelligi etiam & dici debet de quibuscunque figuris quadrilateris rectangulis.

ANNOTATIO II. Catholica.

Si nescias multiplicare unum latus per aliud in rectangulis figuris, divide opposita latera figuræ in Instrumento formata in particulas suas, & duc rectas lineas, ut in duabus precedentibus figuris factum vides; si enim numeres quadratula resultantia, habebis intentum sine Arithmetica. Et hoc benè notandum est iis, qui nesciunt Arithmeticam.

COROLLARIA.

I. *Ex dictis sequitur, quadrati arcam reperiri, si unum ejus latus ducatur in seipsum, quandoquidem omnia sunt inter se equalia.*

II. *Colligitur hinc, qua ratione, si quis pavimentum quadrilaterum rectangulum lateribus sternere cupit, laterum ad id necessarium numerum invenire possit. Si enim lateres sunt quadrati, id sciet, si uno lateris latere metiatur duo pavimenti latera circa eundem angulum, & deinde duos inventos numeros in se invicem ducat; productum enim dabit summam laterum necessarium. Si vero lateres sunt oblongi, metire unum pavimenti latus longitudine, & alterum latitudine lateris; & numerum alterutrum inventum duc in alterum; & producti summa dabit summam laterum.*

ANNOTATIO III.

Fig. XLVII.
Iconif. VII.

Utrum porro anguli alicujus planitie propostæ sint recti, nec nò, dignosci potest, tum ex ipsa planitie prototypa ad mensurandum propostæ, tum ex planitie ichnographia in Instrumento nostro inter mensurandum descripta. Ex planitie sic. Ex uno latere sume tres pedes, aut passus, aut perticas, à puncto angulari incipiendo; ex altero vero latere, incipiendo ab eodem puncto, quatuor, fines connecte lineâ rectâ: si hac linea continet pedes, passus, perticas quinque, angulus erit rectus; si pauciores, acutus; si plures, obtusus. Ex Instrumento sic. Sume ex uno latere figuræ in ipso descriptæ 30 particulas, ex altero 40, & necte extrema lineâ rectâ: si hac linea continet partes 50, angulus erit rectus; si plures, obtusus; si pauciores, acutus. Ratio patet ex 47 Propos. lib. pri. Elem. Eucl. Inspice appositam figuram triangularem ABC.

ANNOTATIO IV.

F. XLVIII.
Iconif. VII.

Area quadrati invenitur etiam, si diagonalis ducatur in seipsam; dimidium enim producti dabit quadrati superficiem. Ratio desumitur ex eadem 47. pri. Eucl. cum quadratum diametri (quod producit ex multiplicatione diametri in seipsam) sit duplum quadrati laterum. Patet præterea ex eo, quòd, ut mox dicitur, si demittas ab angulo recto in diagonalem, perpendicularem lineam, eamque ducas in ipsam diagonalem: producatur parallelogrammum æquale quadrato, vel duplum trianguli constituti ex diagonali & lateribus quadrati, ut consideranti patet, & ex primo Eucl. lib. demonstratur, declaraturque ex appositâ figura.

PRO-

PROBLEMA II.

*Parallelogrammorum non rectangulorum areas
invenire.*

Parallelogramma non rectangula sunt, Rhombus, & Rhomboides. Rhombus habet omnia quatuor latera æqualia, & angulos oppositos tantum æquales, sed nullum rectum. Rhomboides habet & angulos oppositos, & latera opposita tantum æqualia, at nullum angulum rectum.

Rhombi & Rhomboidis eadem est dimensio, idque ope parallelogrammi rectanguli, sic. Sit dimetienda superficies Rhombi & Rhomboidis $ABCD$. A latere AB , in latus CD , demittatur perpendicularis AE : inquiratur magnitudo seu longitudo tam lineæ AE , quam lineæ CD : una ducatur in alteram; & productum dabit capacitatem totius areæ.

Fig. XLIX.
Icon. VII.

DEMONSTRATIO.

Ex ductu AE in AB producitur parallelogrammi rectanguli $AEFB$ area, ut ex precedenti Problemate patet: sed hæc æqualis est area Rhombi aut Rhomboidis $ABCD$, per 35. primi, cum sint super eadem basi AB , & inter easdem parallelas AB , CD iergo &c.

ANNOTATIONES.

I.

Si Arithmeticam multiplicationem non scias, divide latus AB & EF , item latus AE & BF , in suas particulas, & duc rectas, ut habeas quadratula: & numeratis quadratulis habebis intentum. Hoc autem fieri potest in ipso Pantometro, si in ejus chartam projecta est figura ex mensuratione in campo facta.

II. Si ex dimensione laterum alicujus superficiæ quadrilatera non rectangula deprehenderis, aut omnia quatuor latera esse equalia, aut duo qualibet opposita; & præterea deprehenderis oppositos angulos esse æquales; scies figuram illam esse aut rhombum, aut rhomboidem. Æqualitatem porro angulorum oppositorum deprehendes vel ex ipsa planitie mensurata, vel ex ichnographia ipsius in Instrumento descripta, sic. Ex an-

M 2

gulis

gulis oppositis $B \& C$, $A \& D$, *numera in utroque latere aequales & pares numero partes, & extrema connecte lineis rectis; quasi aequales fuerint, anguli erunt aequales. Colligitur ex Proposit. 28. lib. 3. Elem. Euclid. ubi demonstratur, quòd in æqualibus circulis, æquales rectæ & lineæ æquales peripherias auferunt. Schema non appono, quia res clara est.*

III. Perpendicularem AE , in Instrumento quidem invenies vel ope duodecima Primi, vel ope norma, applicando unum ejus latus puncto A , alterum recta CD . In planitie verò proposita invenies eam ope Instrumenti nostri sic. Colloca Instrumentum in latere CD , ita ut latus dioptricum Quadrati sit semper parallelum dicto lateri CD ; & tam diu move versus $C \& D$ Instrumentum in dicto latere, donec per dioptras Regula in Quadrato versatili videas ex eodem loco, nempe ex E , tam punctum A per unam visionem, quàm punctum D , aut C per aliam; sic enim angulus E congruet angulo Instrumenti, qui rectus est. Aliter verò in planitie invenies, si angulo A affigas chordam, lateri opposito applies unum latus norma, camque tam diu huc illuc moveas, donec alterum latus chorda extenta congruat ad amussim & exactissimè.

IV. Si deprehenderis in quadrilatera planitie, bina & bina latera opposita esse aequalia, certissimò scias illa eadem esse parallela, & figuram esse parallelogrammum, per Schol. v. Clavii trigesima quarta Primi Eucl.

V. Remanent figura quadrilatera, quæ non sunt parallelogramma, sed trapezia: at quia eorum dimensio non potest semper commodè fieri, nisi resolvantur in triangula, de his primò agendum erit. Possunt etiam Rhombi & Rhomboides resolvi in triangula, ac mensurari, ut patebit cum de trapeziis.

PROBLEMA III.

Triangulorum areas dimetiri.

Triangulum omne aut rectangulum est, aut obliquangulum. Utrorumque area multis modis inveniri potest: tradam primò Regulam unicam pro solis rectangulis, deinde binas pro omnibus triangulis in univèrsum.

Regula pro Triangulis rectangulis.

Metire duo latera circa angulum rectum, & duc unum in alterum, dabitque productum semissis aream quæsitam. Vel duc semissem unius lateris in totum latus alterum, & totum productum dabit aream.

Esto

FIG. L.




FIG. LI.




FIG. LIV.




FIG. LII.



FIG. LIII.




FIG. LV.




FIG. LVI.



FIG. LVII.




FIG. LVIII.





FIG. LIX.



Esto triangulum ABC , cujus latera AB , BC , rectum angulum ambient, sitque latus AB 11, BC 5 pedum geometricorum simplicium: duc unum latus in alterum, & prodibunt 55 pedes quadrati; quorum semissis, nempe 27½, dant aream trianguli. Vel, duc semissem lateris AB , in latus BC ; aut semissem lateris BC in latus AB ; provenient 27½, vel 27½.

Fig. L. Ico;
VIII.

ANNOTATIO I. Catholica.

Vel perfice quadrangulum, ut factum vides; divide latera opposita in aequales partes; duc rectas; numera quadratula; & horum medietas dabis tibi aream quasitam.

DEMONSTRATIO.

Hujus operationis evidentia manifesta est, si parallelogrammum $ABCD$ perficiatur: nam si latus AB ducatur in latus BC , proveniet area totius parallelogrammi $ABCD$, per dicta Probl. 1. quod cum diameter AC bisariam fecet, per 34. primi, aut cum sit duplum trianguli habentis eandem basim & altitudinem, per quadragesimam primam Primi; sequitur trianguli ABC aream esse dimidium aree parallelogrammi $ABCD$.

Est etiam parallelogrammum ex alterutro latere dimidio, alteroque integro descriptum, triangulo rectangulo æquale, per Schol. Clavii quadragesima prima primi Euclid.

Regula Prima generalis pro omnibus triangulis.

Dux sunt generales Regulæ ad omnium triangulorum, etiam rectangulorum, areas inveniendas. Prima sic se habet. Demitte ex quocunque angulo perpendicularem in latus oppositum, etiam protractum, si opus fuerit (quantum ac ex maximo angulo demittatur, sive ex angulo majori lateri opposito, consultius est: quia tunc cadit semper intra triangulum, nec opus est latus producere;) & quot pedum geometricorum simplicium sit, explora: Habitam perpendicularem duc in semissem lateris in quod cadit; aut contra duc latus illud in semissem perpendiculis; & erit quod provenit, area trianguli. Eandem aream invenies, si perpendicularem duxeris in totum latus, in quod cadit, & producti dimidium sumptieris.

M 3

Esto

Fig. II.
Icon. VIII.

Esto triangulum A B C quodcunque, cujus latus B C, in quod cadit perpendicularis, sit 14 pedum, perpendicularis v.g. 8. Duc 8 in 14, producantur 112; cujus dimidium, 56, est area trianguli. Vel, duc 8 in 7, vel 14 in 4, & provenient 56, pro area totius trianguli.

ANNOTATIO II. Catholica.

Vel per se quadrangulum A D C E, divide bisariam in duo quadrangula, & accipe medietatem pro area quasita.

DEMONSTRATIO.

Ex ductu perpendicularis in latus in quod cadit, producit parallelogrammum, habens eandem basim cum triangulo, & intra easdem parallelas cum ipso, ut ex figuris patet: Sed hujus parallelogrammi dimidium est triangulum, per quadragesimam primam Primi; ergo. Ex ductu vero ejusdem perpendicularis in dimidium lateris, gignitur parallelogrammum aequale triangulo, per schol. ejusdem 41^a. Primi. Ex ductu denique dimidia perpendicularis in totum latus, oritur parallelogrammum aequale triangulo, per schol. Clavii ad primam Sexti.

Hæc eadem tria demonstrat Clavius lib. 7. Geomet. pract. Propos. i.

ANNOTATIO III.

Perpendicularis, tam in Instrumento, quam in proposita & mensurata planitie, reperitur modo dicto Annot. 3. Problematis precedentis.

Magnitudo ejusdem perpendicularis in mensura laterum trianguli reperitur tum mechanicè, tum geometricè. Mechanicè in Instrumento, si intercepta, perpendicularis circino applicetur lineæ Cursoris divise, & videatur quot particule ipsi respondeant. In planitie verò, vel per perticam, chordam, catenulam &c. vel per dimensionem. Quomodo reperitur geometricè, docet Clavius Propos. 9. Triang. rectilin. & lib. 1. Geometr. pract. cap. 3. num. 9. & lib. 4. cap. 2. num. 2. & alii passim.

ANNOTATIO IV.

Advitandas fractiones in multiplicatione perpendicularis per latus, ita procedere potes. Si numerus lateris est par, perpendicularis impari accipe semissem lateris: si numerus lateris est impar, perpendicularis

pari

par; accipe semissem perpendicularis: si tam lateris, quàm perpendicularis numerus est impar, duc unum in alterum, & producti accipe semissem.

Regula Secunda generalis pro omnibus triangulis.

Altera generalis Regula sic se habet. Primò, Collige omnia tria latera trianguli in unam summam: deinde divide totam summam in duas æquales partes, & ex semisse summæ subtrahere singula latera, ut habeas tres differentias inter illam semissem & latera singula: postremò multiplica inter se mutuò tres has differentias & semissem summæ; ultimi enim producti numeri radix quadrata dabit aream trianguli quæsitam. Sit v.g. triangulum aliquod, cujus latera sint 10, 12, & 14; eritque summa ex illis collecta 36, & semissis summæ 18; differentia autem inter hanc semissem & latera, erunt 8, 6, & 4. Hæ differentia & semissis summæ inter se multiplicatæ faciunt 3456: nam 18 ducta in 8, producant 144; hæc ducta in 6, producant 864; hæc denique ducta in 4, producant 3456. cujus numeri quadrata radix 58 $\frac{4}{5}$ erit area dicti trianguli. Demonstrationem vide apud Clavi. lib. 4 Geometr. pract. cap. 2.

ANNOTATIO V.

Alias Regulas lubens volens omitto, quoniam quidquid Instrumento nostro per ipsas fieri potest, per has quoque solas præstatur.

PROBLEMA IV.

Trapeziorum areas invenire.

TRapezia appellantur omnes figura quadrilateræ non parallelogrammæ, idest, quæ non habent bina & bina latera opposita parallela; sicuti habent Quadratum, Oblongum, Rhombus, & Rhomboides. Possunt autem Trapezia habere varias formas, tum ratione angulorum, tum ratione laterum. Possunt enim habere vel unum tantum angulum rectum, vel duos, vel nullum; sed vel unum tantum obtusum, alios acutos: vel duos obtusos, & alios acutos. Item, possunt habere vel duo tantum latera parallela, vel nulla; præterea vel aliqua inter se æqualia, vel nulla &c. Ad inveniendam Trapeziorum aream trademus duas Regulas

gulas, unam communem omnibus, alteram propriam illis quæ habent latera duo parallela.

Regula pro omnibus Trapeziiis.

Fig. LII.
Icon. VIII.

TRapeziorum quorumcunque area reperitur, si ductâ diametro dividatur quadrangulum in duo triangula, & utriusque capacitas inquiratur per dictâ Problemate III, præcedente; nam summa utriusque dat aream totius trapezii, ut patet in figura FGH I.

ANNOTATIO.

Demonstratio est eadem cum illa, quam adduximus Probl. 3. Diameter potest duci & mensurari in ipsa planitie ad mensurandum proposita, vel in Instrumento post descriptam planitiæ ichnographiam.

Regula pro Trapeziiis habentibus duo latera parallela.

Fig. LIII.
Icon. VIII.

SI duo opposita trapezii latera sunt parallela, ut in trapezio ABCD sunt latera AD, BC, inveniri potest area, si perpendicularis AE inter duo latera parallela ducatur, & multiplicetur in semissem summæ ex lateribus parallelis conflata.

DEMONSTRATIO.

IN Trapezio ABCD ducatur Diameter AC, & dividatur figura in duo triangula ABD, ADC. Producat deinde latus AD, trianguli ADC, & ab angulo C demittatur in latus AD productum perpendicularis CF, in latus vero BC demittatur ab angulo A perpendicularis AE, qua ipsi CF æqualis erit, eò quòd AECF parallelogrammum sit ex constructione, & per Schol. secundum 34^æ. primi. Quoniam igitur, ex demonstratione Probl. 3, area tam trianguli ABC, quàm trianguli ADC, invenitur ex perpendiculari AE (vel CF ipsi æquali) multiplicata per semissem laterum BC, & AD; etiam area totius trapezii ABCD invenietur ex perpendiculari ejusdem AE, in semissem eorundem laterum AD, & BC.

ANNO-

ANNOTATIONES.

I.

Perpendicularis porro, tam in Instrumento, quàm in ipsa planitie mensurata, invenitur modo dicto suprà Probl. 2. Annot. 3. Diameter etiam invenitur vel ex Instrumento, vel mensurando ipsam in planitie data.

II. Qui multiplicare nescit, constituat ex perpendiculari & semisse laterum parallelorum quadrilaterum parallelogrammum, ductisque parallelis constituat quadratula. Vel ex perpendiculari & utroque semilatere seorsim sumpto constituat duo parallelogramma, & factis quadratulis accipiat ipsorum summam.

PROBLEMA V.

Figuras multilateras ordinatas, siue regulares, dimetiri.

Multilateræ figuræ ordinatæ ac regulares sunt figuræ planæ, pluribus quàm quatuor constantes lateribus, habentes & omnia latera æqualia, & omnes angulos æquales; cujusmodi sunt pentagonum, hexagonum, heptagonum, octagonum &c.

Harum areæ duplici ratione inveniri possunt. Primò, si resolvantur in triangula, ut de trapeziis diximus, & singulorum triangulorum areæ investigateur modo dicto Probl. 3. Secundò, si multiplicetur semissis summæ laterum omnium in perpendicularem ex centro figuræ in quodcunque latus demissam; numerus enim productus erit area figuræ. Eandem aream dat semissis producti ex ductu perpendicularis in summam omnium laterum. Inspece figuram LIV. & LV. Iconismi VII.

ANNOTATIO.

Centrum porro figura ordinata imparium laterum est in communi sectione linearum ex angulis ad latera opposita perpendiculariter ductarum. Sic centrum figura pentagona A B C D E est in G, ubi concurrunt lineæ DG, CG, EG, &c. ex angulis ad latera perpendiculariter ducta. Centrum verò figura ordinata parium laterum est in communi sectione

N

Etione

Etione linearum ex angulis ad angulos oppositos ductarum, ut patet in hexagono A B C D E F Iconismi VIII.

DEMONSTRATIO.

Quod area cuiusunque polygoni ordinati, siue figura multilatera regularis, habeatur, si resolvatur in triacula, & horum area investigentur; patet ex dictis Probl. 3. Quod verò eadem area sit aequalis producto ex semisse summa laterum in perpendicularem ex centro figura in latus quodcunque ductam; patet in utraq; citata figura ex triangulis A G B: nam in utraque, area trianguli A G B creatur ex ductu perpendicularis in semissem lateris A B, per demonstrata Problemate tertio. Ergo in pentagono, quinque triangulorum area creantur ex ductu perpendicularis G I, in quinque semisses laterum; in hexagono verò, sex triangulorum area creantur ex ductu perpendicularis G H in sex semisses laterum. Ergo &c. Hinc etiam patet ratio, cur semissis producti ex ductu perpendicularis in summam omnium laterum, det aream earundem figurarum.

PROBLEMA VI.

Superficies polygonas irregulares dimetiri.

Superficies seu figurae polygonae multilaterae vè irregulares: sunt, quae plura habent latera quam quatuor, nō tamen omnia aequalia, sed vel aliqua tantum, vel nulla. Has autem figuras sic metieris.

Fig. LVI.

Icon VIII.

Resolve superficiem polygonam irregularem propositam in triacula, ut vides factum in appoſita figura; & singulorum triangulorum areas indaga, per dicta Probl. 3; dabuntque omnium triangulorum areae aream totius superficiei multilaterae.

DEMONSTRATIO.

Demonstratio hujus praxis patet ex dictis Problem. tertio.

ANNOTATIONES.

F.

Resolvitur qualibet multilatera superficies irregularis in tot triacula, quot ipsa habet angulos, duobus demptis. Nam ex quolibet angulo ad reliquos, exceptis duobus proximis, possunt duci lineae rectae, ut ex appoſita figura patet.

II. Si

II. Si figura aliqua polygona irregularis ad mensurandum propo-
sa, non potest resolvi in triangula, eò quòd intra ipsam non possunt duci
linea recta, ut accidit aliquando in campis propter arbores, paludes &c.
resolvatur figura in charta Instrumenti descripta, & indagentur trian-
gulorum area.

III. Agrimenfores, inquit Clavius lib. 4. Geomet. pract. c. 4. n. Fig. LVII.
3. nè cogantur totum campum sepius perambulare, ut perpendiculares in
triangulis ducant; hanc ineunt rationem. In agro (sive in figura in char-
ta Instrumenti descripta) constituunt quàm possunt maximum rectangu-
lum, atque ad ejus latera ex angulis figura perpendiculares concipiunt de-
mitti; quod faciunt, applicando unum norma latus ad latus rectanguli
formati, & aliud dirigendo ad angulum figura oppositum: ita namque
tota figura resolvitur in rectangulum illud constitutum, & in trapezia
duorum laterum parallelorum, & in triangula rectangula. Deinde me-
tiuntur aream rectanguli, per dicta Probl. 1; triangula verò rectangula,
per dicta Probl. 3; & trapezia, per dicta Probl. 4. horum enim omnium
area in unum collecta consciunt aream totius campi. Inspecte appositam
figuram.

IV. Si in circuitu campi fuerit portio aliqua curva, secunda ea erit
in tot partes, donec à rectis lineis parum differant, eaque pro lateribus re-
ctis assumenda. Idem fieri potest in figura in Instrumento descripta.

PROBLEMA VII.

*Circularum areas invenire, cognitâ diametro
& circumferentia.*

Archimedes lib. de Dimens. circuli Propos. 1. demonstrat, a Fig. LVIII.
Aream circuli esse æqualem areæ trianguli rectanguli, cujus u-
num latus circa rectum angulum sit æquale semidiametro circuli, alterum verò perimetro seu circumferentiæ ejusdem circuli. Ut
si in appposito circulo semidiameter sit AB, peripheria verò sit æ-
qualis rectæ BC; si angulus B sit rectus, erit area circuli æqualis a-
reæ trianguli ABC.

Igitur si dato quocunque circulo accipias semidiametrum
ipsum, & invenias lineam rectam æqualem circumferentiæ ejus-
dem circuli, & has duas lineas componas ad angulum rectum,
subtensâque hypotenusâ (ita vocatur tertium latus in triangu-
lis

lis rectangulis) efficias triangulum rectangulum, ejusque aream investiges juxta dicta Probl. 3: habebis aream circuli dati.

COROLLARIUM I.

Hinc sequitur primò, aream circuli produci etiam ex multiplicatione Semicirculi in semissem peripheria; vel ex ductu totius peripheria in semissem semidiametri; vel denique ex ductu totius diametri in quartam partem peripheria. Ratio patet ex Probl. 3. citato. Prodest autem, nunc uno, nunc altero ex dictis modis uti, ad vitandas fractiones in operationibus arithmeticis, dum nimirum partibus integris adherent non integra, nempe $\frac{1}{2}$, $\frac{1}{3}$, $\frac{1}{4}$, unius pedis &c.

Potest etiam diameter duci in peripheriam, & producti pars quarta sumi; vel in semiperipheriam, & producti semissis accipi.

COROLLARIUM II.

De Semicirculi, & Quadrantis dimensione.

Sequitur præterea aream semicirculi produci ex semidiametro in quartam partem circumferentia: Item aream Quadrantis circuli procreari ex semidiametro in octavam partem circumferentia: & aream octavae partis circuli ex semidiametro in sextam decimam partem circumferentia: & sic deinceps.

ANNOTATIO.

Tota difficultas consistit in linea peripheria circuli aequali invenienda: seu in invenienda proportionem inter diametrum & circumferentiam circuli: quæ quidem si habeatur, habebitur etiam quadratura circuli, cujus investigatio adeo torsit hæcenus multorum ingenia: sed frustra. Archimedes libro citato Propos. 3. demonstrat, cujuslibet circuli peripheriam esse triplam diametri, & adhuc superare parte, quæ quidem minor sit decem septuagesimis diametri, major verò decem septuagesimis primis ejusdem diametri. Cum igitur $\frac{1}{2}$ sint $\frac{1}{2}$, & $\frac{1}{2}$ sint plus quàm $\frac{1}{2}$; sequitur, circumferentiam circuli continere diametrum ter, & minùs quàm unam septimam diametri, plus verò quàm unam octavam ejusdem: atque adeo veram proportionem circumferentia ad diametrum consistere inter triplam sesquiseptimam, & triplam sesquioctavam.

Itaque proportio perimetri seu circumferentia circuli ad diametrum est minor quàm 220 ad 70, sive 22 ad 7; major verò quàm

quàm 123 ad 71. Datâ igitur diametro circuli, v. g. 28 partium, si dicas, 70 dant 220, seu 7 dant 22, quid dant 28? reperies numerum paulò majorem perimetro, nempe 88: nam proportio 88 ad 28 est tripla sesquiseptima, eadem videlicet quæ 220 ad 70: seu 22 ad 7: proportio autem circumferentiæ ad diametrum est minor quàm tripla sesquiseptima, ut dicebâm. Si verò dicas, 71 dant 223, quid dant 28? reperies numerum paulò minorem perimetro, nempe 87 $\frac{2}{3}$: nam proportio 87 $\frac{2}{3}$ ad 28 est tripla superdecupartiens septuagesimas primas, nimirum eadem quæ 223 ad 28; proportio autem circumferentiæ ad diametrum major est quàm tripla superdecupartiens septuagesimas primas. E contrario verò, datâ circumferentiâ cujuscunque circuli, v. g. 88 partium, si fiat, ut 220 ad 70, seu 22 ad 7, ita 88 ad aliud; proveniet numerus 28, minor verâ diametro: nam cum circumferentia ad diametrum habeat minorem proportionem quàm triplam sesquiseptimam, hoc est, quàm 22 ad 7; habebit quoque circumferentia data 88 ad suam diametrum proportionem minorem, quàm ad 28; atque idcirco diameter circumferentiæ 88, major erit, quàm 28. Si verò fiat, ut 223 ad 71, ita 88 ad aliud; dabit productus numerus 28 $\frac{2}{3}$, diameter verâ majorem: nam cum circumferentia ad diametrum habeat majorem proportionem, quàm triplam superdecupartiens septuagesimas primas, hoc est, majorem quàm 223 ad 71; habebit quoque data circumferentia 88 ad suam diametrum proportionem majorem, quàm ad 28 $\frac{2}{3}$, ac proinde diameter circumferentiæ 88 minor erit quàm 28 $\frac{2}{3}$.

Ex quibus patet, diametrum circuli ad circumferentiam non esse præcisè ut 7 ad 22; nec circumferentiam ad diametrum ut 22 ad 7. Communiter tamen inter Mathematicos, tam veteres, quàm modernos, adhibetur prædicta proportio, ad vitandas fractiones. Subtilior tamen est ratio seu proportio illa, quam invenit Ptolemæus lib. 6. Almag. & adhuc subtilior illa, quam invenit Vieta; subtilissima verò, licet non unde quaque vera, quam reperit Ludolphus Collen, & examinavit, approbavitque Christophorus Grünbergerus. Sunt autem sequentes.

N 3

Cir-

Circuli diameter ad circumferentiam est

Prolemæo Ut --- 10, 000, 000,
Ad --- 31, 416, 666.

Vietæ Ut --- 10, 000, 000, 000
Ad --- 31, 415, 926, 535.

Ludolpho Ut --- 100, 000, 000, 000, 000, 000, 000.
&

Grüenbergero Ad --- 314, 159, 265, 358, 979, 313, 846.

ANNOTATIO

Qui Regulam Trium non callet, utatur praxi tradendâ inferius Libro 10. Par. 1. Cap. 2. Probl. 5. ubi dum agimus de usu linearum polymarum in Arithmeticis operationibus, eam tradimus.

PROBLEMA VIII.

Data circumferentia circuli, reperire diametrum.

EX dictis præcedenti Problemate constat, ut area circuli repariatur, necesse esse, tam ejus diametrum, quàm circumferentiam esse cognitam. Quare trademus nonnulla Problemata seu Regulas, per quas tam ex data diametro circumferentia, quàm ex data circumferentia diameter cognosci possit, tum major, tum minor, tum media.

Sit igitur data circumferentia 88. v. g. Fiat, ut 220 ad 70, seu 22 ad 7, (hoc est, ut 3 $\frac{1}{2}$, seu 3 $\frac{1}{2}$ ad 1,) ita data circumferentia 88 ad aliud: hoc est, duc seu multiplica datam circumferentiam 88 per 7, & summam productam divide per 22: & prodibit in Quotiente diameter paulò minor justò. Fiat iterum, ut 223 ad 71, (hoc est, ut 3 $\frac{1}{7}$ ad 1,) ita 88 ad aliud: hoc est, duc 88 in 71, & summam divide per 223: & prodibit in Quotiente diameter paulò major justò. Mediam ergo ex duabus inventis diametris eligo, & habebis vero similiorem. Vel, fac ut 314 ad 100, ita 88 ad aliud; hoc est, duc circumferentiam datam in 100, & summam divide per 314, & unico actu invenies mediam, seu proximè veram diametrum.

ANNO-

ANNOTATIO.

Hæc regula communis est omnibus circulis. Caterum pro Geometria practica aliqui hanc aliam adsignant Regulam. Multiplica circumferentiam cuiuscunque circuli per 3, 1, 8"; dabitque productum, ejusdem circuli diametrum. Exempli gratia. Sit circulus, cujus circumferentia sit 18°, 8, 5", 2" decempeda. In hanc circumferentiam ducto 3, 1, 8", provenientque pro diametro hujus circuli 5°, 9, 9", 4", 9", 3", 6", hoc est, quinque decempeda integra, novem prima, cum novem secundis; reliquarum verò partium non habetur ratio, præsertim in dimensionibus camporum.

PROBLEMA IX.

Data diametro circuli, reperire circumferentiam.

Si data diameter 28 v. g. Fiat ut 70 ad 220, seu 7 ad 22, hoc est, ut 1 ad 3 $\frac{1}{3}$, seu ad 3 $\frac{1}{3}$) ita data diameter 28 ad aliud: hoc est, duc diametrum 28 per 22, & summam divide per 7, fietque circumferentia major justâ. Rursus ergo fiat, ut 71 ad 223 (hoc est, ut 1 ad 3 $\frac{1}{3}$) ita diameter 28 ad aliud: hoc est, duc diametrum 28 per 223, & summam divide per 71, & fiet circumferentia minor justâ. Mediam ergo ex duabus inventis circumferentiis eligito. Vel unico actu duc diametrum per 314, & summam divide per 100, & habebis circumferentiam mediam, seu verisimiliorem.

Hæc etiam regula communis est pro omni circulorum genere. Pro Geometria verò practica aliqui hanc adsignant Regulam. Multiplica diametrum cuiuscunque circuli per 3°, 1, 4, 2", & productum dabis ejus circumferentiam. Ex: gr. Detur circulus, cujus diameter sit 6 decempedarum, hanc multiplicato per 3°, 1, 4, 2", provenientque pro circumferentia talis circuli 18°, 8, 5", 2"; scilicet octo decempeda, octo pedes, cum 5", 2" unius decempeda.

PROBLEMA X.

Data sola diametro circuli, reperire ejus aream.

Vidimus Problemate Septimo, qua ratione ex cognita diametro & circumferentia, inquirenda sit area circuli; nunc videndum,

dum, quomodo eadem invenienda, vel ex sola diametro, vel ex sola circumferentia cognita. Primum in hoc, alterum in sequenti præstabimus Problemate.

Clavius lib. 4. Geomet. præct. cap. 7. Propos. 2. demonstrat, proportionem quadrati ex diametro cujuslibet circuli descripti ad circuli aream, majorem esse quam 14 ad 11, minorem autem quam 284 ad 223.

Datâ igitur diametro cujuscunque circuli, si fiat, ut 14 ad 11, ita quadratum datæ diametri ad aliud; hoc est, si data diameter ducatur in seipsam (ut habeatur ejus quadratum) & productum multiplicetur per 11, factumque dividatur per 14; dabit productus in Quotiente numerus aream circuli verâ majorem. Si verò fiat, ut 284 ad 223, ita quadratum datæ diametri ad aliud; hoc est, si data diameter multiplicetur per seipsam, & summa producta multiplicetur per 223, totumque productum dividatur per 284; dabit numerus procreatus in Quotiente aream circuli verâ minorem. Eligito igitur mediam inter utramque, & habebis proximè verâ circuli aream.

ANNOTATIO.

Alii in Geometrico negotio hanc præscribunt Regulam. Multiplicetur quadratum diametri per 7', 8", 5"; dabitque productum ipsam circuli superficiem. Ex: gr. Detur circulus, cujus diameter contineat 4°. 8'; quadratum hujus diametri faciet 23°, 0', 4", quod multiplicatum per 7', 8", 5", dat pro area propositi circuli 18°, 0', 8", 6", 4".

Notant hi, præcisius adhuc haberi posse dictam aream, si quadratum diametri multiplicetur per 7', 8", 5", 4", 3".

PROBLEMA XI.

Data sola peripheria circuli, invenire ejus aream.

Clavius loco proximè citato Propos. 3. demonstrat, proportionem quadrati à circumferentia circuli cujuscunque descripti, ad circuli aream, majorem esse quam 892 ad 71, minorem autem quam 88 ad 7.

Datâ igitur circumferentiâ circuli, si fiat ut 892 ad 71, ita quadratum datæ circumferentiæ ad aliud; hoc est, si quadratum datæ

datæ circumferentiæ multiplicetur per 71, & summâ dividatur per 892; procreatus in Quotiente numerus dabit aream circuli verâ maiorem. Si verò fiat, ut 88 ad 7, Ita quadratum datæ circumferentiæ ad aliud; hoc est, si datæ circumferentiæ quadratum multiplicetur per 7, & summa dividatur per 88; procreatus in Quotiente numerus dabit aream circuli verâ minorem. Elige igitur mediam inter utramque, & habebis proximè veram circuli aream.

ANNOTATIO.

A Lii in mensurandis superficiebus circularibus utuntur hac Regula. Multiplicetur quadratum circumferentiæ dati circuli per 7^o, 9^o, 5^{iv}, prodibitque in producto ipsa area talis circuli. Ex gr. Sit exploranda area infima turris rotundæ, cujus ambitus habeat 15^o decempedas; huius quadratum faciet 225, quod multiplicatum per 7^o, 9^o, 5^{iv}, dabit productum 17^o, 8^o, 0^o, 7^{iv} 5^{iv} pro area talis turris.

PROBLEMA XII.

Data circuli area, invenire diametrum.

A Ream circuli datam multiplica per 14, productum divide per 11, ex Quoto invento extrahe radicem quadratam; eritque hæc circuli diameter verâ minor. Iterum multiplica eandem aream per 284, productum divide per 223, ex Quoto invento extrahe radicem Quadratam; eritque hæc circuli diameter verâ major. Mediam igitur inter utramque eligit, & habebis diametrum proximè veram. Sequitur ex dictis Probl. x.

Exemplum. Sit area proposita 616; multiplica hæc per 14, proveniunt 8624; quæ divide per 11, provenient 784; extrahe ex his radicem quadratam, invenies 28 pro diametro minore iustò. Eodem modo procede ad inveniendam maiorem iustò.

PROBLEMA XIII.

Data circuli area, invenire circumferentiam.

A Ream circuli datam multiplica per 88, productum divide per 7, ex Quoto invento extrahe radicem quadratam; eritque hæc circuli periphæria verâ major. Iterum multiplica ean-

dem aream per 892, productum divide per 71, ex quoto invento extrahe radicem quadratam; eritque hæc circuli peripheria verâ minor. Mediam igitur inter utramque elige, & habebis circumferentiam proximè veram. Sequitur ex dictis Probl. xi.

Exemplum. Sit area proposita 1386; multiplicetur per 88, provenient 121968; divide hanc summam per 7, eritque quotus 17424; extrahe ex hoc numero radicem quadratam, & proveniant pro circumferentia 132.

PROBLEMA XIV.

Invenire aream circuli, quando nec diameter, nec circumferentia est nota.

Fig. LIX.
Icon. VIII.

SIt circularis basis alicujus turris A C B K, cujus & diameter & circumferentia sit ignota; sitque una tantummodò pars ipsius accessibilis, v. g. A C B D; sic Invenies diametrum & circumferentiam, & ex utraque aream circuli.

Metire chordam A B, eamque divide bifariam in D, & due rectam D C; metire item sinum versum D C; multiplica dimidiû chordæ, nempe A D, per seipsum, & summam divide per sinum versum, prodibitque portio D K totius diametri; cui si addas sinum versum D C, habebis totam diametrum. Exempli gratia: sit chorda A B 24, dimidium verò A D 12, ac Sinus versus D C, sit 6. multiplica ergo 12 per 12, & summam productam 144 divide per 6, prodibit 24; cui si addas 6, habebis 30 pro tota diametro C K. Habitâ verò diametro, habebis circumferentiam, & aream quæ sitam, per dicta.

DEMONSTRATIO.

AD, est media proportionalis inter C D, & D K, per 8 Sexti, & Schol.
13 eisdem, ut patet, si ducantur occulta A C, A K, qua constituens triangulum rectangulum ad A, per 31 Tertiæ; ergo quadratum A D a quo oritur rectangulum ex C D & D K, per 17 Sexti, ac proinde divisum quadratum A D per latus C D, dabit latus D K.

ANNO-

ANNOTATIO I.

Quid faciendum, si mensurari non possit chorda, & sinus versus.

Est turris columnaris, ad quam non patet ingressus, nec tota ambiri potest, sed solum potest mensurari arcus ACB funiculo circumducto. Divide totum arcum ACB bifariam in C , & ex puncto C describe arcum EFG , eumque divide bifariam in F , ductâ rectâ FG ; quæ erit semidiameter circuli EFG , continuata cum diametro CK circuli $ACBK$. Per punctum deinde C ducatur rectâ HI , ad rectam FC perpendicularis. Erit hæc tangens circumulum $ACBK$ in puncto C , per 16 Tertiæ; & parallela chorda AB (sicâ intelligatur ducta) ut mox demonstrabo. His factis, ex punctis A & B demitte ad tangentem HI perpendiculares AH , BI . Erit HI aequalis chorda AB ; & AH , seu BI , aequalis sinui verso DC , ut mox demonstrabo. Metire igitur AH , & HI , & operare, ut antè.

Vide Fig.
preceden-
tem.

DEMONSTRATIO.

Hi est parallela ipsi AB ; & AH , BI , parallela ipsi DC . Ducantur enim vel rectâ AL , BL , vel rectâ AK , BK ; erunt tam anguli ALD , BLD , quàm anguli AKD , BKD , æquales, per 17 Ter. & Scholium 29 Tertiæ, cum arcsus AC , BC , sint æquales ex hypothesi. Quoniam ergo duo latera AL , LD (seu AK , KD) trianguli ALD , æqualia sunt duobus lateribus BL , LD (seu BK , KD) trianguli BLD , utrumque utrique, ut constat; suntque anguli ad L æquales, ut probatum est; erunt per 4 Primi, anguli ADL , BDL deinceps æquales, ac proinde uterque rectus, per 10. Definit. Primi; ideoque anguli ADC , BDC , erunt recti, per 15. Primi, utpote prioribus duobus ad verticem; sunt autem & anguli HCD , ICD , recti, eoquod HI perpendicularis sit ducta ad CD . Ergo per 28 Primi, rectâ HI parallela est rectâ AB . Est autem & AH parallela tam ipsi BI , quàm ipsi DC , per eandem 28 Primi, cum omnes sint perpendiculares ad HI . Parallelogrammum ergo est $AHIB$, ac proinde per 34. Primi HI est æqualis ipsi AB , & AH ipsi DC ; quoderat demonstrandum.

ANNOTATIO II.

Eodem modo procedes, si notus esset sinus KD , & chorda dimidia AD : Enam si ducas in se semichordam AD , summamque productam dividas per KD , quotoque producto addas ipsum KD ; habebis totam KC .

PROBLEMA XV.

Sectorum circuli areas invenire.

Qua ratione inveniatur area semicirculi, quadrantis, semiquadrantis, & similium proportionalium partium, patet ex dictis Probl. 7. nunc quomodo aliarum partium areas invenire possimus, dicendum restat, & primò agendum de Sectorē.

Fig. LX.
Iconif. LX.

Si igitur portio circuli sit Sector, qualis est figura $ABCD$, comprehensa duabus semidiamentris AB , AD , & arcu BCD ; ejus area invenitur, si nota sit in certa mensura, v. g. in palmis, tam semidiаметer, quàm arcus totus: si enim semidiаметer ducatur in semissem arcus, erit productum area sectoris in mensuris quadratis. Sit semidiаметer AB sex palmorum, arcus BCD 12, & semissem arcus, nempe BC 6: multiplica 6 per 6, erit productum 36 area ipsius Sectoris. Demonstrationem infra apponam.

Quòd si neque semidiаметer, neque arcus sectoris sint noti, mensuranda est semidiаметer mensura aliqua nota, & secundum eandem mensuram indaganda est circumferentia totius circuli, per Regulam positas supra Problem. 9. Mensuranda præterea est chorda BD . Ex semidiámetro enim & chorda notis, inveniri potest arcus BCD primò in gradibus, & deinde in mensuris, quibus mensurata est semidiаметer, tandemque ex semidiámetro & semiarçu indaganda area.

Sic autem ex semidiámetro AB , & chorda BD , notis in certa mensura, v. g. in palmis, invenies arcum BCD , in gradibus, si dicas: ut semidiаметer AB sex palmorum ad chordam BD 10 palmorum v. g. ita sinus totus 100000 partium ad aliud; numerus enim procreatus dabit rectam BD cognitam in partibus sinus totius; medietas autē rectæ BD cognitæ in partibus sinus totius, erit sinus semissem arcus BCD , ac proinde sinus rectus arcus BC , vel DC , ideoque ex tabula sinuum semissem arcus BCD in gradibus nota erit; qua habita, totus arcus BCD non ignorabitur.

Habito arcu BCD noto in gradibus, sic idem notus fiet in mensura semidiаметri AB , scilicet in palmis, Tota circumferentia circuli à semidiámetro AB sex palmorum descripti, jam nota facta est in assumpta mensura, nempe in palmis, per Regulam Problematis Noni, si ergo fiat, ut gradus 360 ad totam circumfe-

ren-

FIG. LX.




FIG. LXI.





FIG. LXIII.




FIG. LXIV.




FIG. LXV.



FIG. LXVI.



FIG. LXIX.





FIG. LXVIII.



rentiam in assumpta mensura cognitam, ita arcus BCD in gradibus cognitus ad aliud; cognoscetur idem arcus BCD in mensura assumpta. Quare si multiplices semidiametrum in semiarculo in dicta mensura repertum, reperietur area sectoris $ABCD$, in eadem mensura quadrata.

ANNOTATIONES.

I.

Possunt etiam gradus in arcu BCD contenti investigari ope circuli aliquis, aut quadrantis divisi in gradus, sic, in aliquo campo. Circulum aut quadrantem in superficie aliqua descriptum atque divisum, pone intra Sectorem ita, ut centrum circuli divisi correspondeat centro A sectoris; deinde ex centro circuli usque ad punctum B sectoris extende filum, & nota gradum, quem in circulo diviso abscindis: idem filum extende usque ad punctum D , & nota similiter gradum quem in circulo diviso abscindis: quos enim graduum est arcus circuli inter vna puncta notatus, totidem graduum erit arcus BCD Sectoris.

II. Si non posses metiri semidiametrum AB , & chordam BD , eò quòd non detur aditus intra arcum BCD , adhibenda esset praxis Problematis XIV.

III. In aliquibus casibus inveniri potest quantitas arcus BCD in certa mensura mechanicè, si nimirum circumducatur funis, cujus deinde longitudo inquiratur.

IV. In planitiesum dimensionibus, via omnium facillima est, si inveniat in certa mensura chorda BD , & bisariam dividatur in E , & ex E erigatur perpendicularis EC , eaque inveniat in eadem certa mensura; deinde recta BE educatur in seipsam, & productum dividatur per CE , inventoque numero addatur numerus recta CE : sic enim produciuntur tota diameter, juxta dicta supra Problem. XI, & consequenter semidiameter, ex hac deinde, & chorda invenitur arcus in gradibus, & in mensura semidiametri, tandem ex semidiametro & semiarculo tota area.

DEMONSTRATIO.

Quod autem ex ductu semidiametri AB in semissem arcus BCD , hoc est, in arcum B notum in mensura semidiametri AB , producat area Sectoris $ABCD$, ita probo ex Clavioli lib. 4 Geomet. pract. cap. 8. num. 1. Compleatur circulus $BCDG$, & fiat quadrans ABF , & semi-

circulus ABDG. Quoniam igitur, per 33 Sexti, est ut arcus BD, ad quadrantem BF, ita Sector ABD, ad Sectorem ABF; erit quoque ex Scholio Propof. 22. lib. 5. Euclid. ut arcus BD ad quadruplum quadrantis BF, hoc est, ad totam circumferentiam; ita sector ABD, ad quadruplum Sectoris ABF, hoc est, ad totum circumulum. Ut autem arcus BD ad totam circumferentiam, ita est BC. semissis arcus BD, ad BDG, semissim totius circumferentia, per 15 Quinti; Igitur erit quoque ut BC, ad BDG, ita Sector ABD, ad totum circumulum. Sed ut BC ad BDG, ita est rectangulum sub AB, BC, ad rectangulum sub AB, BDG, per primam Sexti; Ergo erit quoque Sector ABD, ad totum circumulum, ut rectangulum sub AB, BC, ad rectangulum sub AB, BFG. Cum ergo, ut Probl. 7. tradidimus, circulus aqualis sit rectangulo sub AB, BDG; erit quoque, per 14 Quinti, Sector ABD aqualis rectangulo sub AB, BC, quod erat demonstrandum.

PROBLEMA XVI.

Aliorum segmentorum circuli aream invenire.

Si portio circuli proposita non sit Sector, sed segmentum alterius rationis, quale est in superiori figura segmentum EBCD; sicejus area inquiritur. Quare segmenti seu arcus propositi centrum A, per 25 Terzii, & ductis rectis AB, AD, inquire per certam aliquam mensuram quantitatem semidiametri AB, & arcus BCD, investigaue aream totius Sectoris ABD, modo proximè dicto. Ductâ deinde rectâ BD, inquire aream trianguli ABD, per dictâ Probl. 3. Si jam trianguli aream subtrahas ab area totius Sectoris; erit quod remanet, area segmenti ABC.

COROLLARIA.

I,

Fig. L XI.
3. conq. IX.

EX his patet, quomodo investiganda sit area figuræ lenticularis, quæ scilicet composita est ex duobus segmentis duorum circulorum, siue aequalium, siue inequalium, ut patet in C.

II. Patet præterea, quâ ratione inveniatur area superficiæ, quibus vel annexum est segmentum circuli, ut patet in A; vel deest segmentum circulare, ut patet in B. Sed de hoc iterum in sequenti Problemate.

PRO-

PROBLEMA XVII.

Figuras ex variis circularum segmentis coagmentatas metiri.

Figuras ex variis circularum segmentis coagmentatas, siue omnes circumferentiæ extrorsum vergant, siue introrsum, siue partim introrsum & partim extrorsum, sic metieris. Fig. LXII.
Iconis. IX.

Arcubus subtendæ chordas, & in prima ex tribus apposis figuris metire quadrilaterum $ABCD$, per dicta Probl. 1. & 2. & singula segmenta, per dicta Problemate precedenti: si enim hæc segmenta quadrilatero adiiciantur (quod omnia extrorsum tendant) conflabitur area totius figuræ ex quatuor arcubus E, F, G, H , composita.

In secunda figura metire tetragonum, per dicta Problemate quarto, & subtrahæ ex ipso quatuor segmenta F, G, H, I , (quod omnia introrsum vergant;) & remanebit reliqua figura ex quatuor arcubus conflata.

In tertia figura adice trilatero ABC , segmentum AFB , extrorsum vergens, & ex composito numero aufer duo segmenta AEC, BDC , introrsum vergentia: & relinquetur area figuræ proposiæ.

COROLLARIA.

I.

Ex his patet, quæ ratione quamcunque figuram irregularem dimetiri debeas.

II. Patet præterea, quomodo dimetiendi sint agri plani, habentes latera curva.

PROBLEMA XVIII.

Segmentum circuli duabus rectis, & duobus arcibus comprehensum metiri.

Sic mensuranda area segmenti $ABCD$, comprehensi duabus Fig. LXIII.
rectis AB, CD , & duobus arcibus AC, BD . Inveniat, per Iconis. IX.
dicta Problemate XVI, seorsim area utriusque segmenti AEB, C
ED,

E D, minorque detrahatur à majori, & remanebit area segmenti ABCD.

ANNOTATIO III.

Fig. LXIII. **S**I segmentum esset compositum ex rectis, & arcibus inaequalium circum-
Iconis. I X. **S**lorum, quale est D E F G; ducantur chordæ D F, E G; inquiretur separa-
ratim area quadranguli D E G F, & area segmentorum D H F, E I G; ad-
dantur omnes area inventæ inter se, & resultabit tota area segmenti pro-
positi.

PROBLEMA XIX.

Ovalis, & Elliptica figura aream invenire.

Fig. LXIV. **A**Ntequam ovalis, ellipticæque figuræ dimetiendæ rationem
Icon. I X. tradamus, paucis docebimus quomodo illæ describantur.

Ovalis igitur figura sic describitur. Ducatur A B indeterminatæ quantitatis, & ad rectos angulos eam secans in E alia C D: tum centro E secantur utrimq; æquales ad libitum intervallum E A, E B; item æquales inter se ad libitum intervallum E F, E G; & pro libitu etiam æquales E I, E H. Ex H, & ex I, per F, & per G, educantur, & producantur, ut lubet, rectæ H K, H L, I M, I N. Centris F & G, intervallis F A, & G B, ducantur arcus M A L, K B N. Centris etiam H & I, intervallis H L, vel H K, item I M, vel I N, ducantur arcus L K, & M N; & descripta erit figura ovalis, ita Bettinus tom. 1. Apiario 3. Progymn. 10. Proposit. 13. apud quem vide demonstrationem.

Notandum tamen ex eodem, futuram figuræ varietatem pro libitu, prout puncta F & G accipientur magis vel minus distantia tum ab A & B, tum ab H & I.

Ovalis itaque figuræ, & ellipsis aream sic invenies. Quare inter majorem & minorem diametrum A B & C D mediam proportionalem, per 13. Sexti, & ad mediæ proportionalis medietatem describe circulum, ejusque aream indaga, per dicta Problemate 7; & habebis aream figuræ ovalis, atque ellipticæ, eò quòd prædictus circulus sit æqualis prædictæ figuræ ovali; quod sic demonstrat Clavius lib. 4. Geomet. pract. cap. 8. num. 5.

DEMON-

DEMONSTRATIO.

Quoniam enim est, per Coroll. 20. Sexti, ut AB , ad CD , ita quadratum ex AB , ad quadratum ex media proportionali inventa; ut autem quadratum ex AB , ad quadratum ex media proportionali, ita est circulus diametri AB , ad circulum diametri mediae proportionalis, per secundam Duodecimi; Erit quoque ut AB , ad CD , ita circulus diametri AB , ad circulum diametri mediae proportionalis. Est autem, per proposit. 5. Archim. de Conoidibus & Sphaeroidibus, ut major diameter AB ad minorem CD , ita circulus diametri AB , ad ellipsin $ACBD$; Ergo circulus diametri AB habet eandem proportionem ad circulum diametri mediae proportionalis, & ad ellipsin $ACBD$, per 11. Quinti; ideoque, per 9. Quinti, area circuli diametri mediae proportionalis erit aequalis areae ellipsis $ACBD$; quod erat demonstrandum.

PROBLEMA XX.

Sphaerarum superficies convexas metiri.

Demonstrat Archimedes lib. 1. de Sphaera & cylindro Proposit. 31. Sphaerae superficiem convexam esse quadruplam areae circuli maximi ejusdem Sphaerae. Si igitur Sphaerae propositae circulum maximum invenias, ejusque aream inquiras, per dicta Problemate 7, & per 4. multiplices; habebis superficiem convexam Sphaerae.

ANNOTATIO I.

Qua verò ratione inveniatur Sphaera circulus maximus, docet Theodos. lib. 1. Proposit. 20. & P. Vincent. Leostandus Soc. IESV in Elementis Geom. pract. pag. 465.

Eadem superficies Sphaerae procreabitur, si diameter Sphaerae in circumferentiam circuli maximi ducatur; propterea quòd rectangulum sub diametro & circumferentia maximi circuli comprehensum, est æquale superficiei convexae Sphaerae, ut colligitur ex dictis Problemate 7, & probat Clavius lib. 3. Geom. pract. cap. 5. Proposit. 2.

ANNOTATIO II.

Itaque si statuas cum Recentioribus Mathematicis, præcipuè Germanis, diametrum Terra aqua, miliarium Italicorum 6873 ferè, circumferentiam

P

tiam

tiam verò circuli maximi ejusdem miliariam 21600. invenies convexam superficiem totius Terræ quæ miliarium quadratorum, 148456800.

ANNOTATIO III.

Est etiam sphaera superficies aequalis circulo, habenti semidiametrum æqualem diametro sphaera. Ita Archimedes in Coroll. Propos. cit. & refert. P. Ioannes Bapt. Ricciolus tom. 1. Almag. lib. 1. cap. 6. Proprietate 9. sphaer.

PROBLEMA XXI.

Hemisphaeriorum convexas superficies reperire.

Area circuli maximi multiplicetur per 2. vel circumferentia circuli maximi multiplicetur in semidiametrum; & habebitur intentum. Utrumque colligitur ex dictis Problemate præcedente. Eadem area invenitur ex tota diametro in semissem circumferentia maximi circuli.

ANNOTATIO.

Notandum tamen, in prædicto casu inveniri solam convexam superficiem, excludendo basim hemisphaerii, quæ est circulus.

PROBLEMA XXII.

Portionum sphaearum hemisphaerio majorum aut minorum convexas superficies reperire.

Area superficiæ convexæ cujuslibet portionis sphaeræ hemisphaerio minoris vel majoris, dempta base, æqualis est area circuli, cujus semidiameter æqualis est rectæ lineæ, quæ à vertice portionis ad circumferentiam basis ejusdem portionis ducitur. Quærat igitur prædicta linea modo paulò post dicendo, & ad ipsius intervallum describatur, seu descriptus cogitetur circulus, ejusque area reperiat per dicta Problemate 7; & habebitur intentum. Demonstrat hoc Archimedes lib. 1. de Sphaera & Cylindro Proposit. 40. Vide Clavium lib. 5. Geom. pract. cap. 6.

• Exemplum. Sit alicujus Sphaeræ portio minor B A D E, major verò B C D E, sitque vertex minoris portionis A, majoris C.

Du-

Ducantur rectæ AB, & BC; eritque circulus semidiametri BA æqualis superficiei convexæ portionis BADE, & circulus semidiametri BC æqualis superficiei convexæ portionis BCDE.

ANNOTATIO.

Rectæ AB, BC reperiuntur, extendendo circum à vertice ad circumferentiam basis.

PROBLEMA XXIII.

Superficiem convexam cylindri, & conî, recti reperire.

Superficies cylindri recti convexa, demptis basibus, æqualis est circulo, cujus semidiameter est linea media proportionalis inter latus cylindri, & diametrum basis cylindri ejusdem. Clavius lib. 5. Geom. pract. cap. ult. ex Archim. lib. 1. de sphaera & cylin. prop. 13.

Coni recti superficies convexa, seclusa base, æqualis est circulo, cujus semidiameter est linea media proportionalis inter latus conî, & semidiametrum basis ejusdem conî. Idem ibidem ex eodem prop. 14.

APPENDIX.

Pro dimensionibus agrorum, aliarumque planitiarum in collibus & montibus positarum.

Certum est, quod superficies curva agrorum, sylvarum, hortorum &c. in collibus & montibus positorum, sit major, quam basis ipsius collis seu montis; sicuti majores sunt duæ lineæ AB, AC, latera montis ABC ambientes, quam sola linea AC per basim montis extensa, ut ex 10. Primi Euclid. constat. Nihilominus, quia in agrorum venditionibus, emptionibus, permutationibus (& consequenter in eorundem dimensionibus, quæ non nisi propter prædictos fines instituuntur) non est spectanda sola soliquantitas, sed utilitas in ordine ad frugum, arborumque proventum, vel domorum ædificationem; non est attendendum ad capacitatem seu aream curvæ sive convexæ superficiei hujusmodi planitierum, sed solum ad capacitatem seu aream basis, cui mons aut collis insistit.

Fig. LXVI.
Icon. IX.

Ratio hujus rei est, quia licet dorsi montani curvitas, seu convexa ejusdem superficies, sit longè major in mensuris, tam simplicibus, quàm quadratis, quàm superficies basis horizonti parallela, ut dicebam, & quilibet sponte concedit; tamen in convexa superficie non possunt seminari plures fruges, plantari plures arbores, ædificari plures domus, &c. quàm in horizontali superficie monti subjecta, etiamsi mons ad nubes usque extenderetur. Est ratio hujus rei est, quia omnes fruges, omnesque arbores, quæ in montibus crescunt, & omnes domus, quæ in eisdem ædificantur, insistant ita montis convexæ superficiei ut perpendiculariter scandant ad basim subjectam, ac proinde si ad basim usque protenderentur, omnes eaderent intra basim, & nulla extra, ut patet ex appposita figura triangulari, in qua omnes lineæ rectæ lateribus AB , & BC insistentes, cadunt intra basim AC . Eadem autem est ratio de figura semisphærica, & alterius protuberantis superficiei.

Nec dicas, spatium BO in dorso montis (& eadem est ratio de reliquis omnibus spatiis) esse majus, quàm spatium DO , in subjecta basi montis, ut patet, si ducatur recta OE , parallela & æqualis rectæ OD ; est enim recta BO major, quàm recta EO , per 19. & 47 *Primi*. Nè inquam hoc dicas, quia eadem omnino arbor v. g. $BO DO$, quæ stipitem suo rotundo occupat solum spatium DO minus: occupat etiam totum spatium BO majus. Eteadem est ratio de cæteris. Licet ergo majus sit spatium BC , quàm spatium DC ; tamen non possunt itare erectæ perpendiculariter plures arbores, domus, fruges &c. in dorso BC , quàm in basi DC . vide Villalpandum tom. 3. in Ezechiel. Proposit. 21. Par. 2. & Bettinif. Apiar. 2. Progymnaf. 2. Proposit. 4. coroll. 1. & 2. unà cum scholio.

Qua porro ratione inveniatur basis monti supposita, colligitur ex dictis eap. 2. Problemate 2. coroll. 2.





LIBER IV. ICHNOGRAPHICUS,

sive

De Plantarum delineationibus, & locorum
planorum descriptionibus.



Quoniam Instrumento nostro magnetico
Plantarum, ut vocant, delineatio, loco-
rumque quorumcunque planorum de-
scriptio fit & facillimè, & accuratissimè;
de ea hoc loco paulò fusiùs & accuratius integro Libro
agendum erit: propter hunc enim usum Kircherus In-
strumentum suum Pantometrum appellavit Ichnogra-
phicum, ab ἰχνη, quod vestigium seu plantam significat,
& μετρεῖν. Trademus igitur primò modum delinean-
di in charta plantam seu situm hortorum, camporum,
urbium, domuum, locorum subterraneorum, Regio-
num, sylvarum, lacuum, similiumque locorum: secun-
dò modum hac eadem, & præcipue fortalitia seu muni-

P 3

tiones

tiones in charta descriptas, delineandi in campo, cum omnibus suis proportionibus, lateribus, angulis, & similibus.

PROBLEMA I.

Situm alicujus horti, campi, atrii &c. delineare in charta.

Fig. Iconif.
X.


SIt delineandus hortus CDEFGHILM. Pone in omnibus Sejus angulis, nempe in C, D, E, F, G, H, I, L, M, palos ad horizontem rectos, aliavè signa: & elige in ipso horto duo loca, v. g. A & B, ex quibus pali positi videri possint: sintque loca A & B distantia inter se, v. g. 100 palmis. Colloca primò Instrumentum supra pedem suum accommodatum in loco A: & directâ Regulâ dioptricâ versus B, pone Cursorem supra punctum A chartæ Instrumenti, & duclineam A B in charta. Deinde per ejusdem Regulæ dioptras observa omnes palos positos, & juxta Cursorem duclineas A C, A D, A E, A F, A G, A H, A I, A L, A M.

His factis, perge ad locum B, & in lineam A B Instrumenti, ex A versus B numera 100 particulas usque ad B: & ope Magnetis posito Instrumento ut antea, ita tamen, ut punctum B Instrumenti respondeat loco B, dirige Regulam rursus ad omnes palos; & posito Cursore semper supra punctum B, duclineas B C, B D, B E, B F, B G, B H, B I, B L, B M; quæ lineæ ubi secuerint lineas ex puncto A ductas, ibi erunt anguli respondentes angulis horti.

Si jam Intersectiones illas in charta Instrumenti factas conjunxeris lineis C D, D E, E F, F G, G H, H I, I L, L M, M C; erit hortus in charta Instrumenti descriptus secundum omnem suum situm. Si præterea videas quot particule æquales particulis lineæ A B, contineantur in singulis lineis figuræ in charta Instrumenti descriptæ; habebis totum ambitum horti, & omnes ipsius distantias in palmis.

DEMONSTRATIO.

DVo triangula A B L, sunt æquiangula: nam angulus ad B est communis utrique; angulus ad A est idem in utroque; reliqui ad L sunt æqua-



quales. Ergo ut AB parvi, ad AB magni, ita BL parvi ad BL magni ac proinde, ut AB parvi continet tot particulas, quot AB magni palmos; ita BL parvi continebit tot particulas, quod BL magni.

Iterum, duo triangula ABM , sunt equiangula: nam angulus B est communis utrique; angulus ad A est idem in utroque; reliqui ad M sunt aequales. Ergo ut AB parvi ad AB magni, ita BM parvi ad BM magni; ac proinde ut AB &c. ita BM &c.

Iterum duo triangula BLM , sunt equiangula: nam duo latera BL , BM , sunt scilicet proportionaliter, ut ex hactenus demonstratis patet; ac proinde anguli ad L & M parvi, sunt aequales angulis ad L & M magni; angulus vero ad B est communis utrique; Ergo ut BL parvi ad BL magni, ita LM parvi, ad LM magni: cum ergo BL parvi contineat tot particulas, quot palmos BL magni; etiam LM parvi continebit tot particulas, quot LM magni palmos.

Similiter prorsus modo demonstratur, reliqua latera figura in charta descripta continere tot particulas, quot palmos continent latera homologa horti, singula singulis; & è contrario.

ANNOTATIONES.

I.

Sicharta Instrumenti orbis inclusa esset nimis parva, & non posset commode recipere omnes lineas, omnesque linearum intersectiones; posset imponi Instrumento asser longior, & procedi eodem modo.

II. Possunt etiam duo loca assumi ubicunque in horto, aut in ejus quibuscunque duobus angulis, aut etiam extra hortum. Sed commodius videtur, assumere illa intra hortum, quia linea minus intrinquantur. Hoc etiam modo fieri potest ichnographia alicujus vivarii, si in duobus ejus locis extremis eligantur dua stationes.

PROBLEMA II.

Ichnographiam Urbium Instrumento Pantometro perficere.

Ichnographia Urbis, sicuti & cujuscunque ædificii, alteriusve corporis in plano horizontali siti, est descriptio seu delineatio vestigii sive plantæ urbis, ædificii &c. quod scilicet vestigium seu plantam impressam relinqueret in plano, si inde amoveretur.

De

Descripturus igitur urbis alicujus plantam, seu perfecturus ichnographiam ipsius, sic operare.

Elige in ipsa urbe, aut in ejus extremis finibus, duo loca eminentiora, ex quibus totum urbis situm, & omnia ejus loca ac angulos conspiciere possis; Inquire horum duorum locorum distantiam inter se quam exactissimè, & ex utroque operare modo dicto in præcedenti Problemate, & habebis intentum. Ratio est eadem quæ suprà. Inspice figuram præcedentem, eamque puta esse urbem. Vide etiam sequentem figuram.

ANNOTATIONES.

I.

Sex solis duobus locis urbis non possunt conspici omnia ejus loca, describe ex duobus primò electis ea quæ potes; deinde elige alia duo, & describe ex illis, id quod potes; postea alia, donec totam perfecteris ichnographiam.

II. Hoc nostrum Instrumentum habet hoc commodi, ut loca etiam vicina stationibus; & quantumvis depressa, possint per dioptras Regulæ observari; quod in aliis Instrumentis non fit.

III. Possunt etiam in urbium descriptione assumi duo loca extra urbem sita, ut in præcedenti Problemate diximus.

IV. Si urbs multos habet angulos, aut multorum locorum in ipsa sit observandus situs; adscribe lineis ex primo loco observationis ductis nomina angulorum & locorum, ad quæ tendunt, nè inter se confundantur.

V. Modus hoc Problemate propositus exhibet potius urbis sectionem, seu, ut vocant, perspectivam, quàm ichnographiam. Hanc autem accuratissimè dabis modus sequens.

PROBLEMA III.

Aliter ichnographicè delineare urbes Instrumento Pantometro.

F. LXVIII.
Iconis. I X.

Sit præsens urbs, cum omnibus & singulis suis plateis, viculis, Sportis, propugnaculis delineanda ichnographicè. Colloca Instrumentum magneticè, hoc est, ita ut acus magnetica incumbat lineæ meridianæ, ad portam A, & per dioptras Regulæ respice totam plateam A H F K, item plateam A N. & plateam A Q.

& jux-

& juxta Cursoris, supra A punctum semper jacentis, latus duc rectas lineas in charta A H F K, A N, & A Q. Deinde certa aliqua mensura, ut palmis, pedibus, passibus, metire accuratè distantias A H, A N, A Q. & in lineas his plateis correspondentes transfer, ab A incipiendo, tot particulas Cursoris, quot palmos invenisti inter A H, A N, A Q. His factis, transfer Instrumentum in H, eoque magneticè, ut antea, situato, dirige Regulam versus P, & versus R, & juxta latus cursoris duc rectas H P, H R: & metire distantias H P, H R. atque in lineas H P, H R in charta ductas transfer, à puncto H incipiendo, tot particulas, quot palmos invenisti inter H P, & H R: & deinde puncta P N, & R Q, notata in charta, conjunge rectis lineis P N, & R Q. His etiam factis, transfer Instrumentum in F, deinde in K, deinde in alia loca, & operare ut dictum: & operatione peracta habebis ichnographiam totius urbis, id est, figuram in charta, similem figuræ in planitie.

DEMONSTRATIO.

Anguli omnes in figura descripti, sunt aequales omnibus angulis figuræ prototypæ, ex operatione facta. latera etiam singula hujus figuræ sunt proportionalia lateribus illius, similiter ex constructione: Ergo tota hæc figura toti illi similis est, quia per primam Defin. Sexti, similes figuræ rectilineæ sunt, quæ & angulos singulos singulis aequales habent, atque etiam latera, quæ circum aequales angulos, proportionalia.

PROBLEMA IV.

*Chorographicas descriptiones perficere nostro
Instrumento.*

Topographia est descriptio locorum particularium, cujusmodi sunt sylvæ, campi, horti, urbes, castella &c. Chorographia est descriptio Regionum, cujusmodi sunt Provinciæ particulares, & Regna integra, atque Imperia. De priori in præcedentibus Problematis egimus, de posteriori hîc agemus; tamen si hic modus à modo Problemate tertio tradito non differat.

Sit igitur Regionis alicujus situs, qualis in apposito schemate
apparet, delineandus ita, ut omnia loca suum debitum situm, &

Fig. LXIX.
Icon. 1 X.

Q

pro-

proportionatam distantiam habeant. Selige tibi duas stationes, S & T, ex quibus totius Regionis circuitus conspici possit, sintque stationes S & T duo montes, aut turres, aut similia loca editiora. Deinde Instrumento magneticè situato in S, gyrataque dioptrali Regula versus T alteram stationem, duc in charta juxta cursoris situm, lineam ST. His peractis, gyra regulam ad singula loca A, B, C, V; & posito cursore super eodem semper puncto S, trahere juxta ipsius situm ex puncto S lineas infinitas, SA, SB, SC, SV, adscriptis nominibus singulorum locorum, nè inter se confundantur. His etiam peractis, metire spatium inter duas stationes S & T, transferque Instrumentum ad alteram stationem T, & juxta prioris stationis situm magneticè iterum constitue, hoc est, ita ut linea ST directè tendat in S. Deinde in linea ST, ab S versus T, determina tot particulas, quot pedes aut passus invenisti inter dictas stationes, finemque particularum nota signo T. Post hæc gyra Regulam dioptralem per singula memorata loca, A, B, C, V, & posito cursore supra punctum T, duc juxta ipsius situm ex puncto T lineas TA, TB, TC, TV; & nota ubi hæ lineæ concurrant cum lineis ex Seductis: concursus enim singulorum duarum linearum in eundem locum tendentium dabunt veram & genuinam loci cuiusque positionem; particulae verò earundem linearum dabunt distantiam locorum ab invicem, & à locis stationum.

DEMONSTRATIO.

D*emonstratio hic eadem est cum illa, quam supra Problemate primo hujus Libri confecimus.*

ANNOTATIO.

S*i ex duobus stationibus primò electis non possunt conspici omnes Regionis urbes, & loca cætera, observa primò ex duobus locis quosvis potes loca; deinde ex aliis duobus locis jam notatis observa alia loca circumjacentia; similiterq; ex aliis duobus, donec descripta sit tota Regio. Sed in hoc casu vel assumenda est major charta, vel paulatim adjungenda est alia charta. Huic tamen incommodo occurritur sequenti modo.*

PRO-

Ratio hujus rei est, quia licet dorso montis curvitas, seu convexa ejusdem superficies, sit longè major in mensuris, tam simplicibus, quàm quadratis, quàm superficies basis horizonti parallela, ut dicebam, & quilibet sponte concedit; tamen in convexa superficie non possunt seminari plures fruges, plantari plures arbores, ædificari plures domus, &c. quàm in horizontali superficie monti subjecta, etiamsi mons ad nubes usque extenderetur. Et ratio hujus rei est, quia omnes fruges, omnesque arbores, quæ in montibus crescunt, & omnes domus, quæ in iisdem ædificantur, insistant ita montis convexæ superficiei ut perpendiculariter tendant ad basim subjectam, ac proinde si ad basim usque protenderentur, omnes eaderent intra basim, & nulla extra, ut patet ex appposita figura triangulari, in qua omnes lineæ rectæ lateribus AB , & BC insistentes, cadunt intra basim AC . Eadem autem est ratio de figura semisphærica, & alterius protuberantis superficiei.

Nec dicas, spatium BO in dorso montis (& eadem est ratio de reliquis omnibus spatiis) esse majus, quàm spatium DO , in subjecta basi montis, ut patet, si ducatur recta OE , parallela & æqualis rectæ OD ; est enim recta BO major, quàm recta EO , per 19, & 47 *Primi*. Nè inquam hoc dicas, quia eadem omnino arbor v. g. $BODO$, quæ stipite suo rotundo occupat solum spatium D Ominus; occupat etiam totum spatium BO majus. Et eadem est ratio de cæteris. Licet ergo majus sit spatium BC , quàm spatium DC ; tamen non possunt itare erectæ perpendiculariter plures arbores, domus, fruges &c. in dorso BC , quàm in basi DC . vide Villalpandum tom. 3. in Ezechiel. Proposit. 21. Par. 2. & Bettinû Apiar. 2. Progymnas. 2. Proposit. 3. coroll. 1. & 2. unâ cum scholio.

Qua porro ratione inveniatur basis monti supposita, colligitur ex dictis cap. 2. Problemate 2. coroll. 2.





LIBER IV. ICHNOGRAPHICUS,

sive

De Plantarum delineationibus, & locorum
planorum descriptionibus.

QUoniam Instrumento nostro magnetico
Plantarum, ut vocant, delineatio, loco-
rumque quorumcunque planorum de-
scriptio fit & facillimè, & accuratissimè;
de ea hoc loco paulò fusiùs & accuratius integro Libro
agendum erit: propter hunc enim usum Kircherus In-
strumentum suum Pantometrum appellavit Ichnogra-
phicum, ab *ἰχνη*, quod vestigium seu plantam significat,
& *γραφικὸς*. Trademus igitur primò modum delinean-
di in charta plantam seu situm hortorum, camporum,
urbium, domuum, locorum subterraneorum, Regio-
num, sylvarum, lacuum, similiumque locorum: secun-
dò modum hac eadem, & præcipuè fortalitia seu muni-
tiones

P 3

tiones

tionones in charta descriptas, delineandi in campo, cum omnibus suis proportionibus, lateribus, angulis, & similibus.

PROBLEMA I.

Situm alicujus horti, campi, atrii &c. delineare in charta.

Fig. Iconif.
X,


SIt delineandus hortus CDEFGHILM. Pone in omnibus Sejus angulis, nempe in C, D, E, F, G, H, I, L, M, palos ad horizontem rectos, aliavè signa; & elige in ipso horro duo loca, v. g. A & B, ex quibus pali positi videri possint: sintque loca A & B distantia inter se, v. g. 100 palmis. Colloca primò Instrumentum supra pedem suum accommodatum in loco A; & directâ Regulâ dioptricâ versus B, pone Cursorem supra punctum A chartæ Instrumenti, & duc lineam A B in charta. Deinde per ejusdem Regulæ dioptras observa omnes palos positos, & juxta Cursorem duc lineas A C, A D, A E, A F, A G, A H, A I, A L, A M.

His factis, perge ad locum B, & in linea A B Instrumenti, ex A versus B numera 100 particulas usque ad B; & ope Magnetis posito Instrumento ut antea, ita tamen, ut punctum B Instrumenti respondeat loco B, dirige Regulam rursus ad omnes palos; & posito Cursore semper supra punctum B, duc lineas B C, B D, B E, B F, B G, B H, B I, B L, B M; quæ lineæ ubi secuerint lineas ex puncto A ductas, ibi erunt anguli respondentes angulis horti.

Si jam Intersectiones illas in charta Instrumenti factas conjunxeris lineis C D, D E, E F, F G, G H, H I, I L, L M, M C; erit hortus in charta Instrumenti descriptus secundum omnem suum situm. Si præterea videas quos particula æquales particulis lineæ A B, contineantur in singulis lineis figuræ in charta Instrumenti descriptæ; habebis totum ambitum horti, & omnes ipsius distantias in palmis.

DEMONSTRATIO.

Duos triangula A B L, sunt æquiangula: nam angulus ad B est communis utrique; angulus ad A est idem in utroque; reliqui ad L sunt æqua-



quales: Ergo ut AB parvi, ad AB magni, ita BL parvi ad BL magni ac proinde, ut AB parvi continet tot particulas, quot AB magni palmos, ita BL parvi continebit tot particulas, quod BL magni.

Iterum, duo triangula ABM , sunt equiangula: nam angulus B est communis utrique; angulus ad A est idem in utroque; reliqui ad M sunt aequales: Ergo ut AB parvi ad AB magni, ita BM parvi ad BM magni; ac proinde ut AB &c. ita BM &c.

Iterum duo triangula BLM , sunt equiangula: nam duo latera BL , BM , sunt secta proportionaliter, ut ex hactenus demonstratis patet; ac proinde anguli ad L & M parvi, sunt aequales angulis ad L & M magni; angulus vero ad B est communis utrique; Ergo ut BL parvi ad BL magni, ita LM parvi, ad LM magni: cum ergo BL parvi contineat tot particulas, quot palmos BL magni; etiam LM parvi continebit tot particulas, quot LM magni palmos.

Similiter prorsus modo demonstratur, reliqua latera figura in charta descripta continere tot particulas, quot palmos continent latera homologa horti, singula singula; & è contrario.

ANNOTATIONES.

I.

S charta Instrumenti orbi inclusa esset nimis parva, & non posset commode recipere omnes lineas, omnesve linearum intersectiones; posset imponi Instrumento asser longior, & procedi eodem modo.

II. Possunt etiam duo loca assumi ubicunque in horto, aut in ejus quibuscunque duobus angulis, aut etiam extra horti. Sed commodius videtur, assumere illa intra horti, quia linea minus intrancantur. Hoc etiam modo fieri potest ichnographia alicujus vivarii, si in duobus ejus locis extremis eligantur dua stationes.

PROBLEMA II.

Ichnographiam Urbium Instrumento Pantometro perficere.

Ichnographia Urbis, sicuti & cujuscunque ædificii, alteriusve corporis in plano horizontali siti, est descriptio seu delineatio vestigii sive plantæ urbis, ædificii &c. quod scilicet vestigium seu plantam impressam relinqueret in plano, si inde amoveretur.

De-

Descripturus igitur urbis alicujus plantam, seu perfecturus ichnographiam ipsius, sic operare.

Elige in ipsa urbe, aut in ejus extremis finibus, duo loca eminentiora, ex quibus totum urbis situm, & omnia ejus loca ac angulos conspiciere possis; Inquire horum duorum locorum distantiam inter se quàm exactissimè, & ex utroque opere modo dicto in præcedenti Problemate, & habebis intentum. Ratio est eadem quæ suprà. Inspice figuram præcedentem, eamque puta esse urbem. Vide etiam sequentem figuram.

ANNOTATIONES.

I.

Si ex solis duobus locis urbis non possunt conspici omnia ejus loca, describe ex duobus primò electis ea quæ potes; deinde elige alia duo, & describe ex illis, id quod potes; postea alia, donec totam perfeceris Ichnographiam.

II. Hoc nostrum Instrumentum habet hoc commodi, ut loca etiam vicina stationibus, & quantumvis depressa, possint per dioptras Regulæ observari; quod in aliis Instrumentis non fit.

III. Possunt etiam in urbium descriptione assumi duo loca extra urbem sita, ut in præcedenti Problemate diximus.

IV. Si urbs multos habet angulos, aut multorum locorum in ipsa sit observandus situs; adscribe lineis ex primo loco observationis ductis nomina angulorum & locorum, ad quæ tendunt, nè inter se confundantur.

V. Modus hoc Problemate propositus exhibet potius urbis scenographiam, seu, ut vocant, perspectivam, quàm Ichnographiam. Hanc autem accuratissimè dabit modus sequens.

PROBLEMA III.

Aliter ichnographicè delineare urbes Instrumento Pantometro.

E. LXVIII.
Icopi C X.

Si præsens urbs, cum omnibus & singulis suis plateis, viculis, portis, propugnaculis delineanda ichnographicè. Colloca Instrumentum magneticè, hoc est, ita ut acus magnetica incumbat lineæ meridianæ, ad portam A, & per dioptras Regulæ respice totam plateam A H F K, item plateam A N. & plateam A Q.

& jax.

& juxta Cursoris, supra A punctum semper jacentis, latus duc rectas lineas in charta A H F K, A N, & A Q. Deinde certa aliqua mensura, ut palmis, pedibus, passibus, metire accuratè distantias A H, A N, A Q. & in lineas his plateis correspondentès transfer, ab A incipiendo, tot particulas Cursoris, quot palmos invenisti inter A H, A N, A Q. His factis, transfer Instrumentum in H, eoque magneticè, ut antea, situato, dirige Regulam versùs P, & versùs R, & juxta latus cursoris duc rectas H P, H R: & metire distantias H P, H R. atque in lineas H P, H R in charta ductas transfer, à puncto H incipiendo, tot particulas, quot palmos invenisti inter H P, & H R: & deinde puncta P N, & R Q, notata in charta, conjunge rectis lineis P N, & R Q. His etiam factis, transfer Instrumentum in F, deinde in K, deinde in alia loca, & operare ut dictum: & operatione peracta habebis ichnographiam totius urbis, id est, figuram in charta, similem figuræ in planitie.

DEMONSTRATIO.

Anguli omnes in figura descripti, sunt aequales omnibus angulis figure prototypæ, ex operatione facta. latera etiam singula hujus figure sunt proportionalia lateribus illius, similiter ex constructione; Ergo tota hæc figura toti illi similis est, quæ per primam Defin. Sexti, similes figure rectilineæ sunt, quæ & angulos singulos singulis aequales habent, atque etiam latera, quæ circum aequales angulos, proportionalia.

PROBLEMA IV.

Chorographicas descriptiones perficere nostro Instrumento.

Topographia est descriptio locorum particularium, cujusmodi sunt sylvæ, campi, horti, urbes, castella &c. Chorographia est descriptio Regionum, cujusmodi sunt Provinciæ particulares, & Regna integra, atque Imperia. De priori in præcedentibus Problematis egimus, de posteriori hîc agemus; tamen si hic modus à modo Problemate tertio tradito non differat.

Sit igitur Regionis alicujus situs, qualis in apposito schemate
apparet, delineandus ita, ut omnia loca suum debitum situm, &

Fig. LXIX.
Icon. I X.

Q

pro-

proportionatam distantiam habeant. Selige tibi duas stationes, S & T, ex quibus totius Regionis circuitus conspici possit, sintque stationes S & T duo montes, aut turres, aut similia loca editiora. Deinde Instrumento magneticè situato in S, gyrataque dioptrali Regula versus T alteram stationem, duc in charta juxta cursoris situm, lineam ST. His peractis, gyra regulam ad singula loca A, B, C, V, & posito cursore super eodem semper puncto S trahe juxta ipsius situm ex puncto S lineas infinitas, SA, SB, SC, SV, adscriptis nominibus singulorum locorum, nè inter se confundantur. His etiam peractis, metire spatium inter duas stationes S & T, transferque Instrumentum ad alteram stationem T, & juxta prioris stationis situm magneticè iterum constitue, hoc est, ita ut linea ST directè tendat in S. Deinde in linea ST, ab S versus T, determina tot particulas, quot pedes aut passus invenisti inter dictas stationes, finemque particularum nota signo T. Post hæc gyra Regulam dioptralem per singula memorata loca, A, B, C, V, & posito cursore supra punctum T, duc juxta ipsius situm ex puncto T lineas TA, TB, TC, TV, & nota ubi hæ lineæ concurrant cum lineis ex Seductis: concursus enim singulorum duarum linearum in eundem locum tendentium dabunt veram & genuinam loci cujusque positionem; particulæ verò earundem linearum dabunt distantiam locorum ab invicem, & à locis stationum.







DEMONSTRATIO.

DEmonstratio hæc eadem est cum illa, quam supra Problemate primo hujus Libri confecimus,

ANNOTATIO.

SI ex duabus stationibus primò electis non possunt conspici omnes Regionis urbes, & loca cetera, observa primò ex duobus locis quosquos potes loca; deinde ex aliis duobus locis jam notatis observa alia loca circumjacentia; similiterq, ex aliis duobus, donec descripta sit tota Regio. Sed in hoc casu vel assumenda est major charta, vel paulatim adjungenda est alia charta. Huic tamen incommodo occurritur sequenti modo.

PRO-



PROBLEMA V.

*Aliter, & novo modo, tam Topographicas, quàm
Chorographicas descriptiones perficere.*

Modi hætenus enumerati topographicas & chorographicas descriptiones perficiendi, sunt communes quorundam aliorum Instrumentis, sequens modus est omninò novus, & nostro Instrumento peculiaris, excogitatus ab Athanasio Kircherò, & in praxin sæpe sæpius reductus, tum hic in Italia, tum maxime in Germania, quando anno integro in vastissima quadam Provincia ichnographice describenda jussu Eminentissimi Archiepiscopi Moguntini S. R. I. Electoris, Joannis Suicardi, versatus fuit.

Fig. LXX.
Iconis XI.

Sit igitur sylva, aut Regio quæpiam, qualem sequens schema repræsentat, cujusque singulos limites appositæ litteræ indicant, delineanda. In promptu habeas ante omnia multas chartas quadratas in separata quadam capsula, ut uni lineis refertæ aliam substitutam cavitati quadratæ circuli O P Q R Instrumenti inferas. Sint autem hujusmodi chartæ ita sectæ, ut quadratum concavum exactè ac præcisè expleant. Deinde has omnes quadratas chartulas signabis in aliquo latere, hoc signo, γ , quod quatuor plagarum Mundi situm ostendit, cui adjunges numerum folii hoc modo, n. 1. 2. 3. 4. & sic in omnibus aliis foliis, prout figura apposita monstrat. Has chartas Instrumenti concavo quadrato ita inferes, ut latus, cui acus magnetica inscripta est, semper in septentrionalem plagam, quam Magnetica acus limbo Orbis inclusa ostendit, vergat. His igitur ita ritè constitutis, sic operationem aggredere.

Fig. LXXI.
Iconis XI.

Primò. Applica Instrumentum ad A, v. g. primum sylvæ limitem, aut angulum; orbeque cum charta quadrata, num. 1. signata, magneticè ad Boream verso, respice per dioptralem Regulam ex A in limites seu angulos P, & B; atque secundum longitudoines laterum AB, & AP, in charta quadrata juxta Curforis situm trahè lineas AB, & AP. Utramque deinde distantiam, AB, & AP, metire certa aliqua mensura, nempe chorda aliqua, aut catenula, in 100, aut plures pedes, aut passus divisa; sitque distantia AB 50, AP, 46 pedes aut passus longa. In lineam igitur AB

Q 2

Instru-

Instrumenti transfer 50 particulas, ex A usque in B; in lineam vero A P transfer particulas 46; & habebis primam operationem factam.

Secundò. Instrumentum supra pedem suum firmatum, translatumque in limitem B, juxta prioris stationis positionem magneticè situa, ita ut Cursor supra lineam A B chartæ positus, tendat directè in A. Quo facto, gyratam Regulam dirige in C, & posito Curfore supra punctum B, duc lineam B C, mensuratoque spatio B C, transfer in lineam B C, à B usque ad C, tot particulas, quot in spatio B C pedes invenisti. Simili modo operaberis in C, ut habeas lineam C D. Quòd si punctum C & D, atque utriusque lineæ B C, & C D, quantitatem sine accessu ad C habere velis; dirige dioptricam Regulam ex B in limitem D, & juxta Cursoris in puncto B positi latus duc lineam occultam B D, & spatium B D certa mensura notum, v. g. 60 pedum, ex scala Cursoris transfer ex puncto B lineæ in charta quadrata ductæ in lineam B D: deinde ex eodem B directà dioptrica Regula in C, & posito Curfore supra eodem puncto B, duc lineam indeterminatam B C: demum translato firmatoque Instrumento in D, situatoque ut prius magneticè, per dioptras respice in C limitem; & posito supra D punctum Curfore duc lineam D C in charta, quæ linea ubi priorem lineam B C secuerit, ibi limitis secundus locus esse judicabitur.

Tertiò. Ex D gytrato diopetro respice in E, ductâ lineâ D E juxta Cursoris in D puncto positi latus; mensuratumque spatium D E, v. g. 59 pedum, è scala Cursoris in lineam chartæ juxta Cursoris situm tractam transfer à D usque in E; eritque terminus E hujus lineæ, limes E.

Quartò. Translato, atque magneticè situato Instrumento in E, dirige iterum dioptra ex E in F, & operare ut paulò antè. Idem etiam facies in F, ad inveniendum spatium F G. Si duas lineas, F G, & G H, per compendium explorare velis; operare ut in limitibus C, D; ex B inveniendis operatus es, provenientesque cum lateribus F G, & G H, limitum quoque G & H loca. Quòd si è duabus stationibus E & F, aut F & G, limites H, I, K, & alia quæcunque loca, conspici possint; operare eadem prorsus ratione ex duabus illis stationibus, qua in precedenti Problemate in situ locorum Regionis explorando operati sumus, ducendo videlicet
lineas

lineas ex utroque stationis puncto ad singula loca limitum visorum; concursus enim linearum ad singulos limites ductarum exhibebit situm limitum genuinum. Eodem compendio ex K & L limitibus notis reliquos L & M quoque invenies; ex L & M verò reliquos N & O; & sic de cæteris; donec totum ambitum sylvæ compleveris. Si verò ex uno loco non nisi unus limes apparet, singuli seorsim sunt explorandi.

Ambicu hæc industria integrè completo, videbis in chartulis quadratis simul junctis totius sylvæ situm, cum angulis, limitibus, cæterisque anfractibus, ea prorsus ratione, qua hic exhibemus.

F. LXXII.
Iconis, XI.

ANNOTATIO.

NOtandum est circa præsentem figuram, undecim chartulis quadratis totam Ichnographiam in hoc Problemate peractam contineri. Es in prima quidem chartula notata sic, n. 1, non continetur linea totius distantia AB 50 pedum, seu particularum, sed solum linea pedum 44; reliquum verò ad 50, videlicet sex pedes, in secundò folium est traductum, continuata priori linea juxta Cursoris invariati & immobilis latus. In secunda chartula continetur linea totius distantia BC, & pars linea C. Dicitur altera pars traducta est in tertiam chartulam. Eadem ratione processum est in reliquis chartulæ. Quotiescunque igitur integra aliqua linea foliū quodpiam non ingreditur, tunc circino intercipe partem illam lineæ, quæ folio inscripta est, nempe in præsentī primo folio partem 44 particularum, eamque in scalam Cursoris transfer, ut scias quod partium sit reliquas verò particulas ad totam lineam desideratam complendam requisitas, v. g. in casu posito particulas requisitas ad complendam totam lineam 50 particularum, intercipe circino ex scala Cursoris, & exempto priori folio, continua in sequenti folio lineam inchoatam, immoto manente Cursori, & in ipsam transfer prædictas sex particulas, notato puncto, in quo finiuntur: a quo deinde puncto incipies sequentem lineam ducere juxta præcepta tradita. Completâ verò totâ ichnographiâ, ex pone omnes chartulas suis lineis & numeris inscriptas, in mensa aliqua, juxta numerorum ordinem, ita ut folium numero 1 signatum, primum locum obtineat; cui folium num. 2 signatum ita adnecte, ut duæ partes lineæ AB in unam rectam coincident; folium autem tertium secundo folio ita adpetetur, ut partes lineæ CD similiter unam rectam lineam faciant. Simili ratione

alia folia foliis secundum numerorum ordinem, & lineas lineis adnecte, donec totum ambitum compleveris; hoc semper observando, ut foliorum latus signatum acu magnetica ꝑ, in omnibus eandem plagam respiciat, prout in precedenti figura apparet. Figuram sic dispositam delineabis aciculâ in supposita alia charta aut mappa, secundum omnes anfractus & angulos; vel certè in majorem aut minorem formam reduces, modo postea dicendo.

DEMONSTRATIO.

Demonstratio hujus Problematis, qua parte ex singulis stationibus singula inquiris latera & angulos, eadem est cum proximè precedenti, qua parte verò ex duabus stationibus plures indagat distantias & angulos, convenit cum demonstratione Problematis Primi.

PROBLEMA VI.

Sylvam, lacum, aliaque loca plana describere, quando intra ipsa non possunt fieri stationes.

Sit sylva, lacus, hortus arboribus confitus &c. A B C D E. &c. è cujus uno aut duobus limitibus aut non possint videri alii limites, aut non possint intra ipsum fieri duæ aut una statio. Hujusmodi locus qua ratione sit describendus, jam patet ex præcedenti Problemate. Potest tamen etiam sequenti praxi ichnographice describi.

F. LXXIII.
Iconis, XI.

Pone Instrumentum magneticè supra pedem suum situat in loco A, & per Regulam dioptralem respice limitem G, ductâ rectâ A G, indeterminatæ longitudinis juxta situm Cursoris. Deinde ex A versus G procedendo numera palmos lateris A G, qui sint v. g. 30, & in lineam A G tabulæ transfer totidem particulas, Incipiendo à puncto A notato usque ad punctum G. Post hæc pone Instrumentum in loco G, ita ut G Instrumenti correspondeat limiti G; & directâ Regulâ in F, positoque Curseore supra punctum G, respice in limitem F, & fac lineam G F; & mensurato etiam latere G F, transfer in lineam G F tot particulas, incipiendo à G usque ad F, quot palmos inveneris in latere G F. Similes operationes institue in omnibus limitibus, & habebis situm cum numero palmarum totius circuitus. Ratio est eadem quæ Problematis tertii.

ANNO-

ANNOTATIO.

Simili prorsus ratione delineabis templa, palatia, munitiones seu fortalitia, urbes &c. quando intra huiusmodi loca non possunt conspici omnes anguli & limites. In aedificiis tamen potest exteriorum angulorum amplitudo indagari Instrumento quodam ex duabus compacto regulis, quarum una sub alteram ingressa movetur circa centrum, sicut circinus manualis moveri solet, & ab Italis appellatur Squadra zoppa.

PROBLEMA VII.

Situm Camporum, similiumque locorum ex unica statione delineare.

*Situm loci B C D E F G, ex unica statione A, sic describes: ope-
rosius quidem, quam prædictis modis, at certius. Posito In-
strumento in loco A, & electo in charta puncto A, dirige dioptri-
cam Regulam ad singulos limites dati loci, seu ad palos in extre-
mitatibus defixos, aut ad ipsos angulos; positoque semper Cur-
sore in puncto A, duc lineas A B, A C, A D, A E, A F, A G. Deinde
distantias à loco A ad singulos angulos inquire in certa aliqua
mensura, v. g. in palmis. Tandem in lineas correspondentes
transfer tot particulas, ab A semper incipiendo, quot palmos in
distantiis invenisti. Si enim extrema ultimarum particularum
puncta lineis rectis conjunxeris, habebis situm loci quaesitum.
Ratio patet ex demonstratione Problematis tertii.*

PROBLEMA VIII.

Ichnographiam subterraneorum locorum perficere.

*IN cuniculis subterraneis tempore obsidionis dimetiendis ac
describendis, in fodinis metallicis & salis fossilis, aliisque simili-
bus locis ichnographicè depingendis, ut & in cœmeteriis Roma-
nis, egregium omnino usum habet hoc nostrum Instrumentum.
Quod quidem tunc non imponitur sustentaculo aut pedi suo,
prout in præcedentibus factum est, sed manu gestatur, & parieti-
bus applicatur, ita ut planum Instrumenti sit parallelum plano
horizontis. Præterea in subterraneis delineationibus non gyra-*

cur quadratum Instrumenti, manente immoto orbe medio; nec dioptralis regula adhibetur, prout in præcedentibus semper factum fuit; sed ablata Regulâ (quam albidam, seu lineam fiduciam passim vocant Authores) immotoque quadrato, orbis cum imposita sibi quadrata charta ad delineationem perficiendam gyratur, eâ qua sequitur ratione.

F. LXXV.
Iconis. Xj.

Sint subterranei cuniculi A, B, C, D, E, F, &c. ichnographice delineandi. Primò, singulorum laterum mensuram in palmis cognitam habeas oportet. Ingressus igitur os cuniculi ubi E v.g., muro seu parieti E D ita applica Instrumentum, ut Cursor & latus lineæ fiduciam seu Regulæ sint ad dictum parietem in situ parallelo; ipsum verò planum Instrumenti sit parallelum plano horizontali. Quòd si murus asper & inæqualis esset, supra amussim muro applicatam Instrumentum applicandum foret. Applicato hac ratione Instrumento, eoque Inter te & murum dicto situ sustentato manibus, gyra intermedium orbem, eò usque, donec acus magnetica rectâ Boream respiciat. Quo facto, juxta Cursoris situm fac lineam in charta Instrumento superposita, lateri E D certa jam mensura explorato proportionalem. Deinde applica Instrumentum supra murum F interioris cuniculi, eo prorsus quadrati situ (qui nunquam mutari debet) quo in prima operatione fuit; & gyra orbem donec acus denuò perfecte Boream ut prius respiciat: quo peracto, lineæ E D annecte lineam E F ductam juxta situm Cursoris, parallelam muro E D. Iterum applicato Instrumento dicto situ parieti F G, & magneticè situato orbe, connecte lineæ E F lineam F G, prævia dimensione notam. Eodem prorsus modo in omnibus cuniculorum lateribus explorandis, describendisque procede, donec totam ichnographiam perfeceris.

ANNOTATIO.

Predicta ichnographia pluribus chartulis quadratis perfici debet, eadem prorsus methode, quam in Problemate quinto docuimus, Ratio hujus praxis eadem est, quæ superiorum praxium,

PRO-

PROBLEMA IX.

Ope Magnetici nostri Instrumenti cuius puncto in extrema terra superficie assignato, aliud ad perpendicularum ei correspondens in intimis terra visceribus reperire.

Diximus, qua ratione nostri Instrumenti ope cuniculi, aliaque subterranea loca sint ichnographice delineanda; sequitur deinceps ut modum doceamus, quo manifestè constet, si subterraneos meatus, cuniculos, occulta ambulastra construere volumus, aut suffodere, vel pulvere pyrio supposito deicere urbis moenia, turres, propugnacula, aut metallorum venas scrutari, aut alia similia perficere: constet inquam, sub quibus terræ locis præcisè consistamus.

F. LXXXVI.
Iconic. XI.

Sit ergo, gratiæ exempli, in obsidione alicujus urbis, locus M in castris, à quo deducendi sint cuniculi ad vicina aut remota urbis propugnacula G, L, C, H,. Pone Instrumentum in M supra sustentaculum horizonti parallelum, & statue ipsum magneticè juxta quatuor mundi cardines. Dirige deinde Regulam dioptralem in omnia loca prædicta, quæ nimirum in subterraneis mæandris vis respondere ad perpendicularum; & posito Cursore supra idem semper punctum M in quadrata chartula electum, duclineas MG, ML, MC, MH. Demum singulorum locorum distantiam ab M per lineam rectam metire summâ diligentia juxta præcepta Libro secundo tradita. His ita ritè constitutis, fode ad perpendicularum meatum MA in terram descendentem, tantæ profunditatis, quantam judicaveris necessariam; eumque ingrediens, pone Instrumentum, ut prius feceras, magneticè secundum mundi plagas à versorio magnetico ostensas. Dico, si ponas cursores supra lineas antea notatas in charta Instrumenti; & secundum ductum seu directionem ipsarum fodias ad tantam distantiam, quantam ab M ad dicta loca invenisti in exteriori terræ superficie: te infallibiliter & præcisè ad desideratum sub terra locum perventurum, qui loco designato in terra ad perpendicularum respondeat.

DEMONSTRATIO.

Res est tam clara, ut demonstratione non indigeat. Cum enim subterranei meatus à fossoribus facti, sint exterioribus distantiarum lineis paralleli, & aequales (suppono enim, utrumque planum, cum exterius, tum interius, esse hori^zonti parallelum; & punctum *M* correspondere puncto *A* ad perpendiculum; & meatus subterraneos prope *A* efficere eodem angulos, quos efficiunt linea *GM*, *LM*, *CM*, *HM*, prope *M*; & utrobique in easdem Mundi partes tendere; omnia ex operatione facta) necesse est, extremitates maandrorum seu cuniculorum subjectas esse extremitatibus *G*, *L*, *C*, *H*, ad perpendiculum.

ANNOTATIO.

F. LXXVII
Iconif. XI

Si inter fodiendum occurrant petra, aut rudera, aliavè impedimenta, Sac proinde utendum sit diviticulis; ita procede. Impedimento occurrente defle^ste ad latus per lineam, quæ cum via subterranea jam facta faciat angulum rectum, procedendo per certum numerum pedum: deinde fle^ste iterum per angulum rectum, procedendo similiter per certum numerum pedum: tandem iterum fle^ste per angulum rectum, procedendo per tot pedes, per quos in principio deflexisti; erisque in linea à principio inchoata, & scies quot pedes tibi remaneant fodiendi. Verbi gratia, sit fodiendum ab *A* usque ad *G* per pedes 200, fodisti usque ad *B* per pedes 80, ubi occurrerit impedimentum: defle^ste à *B* per angulum rectum in *C* per pedes 20, indeque à *C* usque ad *D*, ad angulum rectum per pedes item 20, tandemque à *D* usque ad *E*, ad alium angulum rectum per pedes iterum 20. Hoc facto, eris in linea *AG*, & remanebunt tibi fodiendi pedes 100.

PROBLEMA X.

Ichneographiam omnium partium interiorum alicujus domus, aut Ecclesie, perficere.

Modus operandi, atque applicatio Instrumenti, prorsus eadem erit, quæ in Problemate octavo. Primò enim, applicabis Instrumentum manu apprehensum inter te & murum eo situ, ut Cursor & latus Regulæ dioptralis (quam in hac operatione auferes) semper situm obtineant parallelum, & latus prædictum radat murum. Secundò, orbem magneticè unà cum charta quadra-

drata situabis. Tertio, juxta Cursoris situm lineam duces, quæ lineæ seu longitudini muri certâ mensurâ exploratæ in scala Cursoris respondeat. Quarto, aliud latius alterius muri immediatè sequentis petes, atque Instrumentum dicto situ ei applicabis, situatoque magneticè, ut priùs, orbe, lineam juxta Cursoris situm duces, lineæ parietis, cujus mensura constet, proportionatam. Cætera pari ratione perficies. Quinto, peractâ ichnographiâ singulas chartas eximes, & supra tabulam, aut mappam, sive chartam huic ichnographiæ deputatam dispones, eo ordine, quo in Problemate quinto fieri debere docuimus; atque juxta ambitus linearum, angularumque in dispositis chartis notatorum ordinem & situm, aciculâ inferiorem suppositam chartam punctuabis, punctaque lineis rectis terminabis, donec totum opus compleveris. Ratio hujus rei patet ex dictis Problemate tertio.

PROBLEMA XI.

Munitionum seu Fortalitiorum ichnographicam delineationem perficere.

Munitionem seu Munimentum voco locum quemvis ætate militari munitum, seu fortificatum; qui quidem locus recepto nunc vocabulo à fortificando, Fortalitium appellatur. In horum Fortalitiorum ichnographica delineatione præclarum omnino usum habet hoc nostrum Magneticum Instrumentum; quo & Magni quidam Capitanei hisce belli temporibus usi, adeo commodum illud reppererunt, ut id satis laudare non possint, inquit Kircherus Problemate decimo

Ut verò meliùs intelligantur, à Tyronibus etiam, quæ dicturus sum hoc Problemate; explicabo primò partes præcipuas, angulos, & lineas Munitionum. Secundò subijciam tabulam continentem longitudines singularum linearum regularium Munimentorum. Tertio præscribam modum eadem Munimenta delineandi in charta. Quarto denique docebo, qua ratione nostri Instrumenti ope in campo ichnographicè delineari possint prædicta Munimenta. In varios igitur Paragraphos hoc præfens Problemata dispergiar.

Explicantur partes, anguli, & linea Munitionum.

Fig. Iconif.
XII.

Munimenta, sive Fortalitia sunt vel regularia, vel irregularia. Regularia sunt, quæ habent angulos & latera ejusdem speciei æqualia. Irregularia verò, quæ angulos & latera prædicta habent inæqualia. Ut partes præcipuas; angulos, & latera sive lineas Munimentorum explicem facilius, & quasi ob oculos Tyronum ponam; delineavi ichnographicè appositum Munimentum pentagonum regulare, apposisis litteris; sic enim melius, facilius, ac clarius explicare potero quod proposui, quam multis verborum ambagibus.

§. II.

Lineæ, sive Latera Munitionum, eorumque appellationes.

ONMYX, polygonum quinque laterum & angulorum, æqualium; seu Pentagonum regulare.


ON, NM, MY, YX, XO, latera polygoni prædicti interna, seu distantia figuræ polygoni; Italicè *poligono interiore*; Gallicè *polygone interieur*; Belgicè *distanz der Keelpunkten*; Germanicè *die Seiten der Festung von einem Winkel zum andern*. HG, GY, Yß, ßA, AH, latera ejusdem polygoni externa, seu distantia propugnaculorum; Italicè *poligono esteriore*; gallicè *polygone exterieur*; germanicè *die weite der Pulverthor puncten*.

K, Centrum polygoni. KO, KN, KM, KY, KX, semidiametri seu radii circuli polygonum circumscribentis, cujusmodi est circulus ONMYX; italicè *centro*; gallicè *centre*; germanicè *mittelpunct*.

BDHPE, Propugnaculum, italicè *Balardo*, vel *Bastione*; gallicè *Boulevard*, vel *Bastion*; germanicè *Pulverthor*.

OE, & OB, Lineæ colli, & lineæ faucium, vel simpliciter collum; italicè *Recinto*; gallicè *Gorge du Bastion*; germanicè *Retelinie/ Hals*.

EP, Ala propugnaculi; sive humerus propugnaculi, seu Ala prima, & primaria; italicè *Fianco primo ò primario*; gallicè, *Espanle*, vel



vel *Flanc*; germanicè *Flügel / Schulter*. Alam in tres partes æquales aliqui dividunt, quarum duas exteriores versus P tribuunt auriculæ propugnaculi (quam Itali *Orechione*, Hispani *Oreloni* de casamata appellant) tertiam destinant alæ opertæ, vel transversæ, quam Itali moderni *Fianco*, Hispani *travès* vocant.

E F, Cortina; italicè *Cortina*; gallicè *Courtine*; germanicè *Wall*. Hæc est agger, sive vallum, vel extensio muri inter propugnacula.

O H, Linea Capitalis; italicè *Linea Capitale*; gallicè *Ligne Capitale*; germanicè *Haubtlinie*. Hæc est portio semidiametri polygoni productæ usque ad verticem propugnaculi.

HP, & HD, Facies propugnaculi; italicè *faccia del baloard*; gallicè *face du bastion*; germanicè *Gesicht / gesichtlinie*.

H R, Linea defensionis, seu defensiva, linea radens, linea stringens; italicè *linea radente, stringente*; gallicè *ligne de defence flanquante*; germanicè *Streichlinie*.

F H, Linea figens, sive linea defensiva fixa; italicè *ficante*; gallicè *la ligne de defense fichente*; germanicè *Vertengung der Schultdr.*

E Z, B Z, Ala Cortinæ, seu Ala secunda, aut secundaria; italicè *fiancho secondo, ò fiancho secondario*; gallicè *second flanq*; germanicè *Streichplatz*.

K T, Cathetus, sive radius polygoni brevissimus, à centro ad latús polygoni perpendicularis.

§. III.

Anguli Munitiorum, eorumque appellationes.

G K H, angulus centri, sive ad centrum, polygoni; italicè *Angolo del centro*; gallicè *l' angle du centre*; germanicè *der Winkel des centri oder Mittelpuncts*.

M N O, N O X, angulus polygoni, sive ad circumferentiam polygoni; italicè *angolo della figura*; gallicè *l' angle du polygone*; germanicè *Reckpuncts Ecke*.

D H P, angulus propugnaculi, quem aliqui vocant angulum defensum, italicè *angolo difeso*; gallicè *angle flanqué*, germanicè *Bollwerckspunct*.

HRO, HQO, angulus defensionis interior, vel minor; italicè *angolo della difesa interiore*; gallicè *angle flanquante interieur*; germanicè *der innere Streichwinkel*.

HRX, HQN, angulus defensionis exterior, vel major; italicè *angolo della difesa esteriore*; gallicè *angle flanquante exterieur*; germanicè *der cussere Streichwinkel*.

G*H, angulus defendens. Hunc efficiunt lineæ defensionis sibi mutuo occurrentes; italicè *tenaglia*; gallicè *tenaille*; germanicè *Winkel der Streicher*.

AHO, angulus diminutus; italicè *Angolo diminuto*; Gallicè *Angle diminuè*;

HPE, angulus alæ & faciei, sive humeri & faciei; italicè *angolo dell' ala e faccia*; gallicè *angle de l' espaule*; germanicè *der Streich oder Gesichtwinkel*.

EPR, angulus lineæ defensionis & alæ; italicè *angolo dell' ala & difensione*; gallicè *angle de la ligne de defence flanquante*; germanicè *Winkel der Flügel und Streichlinie*.

HOR, angulus lineæ capitalis & lateris polygoni. Hic est complementum medietatis anguli propugnaculi, seu anguli defensionis, ideoque aliis peculiaribus nominibus apud alias Nationes non exprimitur, quod sciam.

PER, angulus alæ & cortinæ. Hic semper est rectus, & non habet alia nomina apud alias Nationes, quod sciam,

§. IV.

Partes reliqua Munitionis, earumque appellationes.

PRæter lineas, & angulos Munitionum hætenus enumeratos, sunt aliæ partes. Hæ vel sunt interiores, ut sunt fora, plateæ, hospitia, granaria &c. vel sunt immediatæ ipsi Munitioni; vel sunt exteriores & remotæ à Munitione. De primis nihil attinet hic dicere. Reliquarum ichnographiam & scheinographiam alibi dabimus. Nomina sunt sequentia apud Latinos, Italos, Gallos, Germanos. Belgica vocabula conveniunt ferè cum germanicis, ideo omittuntur.

Opera

Opera exteriora.

Nomina Latina.	Nomina Italica.	Nomina Gallica.	Nom. Germanica.
Vinez. Promotiones.	Aprocci.	Approches.	Lauffgräben.
Semilunz. Insulz. Moles.	Mezze Lune. Opere al di fuori. Revelini.	Demies Lunes. Ouvrages extérieurs.	Halbe Mohn. Revelin. Eedige Werck.
Opera Cornuta.	Opere à corno.	Ouvrages à corn.	Hornwerck.
Opera coronaria.	Opere à corona.	Ouvrages couronnées.	Kronwerck.
Fortalitia communia.	Fortezze.	Vn fort.	Gemeine Schanzen.
Fortalitia minor.	Fortini.	Forteresse.	Halbe Schanzen.
Reductus.	Ridotti.	Redoute.	Feldschanzen.
Transversaria.	Traverse.	Travers.	Abschnide.
Aggeres.	Batterie.	Batteries.	Ragen.
Seps Castrorum.	Tringee.	Trenchee.	Wall.
Forceps. Forcipes.	Tenaglia.	Tanaille.	Zangenwerck.
Suggestus.	Batterie.	Batteries.	Besetzung des Beschießung.
Eques.	Cavalliero.	Cavallieur.	Rag.
Casa armata.	Casematte.	Casematte.	Wardgruben.
Excursus obliquo.	Contraprocci.	Côteapproches.	Keller. Gegenlauffgräben.

Partes Valli, & Loricæ.

Basis Valli.	La base del terrapieno.	La base du Rampart.	Anleg des Walls.
Acclivitas exterior.	Scarpa di fuori.	Talud extérieur du rampart.	Äusserliche Böschung.
Acclivitas interior.	Scarpa di dentro.	Talud intérieur du rampart.	Innerliche Böschung.
Altitudo Valli.	Altezza del terrapieno.	Hauteur du rampart.	Höhe des Walls.
Summitas Valli.	La sommità del terrapieno.	Sommet du rampart.	Oberbreite des Walls.

Ambla-

Ambacrum valli superioris.	Strada dell' terra pieno.	Chemin du rampart.	Oberer Wallgang.
Lorica.	Parapetto.	Parapet.	Brustwehr.
Basis Loricæ.	La base del parapetto.	La base du parapet.	Anleg der Brustwehr.
Acclivitas exterior.	Scarpa esteriore.	Talud exterieur du parapet.	Eusserliche Böschung.
Acclivitas interior.	Scarpa interiore.	Talud interieur du parapet.	Innerliche Böschung.
Altitudo exterior.	Altezza di fuori.	Hauteur exterieur du parapet.	Höhe von aussen.
Altitudo interior.	Altezza di dentro.	Hauteur interieur du parapet.	Höhe von innen.
Latitudo scammilli.	Larghezza del banchetto.	Largeur du banchet.	Breite der band.

Partes Fossæ.

Parma, seu margo fossæ.	Margine della fossa.	Lisiere, ou Berm.	Abfang / oder Fuß des Grabens.
Latitudo.	Larghezza.	Largheur.	Breite.
Acclivitas.	Scarpa.	Scarpe.	Abbschung.
Profunditas.	Profundità.	Profondeur.	Tiefe.
Via cooperta.	Strada coperta.	Chemin couvert.	Bedeckter Weg.
Basis acclivitatis extimæ.	Contra scarpa.	Base de chemin couvert.	Eusserste abbschung.
Distantia basium.	Larghezza del tutto.	Distance de base.	Breite des ganzen Werks.

§. V.

Proponitur tabula continens linearum ac laterum longitudines Munitionum Regularium, à Quadrato usque ad Dodecagonum.

Variè procedunt in delineandis Munitionibus: aliqui enim adhibent mensuram angulorum, quorum nomina dedimus §. 3; alii verò mensuram linearum ac laterum, quorum appellationes §. 2 attulimus, adhibent. Hic secundus modus est longe facilior primo; quare & nos eum usurpabimus. Maxima porò controversia est, & magna opinionum varietas, circa longitudinem

mem linearum five laterum Munitionum, eorumque ad se invicem proportionem. Ego cum hic non tradam Artem muniendi, sed solum modum ostendam munitiones in campis delineandi; nolo examinare quæ quibus sit anteferenda, sed ex omnibus unicam proponam tabulam, continentem mensuras linearum ac laterum Munitionum regularium à Quadrato usque ad Dodecagonum, quibus mensuris olim utebantur Hollandi & Belgæ reliqui. tamen nunc aliter statuant, ut patet ex tabulis Batavici recentioribus, aliisque apud Matthiam Dogen. Suprema columna transversalis sequentis tabulæ continet Characterismos Munitionum à Quadrato usque ad Dodecagonum tantummodò, quoniam Munitiones pauciorum angulorum quàm quatuor, & plurius quàm duodecim, vix sunt in usu.

Tabella continens Munitionum Regularium à Quadrato ad Dodecagonum usque, linearum ac laterum longitudines.

Latera.	IV	V	VI	VII	VIII	IX	X	XI	XII
Linea Radii circuli	353	459	648	746	846	947	1048	1151	1400
L. Lateris Polygoni	500	540	648	648	648	648	648	648	710
Linea Colli.	100	120	144	144	144	144	144	144	160
L. Alæ propugnac.	80	90	108	108	108	108	108	108	120
Linea Cortinæ.	300	300	360	360	360	360	360	360	400
Linea Alæ Cortinæ	0	23	63	85	99	128	148	163	193
Linea Capitalis.	207	209	234	225	219	224	229	231	259
L. faciei propugn.	256	255	279	260	247	244	242	239	26
Linea Defensionis.	565	546	594	555	529	499	479	463	501
Linea Catheti.	250	372	561	673	783	890	997	1107	1343

Docetur Modus delineandi quamlibet Munitionem regularem in charta.

DEbet Architectus militaris Munitionem in Campo delineandam & fabricandam, prius in charta delineare, seu ejus figuram ichnographicam, quam Plantam vocant Itali, in planum aliquod parvum prolicere, servando eandem proportionem laterum, quam in campo habere debet; tum ut aliis eam ostendere, suæque artis rationem reddere; tum etiam ut facilius eam postea in campo constituere possit. Docebo ergo modum, eumque facillimum, id præstandi.

Primò. Divide lineam rectam in 10. æquales partes; & primam partem divide in alias decem, ut sic tota linea sit divisa in 100. æquales partes; tandem quamlibet ex primis decem particulis Intellige subdivisam esse in alias decem; atque adeo totam lineam esse divisa in 1000. æquales particulas. Hæc linea ita divisa inserviet tibi instar scalæ, quam pitipie Hispani, & Itali, cum Galis appellant: Quolibetenim particula censetur æquivalere pedis geometrico;

Secundò. Si vis delineare Munitionem pentagonam (pono in exemplum pentagonam Munitionem, & quæ de ipsa dico, de omnibus aliis intelligi debent) accipe circino ex linea divisa partes radii sive semidiametri pro pentagona munitione notatas in columna secunda perpendiculari tabulæ paulò antè positæ, nempe partes 459, & hoc intervallo describe circulum occultum. Deinde ex eadem linea accipe partes 540 pro latere pentagoni, notatas in eadem columna, & ad earum intervallum nota in circuli circumferentia quinque puncta, eaque lineis rectis connecte, & descriptum erit pentagonum O X Y M N.

Tertiò. Pro lineis colli accipe ex linea divisa partes 120, eaque ex punctis O, X, Y, M, N, transfer utrumque in latera pentagoni, notatis punctis E, F, A, C, I, L, S, V, Q, B.

Quartò. Ex punctis prædictis erige perpendiculares ad longitudinem partium 90 ex scala acceptarum, & habebis alas, sive lineas alarum fortalitij;

Quin-

Quintò. Pro alis cortinæ intercipe circinò ex scala partes 23, easque ex punctis alarum transfer in latus pentagoni, nempe ex E in Z, ex F in R, ex B in Z. &c.

Sextò. Pro determinandis lineis capitalibus produc semidiametros pentagoni, ultra puncta O, X, Y, M, N; & ex linea divisa accipe circino partes 209, easque ex punctis prædictis transfer in semidiametros productas, notatis punctis H, G, &c.

Septimò. Ex punctis extremis linearum capitalium H, G, &c. per puncta extrema alarum propugnaculi P, D, &c. usque ad puncta extrema alarum cortinæ R, Q &c. duc lineas rectas HPR, HDQ &c. eruntque propugnacula designata, & prædictæ lineæ HPR, HDQ &c. erunt lineæ defensionis.

Simili prorsus ratione delineabis alias Munitiones ex columnis tabulæ congruentibus; quod etiam brevius sic efficies. Excipe circino ex scala præparata magnitudinem semidiametri polygoni describendi, descriptoque ad ejus intervallum circulo occulto, atque in suas partes diviso, prout polygonum requirit, educ semidiametros ultra peripheriam quam requirit longitudo Capitalium. Ductis deinde lateribus polygoni, determinatisque lineis colli sive faucium, erige ad earum extrema perpendiculatim alas primarias juxta longitudinem requisitam, & à summitate ipsarum usque ad verticem linearum capitalium educ facies propugnaculorum, & habebis partes principales Munitionis descriptas.

Alam propugnaculi Belgæ fabricantur modo dicto, nullo humero aut auriculâ versus exteriorem partem P & D, appositâ, quæ alam ab inimicis ictibus defendat, quia ipsi extra munitionem erigunt alia opera, quæ id præstent. At Itali, & alii communiter apponunt humeros sive auriculas, quas sic formant, prout apparet in secunda figura; nempe lineam Alæ E P dividunt in tres æquales partes, quarum unam E B tribuunt alæ, reliquas duas B P humero sive auriculæ. Deinde ex puncto B versus punctum A oppositè propugnaculi ducunt rectam BC, æqualem rectæ EB, & ex C ducunt rectam CD parallelam rectæ EP, quæ occurrat rectæ PD faciei propugnaculi productæ; sicque formatum habent humerum seu auriculam pro defensione alæ. Simili ratione formant alias auriculas, quas tamen alii versus CD rotundas formant.

*Nota Lector
hic dextra
figuram.*

Considerandum tamen diligenter est, utrum ala E B dicto modo formata capax sit duorum tormentorum bellicorum in Munitionibus minoribus, & trium in majoribus: si enim non sunt capaces alæ sic efformatæ, non possunt formari auriculæ juxta proportionem linearum Paragrapho præcedenti assignatam, sed debet servari alia proportio.

§. VII.

Docetur modus designandi quamlibet Munitionem in campi planitie, ope nostri Instrumenti.

Munitionis plantam seu ichnographiam, quam in charta delineasti, impone quadratulo excavato Pantometri; aut certè eandem plantam delineam in charta quadrata ejusdem Pantometri. Deinde singulis lineis plantæ adscribe numeros particularum seu pedum ex tabula suprà posita; v. g. lateribus pentagoni O X, X Y, Y M, M N, N O, pedes 540; lineis colli O E, O B, X F, X A &c. pedes 120; lineis capitalibus O H, N G &c. pedes 209; lineis facierum propugnaculi H P, H D &c. pedes 255, radiis K O &c. pedes 459; & sic de cæteris.

His factis, impone chartam quadratam Instrumenti cavitati, & accede locum seu campum, in quo fortalitium pentagonum est extruendum; positoque Instrumento, magneticè situato, in centro futuri fortalitii, ita ut punctum K chartæ respondeat centro prædicto, promove Curforem supra lineas K H, K A, & reliquos radios è centro ad propugnaculi angulos eductos; & juxta situm Cursoris respice per dioptra in H, in A &c. versus illa scilicet loca, in quibus vis extruere propugnacula; & per lineas visu designatas dispone baculos seu arundines per totum intervallū, ut dimensio fiat exactior. Deinde in linea K H in campo designata, à centro K versus H, numera tot pedes, quot linea K O chartæ continet particulas. nempe 459; & colloca Instrumentum, magneticè ut antea situatum, in puncto O campi, angulo videlicet pentagoni fortalitii futuri; Curforemque promove supra lineam O X pentagoni in charta descripti; & juxta hunc situm per dioptra respice in X, iterum baculis seu arundinibus in eandem lineam per totum intervallum dispositis; totumque spatium O X, nempe la-

pelatus pentagoni, juxta lineam visualement metire in pedibus 540, lineæ OX chartæ adscriptis, in fine signo posito. Hoc peracto, Instrumento manente immobili, promove Cursores parallelū supra latus ON in charta descriptum, & per dioptra respice per O in N, juxtaque hanc lineam visualement metire totam lineam ON, pedum 540, in fine relicto signo. Hoc etiam peracto, transfer Instrumentum ex O in N, eoque magneticè ibi, ut in prima statione O, situato, ac posito Cursores supra lineam NM, ex N per dioptra respice in M, & mensurato juxta hanc lineam spatio NM in pedibus 540, transfer Instrumentum ex N in M, ac magneticè eo situato, Cursoresque posito supra lineam MY pentagoni in charta descripti, respice per dioptra ex M in Y, & juxta hanc lineam visualement metire spatium congruum, ut antea; ex Y tandem duc rectam lineam in X, quæ, nisi erratum fuerit, erit æqualis prioribus quatuor lineis; & habebis latera pentagoni fortalicii delineata.

Propugnacula ita delineabis. Reseca ex singulis lateribus pentagoni à punctis O, X, Y, M, N, utrimque per mensuram aliquam notam spatium 120 pedum, habebisque colla propugnaculi OE, OB, XF, XA &c. Hoc peracto, pone Instrumentum in D, eoque magneticè situato, promove Cursores supra Capitalem lineam OH in charta descriptam, & juxta eum sitū per dioptra determinatam lineam OH mensura in pedibus 209, in fine signo posito. Deinde translato Instrumento ex O in H, promove Cursores supra facies propugnaculi HP, HD, & juxta hunc situm per dioptra determinatas lineas HP, & HD mensura in pedibus 255; habebisque facies propugnaculi determinatas. Terminos verò harum facierum P & D, & terminos collorum E & B, si rectis lineis conjunxeris, habebis alas fortalicii PE, & DB. Non secus alias cæterorum propugnaculorum partes in Campo dato Instrumenti nostri ope delineabis.

Posita & delineata Ichnographiâ fortalicii, non erit difficile latitudines singularum partium determinare, ut sunt Vallum, Thorax, Scabellum, Lorica &c. si earum latitudines tibi comparas ex probatis Auctoribus.

DEMONSTRATIO.

Ratio hujus operationis eadem est, quæ in præcedentibus, nam ubique servatur æqualitas, imò identitas angulorum, & proportio linearum, s. VIII.

Alius modus designandi Munitiones in Campis ex ichnographica delineatione facta in charta.

Quoniam non omnibus copia esse potest Pantometri nostri, vel certè id non semper ad manum est; placet hic subijcere alium modum designandi Munitiones in Campis ex ichnographia in charta aliqua delineata; qui tamen à prædicto modo non est multum diversus, & ita se habet.

Chartam in qua delineata est per præcedentes regulas Munitionis pentagonalis (idem intellige de omnibus aliis Munitionibus) adglutina seu affige tabulæ alicui planæ, & in campo seu loco, in quo extruere cogitas fortalitium, elige situm propugnaculi v. g. H P E B D futuri; colloca tabulam horizonti parallelam, sed elevatam supra terram mediante scamno, aliove suppedaneo; & directâ lineâ O X versus illam campi partem, versus quam extendi debet latus unum pentagoni, pone supra lineam prædictam O X Regulam dioptræ instructam, & acu seu claviculo in puncto O defixam ita, ut circa ipsum immotum moveri ac circumvolvi possit; & juxta hunc situm regulæ respice per dioptras ex O in X, hoc est, ex centro unius propugnaculi versus centrum alterius propugnaculi, dispositis baculis seu arundinibus juxta directionem lineæ visualis per totum spatium, ut dimensio fiat exactior; totumque spatium visuali lineâ designatum metire certa mensura, numerando pro latere futuri pentagoni 540 pedes geometricos, juxta tabulam supra paragrapho quinto allatam; & in fine 540 pedum colloca signum aliquod visibile X.

Hoc peracto, tabula manente immobili, & Regula manente fixa in puncto O, volve ipsam regulam circa suum claviculum, & pone ipsam supra latus seu lineam O N in charta delineatam, & per dioptras regulæ respice versus N, hoc est, versus centrum tertii propugnaculi, & juxta lineam visualem dispone iterum baculos

los seu arundines, metireque in designata linea 540 pedes pro altero pentagoni latere, & in fine 540 pedum relinque signum N; habebisque unum pentagoni angulum designatum.

Hos etiam peracto, & manente tabula adhuc immota, volve regulam, & dirige eam juxta lineam capitalem OH in charta notatam, & juxta lineam visualet numerare 209 pedes, & in fine fige signum H. Poteris etiam ponere regulam supra lineam OK, & juxta lineam visualet numerare 459. pedes pro semidiametro pentagoni, & in fine relinquere signum K pro centro Munitionis.

Factis his omnibus operationibus, transfer tabulam ex O in X, relicto aliquo signo visibili in O; & procura diligenter, ut punctum X tabulae respondeat puncto X Campi pro centro secundi propugnaculi in fine 540 pedum electo. Affige deinde regulam puncto X tabulae, eandemque regulam pone supra lineam XO, & manente regula immota, verte tabulam hinc inde, donec per dioptrae regulae videas signum O relictum. Firma deinde tabulam, ut loco moveri non possit, & volve regulam circa suum claviculum in puncto X tabulae infixum, eamque pone supra lineam XY, & juxta lineam visualet metire 540 pedes, relicto in fine signo Y. Deinde designa lineam capitalem, & radium pentagoni, prout antea factum fuit.

Simili ratione operare in N, & in Y, & habebis pentagonum futuri fortalitii in Campo delineatum. Quod si absoluta operatione duo latera ultimò formata non coirent in angulum, repetenda esset denuò operatio, donec error emendaretur.

Posses etiam, si Campus esset planus, delineare idem pentagonum figendo in centro pentagoni futuri baculum, & alligando funem longum pedes 459, & ad praedicti funis intervallum describendo circulum in planitie, & ab uno circumferentiae puncto usque ad aliud punctum extendendo funem longum pedes 540: si enim hoc intervallum quinquies repeteres in circuli circumferentia, haberes pentagonum delineatum.

Propugnacula ita delineabis. Ex lateribus ON, & OX, refeca spatium 120 pedum usque ad E & B, & habebis colla propugnaculi OB, OE. Idem fac apud X, Y, M, & N. Ex punctis E & B &c. erige perpendiculares BD, & EP pedum 90, & habebis alas propugnaculorum, Ab extremitatibus linearum Capitalium
antè

antè designatarum, usq; ad extremitates alarum jam designatarum, extende lineas rectas H D, H P &c. & habebis facies propugnaculorum, imò & tota propugnacula delineata. Si alis vis apponere humeros sive auriculas, operare ut paragrapho præcedenti.

§. IX.

*Adhuc alius modus designandi Munitiones
in Campis.*

POne chartam in medio Campi, ita ut centrum K respondeat centro pentagoni delineandi, & anguli propugnaculorum chartæ respiciant angulos propugnaculorum delineandorum in Campo, & latera Chartæ latera Campi. His præstitis, affige regulam dioptris instructam centro K chartæ, & positâ regula supra lineam K O H, respice per dioptras versus H, & jube iuxta lineæ visualis ductum figi baculos aut arundines, ita ut baculus O distet à centro Chartæ & Campi 459 pedes, baculus verò H à baculo O distet 209 pedes. Idem facies ponendo regulam circa centrum K volubilem supra lineas K X, K Y, K M, & N. Posthæc conjunge baculos O, X, Y, M, N, lineis rectis, ducendo ab uno ad alterum chordam 540 pedum, vel dirigendo lineam visualem, & designando in terra lineam. Cætera facies ut dictum.



LIBER



LIBER V. STEREOMETRICUS.

sive

De solidorum Dimensionibus.

Solidum *sive* Corpus est, quod habet longitudinem, latitudinem, & profunditatem seu crassitiem. Corporum alia habent superficies planas, alia curvas, alia mixtas.

Corpora habentia superficies planas, alia sunt regularia *sive* ordinata, alia irregularia. Regularia sunt tantum quinque, dicta corpora Platonica (eò quòd Plato in *Timeo* comparat iis quinque corpora simplicia mundum componentia, Cælum dico, & quatuor elementa) nimirum tetraëdram, hexaëdram *sive* Cubus, octaëdram, dodecaëdram, & icosædram. Corpora irregularia sunt Prismata, *sive* columna triangulares, quadrangulares, pentagona, hexagona &c.

T

Pyra-

Pyramides triangulares, quadrangulares, pentagonæ &c. Corpora truncata, quæ constant superficieribus partim triangularibus, partim quadrangularibus, pentagonis &c. & infinita alia.

Corpora habentia superficies curvas sunt sphaera, sphaeroides, figura ovales &c.

Corpora habentia superficies mixtas sunt cylindri, conî, conoides parabolici, conoides hyperbolici &c.

Singulorum corporum hætenus enumeratorum definitiones afferemus in principio sequentium Problematum.

ANNOTATIO Catholica I.

NOtandum est, sicuti lineas metimur mensurâ simplicibus, & superficies quadratis, prout diximus supra Lib. 3. par. 1. cap. 2. ita corpora metienda esse per corpuscula cubica; ita ut quando dicitur corpus aliquod continere decem palmos, passus, milliaria &c. intelligendum sit, illud continere decem cubos, quorum singuli habeant latera singula aequalia uni palmo, passui, milliari &c. ac proinde decem palmos &c. cubicos explere aream sive capacitatem ac soliditatem illius corporis; sive quod idem est, tale corpus dividi posse in decem cubicos palmos &c.

ANNOTATIO Catholica II.

UT corpora metiamur, metienda sunt bases, latera, & universaliter superficies corporum. Superficies mensurantur ut diximus Libro tercio precedenti præcipue. Quæ ergo ratione Pantometrum nostrum inseruit superficierum dimensionî, inseruit etiam dimensionî corporum.

PROBLEMA I.

Parallelepipedâ metiri.

PARALLELEPIPEDUM est figura solida, comprehensa sex superficieribus quadrilateris, quarum quælibet duæ ex adverso oppositæ



Fig. LXXIX.




Fig. XXXI.



Fig. LXXII.



Fig. LXXX.



Fig. LXXXIII.



Fig. LXXXIV.




Fig. LXXXVIII.







Fig. LXXXIX.



sic sunt parallelae, & aequales, & parallelogramma. Hujusmodi figuram solidam exprimit columna aliqua quadrilatera uniformis crassitie, prout est apposita *ABCDEFGH* figura. F. LXXIX.
Icon, XII.

Sunt autem tot parallelepipedorum genera, quot parallelogrammorum. Si enim omnia sex parallelogramma parallelepipedum ambientia, fuerint aequilatera & rectangula, hoc est, quadrata; dicitur parallelepipedum illud cubus: si rectangula quidem omnia, at non omnia aequilatera, sed quatuor fuerint longiora, duo breviora, & aequilatera (sive illa quatuor sint omnia aequilatera, sive duo opposita tantum) dicitur parallelepipedum altera parte longius. Si aequilatera quidem omnia, at non omnia rectangula, sed solum quatuor; dicitur rhombus: si denique neque omnia rectangula, neque omnia aequilatera; dicitur rhomboides.

Parallelepipedum altera parte longius sic metieris, ad inveniendam ipsius aream solidam seu soliditatem. Metire certa aliqua mensura, v. g. palmis, pedibus &c. propositi parallelepipedum longitudinem, latitudinem, & altitudinem: duc deinde latitudinem in longitudinem, vel è contrà longitudinem in latitudinem, & habebis aream basis: Demum productum seu basim inventam duc in altitudinem; & numerus resultans dabit palmos, pedes &c. cubicos propositi parallelepipedum, hoc est, numerum cubicorum palmarum, pedum &c. qui in tali corpore continentur.

Exemplum. Sit in suprâ posito parallelepipedo latitudo *A D* duorum pedum, longitudo *A B* quatuor pedum, & altitudo *A H* octo pedum: duc 2 in 4, habebis octo palmos quadratos pro basi *A B C D*: deinde duc basim inventam, id est, 8 in 8, habebis 64 palmos cubicos pro soliditate seu capacitate totius parallelepipedum.

Cubi soliditas habetur, si unum solum latus mensuretur (habito enim uno, habentur reliqua, cum omnia sint aequalia) & in seipsum ducatur, & idem deinde ducatur in productum; numerus enim resultans erit numerus palmarum v. g. cubicorum in cubo proposito contentorum.

DE MONSTRATIO.

Ratio hujus rei est, quia si latitudo ducatur in longitudinem, nempe in exemplo posito, 2 in 4, resultat superficies 8 quadratorum palmarum,

T 2

us di-

ut dixi, & constat ex 2. p. Libri 3. Probl. 1. Quæ superficies si eleuetur ad spatium seu altitudinem unius palmi (quod sit, si multiplicetur per unum) resultat corpus octo palmorum cubicorum: si ad duos palmos eleuetur, resultat corpus 16 palmorum: si denique ad octo palmorum altitudinem eleuetur, resultat corpus 64 palmorum cubicorum. Eadem est ratio in cæteris.

Si parallelepipedum est rhombus, aut rhomboides, inquire per dicta Lib. 3. p. 2. Probl. 2. aream basis, eamque due in altitudinem: productus namque numerus erit parallelepipedi area. Ratio est eadem.

Si nullum latus parallelepipedi est rectum ad basim; demitte perpendicularem ex aliquo angulo supremi parallelogrammi ad planum in quo est basis, eamque metire, & habebis altitudinem parallelepipedi. Investiga deinde aream basis, per Probl. 1 p. 2. Lib. 3. eamque inuentam due in altitudinem, & producetur area seu capacitas propositi parallelepipedi in mensuris cubicis. Ratio est, quia si supra basim intelligatur parallelepipedum rectum ejusdem altitudinis cum proposito parallelepipedo, erunt per 19. & 30. Undec. duæ hæc parallelepipeda inter se æqualia.

COROLLARIA.

II.

Hinc Colligitur, qua ratione inueniatur soliditas alicujus muri, valli, cortinae inter propugnacula extensa &c.

II. Colligitur præterea, qua ratione, si extruendus sit murus quadrangularis ex lateribus, lapidibus quadratis, aut oblongis, reperiatur numerus lapidum, laterum vè necessarius pro muro extruendo, dummodo sciamus quàm longus, quàm latus, & quàm altus debeat esse murus. Nam si longitudine lateris metiaris muri longitudinem, latitudine latitudinem, altitudine seu crassitie altitudinem: & quoties qualibet harum in muro contineatur, notes, ac tres numeros inuentos in se duxeris; habebis numerum laterum, quibus pro muro extruendo opus habes.

Exemplum. Contineat longitudo muri futuri longitudinem lateris ducenties, latitudo latitudinem octies, crassities seu altitudo altitudinem octuagiesi. Igitur si hos tres numeros 200, 8, 80; in se duxeris. nimirum 200 in 8, & productum in 80; produces numerum hunc, 128000, qui est numerus laterum, quibus pro muro extruendo opus habes.

PRO-

PROBLEMA II.

Prismata metiri.

Prisma est figura solida, quæ planis continetur, quorum duo ad minimum aduersa sunt & æqualia, & similia, & parallela (siue triangula sint, siue rectangula, siue pentagona &c.) reliqua uero plana sunt parallelogramina. Itaque Prisma nihil aliud est, quam columna quædam laterata æqualis crassitie, cuius bases oppositæ sunt æquales, similes, parallelæ, siue hæ sint triangula, siue quadrangula, siue pentagona &c. Errant itaque qui solum illud corpus columnare appellant prisma, cuius oppositæ duæ bases sunt triangula æqualia & similia; sunt enim infinitæ species Prismatum, iuxta definitionem traditam.

F. LXXX.

Icon, XIII.

Ex his patet, omne parallelogrammum esse Prisma, licet non omne Prisma sit parallelogrammum.

Prismatis aream habebis, si aream basis inquiras in mensuris quadratis, eamque in altitudinem ducas, ut mox ostendam. Area porro basis cognoscitur ex dictis Lib. 3. p. 2. Probl. 1. 2. 3. & 5. & etiam 4 & 6. Altitudo uero habetur, si latera non sint recta ad basin, modo dicto Probl. præcedente.

DEMONSTRATIO.

Quid, si concipiatur parallelepipedum ejusdem altitudinis cum Prismate, habens pro base rectangulum basi prismatis æquale: erit per 2. Coroll. 7. Duodec. hoc parallelepipedum prismati æquale: cum ergo parallelepipedum producat ex sua base in altitudinem multiplicata, procreabitur quoque prisma ex multiplicatione sua basis in altitudinem.

PROBLEMA III.

Cylindros metiri.

Cylindrus est figura solida æqualis crassitie, quæ continetur duobus circulis æqualibus & æquidistantibus, & rotundâ superficie inter ipsas interjectâ, instar columnæ cujusdam rotundæ. Bases cylindri, superior nempe & inferior, sunt ipsi circuli prædicti; axis uero est linea recta per centra circulorum ducta, Cylindri

F. LXXXI.
Icon. XIII.

drirecti sunt, qui habent axem ad rectos angulos insistentem ipsis basibus; Scalenii verò seu obliqui cylindri sunt, qui non ad rectos angulos insistentem basibus habent axem.

Cylindri area procreatur ex multiplicatione basis in altitudinem cylindri. Basis cylindrorum in mensuris quadratis invenitur per dicta Lib. 3. p. 2. Probl. 7. Quòd si cylindrus sit obliquus, exquirenda est altitudo ejus per lineam perpendicularem ex superiore base demissa ad planum, in quo inferior basis existit; atque in hanc altitudinem area basis multiplicanda est: productus enim numerus dabit aream cylindri propositi, cum æqualis sit cylindro recto eandem cum illa basim & altitudinem habenti, per Coroll. Prop. 11. lib. Duodes.

DEMONSTRATIO.

Ratio dictorum de cylindro recto est eadem cum illa, quam assignavimus pro parallelepipedo rectangulo Problemate Primo.

COROLLARIUM.

Ex his patet, quomodo metiendus sit sacculus tritici plenus. Qua verò ratione metiendus sit acervus tritici, dicemus Libro sequenti Probl. 2. Corollario. 2.

PROBLEMA IV.

Pyramidum, & Conorum soliditates sive areas invenire.

F. LXXXII
Icon. XIII.

PYramis est figura solida, quæ planis continetur, ab uno plano ad unum punctum constituta. Punctum hoc vocatur vertex pyramidis; planum autem ipsi oppositum vocatur basis pyramidis; quæ quidem basis potest esse vel triangulum, vel quadrangulum, vel pentagonum, & ab ipsa tota pyramis dicitur vel trigona seu triangularis, vel quadrangula, vel pentagona &c. Reliqua verò plana, quibus pyramis continetur, sunt necessario triangula, cum omnia ad unum punctum tendant. Hinc variz oriuntur pyramides, nempe triangulares, quadrangulares, pentagonæ &c;

Conus

Conus est figura solida rotunda ad unum punctum constituta, supra basim circulearem, instar pyramidis rotundæ. Punctum prædictum vocatur vertex coni, linea recta à vertice ad circuli centrum ducta appellatur axis coni; circulus ipse dicitur basis. Conus rectus est, qui habet axem ad rectos angulos ipsi basi. Scalenus verò seu obliquus est, qui non ad rectos angulos ipsi basi axem habet.

Pyramidis & coni area producitur ex multiplicatione basis in tertiam partem altitudinis; aut ex altitudine in tertiam partem basis. Ex quo fit, si basis ducatur in totam altitudinem, tertiam partem numeri producti esse quoque aream pyramidis vel coni.

DEMONSTRATIO.

Ratio est, quia cum ex base in totam altitudinem gignatur Prisma, aut cylindrus, eandem habens cum pyramide & cono altitudinem, ut diximus Problemate precedenti; producet, per scholium 14^æ. Duodec. ex eadem basi in tertiam partem altitudinis, tertia pars illius prismatis, vel cylindri: sed Pyramis, per coroll. 7^æ. Duodec. est tertia pars illius Prismatis & conus, per decimam Duodec. est tertia pars Cylindri; ergo &c.

ANNOTATIO.

Basis porro pyramidis, si triangularis est, cognoscitur per dicta Lib. 3. p. 2. Probl. 3. Si quadrilatera, reperitur per dicta ibidem Problemate primo. Si multilatera, per dicta Problemate quinto.

Basis autem coni investigatur per dicta ibidem Problemate septimo.

Altitudo pyramidis & coni habetur, si in vertice statuatur planum basi aquidistans, ab eoque ad planum, in quo est basis, demissatur perpendicularis, eaque mensuretur; hac enim est altitudo quasit a.

PROBLEMA V.

Frustum pyramidis, & coni metiri.

FRustum pyramidis, & coni (quod alii appellant pyramidem & conum decurtatos, seu detruncatos, nos verò supra appellavimus corpora truncata) sic mensurabis.

Fig.
LXXXIII.
Icon. XIII.

Com-

Comple imaginatione, vel etiam lineari in plano aliquo descriptione, totam pyramidem, & conum; & metire primò totam pyramidem, & totum conum; deinde complementum; quod complementum si auferas à toto, remanebit frustum quæsitum. Sed hæc melius patebunt ex dicendis infra Probl. 9. de dimensione obeliscorum.

PROBLEMA VI.

Aream corporum Regularium invenire.

CORPORA regularia, ut initio hujus Libri dixi, sunt quinque, & non plura, ut probat Clavius in Scholio Propof. 18. lib. 13. Eucl. nimirum Tetraëdram, Hexaëdram, Octaëdram, Dodecaëdram, & Icosaëdram.

Tetraëdram est figura solida, sub quatuor triangulis æqualibus & æquilateris contenta. Hexaëdram seu cubus est figura solida, sub sex quadratis æqualibus contenta. Octaëdram est figura solida, sub octo triangulis æqualibus & æquilateris contenta. Dodecaëdram est figura solida, sub duodecim pentagonis æqualibus & æquilateris contenta. Icosaëdram est figura solida, sub viginti triangulis æqualibus, & æquilateris contenta.

Tetraëdri, sive pyramidis triangularis æquilateræ (est enim tetraëdram, hujusmodi pyramis) area seu soliditas invenitur per dicta Probl. IV. præcedente,

Hexaëdri, sive parallelepipedi basium quadratarum, in quo omnes tres dimensiones sunt æquales (est enim hexaëdram, hujusmodi parallelepipedum) capacitas atque soliditas reperitur per dicta Probl. I.

Octaëdri area invenitur sic. Quia octaëdram dividitur in duas pyramides similes & æquales, quarum basis communis est quadratum à latere descriptum; si utriusque pyramidis area seu soliditas investigetur per dicta Probl. 4, habetur area Octaëdri.

Producitur autem area illarum duarum pyramidum, si quadratum lateris octaëdri ducatur in diametrum octaëdri, & producti numeri tertia pars capiatur, ea enim est area quæ sita. *Ratio est, quia productus ille numerus ex quadrato lateris octaëdri in ejusdem diametrum, est parallelepipedum duarum illarum pyramidum triplum, pro-*

propterea quòd, per Coroll. septimæ Duodec. semissis illius parallelepipedì eandem habens basim & altitudinem cum utralibet pyramidum, tripla est unius pyramidis.

Diameter porro Octaëdri, quæ à diametro sphaeræ, vel quadrati lateris Octaëdri non differt, invenitur, si ex duplo quadrati lateris radix quadrata eruatur; eò quòd per schol. 47^a. Primi, tam quadratum ex diametro quadrati descriptum, sit duplum quadrati lateris, quàm quadratum diametri sphaera quadrati lateris Octaëdri, per 14^{am}. Tertiædec. Semissis vero hujus diametri est altitudo utriuslibet pyramidis.

Dodecaëdri area sic invenitur. Quia ductis ex centro dodecaëdri ad omnes ejus angulos rectis lineis, dodecaëdrum dividitur in duodecim pyramides pentagonas æquales; si area unius pyramidis per dicta Probl. 4. inventa multiplicetur per 12, procreatur area totius dodecaëdri.

Utautem area unius pyramidis habeatur, necesse est, & aream basis pentagonæ, & altitudinem pyramidis investigare. Area basis pentagonæ invenitur ex latere dato, per dicta Lib. 3. par. 2. Probl. V. Altitudo pyramidis invenitur, si ex superiori plano producto demittatur ad planum basis oppositæ linea perpendicularis: hujus enim semissis inquisita in partibus lateris dodecaconi dat pyramidis altitudinem.

Icosaëdri area sic invenitur. Quia ductis ex centro Icosaëdri ad omnes ejus angulos rectis lineis, icosaëdrum dividitur in viginti pyramides triangulares æquales; si area unius pyramidis per dicta Problemate IV. inventa multiplicetur per 20, gignitur totius icosaëdri area. Area autem unius prædictarum pyramidum investigatur modo paulò antè dicto

PROBLEMA VII.

Corpora irregularia dimetiri geometricè, & mechanicè,

Corporum irregularium dimentendorum ratio geometrica alia non est, quàm ut priùs in regularia resolvantur, & cujuslibet regularis, in quòd irregulare resolutum est, capacitas seorsim inquiratur: nam omnium capacitates simul junctæ dabunt

V

totius

totius irregularis corporis capacitatem. Quomodo porro irregularia corpora resolvantur in regularia, patebit ex Libro Metamorphotico.

Quoniam verò quædam irregularia corpora commodè in regularia resolvi non possunt, cuiusmodi sunt statuæ, urnæ, amphoræ, vasa diversarum figurarum, frustra saxorum, & similia, quæ neque uniformis sunt crassitie, neque latera habent prorsus recta, aut ad bases perpendicularia &c. ideo scriptores nonnulli tradunt Regulam quandam mechanicam ad huiusmodi corpora dimetienda. Hanc Regulam ait Clavius, esse minimè aspernam, eamque proponit lib. 5. Geomet. pract. cap. ix. in hunc sensum.

Paretur arca lignea ex asseribus lævigatis, instar parallelepipedi cuiusdam, quæ pice ita oblinatur, ut aquam continere possit. Arca hæc tantæ debet esse longitudinis, latitudinis, atque altitudinis, ut corpus metiendum intra ipsam positum, aquâ totum possit operiri. Posita autem hac arca horizonti æquidistante, beneficio libellæ, aut perpendiculi, infundatur in eam tantû aquæ, quantum satis est, ut corpus impositum omninò tegat; notenturque diligenter suprema latera aquæ in asseribus arcæ, ut habeatur altitudo aquæ usque ad arcæ fundum. Extracto deinde corpore, ita tamen, ut nihil aquæ extra arcam cadat, notentur rursum latera aquæ, postquam quieverit. Quòd si per dicta Probl. r. metiamur duo parallelepipeda, quorum basis communis est arcæ fundus, sive basis, altitudines verò sunt rectæ lineæ à lateribus aquæ notatis usque ad basem, & minus à maiore subtrahamus; relinquetur parallelepipedum soliditati corporis propositi omninò æquale.

Quod parallelepipedum etiam consequeris, si altitudinem inter latera aquæ bis notata duces in basem arcæ.

Sunt qui infusâ aquâ in arcam, latera ejus in asseribus primò notent; deinde imposito corpore, ejusdem aquæ latera signent; si enim altitudo inter posteriora latera, ac priora, ducatur in basem arcæ, producetur soliditas corporis impositi, ut paulò antè dicebamus.

Pro urnis atque amphoris, sive ex lapideæ sint, sive cretaceæ, ita faciemus. Impleatur vas arenâ, & ejus orificium ita obturetur,

cur, ut aqua ingredi nulla ratione possit. Imposito deinde vase in aqua intra arcam contenta, ac si esset corpus quodpiam irregulare, investigetur ejus soliditas, ut jam diximus. Deinde extractâ arenâ, notentur latera aquæ, antequam vas vacuum imponatur. Imposito demum vase vacuo (ita tamen, ut totum aquâ impleatur) signentur iterum latera aquæ. Si namque altitudo inter posteriora ac priora latera multiplicetur per basim areæ, procreabitur soliditas solius vasis: quæ detracta ex priori soliditate, notam relinquet vasis capacitatem.

COROLLARIUM.

P Atet hinc, eadem ratione mechanicè mensurari posse, etiam corpora regularia, & Sphæras, de quibus paulò pòst.

ANNOTATIONES.

I.

*L*oco lignea arca sumi potest quodcunque vas, cubi, aut parallelepipedî figuram habens, dummodo continere possit aquam.

II. Si quæ corpora irregularia neque mechanicè, neque geometricè mensurari possunt, mensurentur saltem æstimatione quadam, & crassâ, ut ajunt, Minervâ.

PROBLEMA VIII.

*Aream sive soliditatem sphæræ, & segmentorum
ejus, invenire.*

*S*phæræ soliditas haberi potest multis modis. Primò, si ducas superficiem convexam sphæræ in tertiam partem semidiametri ipsius, vel è contrario tertiam partem semidiametri in superficiem. Secundò, si semidiametrum ducas in tertiam partem superficiem sphæræ, vel è contrario tertiam partem superficiem in semidiametrum. Tertiò, si semidiametrum ducas in totam superficiem, vel è contra, & producti accipias tertiam partem. Quartò, si diametrum ducas in sextam partem superficiem, vel è contra. Alios modos vide apud Clavius lib. 5. Geom. pract. c. 5. post septimam Propositionem Regula 2. ubi etiam invenies demonstrationem prædictarum praxium.

Exemplum. Sit alicujus sphaerae diameter 56 pedum; erigitur semidiameter 28, perimeter circuli maximi ejusdem sphaerae: 6 pedum simplicium, circuli maximi area 2464, sphaerae area seu superficies convexa 9856; qua ducta in 28, semidiametrum scilicet sphaerae, & producto diviso per 3, prodit capacitas seu soliditas sphaerae pedum cubicorum sive solidorum 91989. Ratio hujus operationis est, quia in sphaera sunt infiniti coni, bases habentes in superficie sphaerica, vertices in centro.

Possumus eandem capacitatem in proposito exemplo etiam hoc modo reperire. Duc diametrum sphaerae in aream circuli maximi, nempe, 56, in 2464, & produces 137984; hoc productum duc in duo; productum divide per 3, & reperies 91989; ut prius. Ratio hujus operationis est, quia sphaera ad cylindrum, cujus tam diameter basis, quam altitudo, æqualis est diametro sphaerae, est ut 2 ad 3.

Hemisphaerii soliditas producitur ex semidiametro in tertiam partem superficiei hemisphaerii; vel superficiei hemisphaerii in tertiam partem semidiametri &c. Alios modos vide apud Clavius loc. cit. c. 6. n. 3. ubi etiam n. 4. & 5. docet modum inveniendi soliditatem sectoris sphaerae, & cujuslibet portionis ipsius.

Idem Clavius loc. cit. c. 7. tradit methodum inveniendi aream sphaeroidis, ejusdemque portionum. Capite 8. & 9. docet modum inveniendi aream conoidis parabolici, & hyperbolici.

PROBLEMA IX.

Obeliscorum soliditatem invenire, universamque illorum dimensionem per agere.

Fig.
LXXXIV.
Icon. XLIII.

Differt Obeliscus à pyramide in eo, quòd pyramidis latera paulatim gracilescant, & continuato fluxu à basi ad verticem excurrant ad instar triangulorum isoscelium, prout apparet in figura A; Obelisci verò latera gracilescunt quidem sensim versus apicem, non tamen continuato fluxu, sed antequam in punctum confluant, truncantur, & deinde in parvam pyramidem desinunt, ut in figura B apparet. Unde Obeliscus vocari etiam solet pyramis truncata; & corpus trunco impositum, dictis parvis pyramidibus



Fig.




LXXXV.



Fig. LXXXVI.



Fig. LXXXVII.



dibus comprehensum, solet appellari pyramidium seu pyramidion.

PRAGMATIA I.

Altitudinem Obelisci, si truncus non esset, sed lateribus continuo fluxu in ultimum punctum confluentibus ad instar pyramidis excurret, reperire.

SIt datus Obeliscus $ABCDI$, cujus basis infimæ singula latera AB habeant palmos 12, supremæ CD 8, altitudo EF inter utramque basim ab infima usque ad pyramidion interjecta 108. Si itaque scire vis, in quantam altitudinem excurrisset dictus Obeliscus, si latera in punctum cõfluxissent; hac id industriâ explorabis. Protrahantur latera AC , & BD , usque dum in punctum G confluant: & divisâ basim AB bifariam in E , ducatur recta EG . Hoc pacto, ex C puncto linea CH ducatur, parallela ad FE , sive ad G altitudinem totius obelisci, secans basim AB in H : nasceturque ex hac sectione duo triangula, AHC , & AEG , similia inter se, & consequenter proportionata, per Coroll. propositionis quar-
ta lib. 6. Elem. Euclid. eritque, juxta 4. proposit. ejusdem lib. 6. Eucl. ut latus AH ad latus HC , ita latus AE ad latus EG . Cùm itaque tria hic nota habeantur, videlicet CH , quæ est EF altitudo Obelisci 108 palmorum: & AE , quæ est lateris basis infimæ medietas sex palmorum: & AH denique duorum palmorum (cùm enim CD basis superior sit 8 palmorum, erit medietas ejus CF quatuor palmorum, & secabit consequenter CH parallela ad EF , ex semibasi A sex palmorum, palmos duos) notus etiam erit axis EG totius pyramidis, si fiat, ut AH 2, ad HC 108, ita AE 6, ad EG : prodibit enim, facta operatione juxta regulam proportionum, EG altitudo Obelisci, si in pyramidem sensim abiisset, 324 palmorum. Pyramidis porro CDG altitudinem FG habebis, si altitudinem Obelisci EF à tota altitudine inventâ subduxeris, videlicet 108 à 324: reliquum enim dabit 216 palmos pro altitudine pyramidis CDG quæ sita. Hoc pacto invenit P. Kircherus Obeliscum Paphilium, si in apicem ultimum excurrisset, futurum fuisse pyramidem 133 palmorum.

F. LXXXV
Icon. XIV.

PRAGMATIA II.

*Quantitatem superficialem Obeliscorum inve-
stigare.*

Cum omnes Obelisci sint tetraedri, id est, quatuor lateribus seu superficiebus constent; si illa sunt æqualia inter se, sufficet unam superficiem investigare: hac enim inventa, & per 4 multiplicata, patefit totius Obelisci superficies.

Fig.
LXXXVI.
Icon, XIV.

Sit itaque Obelisci antea propositi superficies extrema ABC D I. Protrahel lineam CD supremæ basis in puncta E & F utrimque ad duos palmos, & ex A & B inferioris basis punctis duc lineas AE, & BF, ad EF normales, & ad OL lineam mediam parallelas; nasceturque quadrangulum rectangulum EFBA, cujus latus AB, vel EF, in latus AE vel BF ductum producet aream totius quadranguli EFBA palmorum quadratorum 1296: nam BA est 12 palmorum, & AE 108 palmorum, quæ in seducta efficiunt 1296. Quia verò hæc summa superficiem Obelisci CDAB exædit; ab ea subtrahenda sunt triangula AEC, & BDF, ut vera superficiei Obelisci area habeatur, quod ita fiet.

Cum tam basis EC trianguli rectanguli AEC, tam basis DF trianguli rectanguli BDF, sit palmorum duorum, est constructione: iterum cum dictorum triangulorum latera AE, & BF, sint æqualia lateri OL, quod est 108 palmorum: fiet ut si latus EC ducatur in latus EA, hoc est, 2 in 108; proveniant 216; cujus numeri dimidium, 108, dat aream superficialem trianguli ECA in palmis quadratis quæsitam, juxta præcepta Geometriæ practicæ tradita lib. 3. par. 2. Probl. 3. Est autem triangulo ECA æquale triangulum DFB, ut patet. Duo ergo triangula ECA, DFB, continent palmos quadratos 216. Harum summam si subduxeris à summa totius rectanguli EFBA, remanebunt 1080 pro area superficiei unius faciei Obelisci ABCD. Hic numerus in quatuor Obelisci latera multiplicatus, producet tandem aream superficialem totius Obelisci truncati ABCD, 4320 palmorum quadratorum.

Restat dimensio pyramidis C I D, cujus superficialem quantitatem sic inventes. Cum basis CD sit 8 palmorum, & latus O I

fi-

fit ex suppositione 12 palmorum; si hæc duo latera inter se multiplicentur, prodibit quadrangulum $CDHG$ 96 palmorum; cuius dimidium 48 dat aream unius lateris pyramidis quæsitam. Hanc multiplica per 4, & summa 192 dabit in quadratis palmis aream superficiei totius pyramidis. Hi adjuncti præcedenti summæ 4320, assignant 4512 totius Obelisci aream superficiei in palmis quadratis quæsitam. Ratio patet ex dictis lo. cit.

Si scire cupis quantitatem lineæ AC , vel BD , superficierum Obelisci terminatricem; ita procede. Cum triangulum AEC sit rectangulum, angulusque E sit rectus, ex constructione; erit, per 47^{am}. *Primi*, quadratum rectæ AC æquale quadratis rectarum AE , & EC simul. Coniunge igitur quadrata linearum AE , & EC in unum, & ab aggregato extrahe radicem quadratam, & hæc radix dabit tibi quantitatem lineæ AC quæsitam. Exempli gratia: linea EC duorum palmorum in se ducta, dat 4 pro quadrato; & linea AE 108 palmorum in se ducta, dat 11664 pro quadrato: quibus si jungatur quadratum lineæ EC , nempe 4, emergit quadratum lineæ AC 11668 palmorum, duobus prædictis simul sumptis æquale. Ex hoc quadrato radix extracta dat 108 & 4, quæ est quantitas lineæ AC , vel BD .

Si ulterius cupis scire quantitatem superficiei Obelisci, si in pyramidem excurrisset, ita procede. Cum in præcedente problemate altitudinem pyramidis EG invenerimus 324 palmorum, basim autem AB , 12 palmorum; si multiplicaveris totam basim per altitudinem, id est, 12 per 324, & productum 3888 dimidia veris; dimidium dabit 1944 palmos quadratos pro superficie trianguli ABG . Eandem superficiem 1944 palmorum inventes, si multiplices dimidiam basim per altitudinem, nempe 6 per 324. Quadruplica jam 1944, & summa 7776 palmorum quadratorum dabit quantitatem totius pyramidis quoad superficiem exteriorum quatuor facierum sive laterum.

ANNOTATIO.

SI quatuor Obelisci latera non sint aqualia inter se, adequari prius debent, & reduci ad quatuor æqualia latera in æqualibus æquivalentia; & deinde procedendum modo dicto. Adequantur autem latera modo dicendo infra libris sequentis, Problemate secundo, Coroll. 2. & Probl. 9.

PRAGMATIA III.

Soliditatem Obeliscorum investigare.

OMnis pyramis subtripla est sui prismatis, hoc est, omnis pyramis est tertia pars prismatis, quæ eandem cum illa habet & basim & altitudinem, per *Coroll. proposit. 7. lib. 12. Elem. Encl.* cognita igitur basi Obelisci, & cognita altitudine ipsius, si in pyramidē excurreret, cognosci potest ejus prisma: quia ex multiplicatione basis in totam altitudinem gignitur prisma habens eandem cum pyramide & basim & altitudinem, ut in Problem. 2. hujus libri docuimus. Cognito ergo prisma pyramidis A B D, Pragmatia primâ inventæ, dabit pars ipsius tertia soliditatem eiusdem pyramidis. Eandem soliditatem habebis, si basim ipsius duxeris in tertiâ altitudinis partem; vel si totam altitudinem duxeris in tertiâ partem basis, ut diximus suprâ Problem. 4.

Fig.
LXXXVII
Icon. XIV.

Cognito quoque excessu, quo pyramis Obeliscum superat, per dicta Pragmatia prima, haberi potest prisma talis excessus, & consequenter haberi potest tertia pars talis prismatis; quæ tertia pars est soliditas pyramidis Obeliscum excedentis. Si jam subtrahatur soliditas hujus excessus à totius pyramidis soliditate, remanet soliditas Obelisci ab infima basi, usque ad pyramidium. Pyramidii soliditas invenitur, si basis ipsius ducatur in altitudinem, & producti tertia pars accipiatur. Sed rem Geometricoratio finio ostendamus cum Kircherò in Obelisco Pamphilio lib. 1. cap. 6. ubi tamen in calculo irrepsērunt errores quidam typographici, quos hîc corrigimus.

Imaginare itaq. in præsentī figura primò pyramidem A B D, cujus basis A B quodlibet latus sit 12 palmorum; qui in se ducti, constituent totam basim A B, 144 palmorum quadratorum. Circa hanc basim circumscribe prisma A C, habenseandem altitudinem cum tota pyramide, nempe 32 4 palmorum. Multiplica jam basim hujus prismatis per altitudinem ipsius, nempe 144 per 32 4, invenies totum prisma A C esse 46656 palmorum cubicorum sive solidorum. Hujus prismatis tertia pars, videlicet 15552, dabit totam soliditatem pyramidis A B D in palmis cubicis, si in eam Obeliscus excurrisset.

Ut habeas soliditatem solius Obelisci ab infima basi A B usque ad supremam basim N E, sic operare. Circa basim N E pyramidis imaginariæ N E D, constitue per imaginationem prismâ N G, habens eandem altitudinem cum tota pyramide N E D; eritque quodlibet latus basis 8 palmorum, altitudo verò 116, per dictâ Pragmatiâ primâ. Duc jam 8 in se, habebis 64 palmos quadratos pro basi N E. Duc iterum 64 in 116, habebis 13824 palmos cubicos pro soliditate totius prismatis N G. Hujus igitur prismatis tertia pars, nempe 4608 palmi cubici, dant soliditatem pyramidis N E D imaginariæ. Hujus pyramidis soliditas à soliditate totius pyramidis A B D 15552 palmorum cubicorum subducta, relinquit 10944 palmos cubicos pro soliditate Obelisci truncati A B N E.

Pyramidii soliditatem ita invenies. Cùm basis pyramidii, ut supra vidimus, sit octo palmorum, altitudo verò 12 palmorum; si multiplices 8 per 8, & productum 64, multiplices per 12; summa producta 768 palmorum cubicorum, dat prismâ habens eandem cum pyramidio & basim & altitudinem. Tertia igitur pars hujus prismatis, nempe 256 palmi cubici, dant pyramidii soliditatem; quæ conjuncta cum soliditate Obelisci, constituunt 11200 palmos cubicos pro soliditate totius Obelisci unâ cum pyramidio.

PRAGMATIA IV.

Gravitatem sive pondus Obeliscorum invenire.

Ac ex eadem petra sive materia Obelisci cubum palmarem, eâ quâ fieri potest diligentia accuratè quadratum. Hujus cubi pondus explora per exactissimam bilancem. Habito cubi palmaris pondere, duc numerum ponderis in numerum cuborum palmarium totius Obelisci, & summa producta dabit pōdus quæsitum. Sit cubus palmaris ex eadem Obelisci materia præparatus librarum 87. Multiplica 11200 palmos cubicos totius obelisci per 87, invenies 974400 libras pro gravitate totius Obelisci. Eodem modo invenies pondus totius pyramidis superioris

A B D esse 1353024 palmorum cubicorum.



LIBER VI. COELOMETRICUS,

sive

De Concavorum dimensionibus.

AD stereometriam pertinet etiam vasorum, & quorumvis Concavorum dimensio, qua nimirum ipsorum capacitas indagatur in certis mensuris. Vasa, aliavè concava dimetienda, sunt vel cubica, seu parallelepipeda, vel cylindrica, vel neutra; hoc est, vel constant superficiebus planis, vel rotundis, vel ex his mixtis. Hac ad illa reduci debent, ut sub Geometricam mensurandi rationem cadere possint. Illa ut mensurentur, opus est Regula seu virga cubimetrica, & cylindrimetrica, divisa in certas partes, quarum singula significant certam aliquam mensuram liquidorum, aut aridorum, usitatam in eo loco, pro quo construitur virga. Hac virga, vel saltem pars aliqua ipsius, commodissime inscri-

scribi potest uni lateri Pantometri nostri, sicque Instrumentum extendi ad Cœlometriam. Quare quæ hujusmodi virga construantur ratione, prius videndum est.

PROBLEMA I.

Regulam Cubimetricam & Cylindrimetricam construere, hoc est, Mensuras famosas in certis locis usitatas, tam aridorum, quàm liquidorum, virgis seu perticis, atque adeo Pantometro, inscribere.

AD dimensionem Vasorum Cubisorum, parallelepipedorum, ac cylindricorum requiruntur, ut dicebam, Regulæ seu virgæ in certas partes ex arte geometrica divisa, ita ut singulæ earum partes significant certam aliquam mensuram usitatam in illo loco, pro quo virgæ construuntur. Ut si quis scire cupiat, quot mensuras certi alicujus loci capiat aliquod vas, vel quot modios tritici aliquod granarium &c., oportet prius construere pro loci illius mensura & modio certas Regulas, tam pro planis, quàm pro cylindricis vasis. Hæ autem ita construuntur.

Fig.
LXXXIX
Icon, XIII.

Primò, ex linea aliqua, quæ sit AB, in politico asseri ducta, abscinde decem minutissimas partes æquales, ab A usque in C; deinde has decem partes transfer ex C in D, E, F, G, eritque totalinea AG in centum æquales partes divisa. Quòd si AG decies in lineâ AB ex G ulterius productam transferas: erit illa in mille æquales partes divisa.

Secundò, pro Regula cylindrimetrica construe vas cylindricum A; pro cubimetrica vas cubicum seu parallelepipedum B.

Tertiò, infunde in hæc vasa, pro mensuris, 1, 8, 27, 64, 125, mensuras, aut alium numerum mensurarum cubicum, quorum radices seu latera cubica sunt 1, 2, 3, 4, 5; pro modis verò, 1, 8, 27, 64, &c. modios; & quousque vasa impleantur, diligenter nota, collo-

catis prius vasis ad horizontem parallelis. Impleantur v. g. usque in G G.

Quartò, igitur lineâ A B divisâ in centum, aut mille partes, metire tam diametrum fundi interni vasis cylindrici C D, quàm latera basis Internæ parallelepipedî K H, H C. Metire quoque eâdem lineâ utriusque impletionis altitudines C G. Quo factò, inquire aream fundorum seu basium prædictorum vasorum, per dictâ Lib. 3. Probl. 1. & 7. Inventam basim duc in altitudinem impletionis C G, atque ex producto extrahe radicem cubicam. Hujus radices numerum in partibus lineæ A B inventum intercipe circino, eumque aliquoties transfer in lineam L M ductam in præparata Regula seu Virga. Et si quidem infudisti in vasa unam mensuram, significabunt singulæ partes lineæ L M unam mensuram: si infudisti 8, 27, 64, 125, significabunt singulæ 8, 27, 64, 125, mensuras: quare singulæ dividi debent in duas, tres, quatuor, quinque particulas, ut quælibet particula significet unam mensuram. Exempli gratiâ, habeat utrumque latus K H, H C, 26 partes, altitudo impletionis C G, 43: duc latus 26 partium in se, & produces 676; hoc productum duc in altitudinem impletionis, nempe in 43, & produces 29068: ex hoc numero extrahe radicem cubicam, quæ est 30 $\frac{7}{8}$ circiter. Si igitur in vas cubicum infudisti unam tantum mensuram, accipe ex lineâ divisâ A B 30 $\frac{7}{8}$ partes, easque transfer in lineam L M: si infudisti 8 mensuras, accipe ejusdem numeri dimidium, nempe 15 $\frac{3}{8}$: si 27 infudisti, accipe tertiam partem ejusdem numeri, nempe 10 $\frac{1}{4}$ &c. Et quia pono infusas fuisse 8 mensuras, idcirco accipe ex lineâ divisâ A B partes 15 $\frac{3}{8}$, sive 15; ferè; easque in Regulam L M aliquoties, ut decies, vicies, aut sæpius transfer, nimirum ex L in N, O, P, Q; & habebis Regulam cubimetricam præparatam. Eodemque modo præparabis Regulam Cylindrimetricam.

Potes quoque unam partem L N, aut etiam omnes, in decem aut centum alias partes subdividere; sio enim usus ipsius latius patebit, & ad vasorum etiam exiguorum mensurationes extendi poterit.

Dividitur autem una pars major in centum minores commodissimè hoc modo. Primò in duas; deinde quælibet harum duarum in alias duas; & harum quælibet in alias quinque (& ha-

bebis

bebis jam 10 partes; tandem harum quælibet in alias quinque; sic enim tota linea in centum æquales partes divisa erit. Sed nos in Exemplis nostris facilitatis causâ ponimus partes majores in decem tantum minores subdivisas esse. Unam hujusmodi majorum partium inscribere poteris lateri uni Instrumendi nostri, & ubi opus fuerit, in aliquam transferre perticam, aut Regulam planam longiorem.

Regulis igitur in hunc modum constructis, jam ad ipsam vasorum dimensionem procedamus.

PROBLEMA. II.

Vasa parallelepipeda metiri Regulâ Cubimetricâ.

PER Vasa parallelepipeda intelligo hypocausta, cubicula, granaria, turres quadratas, & omnia quæ constant sex parietibus, quorum duo quilibet oppositi sint paralleli.

Indagaturus igitur quot modios tritici capiat v. g. horreum parallelepipedium, metire Regulâ Cubimetricâ L Mejus longitudinem, latitudinem, & altitudinem; duc longitudinem in latitudinem; productumque duc in altitudinem; & habebis numerum modiorum, quos capit propositum granarium.

Ponamus v. g. propositi granarii longitudinem habere puncta majora seu partes majores Regulæ L M 200, latitudinem 120, altitudinem 80; multiplica 200 in 120, & produces 24000; hoc productum duc in 80, & produces totam horrei capacitatem, nimirum modiorum 1920000.

ANNOTATIONES.

I.

Excludo in hoc calculo cavitates granarii, quas fenestra, janua, & alia ejusmodi faciunt; ponoque quatuor muros seu parietes, tabulatum item superius, & inferius pavimentum, carere omnibus cavitatibus, lacunis, asperitatibus, & tumoribus: alioquin etiam harum cavitarum capacitas esset indaganda, & numero prædicto adjungenda.

II. Quod si aut longitudo, aut latitudo, aut altitudo, aut omnes simul, aut dua tantum, non exactè habeant puncta majora, sed præter illa habeant etiam minora, ut plerumque accidit; resolve majora in minora,

hoc est, si majora puncta divisa sint in decem minora, duc majora in decem; si in centum majora sint divisa, duc illa in 100, & productis adde puncta minora. Quo facto, duc, ut prius, longitudinem in latitudinem, & productum hoc in altitudinem, atque ex hoc postremo producto reicece tres priores numeros versus dexteram, si puncta majora divisa sint in decem minora; sex, si majora in centum minora sint divisa; novem, si in mille. Exempli causa, sit alicujus granarii longitudo punctorum majorum 108, & minorum 7; latitudo majorum 95, minorum 6; altitudo majorum 42, minorum 5. Igitur si majora puncta longitudinis duxeris in 10, productoque adjeceris 7; procreabis puncta minora 1807. si latitudinis puncta majora duxeris in 10, productoque addideris 6 minora; efficies 956 minora: denique si altitudinis puncta majora duxeris in 10, productoque adjeceris 5 minora; progignes 425 minora. Resolutis igitur in hunc modum punctis majoribus in minora, si duxeris 1807 in 956, progignes 1727492; si hoc productum in 425 duxeris, procreabis 734184100: Vnde rejectis tribus numeris prioribus versus dexteram, restant 734184. Atque tot modiorum est dicti granarii capacitas.

COROLLARIUM I.

Patet hinc, quomodo puteorum prismaticorum seu parallelepipedorum capacitas in certis mensuris inveniri possit.

COROLLARIUM II.

Quomodo dimetienda sit frumenti congeries in granario.

Ex his patet etiam, quomodo metiri debeas magnam aliquam congeriem frumenti in granario aliquo jacentis, (possunt enim hæ Regule inseruire etiam ad solida metienda) ita tamen, ut parallelogrammum seu potius parallelepipedum congeries illa efficiat. Quia verò superficies illa, qua frumentum contingit pavimentum, semper est amplior, quam suprema frumenti superficies, tam in longitudine, quam in latitudine, ita ut congeries illa efficiat quasi pyramidem truncatam; necesse est metiri tam inferiorem quam superiorem longitudinem, item latitudinem tam superiorem quam inferiorem accipere, easque inter se adæquare, hoc est, sum-

marum semisses pro adaquata longitudine & latitudine accipere, & procedere modo dicto in Problemate. Contineat inferior longitudo partes Regula Cubimetrica majores 120, superior 112; inferior latitudo contineat 80, superior 72; erit igitur aquata longitudo 116, latitudo 76; sit denique frumenti profunditas punctorum majorum 4. Igitur si hos tres numeros 116, 76, 4, in se duxeris, hoc est, si 116 duxeris in 76, & productum in 4; procreabis totam frumenti summam, quam reperies modiorum 35264. De adaquatione inæqualium laterum dicemus plura infra Probl. 9. & 10.

PROBLEMA III.

Fossa excavanda capacitatem invenire.

Vult quidam circa civitatem aut arcem ducere fossam, cujus latitudo superior esse debeat 16 cubitorum, inferior duodecim, profunditas octo, longitudo mille. Debet autem pro quolibet cubito cubico expendere 49 Julios. Quærit, quantum pecuniæ pro tota fossa expendere debeat. Sit superior latitudo AF, inferior CD, profunditas GC. Quia triacula AEC, BFD, sunt æqualia in posito exemplo, ut suppono; erit parallelogrammum ABDE, æquale trapezio ACDE, per dicta lib. 3. par. 2. Probl. 4. Cùmque latitudo BG sit duodecim Cubitorum (est enim æqualis latitudini CD); erit tam AG, quàm FB, duorum cubitorum; quare tota AB erit 14 cubitorum: & est profunditas GC, octo cubitorum. Si igitur 14 in 8 ducas, habebis 112, aream parallelogrammi AEDB, sive trapezii ACDF. Hæc igitur area ducta in longitudinem fossæ, quam posuimus cubitorum 1000, erit tota fossæ capacitas cubitorum cubicorum 112000. Et quia pro uno cubito expendere debet 40 Julios; si 112000 duxeris in 40, produces 4480000 Julios; quibus per 10 divisus, reperies 448000 scuta seu aureos.

Fig.
LXXXIX.
Icon, XIII.

PROBLEMA IV.

Vasa cubica duplicare, triplicare &c. mechanicè, ope Regula Cubimetrica.

Mechanicè seu practicè vasa cubica, imò & cubica corpora solida, sic duplicabis ope prædictæ Regulæ cubimetricæ.
Meti-

Metire latus cubi dati quodcunque, & in partes divisum duc in se; productum in duplum numeri illius, in quem latus divisum est; atque ex hoc postremo producto extrahe radicem cubicam; & hæc radix erit latus cubi duplicandi. Exempli causa, Esto aliquis cubus, cujus latus 20 pedum sit. Duc 20 in se, & produces 400; hoc productum duc in duplum lateris, nempe in 40, & produces 16000; hujus numeri radix cubica propinquior est paulò minor, quàm 257, nam hic numerus in se cubicè multiplicatus producit 1600377, qui numerus valde parum abest ab hoc numero 16000; est verò hic numerus duplus cubi radicis 20.

Si cubus sit triplicandus, duc primò latus cubi triplicandi in se ipsum, deinde productum in triplum lateris; nam ex postremo hoc productoeducta radix cubica dabit latus cubi triplicandi. Sit exempli causa cubus, cujus latus sit 20 pedum, triplicandus; duc 20 in se, productum in triplum lateris, hoc est, in 60, & ex postremo hoc producto extrahe radicem cubicam, quam reperies majorem quàm 287, minorem quàm 287.

PROBLEMA V.

Concavas columnas, turres, & quacunque prismata, bases habentia triangulares, pentagonas, hexagonas, Octogonas, & etiam irregulares, dimetiri.

Metire primò singula basis latera Regulæ Cubimetricæ. Quibus habitis, inquire per ea quæ diximus in Epipedometria lib. 3. par. 2. aream basis. Si enim illam in altitudinem columnæ, turris, aut prismatis duxeris, habebis totius columnæ, turris, aut prismatis capacitatem.

Fig. XC.

Icon. XV.

Exemplum. Sit turris octogona, cujus quodlibet octolaterum BC, CD, DE &c. hæbeat puncta majora 20, linea verò ex aliquo angulorum B, C, D &c. ad centrum A ducta, hæbeat puncta majora 26. Quia igitur tota figura resolvitur in octo talia triangula, quale est BAC; & quia latera AB, AC, sunt æqualia, nimirum 26, basis verò BC 20 punctorum majorum; erit area figuræ, per Probl. 5. Lib. 3. par. 2. punctorum quadratorum 166 ferè. Igitur ductis 166 in 8, numerum triangulorum, in quæ figura resolvitur.

solvitur, & exigit totius figuræ area punctorum quadratorum 1328: quibus in altitudinem turris, quæ sit 340 punctorum majorum, ductis, prodit totius turris capacitas, nimirum modiorum 451520.

Eodem modo in omnibus aliis agendum est: si enim area ducatur in altitudinem, habebitur semper totius turris, prismatis, aut columnæ, capacitas.

PROBLEMA VI.

Tetraëdra, seu Pyramides regulares, & reliqua corpora regularia, metiri.

Primò pyramidem regularem, cujusmodi est tetraëdron ex corporibus regularibus, dimensurus quoad capacitatem inanitatis, ducam basim pyramidis in altitudinem, & productum divide per tria, habebisque capacitatem ipsius. Ratio hujus operationis est, quia cum omne prisma triangularem habens basim, resolvatur in tres pyramides æquales, & triangulares habentes bases, per 7^{am}. Propos. lib. 12. Euclid. sequitur quamlibet pyramidem esse tertiam partem prismatis, quod eandem cum ipsa basim & altitudinem habet, ut etiam diximus Libro præcedente Probl. 4.

Exempli causa, sit pyramis, cujus basim latera singula sint octo punctorum majorum: erigitur quadratum areæ basim 768, operando juxta Regulam secundam generalem traditam lib. 3. par. 2. Probl. 3. adeoque ipsa area 27 $\frac{1}{3}$ ferè. Si altitudo pyramidis 20 punctorum majorum; cujus quadratum 400 si duxeris in quadratum areæ, produces 307200, quadratum capacitatis prismatis eandem basim & altitudinem cum pyramide habentis. Quare si ejus radicem quadratam, quæ est 554 $\frac{1}{2}$ ferè, per tria divideris, proveniet capacitas pyramidis 184 $\frac{1}{3}$ punctorum cubicorum ferè.

Secundò, cum omnia corpora regularia in tot pyramides resolvantur, quot bases seu superficies habent, si areæ superficierum ducantur in numerum superficierum sive basium, productum in altitudinem pyramidum, quæ est semissis altitudinis totius corporis (est autem altitudo corporis regularis, distantia duarum superficierum oppositarum seu parallelarum) productum dividatur per 3, prodit totius corporis capacitas.

Y

Sed

Sed ab hoc calculo excipiendum esse tetraëdram, manifestum est, cum non habeat superficies parallelas.

Sed jam exemplum asseramus. Sint latera basium dodecaëdri 6 punctorum majorum, altitudo 14: erit igitur area pentagona basis 61 $\frac{1}{2}$ punctorum majorum quadratorum, per Propos. 5. partis 2. lib. 3. quæ ducta in 12, nempe in numerum superficierum, facit 742 $\frac{1}{2}$. Et quia altitudo corporis ponitur 14 punctorum, erit semissis 7; quæ semissis est altitudo pyramidum, in quas dodecaëdram resolvitur. Si igitur 7 ducantur in 742 $\frac{1}{2}$, producuntur 5197 $\frac{1}{2}$; hujus tertia pars 1732 $\frac{1}{2}$, est totius dodecaëdri capacitas.

PROBLEMA VII.

Cylindrorum Capacitatem invenire.

IN Cylindris dimetendis utimur Regula Cylindrimetrica. Cylindros igitur dimensurus, metire Regulâ Cylindrimetricâ primò latitudinem Cylindri, hoc est, diametrum basis Cylindri, ut habeas ejusdem basis aream, per Probl. 10. partis 2. Lib. 3. deinde ejusdem Cylindri longitudinem seu altitudinem. Hoc factò, duc basis aream in longitudinem Cylindri, & habebis capacitatem.

Exemplum. Sit alicujus cylindri basis, ex latitudine seu diametro inventa, punctorum minorum 3249, longitudo verò seu altitudo punctorum itidem minorum 128. Duc 3249 in 128, producat hic numerus, 415872; ex quibus rejectis tribus prioribus figuris dextris, ut invenias puncta majora, restant mensuræ 415, seu potius 416, propterea quòd numerus ultimus rejectus, qui est 8, ferè ad 10 accedit. Si calculum accuratius subducere desideres, dic per Regulam Proportionum: 1000 dant unam mensuram, quid dant figuræ rejectæ, scilicet 872? & reperies; ferè unius mensuræ. Igitur vera capacitas totius cylindri erit 415 $\frac{1}{2}$ mensurarum.

COROLLARIUM.

Patet hinc, quomodo puteorum Cylindraceorum capacitas inveniri possit.

PRO.

PROBLEMA VIII.

Pyramidum & Conorum capacitates invenire incertis mensuris.

Libro præcedente Problem. 4. docuimus, qua ratione pyramidum & conorum solidorum area seu soliditas in pedibus cubicis, aliisvè similibus mensuris, sit inventiendâ. Ex quibus quidam etiam constat, qua ratione eorundem corporum concavorum capacitates sint dimetiendæ in certis liquidorum, aut aridorum mensuris cubicis: est enim utrobique eadem ratio. Etenim hic etiam Pyramidum & Conorum capacitas generaliter cognoscitur ex multiplicatione superficiei seu areæ basis eorundem in altitudinis tertiam partem, vel ex multiplicatione tertiæ baseos partis in totam altitudinem. Quare si per Libri tertii partis secundæ Problemata, tam area basis pyramidis, vel coni oblatis, quàm altitudo eorundem, inter partes Regulæ cubimetricæ inquiratur, & factâ multiplicatione unius in alteram, basis inquam in altitudinem, productum per tria dividatur, invenitur desiderata capacitas.

COROLLARIUM.

Patet hinc, quomodo poculorum pyramidalium & conicorum capacitas reperiri possit.

PROBLEMA IX.

Vasa inequalium basium metiri.

Suprà Problemate secundo docuimus, quomodo mensuranda sint vasa prismatica seu parallelepipeda, quorum videlicet bases, seu inferior & superior superficies, sint æquales, similes, & parallele, reliquæ verò parallelogrammæ, hoc est, quorum perimenter ubique est æqualis, tam scilicet inferiùs, quàm superiùs, & in partibus interjectis. Reperiuntur tamen vasa nonnulla, quorum superior basis (imaginaria) existit major, vel minor inferiori, quamvis eidem parallela & similis existat. Huiusmodi vasorum mensuram, quando differentia dictarum basium est valde notabilis, abolves eo modo, quo libro præcedenti Probl. 3. diximus

mensuranda esse frustra pyramidum & conorum. Quando verò differentia non est admodum notabilis, procedere poteris tali pacto.

Quoniam bases oppositæ, superior & inferior, inæquales sunt, similes tamen & parallelæ, ut supponitur; adæqua illas, hoc est, inquire inter ipsas mediam aliquam inter maiorem & minorem, eamque duc in altitudinem, & productum dabit vasis capacitatem. Adæquantur autem bases facillimè, si reperiatur separatim utriusque area, & summa ex utraque facta dimidietur; hæc enim dat basim adæquatam. Quomodo porro basis utraque reperiatur, patet ex dictis libro præcedente.

Dimidiat utramque seu adæquatur utraque basis, si minor auferatur à maiori, & differentia dimidium vel adiciatur minori, vel auferatur à maiori; summa enim residua, aut resutans, est basis adæquata.

PROBLEMA X.

*Doliorum seu vasorum vinariorum capacitatem
reperire.*

Fig. XC I.
Iconis, XV.

Dolia, seu vasa vinaria referunt plerumque figuram duplicis conii decurtati, quorum bases sint circa doliorum medium conjunctæ, vertex verò decurtati sint fundi. Tale est appositum dolum ABCDEF, constans duobus conis truncatis AFB E, & CDB E, quorum bases BE sunt in medio dolii, seu in ejus ventre conjunctæ, fundi verò AF, & CD, sunt conorum truncatorum vertexes. Quando igitur doliorum fundi AF, CD, non sunt notabiliter minores quàm venter BE, hoc est, quando fundorum diametri non admodum differunt à diametro ventris, inquiri potest doliorum capacitas eodem modo, quo diximus Problemate præcedente inquirèdam esse capacitatem conorum truncatorum.

Semper ergo in doliorum dimensione adæquandi prius sunt fundi & ventres. Et quidem si fundi sunt inter se æquales, ut plerumque fit; unica adæquatio sufficit, nempe diametrorum ventris & unius fundorum: si autem inæquales sunt, duplici adæquatione opus est, nempe primò duorum fundorum, deinde fundi æquatione cum ventre.

Siigi-



Fig. XCI.




Fig. I XC






Fig. XCV.




Fig. XCVI.




Fig. XCVII.



Fig. XCVIII.




Fig. XCIX.

Si igitur fundi fuerint æquales, inquire diametrum unius fundi primò, & deinde diametrum ventris ab interna superficie curvatis B, usque ad internam superficiem curvatis E; adde utramque in unam summam, & erit summæ dimidium diameter adæquata. Eandem adæquationem habebis sine arithmetica, si utramque prædictam diametrum notes in Regula, & inter utriusque differentiam sumpleris punctum medium; hoc enim dabit diametrum adæquatam: ut si fundi diameter sit GH, ventris diameter G I; erit G K diameter adæquata.

Exemplum. Sit utraque diameter fundorum alicujus vasis vinarii punctorum majorum 7, minorum 4; ventris verò diameter sit punctorum majorum 9, minorum 6. Si resolvantur majora puncta in minora, fiet fundorum diameter alterutra punctorum minorum 74, ventris 96; quorum dimidium, nimirum 85, est diameter vasis adæquata. Habita diametro æquata, metire etiam longitudinem vasis inter fundorum superficies internas, sitque punctorum majorum 15, minorum 5; ergo majora in minora resoluta faciunt 155. His factis, duc 85 in se, & produces 7225, nempe quadratum diametri fundorum. Ex hoc quadrato ut inventas aream circuli alterutrius fundorum, dic, per ea quæ docuimus Lib. 3. par. 2. Probl. 10. Si 14 dant 11, quid dabunt 7225? reperiēs 5676½ pro area fundi. Hæc si multiplices in vasis longitudinem 155, & ex summa producta reicias tres priores figuras dexteras; reperiēs totius vasis capacitatem.

Si autem fundi fuerint inæquales, eos quoque adæquare debes, hoc est, utriusque summæ dimidium sumere, deinde hoc dimidium addere diametro ventris, rursusque hujus summæ dimidium pro diametro adæquata sumere, ex eaque aream circuli rem elicere, & ducere in longitudinem vasis; productum enim dabit vasis capacitatem, ut antea.

ANNOTATIONES.

I.

Si fundi vasorum non sint circulares, sed elliptici, sic procedes. Per Regulam seu Virgam tuam fundorum latitudinem utramque decussatim accipito, binas faciendo in Regula tua notas; punctum enim inter hasce notas medium aquabit illas. Similiter aquabis planum imaginarium B E

Y 3

per

per ventrem vasis transiens, decussando ipsius latitudines seu diametros binas. Medium inter utrumque planum, fundi inquam & ventris, exhibebit diametrum aequatam vasis. Ex diametro sic adequata quare aream circuli; hanc duc in vasis longitudinem; & habebis vasis contentiam.

II. *Longitudo vasorum vinariorum est, recta inter utramque internam fundorum superficiem comprehensa, ut paulo ante etiam insinuaui. Quare cum hac longitudo sit forinsecus mensuranda, debet à tota extrinseca vasis longitudine demi uterque margo prominens extra fundos, & præterea utriusque fundi crassities.*


PROBLEMA XI.


Regulam mensurariam, quam virgam visoriam appellant, construere ad dolia vinaria mensuranda.

TAmetsi quælibet ferè dolia vinaria mensurari possint prædictâ Regulâ & arte, tamen ad dimetienda eadem promptius & facilius, solent Mechanici construere Regulam mensurariam, quam virgam visoriam (*visier ruden* germanicè) appellant; qua sine omni arithmetica metiuntur vasa vinaria. Quæ tamen virga est ita constructa, ut longè difficilior mihi videatur ipsius usus, quàm præcedentis Regulæ cylindrimetricæ usus. Quoniam tamen aliquibus placet, eam hic adiciere non gravabor unâ cum ipsius usu. Hujus igitur virgæ constructionem docebimus hoc Problemate, usum sequenti.

Fig. XCII.
Leon. XIV.

In lineam AB ductam in aliquo plano transferantur ex virga suprâ constructa, majora puncta seu partes æquales 8. Eligo hunc numerum, 8, quia hujus numeri quadratum, quod est 64, æquale est numero mensurarum constituentium in multis locis unam urnam (*Ämmer* appellant Germani) ut Norimbergæ, Ingolstadii, & alibi. Quòd si in illo loco, pro quo virgam visoriam construere vis, alius numerus mensurarum constituat urnam; alius numerus æqualium partium transferendus est in lineam AB. Transferantur inquam in dictam lineam AB, 8 puncta majora, nimirum AD, DE, EF, FG, GH, HI, IK, KB; & ad punctum A exercitetur per-





perpendicularis A C, æqualis uni majorum punctorum, nempe puncto A D.

Translatis hoc modo in lineam A B punctis majoribus, & ductâ perpendiculari A C, Inveniendâ quoque sunt puncta minora. Sunt autem puncta minora duplicia: quædam enim sunt puncta minora profunditatis seu latitudinis, quædam longitudinis vasorum. Puncta profunditatis inæqualia sunt, longitudinis æqualia. Longitudinis puncta inscribuntur eodem modo quo supra Problem. 1.

Inæqualia profunditatis puncta, geometricè per Proposit. 47. lib. 1. Euclidis hoc modo in lineam A B transferuntur. Pone unum circini pedem in C, alterum extende in D, atque hanc circini aperturam transfer ex A in l. Deinde pone rursus unum pedem in C, alterum extende in l, hancque circini aperturam transfer ex A in m. Tertiò pone unum pedem in C, alterum extende in m, atque hanc aperturam transfer ex A in E (in hoc enim punctum cadere debet apertura circini C m, alioquin erratum est.) Rursus ponatur unus pes circini in C, alter extendatur in E, & transferatur distantia C E ex A in n; & deinde distantia C n, ex A in o; distantia C o, ex A in p; distantia C p, ex A in q: debebitque rursus, si erratum non est, distantia C q, distantia A : æqualis esse: item distantia C r, distantia A G &c. Facta hac divisione lineæ A B, videbis primum punctum majus A D distâ lineæ manere indivisum, secundum D E dividi in tria minora puncta, tertium E F in quinque, quartum F G in septem, quintum G H in novem, sextum H I in undecim, septimum I K in tredecim, octavum K B in quindecim. Significat autem distantia A D unam mensuram, A l duas, A m tres, A E quatuor, & sic deinceps.

Arithmeticè etiam ex sequenti radicum quadratorum tabula deportantur puncta minora in lineam A B. In qua tabula, co-

	Men- suræ	Partes mil- lesimæ	Partes cen- tesimæ		Men- suræ	Partes mil- lesimæ	Partes cen- tesimæ.
1	1	1000	100		5	236	224
	2	1414	141		6	2450	245
	3	1732	173		7	2658	266
2	4	2000	100		8	2828	283

3	9	3000	300		37	6083	608
	10	3162	316		38	6164	616
	11	3316	332		39	6245	624
	12	3464	346		40	6325	632
	13	3605	361		41	6403	640
4	14	3742	374		42	6481	648
	15	3874	387		43	6557	656
	16	4000	400		44	6633	663
	17	4123	412		45	6708	671
	18	4242	424		46	6782	678
	19	4361	436		47	6856	686
	20	4472	447		48	6928	693
	21	4583	458		49	7000	700
	22	4690	469		50	7071	707
	23	4796	480		51	7141	714
5	24	4897	490	7	52	7211	721
	25	5000	500		53	7280	728
	26	5099	510		54	7348	735
	27	5196	520		55	7417	742
	28	5291	529		56	7483	748
	29	5385	539		57	7550	755
	30	5488	548		58	7616	762
	31	5567	557		59	7681	769
	32	5657	566		60	7746	775
	33	5744	574		61	7810	781
	34	5831	583		62	7874	789
	35	5916	592		63	7937	794
6	36	6000	600	8	64	8000	800

summa prima significat ordinem mensurarum seu punctorum, tam majorum, quàm minorum, quæ lineæ A B sunt imprimendæ: secunda verò columna significat distantiam singularum mensurarum seu punctorum à puncto A versus punctum B prædictæ lineæ A B, distantiam inquam in partibus, quâlium A D vel A C, mensura nimirum prima, 1000: tertia denique columna significat earundem mensurarum seu punctorum distantiam à puncto A in partibus, quarum A D censetur esse 100. Quòd si inter vallum A D censeatur divisum solummodò in decem æquales partes, construenda esset alia columna, quæ duabus tantum figuris constaret, rejectis duabus versus dexteram ex secunda columna; habendo tamen semper respectum ad figuras rejectas, ut unitate augeri possit figura dextera remanens.

Prædictæ igitur tabulæ beneficio puncta minora profunditatis inscribes lineæ A B jam divisæ in octo puncta majora, tali ratione. Primum spatium seu prima mensura A D, dividatur in 1000, aut 100 partes; & harum partium 1414, aut 141, intercipe circino, & transfer ex A in l; hoc est, accipe ex prædictis 1000, aut 100 particulis particulas 414, aut 41, easque ex D transfer in l, & habebis punctum pro secunda mensura. Pro tertio puncto transfer ex A in m 1732, aut 173 particulas, hoc est, ex D in m transfer 732, aut 73. Pro quarto puncto transfer ex A in E 2000, aut 200 particulas, sive ex D in E 1000, aut 100; cadetque hoc punctum minus in majus punctum E jam antea notatum; alioquin erit erratum. Simili modo procedes in aliis punctis minoribus notandis in linea A B ex apposita tabula radicum quadratarum.

Si inter puncta hætenus notata in linea A B, vis etiam notare puncta intermedia, quæ significant præter integras mensuras, etiam mensuras dimidias, nempe $1\frac{1}{2}$, $2\frac{1}{2}$, $3\frac{1}{2}$, &c. id assequeris ope se-

Mensuræ dimidiæ.	Partes mil- lesimæ	Partes cen- tesimæ	Mensuræ dimidiæ	Partes mil- lesimæ	Partes cen- tesimæ
$1\frac{1}{2}$	1224	122	$5\frac{1}{2}$	2345	234
$2\frac{1}{2}$	1581	158	$6\frac{1}{2}$	2550	255
$3\frac{1}{2}$	1870	187	$7\frac{1}{2}$	2738	274
$4\frac{1}{2}$	2121	212	$8\frac{1}{2}$	2915	291

Z quen.

9 $\frac{1}{2}$	3082	308	12 $\frac{1}{2}$	3535	353
10 $\frac{1}{2}$	3240	324	13 $\frac{1}{2}$	3674	367
11 $\frac{1}{2}$	3391	339	14 $\frac{1}{2}$	3807	381

quentis tabulæ, extensæ solum usq; ad spatium inter 14 & 15 punctum; reliqua enim puncta dividi possunt circino in duas partes ferè æquales; quamvis revera prior medietas versus A semper debeat esse paulò major, quàm altera medietas versus B.

Si denique lineæ A B inscribere etiam velles puncta primorum scrupulorum, ita ut quodlibet spatium prædictæ lineæ dividatur in partes decem; fieri id potest, si dividatur quodlibet spatium circino in alias decem, ita tamen, ut priores versus A sint semper majores, quàm posteriores versus B. Melius tamen & securius id fiet in primis 20 scrupulis ope sequentis tabellæ.

Menf. scrup.	Partes millesimæ	Partes centesimæ	Menf. scrup.	Partes millesimæ	Partes centesimæ
0	0	0	10	1000	100
1	316	32	11	1048	105
2	447	45	12	1095	109
3	548	55	13	1140	114
4	632	63	14	1183	118
5	707	71	15	1224	122
6	774	77	16	1265	126
7	836	84	17	1304	130
8	894	89	18	1342	134
9	949	95	19	1378	138

Fig. XCIII. Linea A B prædicto modo, seu geometricè, seu arithmeticè
 Leon. XVI. divisâ, fiat parallelogrammum L B G D, cujus latus L B dividatur in octo partes, æquales partibus majoribus lineæ A B, nempe L Z, Z T, T X, X M, M N, N O, O P, P B: & ducantur in dicto parallelogrammo præter lineas L B, G D, aliæ quinque lineæ, quarum prima in vertice habeat, 2, in pede, 4; secunda in vertice, 3, in pe-

in pede, 6; tertia in vertice, 4, in pede, 8; quarta in vertice, 5, in pede, 10; quinta in vertice, 6, in pede, 12; ultima in vertice, 7, in pede, 14; & per puncta majora Z, T, X, M, N, O, P, lateris L B, ducantur lineæ lineis L D, B G, parallelæ, ut omnes quinque prædictæ lineæ unâ cum extremis parallelogrammi lineis L B, D G, dividantur in octo æquales partes. Harum octo partium quælibet in lineâ, 2, 4, subdividatur in alias duas æquales; in lineâ, 3, 6, in alias tres; in lineâ, 4, 8, in alias quatuor; in lineâ, 5, 10, in alias quinque; in lineâ, 6, 12, in alias sex; in lineâ denique, 7, 14, in alias septem. Atque hæc erunt puncta longitudinis, quia æqualia in qualibet lineâ inter se sunt. Puncta verò primæ lineæ L B, quæ ex lineâ A D desumpta sunt, erunt puncta profunditatis, quia inæqualia.

Numeri deleti, seu lineolæ inducti, in prædicto parallelogrammo, qui subscripti sunt in qualibet lineâ numeris non deletis, significant dimidio minus quam non deleti. Sic 3 significat $2\frac{1}{2}$, 4 significat $3\frac{1}{2}$, 5 significat $4\frac{1}{2}$ &c. Quodlibet punctum minus in lineis longitudinis ejusdem prædicti parallelogrammi valet octo menturas.

PROBLEMA XII.

Dolia seu vasa vinaria metiri Regulâ visoria.

PRæpara Regulam ex ligno solido & bene polito, æqualis longitudinis cum lineâ A B, seu L B divisa in præcedenti Problemate; & ductâ per ejus longitudinem lineâ rectâ, æquali prædictæ lineæ A B, seu L B, transfer in ipsam omnia puncta prædictarum linearum; & habebis Regulam seu virgam visoriam, cujus ope omnium doliorum capacitates inquires hoc modo.

Inquiratur profunditas ventris dolii per orificium immisâ Regulâ, eaque notetur cretâ in latere L B, aut alia in lineâ: inquiratur quoque diameter fundorum, similiterque cretâ in eodem latere L B notetur, aut in alia lineâ. Quo factò, quæratur medium inter duo puncta notata cretâ, in dictâ regula, & habebis diametrum dolii æquam. Æquatâ hoc modo diametro profunditatis, metire etiam longitudinem vasis. Ex utraque, profunditate scilicet & longitudine, invenies dolii capacitatem sic.

Primò, si fuerit profunditas æquata punctorum majorum 3, longitudo punctorum majorum 8, siue æqualis longitudini Regulæ; continebit vas exactè tres urnas. Si fuerit profunditas æquata 4 punctorum majorum, longitudo æqualis Regulæ, seu 8 punctorum majorum; continebit vas quatuor urnas. Si profunditas fuerit punctorum majorum 5, longitudo æqualis Regulæ; continebit vas quinque urnas &c.

Secundò, si profunditas fuerit punctorum majorum 6, longitudo contineat totam Regulam, & præterea puncta majora 4; quare puncta majora profunditatis in capite Regulæ seu Parallelogrammi, & inde descende usque ad punctum majus quartum, & invenies ibidem notata 9; continebit ergo vas novem urnas. Si profunditas habeat puncta majora 3, longitudo totam Regulam, & præterea duo puncta majora; quare 3 in capite Regulæ, & inde descende usque ad secundum punctum majus, nempe usque ad C, videbisque paulò supra illud hunc numerum deletum, 4; qui numerus significat, ut suprà dixi, 31 urnas, siue tres urnas & 32 mensuras. At quoniam à numero deleto, 4, usque ad secundum punctum majus C, supersunt duo puncta minora, quorum quodlibet valet octo mensuras, ut in fine præcedentis Problematis dixi, debes ad urnas 31, seu ad urnas 3 & mensuras 32, adicere adhuc mensuras 16, ideoque vas continebit urnas tres & mensuras 48.

Tertiò, si profunditas habeat 4 puncta majora, longitudo totam Regulam, & præterea 2 majora, & 3 minora puncta; quare 4 profunditatis puncta in capite Regulæ, & inde descende per duo majora, & tria minora puncta, nempe usque ad litteram P; reperiesque juxta secundum majus punctum quinque urnas & quia ab illo puncto usque ad tertium minus P, sunt numerandæ 24 mensuræ, cuiuslibet minori puncto tribuendo octo mensuras, ut paulò antè dixi; erit totius vasis capacitas quinque urnarum & 24 mensurarum.

Quartò, si profunditas sit punctorum majorum 5, minorum 3, longitudo præter totam Regulam habeat puncta majora 3; quare 5 majora profunditatis puncta in capite Regulæ, & inde descende usque in tertium punctum majus, reperiesque supra illud hunc numerum deletum 8, qui significat 61 urnas, siue 6 urnas, & 32 mensuras; quibus si addideris 24 mensuras, propter tria minora lon-

ra longitudinis puncta, quæ inter numerum huic, 8, & tertium majus punctum interjecta sunt: conflabis 6 urnas, & 56 mensuras. Sed quia profunditas præter quinque puncta majora habet tria minora, addendæ sunt ter tot mensuræ, quot puncta majora continet tota vasis longitudo: quoniam igitur vasis longitudo continet totam Regulam, & insuper tria puncta majora, hoc est, 11 puncta majora; debent addi ter undecim mensuræ, hoc est 33; quare tota vasis capacitas erit septem urnarum & 25 mensurarum.

Quintò, si profunditas sit punctorum majorum 6, minorum 5; longitudo præter totam Regulam habeat puncta majora 6, minora 4 hoc est, tota longitudo vasis habeat puncta majora 14, minora 4: quare 6 profunditatis puncta majora in capite Regulæ, & inde descendæ usque ad sextum punctum majus, reperiesque numerum hunc deletum, 14, hoc est, urnas 10, seu decem urnas & 32 mensuras; quibus propter 4 puncta minora longitudinis adde 32 mensuras, & habebis exactè 11 urnas. Rursus adde toties 14 mensuras, quot profunditas puncta minora habet, hoc est, quinques 14, nimirum 70 mensuras; habebisque in universum urnas duodecim, mensuras sex. Denique quia longitudo habet 4 minora puncta, duc illa in minora puncta longitudinis, nempe in 5, & produces 20; quibus per 6 divisus (per 6 autem dividi debent, quia sextæ lineæ majora puncta in sex minora divisa sunt) proveniunt 3½ mensuræ. Ergo totius vasis capacitas est 12 urnarum & 9½ mensurarum.

Nota, si longitudo haberet etiam partes punctorum minorum, ut dimidium unius puncti minoris, aut unam tertiam, aut unam quartam, quintam &c. vel etiam duas tertias, tres quartas, duas, tres, aut quatuor quintas partes; illarum etiam partium rationem habendam esse. Exempli causa, si vas aliquod præter puncta majora & minora haberet etiam semissem minoris partis, accipiendæ essent tantum quatuor mensuræ: si longitudo vasis habet præter puncta majora & minora unam tertiam partem minoris puncti, accipiendæ essent 2½ mensuræ: Ratio est, quia si dividantur 8 per 3, proveniunt 2½. Si haberet unam quartam partem puncti minoris, accipiendæ essent duæ tantum mensuræ. Si unam quintam, accipiendæ essent 1½ unius mensuræ, si quidem si dividantur 8 per 5, proveniunt 1½. Si haberet tres quartas partes

unius puncti minoris, accipiendæ essent sex mensuræ. Ratio est, quia si 8 in 3 ducantur, producentur 14; quibus per 4 divisus proveniunt 6; sex ergo mensuræ accipiendæ essent. Si punctum minus haberet duas tertias partes, accipiendæ essent 5½ mensuræ: ductis enim 8 in 2, producentur 16; his per 3 divisus, proveniunt 5½.

Sextò, si profunditas plùs haberet quàm totam Regulam, operare cum dimidio profunditatis & longitudinis, ut hæcenus dictum est, dabitque inventi quadruplum capacitatem vasis optatam.

Septimò, si longitudo vasis non contineret totam Regulam, duc puncta minora profunditatis in majora longitudinis, & reperies mensuras, quæ vase continentur.



LIBER



LIBER VII. GEODÆTICUS,

sive

De Superficierum divisionibus.

Geodesia pars est Geometriae practica non postrema; ejusque officium proprium est, superficies quascunq; propositas in quascunq; partes desideratas partiri. De superficierum divisionibus agunt Machometus Bagdedinus, Federicus Commandinus, Christophorus Clavius lib. 6. Geomet. pract. Simon Stevinus, Petrus Dionysius Veglia, Erasmus Rheinholdus, plerique tamen valde intricatè. Ego praxes faciliores tantum, & communiores afferam; reliqua leget, qui volet, apud citatos Auctores. Agimus autem de Geodesia, tum ut integram de Geometria practica materiam tradamus, tum quia superficies dividenda commodissimè in Instrumento nostro delineari, & delineata dividi possunt.

sunt, ut ex dictis lib. 3, § 4 patet. Licet enim in ipso campo dividi possint superficies; præstat tamen illas ichnographicè in charta delineare secundum omnem laterum proportionem, ac deinde illas ita delineatas dividere, & demum mediante figura divisa in charta dividere easdem in Campo. Quod cum nullo Instrumeto melius ac facilius fiat, quàm hoc nostro Pantometro; meritò hoc loco paulò fusiùs ea de re Libro integro tractamus. Quàm autem Geodasia, seu superficierum quarumcunque dividendarum Ars, sit non solum utilis, sed necessaria, docet Erasmus Rheinholdus in Prefatione lib. 3. Geomet. præct.

CAPUT PRIMUM

De divisione triangulorum per lineas ab angulo ductas.

TAmetsi rarò accadat, ut planities dividenda sit perfectè triangularis; accidere tamen solet non rarò, ut planitiem ipsam dividere priùs oporteat in triangula, & ipsa deinde triangula parti, ut ritè dividatur planities data. Operæ pretium ergo est, de triangulorum partitione, & quidem primò loco, agere.

Possunt triangula dividi per rectas lineas ductas vel ab uno angulorum, vel à puncto in uno laterum dato, vel à puncto intra, vel à puncto extra triangulum dato. De omnibus casibus agemus, & primò de priori.

PRO-

PROBLEMA I.

Triangulum quodcunque dividere in duas, tres, & quotcunque libuerit partes æquales, per lineam à quovis angulo ad latus oppositum protractam.

Divisio trianguli ab angulo fieri potest vel in partes æquales, vel inæquales. Hic in æquales, postea in inæquales dividemus.

Sit igitur triangulum ABC primò dividendum in duas æ- Fig. XCIV.
quales partes per lineam protractam ab angulo A , ad basim BC . Icon. XV.
Dividatur latus BC bifariam in D , & ducatur recta AD ; eritque ABD triangulum æquale triangulo ADC , per 38 Primi, & primam Sexti.

Sit deinde dividendum in quatuor, aut quotvis alias partes. Dividatur latus in quatuor partes æquales BE , ED , DF , FC , & ducantur rectæ AE , AD , AF ; eritque peractum quod queritur, per eandem 38 Primi. & primam Sexti.

COROLLARIUM.

EX his colligitur, quomodo è quovis triangulo auferri possit quæcunque pars imperata, v. g. tertia, quarta, quinta, &c. per lineam ab angulo ductam: si enim basim oppositam angulo dividas in æquales partes tres, quatuor, quinque &c. & lineas ducas; habebis tertias, quartas &c.

PROBLEMA II.

Aliter dividere triangulum in partes æquales per lineas ab angulis ductas.

Quoniam si omnes lineæ ab eodem ducantur angulo, aliquando segmenta sunt nimis acuta, ut in præcedenti figura patet (quod quidem valde incommodum est in divisione agrorum) ideo alium afferam modum, quo triangulum quodcunque dividi potest in partes etiam æquales, sed per lineas ex diversis angulis ductas ad latera.

Aa

Sit

Fig. XCV.
Iconis, XV.

Sic itaque dividendum triangulum ABC in quinque æquales partes. Accipe ex utrolibet majorum laterum, nempe ex latere BC , partem quintam BD ; & ductâ rectâ AD , habebis primam divisionem, seu unam quintam totius trianguli ABC . Secundò accipe ex latere AC residui trianguli ADC , partem quartam AG , & ductâ rectâ DG , habebis secundam divisionem, seu duas quintas totius trianguli ABC .

Tertiò, accipe ex latere DC residui trianguli DGC , partem tertiam DF ; & ductâ rectâ GF , habebis tertiam divisionem, seu tertiam quintam totius trianguli ABC .

Quartò, accipe ex latere GC , residui trianguli GFC , partem dimidiam GE ; & ductâ rectâ FE , habebis quartam divisionem, seu quartam quintam totius trianguli ABC . Tandem quinta & ultima pars totius trianguli ABC , erit residuum triangulum EF ; eritque divisum triangulum totum in quinque æquales partes.

DEMONSTRATIO.

Per primam Propositionem lib. 6. Euclid. triacula quæ habent eandem altitudinem, hoc est, quæ sunt inter easdem duas parallelas constituta, ita se habent inter se, ut bases. Cum ergo BD sit quinta pars totius trianguli ABC , & ARD sit in iisdem parallelis cum ABC ; erit ABD pars quinta totius. Eandem ob causam verum erit id quod de aliis partibus diximus.

PROBLEMA III.

Triangulum quodcunque per rectam à quo vis angulo ductam dividere in duas partes secundum proportionem datam, ita ut antecedens proportionis vergat inquam partem volueris.

Fig. CXVI.
Iconis, XV.

Sit triangulum ABC dividendum in duas partes, per lineam ab angulo A ductam in oppositum latus BC , secundum proportionem E ad F , ita ut pars ad B vergens, ad reliquam partem ad C vergentem, habeat eandem proportionem, quam habet E ad F . Secetur latus BC in D , ita, ut eadem sit proportio BD ad DC , quæ

quæ Ead F, per Schol. decima Sexti, ducaturque recta A D. Dico, esse ut E ad F, ita triangulum A B D, ad triangulum A D C.

DEMONSTRATIO.

Quoniam enim utraque triangula eandem habent altitudinem, per quartam Defin. Sexti; erit per primam Sexti, triangulum A B D ad triangulum A D C, ut basis B D ad basim D C; hoc est, ut Ead F.

ANNOTATIO.

Si velles ut antecedens proportionis vergeret versus C, secunda esset C B ita, ut segmentum C D, ad segmentum D B, esses, ut Ead F; & operandum ut dictum.

COROLLARIUM.

Hinc patet, quomodo procedendum, si triangularis campus sit dividendus inter duos ita, ut unus habeat $\frac{1}{2}$, alter $\frac{1}{2}$: dividendum enim est latus secundum proportionem, quam habent duo ad unum, & ad punctum divisionis ducenda recta ab angulo.

PROBLEMA IV.

Triangulum quodcunque per rectas à quovis angulo ductas dividere in plures partes secundum proportionem datam, ita ut antecedens prima proportionis vergat in quam malueris partem.

Si triangulum A B C dividendum in tres (aut quotcunq; alias) ^{F. XCVII.} partes secundum proportionem D ad E, & E ad F, per lineas ^{Iconf. XV.} ductas ab angulo A ad latus B C, ita ut primum antecedens vergat ad C. Dividatur per Schol. decima Sexti, latus B C in punctis H & G, ut sit C H ad H G, ut D ad E, & H G ad G B, ut E ad F. Ductis enim rectis A G, A H, erit factum quod quæritur.

DEMONSTRATIO.

Nam per primam Sexti, ut C H ad H G, hoc est, ut D ad E, ita triangulum A C H, ad triangulum A H G; & sicut H G ad G B, hoc est, ut E ad F, ita triangulum A H G ad triangulum A G B.

ANNOTATIO.

Si plures adessent proportiones, in plures partes proportionales dividendum esset latus B C. Et si primum antecedens deberet esse versus B, divisio inchoanda esset à B versus C procedendo.

PROBLEMA V.

Dividere campum triangularem in partes inaequales datas, per lineas ab eodem angulo ductas.

P. *Lacer hic adungere nonnulla problemata geodætica practica. f. XCVIII. Eiconif. XV.* **P.** *ca. Est igitur Campus triangularis continens 600 perticas quadratas, dividendus inter quatuor ita, ut primus habeat 200, secundus 150, tertius 130, quartus 120 perticas quadratas. Debent autem omnes lineæ dividentes egredi ab eodem angulo A ad latus B C. Metire latus B C, & inveniatur esse 50 perticarum simplicium. Divide 50 secundum proportionem datam in quatuor partes, quæ nimirum se habeant inter se, ut 200, 150, 130, 120 inter se. Fiet hoc arithmetice per Regulam Proportionum quater, aut ter saltem adhibitam sic: Perticæ quadratæ 600 totius trianguli A B C, dant in latere B C perticas simplices 50, quid dant 200? quid 150? quid 130? quid 120? Invenies pro prima parte perticas simplices 16 $\frac{2}{3}$, pro secunda 12 $\frac{1}{2}$, pro tertia 10 $\frac{2}{3}$, pro quarta 10. Inventa partes abscinde in linea B C, in punctis D E F, & ex angulo A duc rectas ad puncta inventa; eritque triangulum divisum prout postulatum fuit. Ratio patet ex dictis Problemate præcedenti.*

PROBLEMA VI.

Triangularem campum dividere in partes inaequales petitas, per lineas ex diversis angulis ductas.

S. *Itidem campus dividendus inter quatuor, cum iisdem conditionibus, sed per lineas à diversis angulis ductas. Ex latere B C abscinde perticas 16 $\frac{2}{3}$ usque ad D, & duc rectam A D; & continebit triangulum A B D perticas quadratas 200, scilicet partem primam. Eandem primam partem habebis, si ex toto latere B C ab-*
scis-

scindas tertiam partem BD, & ducas lineam AD, quia videlicet Fig. XCIX;
Iconif. XV.
200 sunt pars tertia 600. Quia igitur è toto triangulo ABC abscidisti 200 perticas quadratas, continebit residuum triangulum ADC perticas quadratas 400, ex quibus pro secunda parte accipienda sunt 150; quod ita præstabis. Metire latus AC, sitque 40 perticarum simplicium; utere Regula proportionum, dicendo: si 400 perticis quadratis trianguli ADC, in latere AC respondet 40 perticæ simplices; 150 perticis quadratis quot perticæ simplices respondebunt in eodem latere AC? Invenies 15. Abscinde ergo ex latere AC perticas 15 ab A usque ad E, & duc rectam DE; habebisque secundam partem desideratam, nempe triangulum ADE, continens perticas quadratas 150; residuum verò triangulum DEC continebit perticas quadratas 250. Quia verò ex toto latere BC 50 perticarum simplicium abscidisti perticas 16 $\frac{2}{3}$, erit residuum latus DC perticarum 33 $\frac{1}{3}$. Dic ergo: si 250 quadrata perticæ trianguli DEC, habent latus DC 33 $\frac{1}{3}$ perticarum simplicium; 130 perticæ quadrata, nimirum tertia pars assignata, quot perticas in eodem latere habent? Invenies 17 $\frac{1}{3}$ perticas simplices; quas si abscindas ex latere DC in puncto F, & ducas rectam EF; erit triangulum DEF pars tertia, residuum verò EFC pars quarta.

Ratio patet ex dictis Problemate 1, & 4, & ex ipso operandi modo constat.

PROBLEMA VII.

Aliter dividere triangularem campum in partes inæquales, per lineas à diversis angulis ductas.

Sit dividendus triangularis campus ABC in quatuor partes, quarum prima contineat $\frac{1}{4}$, secunda $\frac{1}{3}$, tertia $\frac{1}{5}$; quarta residuum; lineæ autem dividentes non ducantur ab eodem angulo, sed à diversis, ut in præcedenti Problemate factum est. Quære numerum in quo contineatur $\frac{1}{4}$, $\frac{1}{3}$, sine fractionibus. Ad quem inveniendum, multiplica denominatores prædictos inter se, nempe 4 per 3, & productum 12 per 5, & invenies 60, cujus pars tertia est 20, pars quarta 15, pars quinta 12. Finge jam totam campi triangularis superficiem continere 60 partes quadratas tales, in quales

Fig. C. Iconif. XVIII

est dividendus, nempe perticas, passus, palmos &c. Metire præterea duo latera BC , & AC , habeatque BC 50 partes simplices, v.g. passus, AC verò 40. His factis, accipe ex linea BC 50 passuum tertiam partem BD , nempe 16 $\frac{2}{3}$, & duc lineam AD , eritque ABD pars tertia totius trianguli ABC , & continebit passus quadratos 20 ex 60, quos finxisti contineri in toto; reliquum verò triangulum ADC continebit passus quadratos 40; ex quibus abscindenda est pars quarta totius trianguli ABC 60 passuum quadratorum, nempe passus quadrati 15; quod ita efficies. Latus AC continet perticas simplices 40, & triangulum ADC perticas quadratas itidem 40, ex quibus abscindendi sunt 15. Dic ergo: si 40 perticis quadratis respondent in latere AC 40 perticæ simplices, quot hujusmodi perticæ respondebunt quadratis perticis 15? invenies 15. Accipe ergo in latere AC , 15 perticas ab A usque ad E , & duc rectam DE , habebisque unam quartam totius trianguli ABC , nempe triangulum ADE , continens pedes quadratos 15; reliquum verò triangulum EDC continebit 25 pedes quadratos, ex quibus abscindendi sunt pro tertia parte perticæ 12, nempe $\frac{1}{2}$ totius trianguli ABC . Ita procede. Linea DC continet perticas simplices 33 $\frac{1}{3}$. Dic 25 perticæ quadratæ trianguli EDC absumunt in latere DC perticas simplices 33 $\frac{1}{3}$, quot absumunt perticæ quadratæ 12? Invenies 16 perticas simplices quas numera in linea DC , à D usque ad F , & duc rectam EF ; continebitque triangulum DEF , perticas quadratas 12, residuum verò triangulum FEC continebit residuum totius trianguli ABC , nempe perticas quadratas 13, posito quòd totum triangulum ABC contineat perticas quadratas 60. His peractis, dic: ut 60 ad 600, ita 10 ad 15, ita 12 ad aliud; & invenies idem quod in præcedenti Probl.

DEMONSTRATIO.

Demonstratio patet ex dictis, & fundatur in Propositione prima lib. 6. Euclidis.

CAPUT SECUNDUM

De divisione triangulorum per lineas à latere ductas.

PRO-



FIG. C.




FIG. CV.




FIG. CVI.




FIG. CVII.




FIG. CVIX.





FIG. CVIII.



PROBLEMA I.

Dividere triangulum in duas aequales partes per lineam à quovis puncto dato in uno latere ipsius ductam.

HOc Problema absolvi potest pluribus modis. Omnium facillimus videtur is, quem ex Peletario adducit Clavius in Scholio 38^a Primi, quoque alii etiam passim utuntur.

Sit triangulum ABC , & punctum datum D , in latere BC . Fig. CI.
Icon, XVII
Oportet igitur ex D , rectam lineam ducere, quæ bifariam dividat triangulum. Si igitur punctum D , dividat latus BC bifariam; recta DA , ducta ab A , dividet triangulum bifariam, ut est ostensum cap. præcedente Problemate primo. Si vero D non dividat BC bifariam, secetur BC bifariam in E : Deinde ex D , ad angulum oppositum A , ducatur recta DA , & per E educatur recta EF , parallela ipsi DA , secans AC in F . Si igitur ducatur recta DE , erit triangulum divisum bifariam à linea DE .

DEMONSTRATIO.

Nam ductâ rectâ EA , erunt triângula EFA , EFD , æqualia, per 37^{um} Primi, cum sint super eandem basim EF , & inter easdem parallelas EF , AD . Addito ergo communi BFE , erunt tota triângula AEC , CD æqualia: Est autem AEC dimidium totius ABC , ut jam fuit ostensum in loco citato: Igitur & CDF dimidium est ejusdem triânguli ABC . quod erat probandum.

ANNOTATIO.

Quod si punctum D fuerit in altera medietate EC , eodem modo Problema conficiemus: sed tunc triangulum abscindetur ad partes B , Fig. CII.
Icon, XVII trapezium verò ad partes C , ut præsens figura ostendit; demonstratio tamen eadem erit, ut patet.

COROLLARIUM.

Hinc patet, quomodo dividendum sit triangulum in duas partes à puncto in latere ad libitum assumpto: est enim eadem operandi ratio.

Pro-

PROBLEMA II.

Dividere triangulum in duas partes per rectam à quovis puncto in aliquo latere ductam, in proportionem datam.

Absolvit hoc Problema Clavius primò in finel. 6. Eucl. nempe propol. 14. Schol. propol. 33. & deinde in lib. 6. Geomet. pract. propol. 4. Sed prior modus facilior est, & conformis precedenti.

Fig. CIII.
Icon. XVII

Sit triangulum ABC , oporteatque à dato puncto D , in latere BC , lineam rectam ducere, quæ secet triangulum in duo segmenta secundum proportionem datam E ad F . Dividatur BC , in G , secundum proportionem E ad F , per coroll. decimæ Sexti: cadetque punctum G vel in ipsum D , vel inter C & D , vel inter B & D .

Cadat primò punctum G , in datum punctum D , ut in prima figura. Ducatur ergo recta DA , & erit Problema absolutum.

DEMONSTRATIO.

Quoniam enim est ut BD ad DC , ita triangulum BDA ad triangulum CDA , per primam Sexti: secabit recta DA , triangulum ABC , secundum proportionem datam BG ad GC , hoc est, E ad F .

Fig. CIV.
Icon. XVII

Cadat secundò punctum G , inter C & D , ut in secunda figura. Ducatur ergo recta DA , cui per G agatur parallela GH , conjungaturque recta DH . Dico rectam DH secare triangulum datum secundum proportionem datam, hoc est, esse trapezium $ABDH$ ad triangulum CDH , ut BG ad GC , hoc est, ut E ad F .

DEMONSTRATIO.

Ducta enim recta GA , erunt triangula HGA , GHD , æqualia, per 37 Primi, cum sint super eadem basi GH , & inter easdem parallelas GH , DA . Addito igitur communi triangulo CGH , sient æqualia triangula CGA , CDH itemque trapezium $ABDH$ erit æquale triangulo BGA : Ac proinde, per septimam Quinti, totum triangulum ABC , eandem habebit proportionem ad CGA , & ad CDH . Dividendo igitur, per

per 17 Quinti, erit ut triangulum BGA , ad triangulum CGA , ita trapezium $BDHA$ ad triangulum CDH . Est autem, per primam Sexti, BGA , ad CGA , ut BG ad GC ; Igitur erit & trapezium $BDHA$ ad triangulum CDH , ut BG ad GC , hoc est, ut E ad F .

Cadat tertio punctum G , inter B & D , ducaturque recta D Fig. CV.
Icon. XVII
 A , cui rursus per G agatur parallela GH . Dico igitur rursus, rectam ductam DH secare triangulum ABC , secundum proportionem E ad F , hoc est, esse triangulum BDH ad trapezium $CDHA$, ut E ad F .

DEMONSTRATIO.

Ductæ enim rectæ GA , erunt ut prius, per 37 Primi, triangula HGA , GHD , æqualia; additoque communi BGH , æqualia fiunt BGA , BDH . Quare erit, per septimam Quinti, ABC ad BGA , ut ad BDH . Dividendo ergo, per 17 Quinti, erit ut CGA ad BGA , ita trapezium $CDHA$ ad triangulum BDH : & convertendo, per coroll. Quartæ Quinti, ut BGA ad CGA , ita BDH ad trapezium $CDHA$. Est autem BGA , per primam Sexti, ad CGA , ut BG ad GC : Igitur & BDH ad trapezium $CDHA$, erit, ut BG ad GC , hoc est, ut E ad F .

PROBLEMA III.

Dividere triangulum in tres aut quotlibet partes æquales, per rectas è puncto in latere assumpto.

Sic dividendum triangulum ABC in tres partes æquales, per Fig. CVI.
Icon. XVII
rectas lineas ductas à puncto D . Divide latus BC in tres æquales partes in punctis E & F ; & ductæ rectæ DA , erige ex punctis E & F ipsi DA parallelas EG , FH ; tandemque duc rectas GD , HD . Dico, triangulum esse divisum in tres æquales partes BGD , GDH , HDC .

DEMONSTRATIO.

Quoniam enim triangulum BGD æquale est triangulo BAE (nam triangulum GEA æquale est triangulo GED , per 37 Primi; ergo addito communi BGE , erit ABE æquale ipsi BGD ;) erit prædictum triangulum BGD , ad totum triangulum ABC , ut triangulum BAE ad idem
Bb

idem totum triangulum B A C, hoc est, ut B E ad B C, per Primam Sexti: Est autem B E pars tertia totius B C; ergo etiam B G D pars tertia est totius trianguli A B C. Eodem modo probatur, quadrilaterum B A H D esse duas tertias totius trianguli.

COROLLARIA.

I.

Hinc patet, quomodo dividendum sit quodlibet triangulum in quotlibet partes aequales à puncto in quovis latere dato. Si enim à puncto dato D ad angulum oppositum ducatur recta D A, & latus in quo est punctum assignatum, dividatur in partes aequales propositas, & ex punctis divisionis erigantur rectae parallelae ipsi D A, & ducantur rectae ad punctum D; habebitur quod petitur.

II. Patet praeterea, quomodo à quovis dato puncto in latere aliquo trianguli ducenda sit recta linea, qua auferat à toto triangulo partem quamcunque imperatam, v. g. tertiam, quartam, quintam &c. Si enim latus in quo assignatum est punctum, divides in partes aequales tres, quatuor, quinque &c. & opereris ut dictum, habebis partem imperatam; & quidem ad quamcunque volueris partem assignati puncti, hoc est, siue ad dexteram, siue ad sinistram.

PROBLEMA IV.

Triangulum dividere in tres aequales partes, per lineas à latere ad latus ductas è diversis punctis.

Praecedens ratio dividendi triangulum in tres aequales partes, non est comoda pro camporum divisionibus; in quibus commodius est, si ducantur lineae è diversis punctis in duobus lateribus assumptis, ut patet ex appositae figura. Sit itaque praesens triangulum dividendum modo dicto. In quolibet latere, v. g. in A C, elige duo puncta, D & E, ex quibus putas dividi posse triangulum per lineas ad latus B C ductas, & fac lineas occultas B D, B E. Deinde divide lineam A C in tres aequales partes in punctis H & I, ex quibus duc rectas H F, H G, parallelas rectis D B, E B. Tandem duc rectas D F, E G, eritque quadrilaterum A B F D una tertia pars, quadrilaterum D F G E altera tertia pars, reliqua verò tertia pars erit triangulum E G C. Ratio patet ex dictis.

CO.

COROLLARIUM.

Hinc colligitur, quæ ratione triangulum quodcunque sit dividendum in quocunque æquales partes, per lineas ad duo opposita latera ductas à diverfis utrimque punctis: est enim eadem in omnibus operandi ratio.

ANNOTATIONES.

1.

Si velis ut quadrilaterum extremum cadat ad latus AC , elige puncta D & E in latere AB . Sin velis ut cadat ad latus BC , elige eadem puncta in eodem latere AB . Sed tunc ex alio atque alio angulo ducenda sunt lineæ occulta.

II. Puncta divisionis D , E , possunt assumi in omnibus lateribus ubi volueris.

PROBLEMA V.

Dividere triangulum in tres partes inæquales secundum quamcunque rationem datam, lineis à latere ad latus ductis, & ita, ut pars qualibet cadat quò volueris.

Si dividendus campus triangularis ABC , inter tres ita, ut primus habeat $\frac{1}{3}$, secundus $\frac{1}{3}$, tertius reliquum; hoc est, ut primus habeat $\frac{1}{3}$, secundus $\frac{1}{3}$, tertius $\frac{1}{3}$; ita tamen, ut pars quarta cadat ad latus AB . Divide latus quodcunque secundum rationem datam, v. g. latus BC in punctis D & E . Deinde quia divisio facta requirit, ut quarta pars cadat ad latus AB , elige punctum F ubi libuerit (melius tamen est, si eligatur inter B & D) & duc rectam occultam AF , & huic rectam parallelam DG , tandemq; rectam FG : eritque quadrilaterum $ABFG$, pars quarta totius trianguli ABC . Quia deinde divisio lateris BC in puncto E requirit, ut pars tertia cadat intra medium; elige punctum I ubi volueris in dicto latere (melius tamen est, ut eligatur inter D & E ;) deinde ducatur recta occulta AI , & alia occulta ipsi parallela EH , tandemque recta IH : erit quadrilaterum $GFIH$ pars tertia totius trianguli; reliquum verò erit triangulum HIC . Ratio ex dictis patet.

Fig. CVIII
Icon. XVII

Bb 2

ANNO.

ANNOTATIO.

Poteſt diviſio ſecundum proportionem datam fieri in alio latere, prout volueris partes diviſas reſpicere alia atque alia latera.

COROLLARIUM.

Colligitur hinc, quomodo triangulum ſit dividendum in quocunque partes ſecundum rationem datam.

CAPUT TERTIUM

De diviſione triangulorum per lineas lateribus parallelas, & non parallelas.

PROBLEMA I.

Triangulum quodcunque per lineas uni lateri parallelas dividere in quotlibet partes aequales.

Fig. CIX.
Icon, XVII

Sit triangulum ACB dividendum in partes æquales v. g. quatuor, per lineas lateri CB æquidistantes. Secetur utrumvis reliquorum laterum, v. g. latus AC in quatuor æquales partes in punctis D, E, F : & inter duas AD, AC , inveniatur, per 13 Sexti, media proportionalis AE : item inter duas AE, AC , alia media proportionalis AN : denique inter duas AF, AC , alia media proportionalis AG . Ducantur tandem rectæ EI, NK, GL , parallelæ lateri CB . Dico, has parallelas dividere triangulum datum in quatuor æquales partes.

DEMONSTRATIO.

Quoniam enim, per Coroll: quartæ Sexti, ſimilia ſunt triangu-
la EI, ACB : erit, per Coroll: decimæ nonæ Sexti AEI ad ACB ,
ut AD ad AC : Eſt autem AD una quarta totius AC : Ergo & triangu-
lum AEI erit una quarta totius ACB . Propter eandem rationem trian-
gulum ANK erit ad triangulum ACB , ut AE ad AC : quia igitur AE eſt
dimidium ſeu dua quarta totius AC : erit etiam triangulum ANK dimi-
diſſimum ſeu dua quarta totius ACB : Et quia demonſtratum eſt, triangu-
lum

lum $A E$ esse unam quartam totius $A C B$; erit etiam quadrilaterum $E N K I$ una quarta totius $A C B$. Simili modo demonstrabimus, triangulum $A G L$ esse tres quartas totius trianguli $A C B$, eò quòd sit ut $A F$ ad $A C$, hoc est, tres quartas ad totum, ita ipsum triangulum $A G L$ ad triangulum $A C B$. Ablati igitur duabus quartis, hoc est, triangulo $A N K$, erit quadrilaterum $N G L K$ tertia quarta; & quod remanet quadrilaterum $G C B L$, quarta totius trianguli $A C B$.

COROLLARIA.

I.

EX his colligitur primò, quomodo dividendum sit triangulum in duas partes aequales per lineam uni lateri parallelam.

II. Vterius colligitur, quomodo à quovis triangulo auferenda sit pars quavis imperata, v. g. tertia, quarta &c. per lineam aut lineas rectas uni lateri parallelas, siue pars imperata sit auferenda prope unum latus, siue prope unum angulum, siue circa medium ipsius trianguli. Si enim opereris modo prædicto, erit qualibet pars inventa, pars imperata.

PROBLEMA II.

Dividere triangulum in duas partes habentes quamcunque proportionem datam, per lineas uni lateri parallelas, ita ut antecedens proportionis sit versus quem volueris angulum, aut versus quod volueris latus.

IN triangulo $A C B$ præcedentis figuræ ducenda sit linea parallela lateri $C B$, quæ ipsum triangulum dividat ita in duas partes, ut pars versus A ad partem versus $C B$, sit sicut M ad H . Dividatur alterutrum reliquorum laterum, videlicet $A C$, in F ita, per Schol: decimæ Sexti, ut sit $A F$ ad $F C$, sicut M ad H ; Sicut enim antecedens $A F$ erit versus A , ubi desideratur antecedens proportionis trianguli divisi. Deinde inter duas $A C$, $A F$, inveniatur, per decimam tertiam Sexti, media proportionalis $A G$, & ducatur recta $G L$ parallela lateri $C B$. Dico, ipsam $G L$ dividere triangulum propositum, sicut postulatum est.

DEMONSTRATIO.

Quoniam enim triangula ACB , AGL , similia sunt, per Coroll. Quartæ Sexti; erit ACB ad AGL , sicut AC ad AF , eò quòd AC , AG , AF , sint tres continuè proportionales, ex constructione facta. Ergo per conversionem rationis seu proportionis, per Coroll. decimæ nonæ Quinti, erit triangulum ACB ad quadrilaterum $GCB L$, sicut est AC , ad FC : & dividendo, per decimam septimam Quinti, triangulum AGL ad quadrilaterum $GCB L$, sicuti est AF ad FC , hoc est, ut M ad H .

Alia Demonstratio.

Quoniam est triangulum ACB ad triangulum AGL , ut recta AC ad AF ; erit dividendo trapezium $GCB L$ ad triangulum AGL , ut F Cad AF : Et convertendo, triangulum AGL ad trapezium GB , ut AF ad AC , hoc est, ut M ad H .

ANNOTATIO.

Si velis ut antecedens proportionis vergat versus latus CB , cui recta, ducenda est parallela. divide latus CA in O , secundum datam proportionem M ad H , ita ut antecedens proportionis incipiat à latere CA . Deinde inveniatur inter totam CA & ejus partem OA , quæ est consequens proportionis, media proportionalis, & procedatur ut dictum. Demonstratio verò erit eadem.

PROBLEMA III.

Dividere in plures partes triangulum modo dicto.

EX dictis Problemate præcedenti patet, quomodo dividendum sit triangulum dicto modo in tres, quatuor, & quotcunque partes; nempe dividendo unum latus secundum proportionem propositam, & inter quoslibet duos terminos proportionis inveniendi mediam proportionalem, & operando ut dictum.

PRO-



FIG. CX.




FIG. CXI.




FIG. CXII.




FIG. CXIII.




FIG. CXIV.




FIG. CXV.




FIG. CXVII.




FIG. CXVI.




FIG. CXVIII.





FIG. CXIX.



PROBLEMA IV.

*Dividere triangulum in plures partes inæquales im-
peratas, per lineas uni lateri utcunque oppositas,
quando scitur area ipsius & latera.*

Est campus triangularis ABC, cujus latus AB est 36 perticarum, latus AC 48, & latus BC 60, area verò seu capacitas est 864 perticarum quadratarum. Dividendus sit dictus campus inter tres, per lineas uni lateri utcunque oppositas, ita ut unus habeat perticas quadratas 216, alter 288, tertius 360. ita procede.

Elige in latere BC, Incipiendo à C versus B (posses etiam incipere à B versus C.) punctum D, è quo ducta recta, opposita lateri AB, censetur, oculorum iudicio, abscissa perticas 216 quadratas; & duc rectam occultam DA. Deinde dic: si 864 perticæ quadratæ dant 60 perticas simplices in latere BC, 216 perticæ quadratæ quot perticas simplices dabunt in eodem latere? Invenies 15. Abscinde ergo 15 perticas in puncto v: g: E, incipiendo à C, & duc rectam EF parallelam lateri DA. Tandem duc rectam DF. Dico, triangulum DFC continere 216 perticas quadratas.

Fig. CX.

Ico. XVIII.

DEMONSTRATIO.

Ducatur recta AE, erisque, per 37 Primi, triangulum AEF aequale triangulo DEF, & addito communi EFC, aequalia erunt triangula AEC, FDC. Sed triangulum AEC continet perticas quadratas 216, quia tot debentur segmento EC, ut vidimus, & constat ex prima Sexti: Ergo & triangulum DFC &c:

Iterum, in latere AC elige punctum G, ex quo recta, opposita eidem lateri AB, abscissa censetur 288 perticas quadratas. Deinde dic: si 864 perticæ quadratæ absumunt in latere AC 48 perticas simplices; 288 perticæ quadratæ quot perticas simplices absumunt in eodem latere? Invenies 16. Abscinde ergo 16 perticas in puncto v: g: H. His factis, duc rectam BG, & ipsi parallelam HI, tandemque rectam GI. Dico, trapezium ABIG continere 288 perticas quadratas. Intermedium verò quadrilaterum GIFD, continet residuum.

DE-

DEMONSTRATIO.

Ducatur recta BH : eritque triangulum BGI aequale triangulo FGH , & addito communi BAG , erit triangulum BAH aequale trapezio $BAGI$. Sed triangulum BAH continet 288 perticas quadratas: Ergo & trapezium $BAGI$. Reliquas autem 360 continet quadrilaterum $GIDF$.

ANNOTATIONES.

I.

Puncta electa & inuenta in latere BC , poteris etiam eligere & inuenire in latere AC , & contrà; & operatio demonstratioque erit eadem.

II. Poteris quam volueris ex tribus partibus collocare in medio, ad dexteram, ad sinistram. Et idem intellige de secunda & tertia parte.

PROBLEMA V.

Dividere triangulum in partes aequales per lineas partim parallelas, partim non parallelas lateribus.

Quamvis hic casus non spectet propriè huc, quia in eo dividitur partim trilatera, partim quadrilatera figura; tamen quia in camporum divisione utilis esse potest, eum nolui omittere.

Fig. CXI,
Ico, XVIII.

Sic igitur triangulum ABC dividendum in quatuor æquales partes, per lineas rectas, quarum una sit parallela lateri alicui, reliquæ verò minimè. Abscinde versus C (aut versus alium quemvis angulum) triangulum $EF C$, continentem quartam totius trianguli ABC partem, operando juxta dicta suprâ Problemate 1. Deinde divide tam latius AB , quam rectam FE , in tres æquales partes, & duc rectas GI , HK ; & habebis intentum. Ratio partim patet ex dictis, partim patebit ex dicendis.

CAPUT QUARTUM

De divisione triangulorum per lineas à punctis mediis ductas.

PRO.

PROBLEMA I.

*Triangulum à puncto invento in ejus medio dividere
in tres partes æquales.*

Meminit hujus rei Clavius lib. 6. Geom. pract. Propos. 8. & eam dependenter ab aliis duabus demonstrationibus in dicto loco demonstrat. Ego verò immediatè id demonstrabo.

Sit igitur triangulum quodcunque ABC . Dividantur bifariam singula latera in punctis D, E, G , & ducantur rectæ ad angulos oppositos DC, EB, GA . Punctum F , in quo intersectant sese hæc lineæ, est illud, è quo si formentur tria triangula, BFC, BFA, CFA , erunt inter se æqualia. Fig. CXII.
Ico. XVIII.

DEMONSTRATIO.

Duo triacula AGB, AGC , sunt inter se æqualia, per 38. Primi: item duo BFG, CFG , sunt æqualia inter sese, per eandem 38. Primi: ablatis ergo his, ab illis duobus, remanent BFA, CFA , inter se æqualia. Iterum, duo triacula BEC, BEA , sunt æqualia: & CFE, AFE , similiter æqualia: ablatis ergo his duobus ab illis, remanet BFC æquale ipsi BFA . Omnia ergo tria sunt æqualia inter se.

PROBLEMA II.

*Intra triangulum quodcunque invenire puncta, ex
quibus ducta recta dividant ipsum in quotvis
partes æquales.*

In triangulo ABC , v. g. ab angulo quocunque ad latus oppositum ducatur perpendicularis, ut AE , quæ dividatur in quotcunque partes æquales, v. g. in duas in puncto D ; à quo ad reliquos duos angulos si ducantur rectæ, habebis quod postulatur. Fig. CXIII.
Ico. XVIII.

DEMONSTRATIO.

Duo triacula BDE, BDA , sunt æqualia, per 38. Primi: item duo CDE, CDA , per eandem. Ergo duo BDE, CDE simul, sunt æqualia duobus BDA, CDA simul, per secundum Axioma lib. 1. Euclid.

Cc

ANNO-

ANNOTATIO.

Quomodo datum triangulum per rectam ex puncto extra triangulum dato, aut assumpto, in duas partes aequales sit dividendum, docet Clavius lib. 6. Geomet. pract. Propos. ix. & Leonardus Pisanus, cum Nicolao Tartaleo, quos citat. Quod quoniam inutile videtur, & tamen intricatissimum est, omisso.

CAPUT QUINTUM.

De divisione triangulorum per lineas lateribus perpendiculares.

PROBLEMA I.

Triangulum dividere in duas partes aequales per lineam uni laterum perpendicularem.

Si triangulum est æquilaterum, absolutum erit Problema, si quod volueris latus divideris bifariam, & ab angulo opposito duxeris rectam: tunc enim recta ducta erit perpendicularis lateri in quod cadit, per octavam & quartam primi, & dividet triangulum bifariam, per 38 Primi.

Præterea, si triangulum est Isosceles, & dividatur basis bifariam, & à puncto divisionis ad angulum oppositum ducatur recta: erit similiter absolutum Problema, propter easdem rationes.

At si triangulum est Scalenum, vel Isosceles quidem, sed linea debet esse perpendicularis uni laterum; difficillimus est casus, eumque arithmetice solvit Reinholdus p. 3. Geom. practicæ, c. 3. geometricè verò sic solvi potest.

Fig CXIV.
Ico. XVIII.

Sit triangulum ABC, dividendum in duas æquales partes, per lineam lateri AC perpendicularem. Ex angulo opposito B, demitte perpendicularem BG, & ipsum latus AC divide bifariam in H. Deinde Inter G C, & H C, quære mediam proportionalem CI, per 13 Sexti, & ex I erige IK perpendicularem lateri AC, parallelam verò rectæ BG. Dico, rectam IK dividere triangulum modo postulato.

DE-

DEMONSTRATIO.

Si ducatur recta BH , erit divisum triangulum ABC bifariam, per primam Sexti; eritque ut triangulum $GB C$ ad triangulum $IK C$, ita $G C$ ad CH , per coroll. decimæ nonæ Sexti, quod tres $G C, C I, C H$, sint continuè proportionales, & triacula similia similiterque posita. *Ita autem est $G C$ ad CH , ita est quoque triangulum $GB C$ ad triangulum $HE C$* , per primam Sexti: aequalia igitur erunt triacula $IK C, H B C$, per nonam Quinti; cum igitur $H B C$ sit dimidium totius trianguli; etiam $IK C$ erit dimidium, & consequenter reliquum trapezium $IK B A$ erit alterum dimidium.

PROBLEMA II.

Triangulum dividere per lineam uni lateri perpendiculararem in proportionem datam.

Sit dividendum idem triangulum ABC , in datam proportionem Fig. CXV.
Ico. XVIII. D ad E , per lineam perpendiculararem lateri AC . Demitte ut antè ab angulo B perpendiculararem BG , ad latus AC . Quæ si dividat latus AC in G , secundum proportionem datam D ad E ; factum erit quod jubetur, quia tunc triangulum $GB C$ ad triangulum CBA , erit ut CG ad GA , per primam Sexti, hoc est, ut D ad E .

Si verò perpendicularis BG non dividat latus AC in datam proportionem, dividatur, & punctum divisionis cadat in H , inter G & C , ita ut AH ad HC , sit sicut D ad E ; & ducatur recta HB , dividens totum triangulum ABC in eandem proportionem D ad E , per primam Sexti. Deinde inter GC, HC , inveniarur media proportionalis CI . & per I ducatur IK , parallela ipsi GB , & perpendicularis ipsi AC . Dico, IK efficere Problema, hoc est, esse trapezium $ABKI$ ad triangulum $IK C$, ut D ad E .

DEMONSTRATIO.

Quoniam enim est, ut triangulum $GB C$, ad triangulum $IK C$, ita $G C$ ad CH , per coroll. decimæ nonæ Sexti; ut autem $G C$ ad CH , ita est quoque triangulum $GB C$ ad triangulum $HC B$; erunt triacula $IK C, H B C$, aequalia, per nonam Quinti. At proinde & reliquum trapezium

Cc 2

ABKI,

ABKI, reliquo triangulo ABH, aequale erit. Igitur eris, per septimam Quinti, ut trapezium ABKI ad triangulum ICK, ita triangulum ABH ad triangulum HBC, hoc est, ut AH ad HC, velut D ad E.

ANNOTATIO.

Simili modo dividitur triangulum in plures partes secundum datam proportionem.

CAPUT SEXTUM.

De divisione parallelogrammorum in partes datas.

PROBLEMA I.

Dividere datum parallelogrammum in plures partes secundum quamlibet proportionem datam, per lineas lateribus oppositis aequidistantes.

Primus Casus.

Fig. CXVI, lco. XVIII Sit dividendum parallelogrammum ABCD, sive rectangulum, sive non rectangulum, in tres partes æquales, lineis rectis lateribus AD, BC æquidistantibus. Dividatur alterutrum reliquorum duorum laterum, nimirum DC, in tres æquales partes in punctis E & F, & ducantur EG, FH, parallelæ lateribus AD, BC; eritque factum quod jubetur, per 36. primi, & primum Sexti.

Secundus Casus.

Fig. CXVII, lco. XVIII Sit deinde dividendum idem parallelogrammum ABCD in partes secundum proportionem rectarum N, O, P. Dividatur idem latus DC, in I & K, secundum proportionem datam, per schol. 10^a. Sexti, ita ut tres, DI, IK, KC, habeant proportionem trium N, O, P; & ducantur rectæ IL, KM, parallelæ lateribus AD, BC; quæ dividunt parallelogrammum ut jubetur. Nam, per primum Sexti, parallelogrammum DLEst ad parallelogrammum IM, ut

IM, ut D I ad I K, hoc est, ut N ad O: & parallelogrammum I M est ad parallelogrammum K B, ut I K ad K C, hoc est, ut O ad P. Ergo &c.

COROLLARIUM.

ITaque si ex latere D auferatur pars dimidia, tertia, quarta, vel alia quacunque pars, aut partes, & per puncta divisionis ducantur parallela lateri A D; ablata erit ex toto parallelogrammo eadem pars, vel eadem partes. Sic vides in primo casu, A E esse partem tertiam totius parallelogrammi A C.

PROBLEMA II.

Dividere datum parallelogrammum bifariam per rectam ex puncto, siue in latere, siue extra, siue intra ipsum dato, aut assumpto.

Primus Casus.

Si primò dividendum parallelogrammum ABCD in duas partes æquales, per rectam ductam ex E puncto, in latere B D dato, aut assumpto utcunque. Ducatur diameter A D, eaque dividatur bifariam in puncto F; & à puncto E, per F, ducatur recta E G. Dividet hæc parallelogrammum bifariam. Idem fiet, si ducatur diameter B C, & dividatur bifariam in F, & ducatur recta E G. Idem præterea fiet, si latera opposita A C, B D, dividantur bifariam in punctis I & H, & ducatur recta I H, dividaturque æqualiter in F, & per F ducatur E G.

DEMONSTRATIO.

Diameter A D dividit bifariam totum parallelogrammum, per 34 Primi; ergo triangulum A C D æquale est triangulo A B D. Est autem & A P G triangulum æquale triangulo E F D, (ideoque & trapezium G F D trapezium E F A B, per 3 Axiomæ) Nam anguli G A F, E D F, sunt æquales, per 19 Primi, utpote alterni; item anguli A P G, & D F E, per 15 Primi, utpote ad verticem; & latera A F, D F, quibus adjacent prædicti anguli in duobus triangulis æquales uterque utrique, sunt per constructionem æquales; Ergo, per 26 Primi, tota triangula A F G, D F E, sunt

aqualia. Ergo quadrilaterum AGE B, aequale est aquilatero DEGC, per 1. Axioma. Eadem hac demonstratio applicari potest tam secundae constructioni, quam tertiae.

Secundus Casus.

Fig. CXIX
Icon. XVIII,

SIt deinde idem parallelogrammum ABCD, dividendum bifariam per rectam ductam ex puncto E extra dato, aut assumpto. Ducatur ut antea diameter AD, dividaturque in F bifariam, & per F ducatur EG, secans latus BD in H; eritque quadrilaterum AGHB, æquale quadrilatero DHGC. Demonstratio est eadem.

Tertius Casus.

SI ex puncto I intus dato, aut assumpto, dividendum esset bifariam prædictum parallelogrammum; ducatur ut antea diameter AD, eaque divisâ in F, ducatur per F recta IG, & ab I puncto protrahatur usque ad H punctum; & habebis idem quod antea.

PROBLEMA III.

Dividere parallelogrammum datum in plures partes secundum rationem datam, quando nota est superficies.

Fig. CXX.
Icon. XLX,

SIt datum parallelogrammum ABCD, cujus superficies tota sit 12 jugerum quadratorum, dividendum in tres partes ita, ut prima habeat jugera quadrata 5, secunda 4, tertia 3. Metire latera opposita AB, CD, & contineat unumquodque perticas simplices 192. Divide utrumque secundum rationem datam 5, 4, 3, utendo ter, aut bis saltem Regulâ Trium, sic: Si 12 dant 192, quid dabunt 5? quid 4? quid 3? Invenietque 80, 64, 48. Metire jam in utroque latere AB, CD, perticas 80, ab A usque ad G, & à C usque ad E; deinde perticas 64 à G usque ad H, & ab E usque ad F. Demum conjunge rectis GE, HF puncti divisionum, & habebis Intentum. Ratio est eadem, quæ in Problemate primo; imò casus idem in re, verbis diversus; volui tamen proponere exercitii causâ.

ANNO.



FIG. CXX.




FIG. CXXI.




FIG. CXXII.



FIG. CXXIII.



FIG. CXXIV.



FIG. CXXV.




FIG. CXXVI.




FIG. CXXVII.




FIG. CXXVIII.





FIG. CXXIX.



ANNOTATIO.

Quomodo operandum sit, si parallelogrammum esset dividendum per lineam, aut lineas, protrahat ab uno angulorum aut laterum, in partes secundum proportionem datam, patebit ex dicendis capite sequenti.

CAPUT SEPTIMUM

De divisione trapeziorum, quorum duo quælibet opposita latera sunt parallela.

PROBLEMA I.

Dividere trapezium laterum parallelorum in partes æquales, lineis à latere ad latus tractis.

Facillima est in hoc casu geodæsia. Nam si latera parallela opposita dividantur in tot partes æquales, in quot dividendum est totum quadrilaterum, & puncta correspondentia in dictis oppositis lateribus jungantur rectis lineis; erit totum quadrilaterum divisum, ut postulatum fuit. Exempli gratia, sit trapezium *Fig. CXXI* *Icon, XIX.* *ABCD*, cujus omnia quatuor latera inæqualia sint, duo tamen opposita *AB, CD*, parallela: sit autem dividendum in tres æquales partes. Divide latus *AB* in tres æquales partes *AE, EF, FB*; similiter latus *CD* in partes tres æquas *CG, GH, HD*. Duc deinde rectas *EG, FH*, eritque divisio perfecta, hoc est, tria trapezia, *AG, EH, FD*, erunt inter se æqualia.

DEMONSTRATIO.

*D*uctis enim rectis *CE, GF, HE*, erunt tam tria triangula *ECG, FGH, BHD*, quam tria *CAE, GEF, HFB*, inter se æqualia, per 38 Primi, utpote inter easdem parallellas super æqualibus respectivè basibus constituta: Ergo &c.

ANNO-

ANNOTATIONES.

SI nota esset superficies trapezii in mensuris quadratus, & dividenda esset in partes aequales; eodem prorsus modo operandum esset. Et si quidem latera parallela aequalia sunt, sufficit semel uti Regulâ Trium modo docto in Cap. præced. Problem. 3. Si autem inaequalia sunt, bis erit adhibenda dicta Regula, semel pro majori latere, & semel pro minori; & deinde puncta divisionis conjungenda rectis lineis. Exempli gratia. Est superficies trapezia laterum parallelorum inaequalium continens jugera quadrata 16, debetque dividi in tres partes ita, ut prima habeat jugera 4, secunda 5, tertia 7: sit autem latus majus perticarum 246, minus 192. Ad dividendum latus majus dic: Jugera 16 dant perticas 246, quid dant 4? quid 5? quid 7? Invenies 62, 77½, & reliquum pro tertia parte. Ad dividendum deinde latus minus dic, ut suprà cap. 6. Probl. 3. Conjunge jam rectis lineis puncta divisionis, & eris divisio perfecta.

II. Si oblatum trapezium habes quidem duo opposita latera parallela, atqui linea dividentes non debeant duci ab uno latere parallelo ad alterum, sed ab uno ad alterum reliquorum laterum; tunc procedatur ut sequitur.

PROBLEMA II.

Dividere trapezium laterum parallelorum in partes inaequales secundum proportionem datam, lineis à latere ad latus.

f. CXXII. **E**Adem est hîc praxis, quæ in præcedenti Problemate: dividi-
Icon. XIX. tur enim utrumque latus parallelum secundum proportionem datam, & puncta divisionis conjunguntur rectâ, aut rectis. Ut si trapezium ABCD dividendum esset in duas partes secundum proportionem subduplam, seu 1 ad 2: dividi deberet tam latus AB, quàm latus CD, in punctis E & F, secundum dictam proportionem, & trahenda recta EF; hæc enim efficeret divisionem quæsitam,

DEMONSTRATIO.

DUctis rectis CE, EB, erit tam triangulum ECF ad triangulum BFD, quàm triangulum CAE ad triangulum FEB, ut 1 ad 2, per primam Sexti; Ergo &c.

PRO-

PROBLEMA III.

Dividere trapezium duorum aquidistantium laterum, per lineam ab angulo protractam, in duas partes secundum proportionem datam.

Sit trapezium $ABCD$, dividendum per lineam protractam ab angulo A , secundum proportionem Ma ad N . Protrahatur latus BC versus C , & sumatur CF æqualis lateri AD , ducaturque recta DF . His factis divide lineam BF secundum proportionem Ma ad N ; cadetque punctum divisionis vel in C , vel citra inter B & C , vel ultra inter C & F .

Primus Casus.

Cadat primò punctum divisionis in C , ita ut sit eadem proportio B C ad C F , quæ est Ma ad N . Dico, lineam ab angulo A protractam ad punctum C , dividere trapezium secundum proportionem Ma ad N . F. CXXIII.
Icon. XIX.

DEMONSTRATIO.

Ducatur enim diameter AF . Erit igitur triangulum ACF æquale triangulo DCF , per 37 Primi, & consequenter triangulo ACD , quòd æquale est triangulo DCF , per 34 Primi. Atqui triangulum ABC ad triangulum ACF , est ut B C ad C F , hoc est, ut Ma ad N , per primam Sexti; Ergo etiam idem triangulum ABC ad triangulum ACD est, ut B C ad C F , seu Ma ad N .

Secundus Casus.

Cadat secundò punctum divisionis in E citra punctum C , ita ut sit eadem proportio B E ad E F , quæ est Ma ad N . Dico, lineam ab A ad E protractam, dividere trapezium secundum proportionem Ma ad N . Icon. XIX
F. CXXIV

DEMONSTRATIO.

Ductis AC & AF , erit ut antea triangulum ACD æquale triangulo ACF ; addito ergo communi triangulo AEC , erit trapeziū $AECD$,
Dd aqua-

aquale triangulo $A E F$. Atqui triangulum $A B E$ est ad triangulum $A E F$, ut $B E$ ad $E F$, hoc est, ut M ad N . Ergo &c.

Tertius Casus.

CAd tertio punctum divisionis in G , ultra punctum C , ita ut sit eadem proportio $B G$ ad $G F$, quæ est M ad N . Dico, si ex puncto G ducatur linea $G H$, parallela lineæ $F D$, usque dum concurrat cum linea $C D$ in puncto H ; & deinde ducatur recta $A H$, dico inquam, quod proportio spatii $A B C H$ ad spatium $A H D$, erit ut M ad N .

DEMONSTRATIO.

Ducantur enim diametri $A C$ & $A F$, & recta $A G$. Erit igitur triangulum $A H C$ aequale triangulo $A G C$, per 37 Primi, quia sunt super eadem basi $A C$, & in eisdem parallelis $A C, H G$: Est autem & totum triangulum $A C D$ aequale toti triangulo $A C F$: Ergo & residuum triangulum $A H D$ erit aequale residuo $A F G$. Addito ergo triangulo $A B C$ communi duobus triangulis $A C H$, $A C G$ aequalibus, erit trapezium $A B C H$ ad triangulum $A D H$, ut triangulum $A B G$ ad idem triangulum $A H D$, hoc est, ad aequale ipsi $A G F$. Sed proportio trianguli $A B G$ ad triangulum $A G F$, est sicuti proportio M ad N ; Ergo &c.

ANNOTATIONES.

I.

Si quadrilaterum $A B C D$ esset parallelogrammum, & dividi deberes secundum proportionem M ad N , per lineam ab angulo A tractam; deberet eodem modo procedi in omnibus tribus casibus, uti advertimus etiam, Capite precedenti Problem. 3.

Il. Hæ praxæ & demonstrationes hujus Problematis sunt Mahometi Bagdedini lib. de Divisione superficierum Propos. 7. & ex ipso Frederici Commandini libello de eadem re, Probl. 1. §. Sit quadrilaterum &c. neuter tamen distinguit inter quadrilaterum cujus duo opposita latera sunt parallela, & quadrilaterum cujus latera non sunt parallela: quod tamen omnino necessarium, cum praxi & demonstratio solùm habeat locum in primo casu, non in secundo ut patet.

PRO-

PROBLEMA IV.

Dividere quadrilaterum seu trapezium æquidistantium laterum, in plures partes secundum proportionem datam, per lineas ab uno angulo protractas.

Sit quadrilaterum $ABCD$, laterum parallelorum duorum, F.CXXVI. Icoa. XIX. videndum secundum proportionem H, I, K , per lineas ab angulo A protractas, sed aliter quàm in præcedenti Problemate. Protrahatur BD in E , ut DE fiat æquale ipsi AC , ducaturque recta CE . Deinde dividatur recta BE secundum proportionem datam in punctis F & G , cadetque punctum secundum G vel in D , vel citra, vel ultra. Cadat primò in punctum D . Ducantur igitur rectæ AF, AG , seu AD ; eritque quadrilaterum divisum in tres partes ABF, AFG , seu AFD , & ADC , secundum proportionem datam H, I, K . Cadat secundo secundum punctum citra D . Ducantur igitur rectæ AF, AG , eruntque tres partes ABF, AFG, AGD , ut proportio data H, I, K . Cadat tertio punctum secundum ultra D . Producatur recta GH parallela lateri CE , donec occurrat ipsi CD in H , & ducatur recta AH ; eruntque tres partes $ABF, AFDH, AHD$, ut proportio data. Demonstratio in omnibus tribus casibus est eadem omnino quæ in præcedenti Problemate:

PROBLEMA V.

Quadrangulum duorum æquidistantium laterum dividere per lineam ductam à puncto in uno æquidistantium laterum assignato, secundum proportionem datam.

Sit quadrilaterum seu quadrangulum æquidistantium laterum $ABCD$, & punctum assignatum in latere BC , æquidistante lateri AD , sit E ; debeatque ab hoc puncto E trahi linea, quæ dividat quadrangulum secundum proportionem L ad M . Protraha-

tur B C latus ulteriùs usque ad F, ita ut linea C F sit æqualis lineæ A D, & dividatur tota linea B F secundùm proportionem L ad M. Caderigitur punctum divisionis vel in E, vel citra versus B, vel ultra versus F.

Primus Casus.

CAdat primò punctum divisionis in E, ita ut proportio B E ad E F, sit sicuti L ad M. Dico, lineam E A dividere quadrangulum secundùm proportionem L ad M.

DEMONSTRATIO.

DVcatur enim recta A F. Eritque triangulum A G D a quale triangulo F C G, per 16 Primi, quia duo anguli D A G, D G A, trianguli A D G, æquales sunt duobus angulis C F G, C G F, trianguli F G C, uterque utrique, per 15, & 29 Primi: & latus A D est æquale lateri C F, per constructionem. Addito ergo communi trapezio A B C G, erit totum triangulum A B F a quale toti trapezio A B C D; & ablato communi triangulo A B E, erit reliquum triangulum A E F a quale reliquo trapezio A E C D. Sed triangulum A B E ad triangulum A E F, est ut B E ad E F, per primam Sexti, hoc est, ut L ad M: Ergo idem triangulum A B E ad spaciũ A E C D, est ut L ad M.

Secundus Casus.

Fig.
CXXVIII.
Icon. XIX.

CAdat secundò punctum divisionis citra E in punctum H, ita ut proportio B H ad H F sit sicut L ad M. Ducatur recta H K parallela rectæ E A, secans rectam A B in puncto K; & à puncto K ad punctum E ducatur recta K E. Dico, rectam K E dividere quadrangulum prout petitur.

DEMONSTRATIO.

DVcatur enim recta A H. Quoniam igitur rectæ A E, K H, sunt parallela, erunt triangula K H A, & K H E, æqualia, per 37 Primi; additoque communi triangulo K B H utrique, erit triangulum A B H a quale triangulo K B E. Est autem & triangulum A K E a quale triangulo A H E, per 37. Primi; Igitur addito communi A E C D utrique, erit superficies A K E C D æqualis quadrangulo A H C D. Quadrangulum verò A H C D a quale est triangulo A H F, ut probatum est in primo casu. Ergo eadem est proportio trianguli K B E ad superficiem A K E C D, quæ est trian-



FIG. CXXX.



FIG. CXXXI.



FIG. CXXXII.



FIG. CXXXIV.




FIG. CXXXV.




FIG. CXXXVI.





FIG. CXXXVII.



FIG. CXXXVIII. FIG. CXXXIX.



trianguli ABH ad triangulum AHF ; & per consequens BH ad HF , hoc est, L ad M .

Tertius Casus.

CAdat tertio punctum divisionis ultra E , versus F . Potest hoc fieri iterum tribus modis: primo ut spatium inter E & punctum divisionis sit æquale lineæ AD , secundo ut sit minus, tertio ut sit majus.

Primus Modus tertii casus.

CAdat primo punctum divisionis in P , ita ut spatium EP sit æ. F.CXXIX, Icon, XIX.
quale lateri AD ; sitque proportio BP ad PF , sicut L ad M .
Ducatur recta ED , à puncto assignato E ad angulum D . Dico, hanc lineam ED dividere quadrangulum secundum proportionem L ad M .

DEMONSTRATIO.

DVcantur rectæ AP , & AE , & AF . Quoniam igitur rectæ EP æquales ponitur rectæ AD , & ipsi æquidistant; erit, per 29, & 26, & per 2 Axio. Pri. triangulum AED æquale triangulo AEP . Addito igitur triangulo ABE communi, erit quadrangulum $ABED$ æquale triangulo ABP ; & per consequens residuum triangulum DEC erit æquale residuo triangulo APF , eò quod, ut supra demonstravimus, totum quadrangulum $ABCD$ æquale est toti triangulo ABF . Liqueat igitur quod eadem est ratio quadranguli $ABED$ ad triangulum DEC , quæ est trianguli ABP ad triangulum APF , per Schol. 7^e. Quin. ubi demonstratur quod æqualium ad æqualia eadem est proportio. Sed proportio trianguli ABP ad triangulum APF , est sicut L ad M ; Igitur & proportio spatii $ABED$ ad spatium DEC , est sicut L ad M .

Secundus Modus tertii casus.

CAdat secundo punctum divisionis in Q , ita ut spatium EQ sit f. CXXX. Icon, XX.
minus quàm latus AD ; sitque proportio BQ ad QF , sicut L ad M . Sumatur ex AD lineæ AR , æqualis lineæ EQ , & ducatur recta ER . Dico, hanc lineam ER dividere quadrangulum $ABCD$ secundum proportionem datam L ad M .

DEMONSTRATIO.

Ducantur enim rectæ AE , AQ , & AF . Quoniam igitur rectæ AR , & EQ sunt æquales, & æquidistantes: erunt, per 29, & 26, & per 1. Axio. Primi, triangula AER , & AEQ æqualia: quibus addito communi triangulo ABE , erit quadrangulum $ABER$ æquale triangulo ABQ . Est autem, ut supra probavimus, totum quadrangulum $ABCD$ æquale toti triangulo ABF . Igitur residuum quadrangulum $RECD$ erit æquale residuo triangulo AQF . Eadem est igitur proportio quadranguli $ABER$ ad quadrangulum $RECD$, quæ est trianguli ABQ ad triangulum AQF . Atqui hæc est ut BQ ad QF , hoc est, ut L ad M ; ergo & illa.

Tertius Modus tertii casus.

Cadat tertio punctum divisionis in S , ita ut spatium ES sit majus, quam latus AD ; sitque proportio BS ad SF eadem, quæ L ad M . Dividatur latus DC secundum proportionem PS ad SF , in puncto T , & ducatur recta ET . Dico, hanc rectam ET dividere quadrangulum $ABCD$ secundum proportionem datam L ad M .

DEMONSTRATIO.

Ducantur enim AE , DE , AS , AF , ET ; & factio spatium EP æquali lateri AD , ducatur recta AP . Quoniam igitur linea AD , & EP æquales sunt, & æquidistantes: erunt, ut supra dictum, triangula AED , & AEP æqualia; & addito communi triangulo ABE , erit quadrangulum $ABED$ æquale triangulo ABP . Est autem & totum quadrangulum $ABCD$ æquale toti triangulo ABF . Igitur triangulum residuum DEC æquale est triangulo residuo APF . Iterius, proportio trianguli DET ad triangulum TEC , est, per primam Sexti, sicuti DT ad TC , hoc est, sicuti PS ad SF : cumque DT sit ad PS , sicut TC ad SF , erit triangulum DET ad triangulum TEC , sicuti PS ad SF : sed etiam triangulum AP S ad triangulum ASF , est ut PS ad SF , per eandem primam Sexti; æqualia ergo sunt triangula DET , & TEC , triangulis APS , & ASF ; hoc est, triangulum DET est æquale triangulo APS , & triangulum TEC triangulo ASF , per 9 Quinti. Probatum autem fuit, quod quadrangulum $ABED$ æquale est triangulo ABP : Igitur addito communi triangulo DET ad quadrangulum $ABED$, & triangulo APS (ipsi DET æquali) ad triangulum ABP ; erit pentagonum $ABETD$ æquale trian-

gulo

F.CXXXI.
Icon, XX.

gulo ABS. Cùm igitur probatum sit, triangulum ASF esse æquale triangulo TEC, & triangulum ABS ad triangulum ASF, hoc est, ad triangulum TEC, est ut BS ad SF, hoc est, ut L ad M, erit & spatium ABET Dad spatium TEC, ut L ad M.

ANNOTATIO.

Quod dixi de quadrangulo non parallelogrammo, intelligi etiam debet de quolibet parallelogrammo.

Conclusio Libri.

Omitto infinita alia Problemata geodætica, ut quomodo dividenda sint trapezia per lineas ductas à punctis in lateribus non æquidistantibus; item quomodo dividenda sint pentagona, aut quæcunque polygona, sive regularia, sive irregularia; Item quomodo dividendus sit circulus; & alia multa, quæ qui volet scire, adeat Auctores initio Libri hujus citatos. Nobis sufficit, ostendisse usum Pantometri nostri in Geodæsia, si in eo per præcepta tertii & quarti Libri delineentur Campi, qui dividendi sunt; & deinde figura Campi delineata dividatur prout petitur, juxta regulas à nobis, aut ab aliis Auctoribus traditas; ac tandem ope ejusdem Instrumenti Pantometri, & ope figuræ in ipso divisæ, dividatur campus propositus juxta præcepta tradita in Libro quarto Ichnographico.

PARERGUM.

In quo error Serlii, aliorumque, detegitur.

Sebastianus Serlius Lib. 1. Architecturæ, & Gualterus Rivius in sua Architectura, quem sequitur Daniel Schwenkerus in Recreationibus Mathem. par. 15. quæst. 14. & alii, proponunt, atque amplectuntur Praxin quandam ad Geodæsiam pertinentem, facillimam sanè, & ut ipsi putant, pulcherrimam. Quæ si vera est, Geometricisq; consona rationibus; nã ego Cræsi acquiram divitias temporis spatio exiguo, labore ac sumptu penè nullo. Efficiam, sanè & affirmo, ut quilibet tantum auri, tantum sibi coacervet argenti, spatio non plus bimestri, aut solum trimestri, quantum Lusitani, quantum Hispani, quantum Belgæ, ac Britanni, quantum Europæi omnes, tot annorum spatio, tam frequenti lon-

longissimorum marium trajectione, tam insatiabili terrarum evisceratione, tantis periculis ac sumptibus non coacervârunt. Sed nè verbis Lectorem ludere videar, proponam Problema Serlii, & quidem ipsis, quibus ab Auctore suo proponitur, verbis,

F. CXXXII
Iconis, XX.

Sebastianus Igitur Serlius, libro primo Architecturæ, in hunc discurrit modum Italico idiomate: Strani accidenti vengono tal volta all' Architetto, come sarà questo. Egli hà una tavola losa, longa verbi gratia dieci piedi, è larga trè; & hà necessitâ di una porticella, alta piedi sette, e larga quattro. Hora se egli vorrà di essa tavola fare due parti della sua longhezza, le due larghezze non fanno più che sei piedi; e sette gliene bisogna. Se egli vorrà torre via un capo della tavola, che sarà piedi trè; quello non servirà per cosa alcuna, perche la tavola rimane piedi sette longa, e larga trè. Faccia adunque così. La tavola sarà piedi dieci longa, e tre piedi larga; li angoli di essa faranno A, B, C, D. Partirà detta tavola per linea diagonale dal C, al B; e fatto di essa due parti eguali, tiri in dietro lo angolo A, tre piedi verso il B, e l' angolo C verso il D, di maniera che il capo A F sarà quattro piedi, & il capo E D sarà anche quattro piedi; così da A al E sarà sette piedi, doue la tavola A E F D sarà longa sette piedi, e larga quattro, per supplire al bisogno della porticella; & anco gli avanzará un triangolo C C E, & un altro E B G.

Hæc Serlius loco citato. Vult itaque hic Auctor, quòd si habeam tabulam A B C D longam pedes decem, & latam pedes tres; velimque ex ipsa conficere portam, longam pedes septem, & latam pedes quatuor; vult inquam quòd assequi id possim, si ducam ab angulo C ad angulum B lineam diagonalem, sive diametralem C B, dividamque totam tabulam in duas æquales partes, per trigessimam quartam propositionem Libri primi Elementorum Euclidis; deinde retraham partem A C B, versus B, per spatium trium pedum, ita ut constituatur latus A F quatuor pedum, latera verò A E, & F D fiant septem pedum, relictis hinc & inde tribus pedibus C F, & E G: sic enim habebò portam A E F D, longam pedes septem, & latam pedes quatuor, & remanebunt duo triangula C C E, & E B G. quod erat faciendum.

Hæc

Hæc est praxis & demonstratio Serlii, non quidem geometrica, sed mechanica & ocularis, vel potius manualis; quæ tamen rem totam clarè ob oculos ponere videatur.

Hæc praxis si vera est, atque legitima, tantum quilibet auri, argentique, ut principio dicebam, accumulare sibi poterit, maximo temporis, laboris, expensarum compendio, quantum nulla unquam viderunt opulentorum gazophylacia. Nec opus erit, tranare maria, præcipitare se in terræ Peruvianæ penetralia, in inferos descendere vivos, in sedibus Manium quærere divitias, terræ vim faciendo, ejusq; viscera extrahendo; solo malleo opus est & incude; quod ita ostendo.

Tabula longa palmos decem, lata tres, continet palmos quadratos triginta, ut Geometria docet, & patet evidenter ex hac figura $ABCD$, si latera AB , & CD censeantur esse divisa in decem palmos, & latera AC , BD , in tres. Ductis enim per singula divisionum puncta lineis rectis, resultant triginta quadratula, ut apparet, quorum quodlibet est longum ac latum palmum unum, ac proinde quodlibet est palmus quadratus. Iterum, porta longa palmos septem, lata quatuor, continet palmos quadratos viginti octo, ut eadem geometria docet, & patet ad oculum ex figura $A E F D$, posito quod latera AF , & ED sint quatuor palmorum. Igitur si ex tabula triginta palmorum quadratorum fiat porta viginti octo palmorum quadratorum, deberent remanere ac refecari solùm palmi duo quadrati: sed per praxim Serlii prædictam remanent tres palmi quadrati, nempe duo triangula CCF , & $E B G$, quæ simul efficiunt tres palmos quadratos: nam latera CF , $B G$, sunt trium palmorum; & latera FC , $B E$, sunt unius palmi, ut Serlius supponit. Si igitur conjungantur hæc duo triangula, ut hic apparet, & à punctis divisionum ducantur rectæ lineæ; fiet parallelogrammum trium palmorum quadratorum, ut docet Geometra, & ostendit aperte præfens figura $E B C F$.

Accipe igitur, quisquis aurum sitis, & argentum, laminam auream vel argenteam $ABCD$, longam palmos decem, latam tres, ut ostendit figura primo loco posita; divide diagonaliter secundùm rectam CCB ; retrahere latus AC usque ad F , juxta praxim Serlii; rescinde duo triangula CCF , & $E B G$; & ecce lucratus es jam unum palmum quadratum: nam tota lamina erat tri-

E c ginta

Fig.
CXXII.
Icon. XX.

Fig.
CXXII.
Icon. XX.

glota palmorum quadratorum, lamina A E F D est viginti octo palmorum, & remanent duo triangula trium palmorum, qui simul cum viginti octo efficiunt triginta & unum. Rescinde jam unum palmum, & reliquos triginta confla in massam; diduc in laminam longam palmos decem, latam tres; divide, conjunge, rescinde, ut antè, unum palmum; & ecce lucratus es duos palmos. Eandem operationem iterum, iterumque, ac sæpius institue, cōvoca aurifabros, imò & ferrifabros omnes, veniant in auxilium.

Brontesque, Steropesque & durus membra Pyracmon;

& quod promisi, verum esse re ipsa experieris, si verum est Serlii Problema. At vereor vehementer, ne si praxis prædicta ad geometricas regulas tanquam ad lydium examinetur lapidem, fraudem detegat, & falsitatem ostendat. Ponamus enim tabulam A B C D quadrilateram & parallelogrammam, esse rectangulam, ita ut angulus D sit rectus; erit, ductâ rectâ F C per terminos trium palmorum, quadrilaterum A F parallelogrammum, *per trigessimam tertiam Primi*; & angulus C F C rectus, *per vigesimam nonam Primi*. Tum sic. Ductâ diagonali C B, habemus duo triangula, C D B majus, & C F C minus, quæ sunt æquiangula: nam angulus F est æqualis angulo D, cum uterque sit rectus; angulus F C B est communis utrique triangulo, & reliqui duo sunt etiam æquales, *per trigessimam secundam primi*; ergo quàm proportionem habet latus C D ad latus D B, eandem proportionem habet latus C F, ad latus F C. Si ergo fiat, ut C D ad D B, ita C F ad aliud, hoc est, si per regulam auream dicatur, C D decem, dat D B tria, quid dat C F? invenientur, factâ operatione, pro latere F C novem decimæ, hoc est, latus F C non cōtinebit unum palmum integrum, sed solum novem decimas unius palmi divisi in decem particulas. Eadem est ratio de latere E B.

Falsum igitur est, quòd latera A F, & E D sint quatuor palmorum, & quòd porta A E F D sit lata quatuor palmos; cum sit solum trium palmorum & novem decimarum unius palmi. Falsum præterea est, quòd duo triangula C F C, & E B G, contineant tres palmos quadratos; cum contineant solum viginti septem decimas, hoc est, duos palmos & septem decimas. Falsum denique est, quòd ex tabula aut lamina argentea triginta palmorum quadratorum, fieri possit porta, aut lamina argentea viginti octo pal-

palmorum quadratorum, cum excessu trium palmorum quadratorum; cum porta prædictâ ratione facta contineat solum viginti septem palmos quadratos, & tres decimas. Corruit ergo totum Problema Serlii; cui tamen condonandum est, cum non fuerit Mathematicus, nec sciverit methodum mathematicæ demonstrationis, sed Architectus, & nuda praxi contentus.

Colligitur ex his, quanta sit Mathematicæ, & præsertim Geometriæ nobilitas, quæ aliorum vel errores, vel imposturas tam faciliè, tamque evidenter producit in lucem,



LIBER



LIBER VIII. METAMORPHOTICUS,

sive

De planorum, corporumque transfor-
matione.

Ingens hic nobis aperitur Campus. Augendum enim est de planorum, corporumque transformatione de una in aliam figuram (quod infinitis pœnè modis fieri potest,) simulque de earundem commutatione in maiorem minoremvè formam, seu de ijs augendis minuendisque in data quacunque ratione. Quod quidem, præsertim si de augendis minuendisque figuris planis rectilineis sermo est, tam facile, simulque tam ingeniosè sit ope Pantometri nostri, ut nulla possit adsignari figura rectilinea, qua non hoc Instrumento, arte sanè mirabili, in data proportionem minui possit, aut augmentari. Unde consequenter maximus ejusdem Instrumenti usus

ti usus est in Perspectiva, dum Scenographia, Orthographia, atque Ichnographia corporum quorumcunque, sive regularium, sive irregularium, uti & quarumvis aliarum rerum projectura, summa facilitate delineari possunt, augeri, ac minui. Quae causa est, cur non omnia Problemata declaraturus sim mechanicè ope nostri Instrumenti; qui enim unam aut alteram praxim benè perceperit, absq; ulla difficultate reliquas perficere poterit. Sempertamen, ut clariùs pateat praxium nostro Pantometro exhibendarum ratio, dabo methodum transformandi, augendi, aut minuendi eadem plana & corpora, geometricè, praesertim quia aliqua Instrumento nostro perfici non possunt. Verùm quoniam id geometricè in planis figuris effici non potest sine inventione mediae proportionalis inter duas rectas lineas datas; nec in solidis, nisi inter duas rectas datas duae mediae reperiantur proportionales; ideo de utraque re priùs agendum est. Quoniam praterea non raro figura, sive plana, sive solida, augenda vel minuenda est per numeros, id verò sine inventione unius mediae proportionalis, vel duorum mediorum inter datos duos numeros, perfici non potest; ideo eadem de causâ priùs de hisce inveniendis agendum est.

ADMONITIO.

ADverte hic Lector pro sequentibus praxibus, & pro toto Pantometri usu, si ad normam Pantometri in Libro primo descripti fiat Quadratum majus v. g. quatuor aut quinque pedum Romanorum, versatile circa suum Orbem & Cursore suo instructum; longè faciliorem & universaliorem futurum Instrumenti nostri usum.

CAPUT PRIMUM.

De inventione mediarum proportionalium, tam in discreta, quàm in continua quantitate.

Quoniam non perse, sed in ordine ad dicenda tum hoc, tum aliis libris, tractabimus de mediarum proportionalium Inventionem, Lemmata vocabimus sequentes Propositiones.

LEMMA I.

Inter duos numeros medium proportionalem invenire.

Duos numeros propósitos multiplica inter se, & ex producto erue radicem quadratam; erit hæc radix medio loco proportionalis inter duos numeros datos. Exemplum. Si inter 4 & 16 inveniendus medius proportionalis numerus: multiplica 16 per 4, fiunt 64; cujus radix quadrata est 8, estque medio loco proportionalis inter 4 & 16; quia ut est 4 ad 8, ita 8 ad 16. Quæ porro ratione cruenda sit ex numero quovis data Radix quadrata, docuimus suprâ lib. 3. Par. 1. cap. 8. Demonstratio sumitur ex 17 Sexti, & 20 Septimi lib. Euclidis. Vide etiam quæ dicimus infrâ Libro 10. parte 1. cap. 1. Probl. 8.

LEM.

LEMMA II.

Inter duos numeros datos invenire duos medios proportionales.

Multiplica quadratum minoris numeri dati in majorem numerum datum; & ex producto erue radicem cubicam; & habebis primum medium proportionalem post minorem numerum datum collocandum. Iterum multiplica quadratum majoris numeri dati in minorem numerum datum, & ex producto erue radicem cubicam, & habebis secundum medium proportionalem ante majorem numerum datum collocandum. Exemplum. Sint inter 8 & 27, inveniendi duo medii proportionales in proportionem continuam. Accipe quadratum numeri minoris 8, quod est 64, & duc in majorem, nempe in 27, & producentur 1728, quorum radix cubica est 12, scilicet primus medius proportionalis collocandus post 8. Iterum accipe quadratum numeri majoris 27, quod est 729, & duc in minorem, scilicet in 8, & producentur 5832, quorum radix cubica est 18, scilicet secundus medius proportionalis collocandus ante 27. Sic ergo stabit Exemplum: 8, 12, 18, 27. Demonstrationem vide apud Clav. lib. 6. Geom. pract. Propos. 18. Cæterum invento alterutro mediorum proportionalium numerorum, reperietur etiam alter, si inventus per extremum remotiorem multiplicetur, & producti numeri radix quadrata capiatur; hæc enim erit alter medius quæsitus. Ut si invento primo 12, is multiplicetur per 27, & ex producto extrahatur radix quadrata, quæ erit 18. Praxin extrahendi radicem cubicam vide lo. cit. cap. 9.

LEMMA III.

Inter duas rectas lineas datas invenire mediam proportionalem.

Sint datæ duæ rectæ A B, B C, inter quas invenienda sit media proportionalis. Conjungantur rectæ A B, B C in unam rectam continuam A B C, eaque divisâ bifariam in D, describatur semicirculus.

Fig.
CXXXIII.
Icond. XX.

circulus A E C ad intervallum D A vel D C tandemque ex B puncto erigatur perpendicularis B E ad circumferentiam usque: eritque B E media proportionalis quaesita. Demonstrationem vide apud Euclidem, libro 6. Proposit. 13. Lege etiam Mersennum in Phœnomenis Hydraulicis Propos. 11. & quæ nos diximus in Mechanica Hydro-pneumatica, Parte prima, Protheoriæ 4. cap. 3. Proposit. 8. Ex his colligitur, quomodo duabus datis inveniatur tertia proportionalis.

LEMMA IV.

Inter duas rectas lineas datas, reperire duas alias continuè proportionales.

HOc Problema de inveniendis duabus mediis proportionalibus inter duas quascunque datas, præcipuè tamen inter duas habentes inter se duplam proportionem, agitatum fuit spatio bis mille annorum inter Geometras antiquos & Modernos, occasione Oraculi Delphici de cubico Altari duplicando ad placandum Apollinem peste Græciam devastantem, ut putabatur. Et quamvis quamplurimi omni ævo, ac præstantissimi Mathematici in solvendo Problemate desudârint, nemo tamen ad hanc usque diem verè ac geometricè duas medias proportionales inter duas rectas datas invenit, ut sentit Clavius loco citando; quamvis contrarium videatur Bettino Apiar. 2. Progym. 3. propof. 11. Excogitarunt tamen multi præclarissimi viri modos ingeniosissimos, mechanicè id præstandi, cujusmodi sunt inter Antiquos Eratostenes, Plato, Pappus Alexandr. lib. 8. Recoll. Mathem. Spor. Me-nechmus, Archita, Hero, Apollonius Pergæus, Philo Bysantinus, Philoponus, Diocles, Nicomedes; & inter modernos Orontius Finæus, Villalpandus, Bettinus, & alii. Qui volet legere modos Antiquorum, inveniet ipsos in Commentariis Eutocii Ascalonitæ in lib. 2. Archimed. de Sphæra & Cyliandro, & in Libello Joannis Werneri Norimbergensis de sectionibus Conicis; & aliquos affert Clavius lib. 6. Geom. pract. Propof. 15. Ego ex multis quos reperi apud multos, afferam duos solummodò, qui mihi omnium simplicissimi videntur. Primum habet Kircherus lib. 4. Murgæ cap. 7. Propof. 2. pag. 205, & 206. Alter est Villalpandi tom. 3. Parte 2. lib. 1. cap. 3. Proposit. ultima.

Pri-

Primus modus inveniendi duas medias proportionales inter duas datas rectas lineas.

Sint datæ duæ rectæ AB major, & AC minor. Constituantur ad angulum rectum BAC , ut in figura patet; & producantur ambæ ad punctum A utcunque versus D & E . Deinde interior normæ alicujus angulus D , super rectam AD sursum deorsumque moveatur, servato semper latere interiore DB super punctum B lineæ AB datæ, donec alia norma ad intersectionem E applicata, & prioris normæ lateri DE contigua, transeat per punctum C extremum alterius datæ rectæ AC . Dico, duas rectas AD , AE , medias esse proportionales inter duas datas AB , AC .

CXXXIV.
Fig.
Iconis. XX.

DEMONSTRATIO.

Cum enim angulus BDE sit rectus, erit is in semicirculo, per 31. Tertii Euclid. eruntque BA , AD , AE continuè proportionales, per octavam Sexti Euclid. Similiter AD , AE , AC proportionales esse constet, propter eandem rationem: Erunt igitur omnes quatuor continuè proportionales, quod erat faciendum.

Si igitur datæ rectæ sumantur in duplâ ratione, erit Cubus minoris mediæ proportionalis duplus cubi minoris extremæ, per 18. Decim tertii Euclid.

Secundus modus inveniendi inter duas rectas datas, duas medias.

Flat ex ære, aut quavis alia materia solidæ, norma $ABDC$, quàm accuratissimè constructa, ita ut linea ABD sit recta, & uterque angulus ABC , DBC , sit rectus, punctum B exactè respondeat angulo recto DBC ; factumque erit instrumentum, duabus mediis invenendis non incommodum, cujus omnem formam vides in figura. Ejus verò usus est ejusmodi.

Sint datæ duæ rectæ, EF , EG , & circa majorem EF descriptus sit semicirculus EHF , quem perpendicularis GH secet in H ; & centro E , Intervallo EH , describatur arcus HI ; & rursum ex I erigatur perpendicularis IK , eritque EH , vel EI , minor quidem quàm secunda ex quatuor proportionalibus, incipiendo à Ff .

majo-

F.CXXXV
Icon, XX.

majori, at recta EK, vel EN erit major quàm eadem secunda, ut demonstrat Villalpandus loco citato Proposit. 9. Fiet igitur ut secunda ex quatuor proportionalibus, si applicetur ex puncto E, ad peripheriam semicirculi EHF, necessario cadat ad aliquod punctum inter puncta H & K. Quæ applicatio ut per Instrumentum positum fiat, describantur prius centro E utcunque aliquot arcus secantes diametrum EF, & arcum HK in punctis inter puncta H & K; eisque descriptis, ut videre est in figura, applicetur punctum Instrumenti B, nempe angulus rectus. perpendiculari GH; & latus BA protendatur per punctum E; idemque angulus B sursum moveatur vel deorsum, per rectam GH, donec regula AD, quæ interim semper protenditur per punctum E, secet circumferentiam EHF, & altera regula BC secet diametrum EF in punctis, in quibus eandem circumferentiam & diametrum secat unus aliquis arcuum ab initio descriptorum; vel certe verisimile sit, & ita sensus judicet, si per alterum illorum punctorum centro E describatur arcus, eum transiturum esse per reliquum punctum: tali enim in situ si Instrumentum consistat, inventæ erunt duæ mediæ inter datas. Ponamus enim centro E, per punctum L, in quo regula BC secat diametrum, descriptum arcum transire per punctum M, in quo circumferentiam secat regula AD. Dico, rectas EM, EB, esse duas medias inter EF, EG. Ductâ enim MF, erunt MF, BL parallelæ, per 28 Primi; ac proinde triangula EMF, EBL, similia erunt, per Corollar. quarta Sexti Euclid. Est autem, per octavam Sexti Euclid. triangulo EBL, simile quoque triangulum EBG, ob perpendicularem BG, quæ in basim EL cadit ex angulo recto EBL. Igitur omnia tria triangula erunt similia. Quare eadem erit proportio EF, ad EM, sive EL, (eò quòd EL, EM ponuntur æquales) quæ EL, ad EB, & EB ad EG. Atque adeo inter duas datas inventæ erunt duæ mediæ, quas invenire erat propositum.

ANNOTATIO I.

Hic secundus modus est longè facilior & simplicior priori. Instrumentum etiam huius secundi modi vel propterea aliq̃ est præferendum, quòd planum, ac solidum, simplicissimumque sit, & in quo nulla movenda sit ejusdem pars. Assidua enim nos docuit experientia, inquit Villalpandus

lalandus in Scholio citata Proposit. instrumenta illa quarum partes movenda, aliterque atque aliter aptanda sunt, exacta fieri vix posse, exactè usibus deservire nulla ratione posse. In hoc verò instrumento non tantum ejus fabrica & examinatio facilis, verum ipsa operatio haud difficilis: eam verò examinare facillimum erit. Nam constituto, ut praximus, Instrumento, notanda in figura tantummodo essent puncta M & L , & circini pede fixo in E , alter extendendus usque in M , vel L , & circumducendus circinus, probandumque num cum reliquo exactè concordet: hoc enim invento, jungetur recta EM , qua duas medias dabit, EM , EB : si verò non ita exactè respondeat circinus, iterum applicandum esset instrumentum, & reliqua peragenda, ut praefertur.

ANNOTATIO II.

INventio duarum mediarum mechanica modis dictis, aut aliis aliorum rationibus, sufficit pro praxi, nec major requiritur praxis, nec si geometricè essent inventa duae mediae, major in praxi haberi posset praxis. Quare perinde est, sive mechanicè, sive geometricè inveniantur duae mediae in ordine ad praxin.

LEMMA V.

Datis duobus numeris, tertium continuè proportionalem invenire.

DUc secundum in seipsum, & productum divide per primum: quotus productus erit tertius proportionalis. Sint dati numerus & 4: multiplica 4 in se, fiunt 16: hæc divide per 2, fiunt 8, scilicet tertius proportionalis quæ sit.

LEMMA VI.

Datis tribus lineis rectis, quartam proportionalem invenire.

HOc etiam Problema hic apponendum est ex Euclide, quoniam illo frequenter indigebimus.

Sint ergo tres lineæ rectæ AB , BC , AD , quibus inveniendæ sit quarta proportionalis, ad quam sit AD , sicut est AB ad BC .

Ff 2

Dispo.

Fig.
CXXXVI.
Icon. XX.

Disponantur primæ duæ AB, BC , secundum lineam rectam, quæ sit AC : Tertia verò AD , cum prima AB , faciat angulum A quemcunque. Deinde ex B ad D ducatur recta BD , cui per C parallela ducatur CE , ac rectæ AD productæ, in E puncto. Dico, DE esse quartam proportionalem. Demonstrat Euclides lib. 6. Proposit. 11,

LEMMA VII.

Datis tribus numeris quartum proportionalem invenire.

UTere Regula Proportionum, quam Arithmetici appellant Regulam trium, seu Regulam Auream, disponendo numeros datos ut ille docenti; & invenies quod quæris.

CAPUT SECUNDUM.

De transformatione triangulorum planorum rectilineorum in alias planas rectilineas figuras.

Figura plana est superficies, quæ sub uno aut pluribus terminis comprehenditur atque concluditur, ut sunt circulus, triangulum, quadratum, parallelogrammum, & similia. Harum aliæ sunt rectilineæ, aliæ curvilineæ. Inter alias affectiones, quæ planis figuris rectilineis tribuuntur, est, quod aliquæ sunt inter se similes, similiterque positæ. Similes figuræ sunt, quæ angulos singulos singulis habent æquales, & latera quæ sunt circum æquales, angulos, proportionalia, ut habet Euclides lib. 6. Element. Definit. 1. Similiter positæ dicuntur figuræ, quando termini proportionales simili situ respondent, superi superis, inferi inferis, dextri dextris, sinistri sinistris, prout mox patebit ex figuris.

PRO-

PROBLEMA I.

Triangulo cuicunque dato constituere aliud simile, similiterq; positum, cujus singula latera sint vel equalia, vel majora, vel minora, in quacunque proportionē.

Mechanicè per Instrumentum.

Sit primò datum triangulum ABC qualecunque, hoc est, sive ^{Fig. CXXXVII} æquilaterum sit, sive isosceles, sive scalenum; sitque constitu- ^{Icon, XX,} endum aliud quoad peripheriam majus in quacunque proportionē, verbi gratia, in tripla, priori tamen simile, similiterque positum, juxta sensum explicatum. Firma Instrumentum supra suum sustentaculum seu pedem, illudque constitue horizonti parallelum, ut serviat loco mensulæ. Deinde cavitati ejus impone chartam quadratam, prout diximus supra libro 2, 3, & 4. His factis, colloca triangulum ABC datum supra chartam Instrumento impositam, & promove Cursorem supra lineam BC ; & Instrumento manente immoto retrahe cursolem quantum libuerit, aut necessarium judicaveris, & juxta ipsius latus duc lineam EF triplo longiorem lineam BC . Hoc etiam factò, relinque Orbem Interiorem Instrumenti unà cum charta imposita omnino immotum; Quadratum verò Instrumenti unà cum Curseore gyra circa orbem, & colloca Cursorem supra lineam CA ; eoque retractò (manente interim toto Instrumento omnino immobili) promove ipsum præcisè supra punctum F lineam EF , & juxta ipsius latus fac lineam FD triplo majorem lineam CA . Tandem hoc præstò, relinque ut antea Orbem Instrumenti immotum, & gyra Quadratum unà cum Curseore, & Cursorem promove supra lineam AB ; eoque retractò (manente Instrumento fixo) promove ipsum supra punctum D lineam FD , & juxta ipsius latus duc lineam DE ; quæ si non cadat supra punctum E , erratum est; si verò cadat supra hoc punctum, erit triangulum DEF simile triangulo ABC , eoque triplo majus. Ratio patet ex ipso modo operandi.

Ff 3

randii

randi; triplicata sunt enim latera, & ubique servata est æqualitas angulorum, propter latera utriusque parallela.

Sit secundò dātum triangulum DEF qualecunque, eique constituendum sit aliud simile, priori tamen triplo minus quoad circumferentiam. Firmato Instrumento ut dictum, ipsique imposita ichnographia trianguli dati DEF, pone supra ipsum aliam chartam, & operare ut antea, modo tamen contrario. Hoc est, colloca Curforem supra lineam EF, & orbe manente immoto, promove ipsum intus quantum vis, aut quantum necesse est, & duc juxta ipsius latus lineam BC triplo minorem lineam EF. Gytrato deinde Quadrato, colloca Curforem supra lineam FD; eoque intus promotò supra punctum C lineam BC, duc lineam CA triplo minorem lineam FD. Tandem gytrato Quadrato, & Curfore collocato supra lineam DE, promove illum intus supra punctum A lineam CA, & fac lineam AB; eritque factum quod petebatur.

Fig.
CXXXIIX
Icon. XX.

Sit tertio dātum triangulum ABC cujuscunque conditionis, eique constituendum sit aliud DEF & simile & æquale. Firma supra Instrumentum ichnographiam trianguli ABC, & pone Curforem supra lineam BC, & juxta ipsius latus fac aliam lineam EF priori omnino æqualem. Deinde gytra Quadratum Instrumenti, & colloca Curforem supra lineam CA; moxque retractum promove supra punctum F, & juxta ipsius latus duc rectam FD æqualem ipsi CA. Tandem gytrato Quadrato colloca curforem supra lineam AB; eoque retracto, promove ipsum supra punctum D, seu E, & fac rectam DE; eritque factum quod petitur.

ANNOTATIO I.

Non est necessarium ut figura augenda formetur circa, & figura minuenda extra prototypum, sed potest formari juxta, ut factum vides in hoc tertio casu, & videbis in praxi sequenti, præsertim si ad normam Pantometri conficias tibi majus Instrumentum, ut supra diximus in Admonitione.

Sine Instrumento.

Sit primò dato triangulo ABC constituendum aliud DEF simile, cujus tamen singula latera sint triplo majora singulis lateribus prioris. Fac primò lineam EF triplo longiorem linâ BC; deinceps









Fig. XLV

Fig. CXLVII



Fig. CXLVI



Fig. CXLVIII




Fig. CXLI



deinde divaricato circino ad triplam distantiam lateris CA , colloca unum pedem in F , altero verò describe arcum supra lineam EF . Tandem aperi circinum ad triplam distantiam lateris BA , & pone unum pedem in E ; altero verò describe alium arcum supra eandem lineam EF , qui priorem interfecet in puncto D . Ex puncto D duc rectas DE , DF ; eritque triangulum DEF simile priori, & latera singula erunt triplo majora.

Sit deinde dato triangulo DEF constituendum aliud ABC simile, triplo tamen minus quoad latera. Super linea BC triplo minore quàm linea EF , constitue modo dicto latera BA , CA , triplo minora lateribus ED , FD . Simili prorsus ratione facies triangulum alteri dato simile & æquale. Ratio operationis pendet ex Propos. 12. & 23. lib. 1. Euclid.

ANNOTATIO II.

*Q*uod dixi de augmento ac diminutione in proportionem tripla, debet etiam intelligi de augmentatione in quacunque data aut assumpta proportionem: in omnibus enim est eadem operandi ratio, tam per Instrumentum, quàm sine Instrumento.

PROBLEMA II.

Triangulo cuicunque dato constituere aliud simile majus, vel minus quoad superficiem, sub quavis proportionem.

Mechanicè per Instrumentum.

*S*it datum triangulum ABC , quodcunque illud sit, cui simile si-
 militerque positum sit describendum minus DEF , secundum
 proportionem datam G ad H , aut aliam quamcunque. Tribus
 rectis G , H , & BC (quod dico de latere BC , intelligi debet de
 quovis aliorum laterum BA , CA) inveniatur quarta proportio-
 nalis I , per 12. Sexti, aut per Lemma quintum hujus Libri. Deinde dua-
 bus BC , & I , inveniatur media proportionalis EF , per 13. Sexti. aut
 Lemma tertium hujus. Tandem super recta EF describe triangu-
 lum DEF , simile similiterque positum triangulo ABC , per prox-
 imum

Fig.
CXXXI
Icon, XX.

Fig. CXL;
Icon. XXI.

xim Problematis præcedentis. Dico, triangulum DEF esse minus triangulo ABC, secundum proportionem datam Gad H.

DEMONSTRATIO.

TRes rectæ, BC, EF, & I, sunt continuè proportionales, ex constructione: ergo, per 19 aut 20 Sexti, ut est BC prima ad I tertiam, hoc est, per constructionem, ut G ad H, ita est rectilineum DEF supersecundam, illi simile similiterque positum.

ANNOTATIO.

Non secus dato triangulo minori describitur aliud majus simile similiterque positum, secundum proportionem datam, ut si triangulo DEF describendum esset aliud ABC majus simile, secundum proportionem Had G. Eadem enim est prorsus constructio, atque demonstratio.

Sine Instrumento.

Sine eadem præstanda quæ antea. Inveniatur eadem EF media proportionalis inter BC & I. Deinde super EF fiat angulus DEF, æqualis angulo ABC; & angulus DFE æqualis angulo ACB; & ducantur rectæ ED, FD, quæ interfecabunt se in D, & constituent triangulum DEF, simile similiterque positum triangulo ABC, sed minus secundum proportionem datam Gad H. Simile quidem, quia per constructionem, & trigessimam secundam Primi, singuli anguli hujus sunt æquales singulis angulis illius; & per quartam Sexti, latera circa æquales angulos proportionalia: Similiter positum, ex constructione facta. Minus secundum proportionem datam, per 19 aut 20 Sexti.

Eodem prorsus modo constituetur majus secundum proportionem datam.

COROLLARIUM.

Ex his patet, quomodo quodcunque triangulum datum sit duplicandum, triplicandum, quadruplicandum &c. item quomodo sit constituendum aliud quod sit illius dimidium, pars tertia, quarta &c. servata nihilominus semper eadem similitudine. Si enim proportio G ad H sumatur ut 2 ad 1, vel 3 ad 1, vel 4 ad 1 &c. & reliqua perficiantur ut dictum; habebitur trian-

triangulum simile similiterque positum, quod sit trianguli dati subduplum, subtriplum, subquadruplum &c. Si autem proportio H ad G fiat, at 1 ad 2 , 1 ad 3 , aut 1 ad 4 &c. habebitur triangulum duplo, triplo, quadruplo majus.

PROBLEMA III.

Dato triangulo aequale parallelogrammum rectangulum facere.

Sine Instrumento.

CONstrue parallelogrammum rectangulum, cujus unum latus circa angulum rectum sit æquale altitudini trianguli dati, alterum verò latus circa eundem angulum rectum sit æquale dimidiæ basi, supra quam (etiam protractam) cadit perpendicularis metiens altitudinem trianguli dati, ut vides factum in secunda & quarta figura: vel contrà, construe parallelogrammum rectangulum, cujus unum latus sit æquale dimidiæ altitudini, alterum toti basi supra quam cadit perpendicularis prædicta, prout vides factum in prima & tertia figura: & habebis intentum.

Fig. CXLI
Icon. XXI

DEMONSTRATIO.

QVia in prima figura triangulum X est aequale triangulo O , & triangulum E triangulo p . in secunda figura triangulum m est aequale triangulo n . in tertia figura triangulum q est aequale triangulo s , per 19, 15, & quartam Propositionem Libri. Euclid. in quarta denique figura si producatut recta FG , & erigatur super CD perpendicularis DH , occurrens recta FG producta in H : erit FD parallelogrammum, ac proinde duplum trianguli dati, per 41 Proposit. lib. 1. Euclid. Ergo dimidium FE erit aequale triangulo dato.

Cum Instrumento.

QUomodo cuicunque triangulo dato construendum sit æquale parallelogrammum rectangulum, facile colliget ingeniosus Lector ex dictis Probl. 1 & 2. Rem paucis indico in appositis exemplis, ex quibus intelligi poterit quomodo operandum sit in aliis.

Gg

Si pri-

Si primum triangulum æquilaterum est, aut isosceles, dividatur basis BC bifariam in D , & applicato Curse supra punctum D , & angulum A , ducatur recta AD , quæ dividatur bifariam in r , & posito Curse supra basim BC , moxque retracto (Instrumento manente immoto) & collocato supra punctum r , ducatur recta FG . Iterum posito Curse supra lineam AD , moxque retracto primum ad punctum B , ducatur recta BF , deinde ad punctum C , ducatur recta CG : & habebis intentum.

Si secundum triangulum est similiter æquilaterum, aut isosceles, divide iterum basim CD bifariam in B , & posito Curse supra punctum B , & angulum A , duc rectam AB , deinde retracto Curse ad punctum C , fac rectam CE : tandem posito Curse supra CD , & retracto ad A , fac rectam AE .

Si tertium triangulum est rectangulum ad B , divide latus AB bifariam in E , pone Cursores supra CB , retrahe supra punctum E , duc rectam ED : iterum colloca Cursores supra EB , retrahe supra punctum C , & duc rectam CD .

Si quartum triangulum est scalenum, producat latus CD versus B , erige perpendicularem BA (quod multis modis fieri potest per Instrumentum, ut experiri poteris) colloca Cursores supra CD , retrahe supra angulum A , fac rectam AF , & deinde parallelogrammum FE .

COROLLARIUM.

Ex his facile colligi poterit, quomodo cuicunque triangulo dato construendum sit parallelogrammum non rectangulum æquale, quod Lectoris industria relinquo.

PROBLEMA IV.

Dato triangulo cuicunque constituere æquale quadratum.

R Educ triangulum ad parallelogrammum rectangulum æquale per præcedens Problema; & huic deinde constitue quadratum æquale per Probl. 4. capitis sequentis; & habebis intentum.

PRO-

PROBLEMA V.

*Duobus triangulis, seu aequalibus, seu inaequalibus,
similibus tamen, invenire aliud triangulum
simile aequale.*

Cum Instrumento, & sine illo.

Sint duo triangu-^{f. CXII.}la æquilatera, A, & B, oporteatque invenire ^{Icon. XXI.}triangulum aliud æquilaterum illis æquale. Coniungantur triangulorum bases CD, DE, ut efficiant angulum rectum CDE, ducaturque recta CE; super qua construatur triangulum K simile prioribus, per Problema 1. huius capituli. Dico hoc esse æquale illis, per 31. Proposit. Sexti Euclid.

PROBLEMA VI.

*Triangulum dato quadrato æquale constituere
Sine, & cum Instrumento.*

Sit datum quadratum ABCD, eique constituendum æquale ^{f. CXIII.}triangulum. Ducatur diagonalis BD, & ipsi parallela AE, ^{Icon. XXI.}se-
cans latus CD productum in E; ducaturque recta BE. Dico, tri-
angulum BCE esse æquale quadrato dato. Nam triangulum m
est æquale triangulo n, per 26, & 4. Primi Euclidus.

PROBLEMA VII.

*Triangulum dato parallelogrammo, tam rectangulo,
quàm non rectangulo, æquale constituer.*

Utroque modo.

Operare eo modo, quo diximus operandum in reducendo quadrato ad triangulum, & habebis intectum, Poteris etiam procedere ut in præcedenti Problemate.

PROBLEMA VIII.

Aliter constituere triangulum aequale quadrato, aut parallelogrammo dato.

Utroque modo.

F. CXLIV.
Icon. XXI.

Sit datum quadratum, aut parallelogrammum, $ABCD$. Pro-
ducatur B in E , ut CE sit æqualis ipsi BC , & ducatur recta A
 E ; eritq; triangulum ABE æquale quadrato, aut parallelogram-
mo dato. Ratio desumitur ex 36 & 34 Primi.

PROBLEMA IX.

*Datis quotcunque triangulis aequale triangulum
constituere.*

Utroque modo.

Triangulis fiant æqualia parallelogramma, per tertium hu-
jus capituli; parallelogramis fiant æqualia quadrata, per quar-
tum hujus capituli; quadratis omnibus fiat æquale unum quadra-
tum, per septimam capituli sequentis; quadrato ultimo fiat æqua-
le triangulum, per sextam hujus capituli.

PROBLEMA X.

*Triangulum rectangulum dato circulo aequale quàm
proximè constituere.*

Per Instrumentum, & sine eo.

F. CXLV.
Icon. XXI.

Esto circulus AB , cujus centrum C , eique sit construendum
triangulum rectangulum æquale quàm proximè, juxta regu-
las Archimedeas traditas supra Lib. 3. par. 2. Probl. 7. Primum
fiat angulus rectus FDE , & ex D E abscindatur DG , radio CA
circuli æqualis. Deinde supra lineam DF transferatur circuli
diameter AB ter, à D usque in H ; & insuper pars septima ejusdem
diametri, ab H usque in I . Tandem ducatur recta IG ; eritque
trian-

triangulum IDG , rectangulum ad D , circulo dato quàm proximè æquale, juxta dictam Archimedis regulam.

Potest etiam ex recta DE abscindi diameter circuli, à D usque ad E ; & supra DF transferri ejusdem circuli radius ter , & insuper septima ipsius pars, à D usque in K ; & duci recta KE : sic enim triangulum rectangulum KDE erit similiter æquale quàm proximè circulo dato, juxta dicta loco citato.

CAPUT TERTIUM.

De transmutatione quadrangulorum in alias figuras planas.

Quadrangula sunt primò omnia parallelogrammata, cujusmodi sunt Quadratum, Oblongum, Rhombus, & Rhomboides: deinde omnia Trapezia.

PROBLEMA I.

Quadrangulo quocunque dato describere aliud simile, vel æquale, vel quoad singula latera majus, aut minus, in qualibet proportionem.

Per Instrumentum.

Si datum Quadratum $ABCD$ (quod dico de Quadrato, intelligendum est de quocunque alio Quadrangulo, seu Quadrilatero) cui constituendum sit aliud simile, similiterque positum, sive æquale, sive quoad singula latera majus, aut minus, in quacunque proportionem. Operare modo dicto Capite præcedente Problemate primo, inscribendo nimirum minus majori, aut circumscribendo majus minori, aut constituendo unum ad latus alterius. Nil ampliùs dico, quia qui citatum Problema intellexit, nullam hinc habebit difficultatem.

Sine Instrumento.

Quadrato $ABCD$ constituetur Quadratum $EFGH$ simile, similiterque positum, cujus singula latera sint duplo majora quam

Gg 3

P. CXLVI.
Icos. XXI.

quàm latera prioris; si supra rectam GH duplo majorem rectâ C Derigantur perpendiculares GE, HF , æquales rectâ GH , & ducatur rectâ EF . Eodem modo fit æquale, & minus. Ratio pendet ex 46 primi Euclidis.

Oblongo $ABCD$ constituetur aliud $EFGH$ æquale, aut majus, aut minus, in data proportione, si super rectam GH æqualem, aut majorem, aut minorem in data proportione, erigantur perpendiculares GE, HF , æquales, aut majores, aut minores lateribus CA, DB , in eadem proportionem: & ducatur rectâ EF .

Rhombo (& etiam Rhomboidi) $ABCD$ constituetur alius $EFGH$ æqualis, aut minor, majorvè in data proportionem: si ad rectam E G æqualem, aut majorem, aut minorem secundum datam proportionem rectâ AC , constituatur, per 23 Primi, angulus GFE , æqualis angulo CAB , & ducatur EF æqualis rectâ E G : deinde centro G , intervallo GE fiat arcus versus H ; & iterum centro F , intervallo FE fiat alius arcus versus H , intersecans priorem in puncto H : ac tandem ducantur rectâ EH, GH .

Trapezio $ABCD$ constituetur aliud $EFGH$ æquale, aut majus, aut minus; si primò in dato trapezio ducatur rectâ BD , & super rectâ EH rectâ AD aut æquali, aut majori, aut minori, fiat angulus EHF æqualis angulo ADB ; & ducatur rectâ HF rectâ DB vel æqualis, vel major, vel minor. Deinde si fiat angulus HEF æqualis angulo DAB , & ducatur rectâ EF rectâ AB æqualis, major, minor. Tertiò si super rectâ HF fiant anguli GHE, GFH , æquales angulis CDB, CBD ; & ducantur rectâ HG, FG , quæ necessariò convenient in puncto G .

PROBLEMA II.

Quadrangulo quocunque dato constituere simile aliud majus, aut minus, quoad aream, secundum quamvis proportionem.

Cum Instrumento, & absque Instrumento.

f. CXLVII
Icon, XXI,

Operare modo dicto Capite præcedente Probl. 2. Sitigitur gratiâ exempli datum Quadratum $ABCD$ (quod dico de Qua-

Quadrato, intelligendum est de quovis alio Quadrangulo) cui construendum sit majus secundum proportionem K ad I . Tribus lineis I , K , & CD , inveniatur quarta proportionalis L , ad quam nimirum se habeat CD , ut I ad K . Deinde inter CD , & L , reperiatur media proportionalis GH , supra quam constituatur Quadratum $EFGH$. Erit hoc Quadratum majus priori secundum proportionem datam.

Simili modo constituetur Quadrato $EFGH$ aliud minus secundum proportionem I ad K .

ANNOTATIO.

Eodem prorsus modo operandum est in augmentando ac diminuendo Rhombo. In Oblongo & Rhomboide supra mediam proportionalem inventam erigendum est latus in angulo aequali, quod ad mediam illam proportionalem habeat rationem lateris homologi ad latus homologum media proportionali inventa. Exempli gratia, si quadrangulum hic positum $ABCD$ esset oblongum, & constituendum esset aliud oblongum $EFGH$, majus secundum proportionem K ad I , supra mediam proportionalem GH , deberent erigi rectae GE , HF , quae ad GH haberent eandem proportionem, quam haberent CA , DB , ad rectam CD .

PROBLEMA III.

Aliter quadrangulo cuique dato construere aliud simile similiterque positum, majus, vel minus, secundum proportionem datam.

Utroque modo.

Hæc praxis est Alberti Dureri, eamque refert Clavius in Scho-
lio 3^o. Sexti Euclidis, nec differt à priori nisi in eo, quòd hæc
eàdem operà inveniat mediam proportionalem, ut patebit.

Sit igitur primò Quadratum $ABCD$ quintuplicadum. Pro-
ducto latere AB , ad partes B , quantumlibet, sumantur quinque
partes ipsi AB æquales, à puncto B incipiendo, usque ad E , ut sit B
 E quintupla ipsius AB . Divisà deinde totà AE bifariam in F , de-
scribatur ex F , ad intervallum FA , vel FE , semicirculus AGE ,
pro-

Fig.
CXLVIII.
Icon. XXI.

producaturque latus BD ad circumferentiam usque G . Dicō, quadratum $BGHI$, ex BG descriptum, esse quintuplum quadrati $ABCD$.

DEMONSTRATIO.

BG media proportionalis est inter AB , & BE , per Coroll. Propos. 13. Sex. Erit igitur ut EB prima, ad B tertiam, ita BH quadratum secunda BI , ad AD quadratum tertia BA , ex Coroll. Propos. 20 Sex. Est autem EB , per constructionem, ipsius AB quintupla; Igitur & quadratum BH quintuplum erit quadrati AD .

ANNOTATIO.

SI BE sumatur sextupla lateris AB , erit quadratum recta BG sextuplum quadrati AD . Si autem BC fuerit pars dimidia, aut tertia ipsius AB , erit & quadratum BH dimidium, aut pars tertia, quadrati AD . Denique in quacunque proportionem sumatur BE ad AB , eandem habebis quadratum BH ad quadratum AD . Hac Clavius loco citato, ubi etiam addis sequentem praxin.

F. CXLIX.
Icon. XXI.

Sit rursus rectangulum $ABCD$ (sive quadratum, sive Oblongum) cui inveniendum sit simile similiterque positum, quod duplum sit ipsius. Ex latere AB producto sumatur BE , dupla ipsius AB . Divisā deinde totā AEB bifariam in F , & ex F descripto semicirculo ut prius, ac productā CB ad G erit BG unum latus rectanguli quaesiti. Quare si abscindatur AH , æqualis ipsi BG , & per H agatur ipsi BC parallela HI , occurrens diametro AC productæ in I , perficiaturque parallelogrammum HK ; erit HK ipsi BD simile similiterque positum; quod etiam ajo duplum esse ipsius BD , propter rationem paulò antè dictam.

ANNOTATIO.

Eodem modo si supra AB constitutum fueris quodcunque quadrangulum, erit quod ex BC illi simile similiterque positum describitur, ipsius duplum. Atque in hunc modum semper eam proportionem habebis quadrangulum ex BG , ad quadrangulum simile ex AB , quam habere ponetur recta EB ad rectam BA , ex constructione.

PRO-



FIG. CL.




FIG. CLII.





FIG. CLIII.




FIG. CLIV.




FIG. CLV.




FIG. CLVI.




FIG. CLVII.




FIG. CLVIII.



FIG. CLIX.



PROBLEMA IV.

*Parallelogrammo rectangulo aequale Quadratum
constituere.*

Utroque modo.

INveniatur inter parallelogrammi dati basim & altitudinem media proportionalis, per 13. Sexti, & per Lemma 3. Cap. 1. hujus; nam quod super ea fiet quadratum, æquale erit dato parallelogrammo, per 17. Sexti Euclidis. Praxis porro hujus rei ita institui potest. Sit datum parallelogrammum rectangulum $ABCD$. Fig. CL.
Ico, XXII. Producat in directum recta AB , sumaturque BM æqualis rectæ BD . Deinde divisâ bifariam AM , in O , describatur ex O , intervallo OA , semicirculus, producatque recta BD , donec fecerit semicirculum in N ; eritque BN latus quadrati æqualis parallelogrammo dato, quia BN est media inter AB , BD , per 13. Sexti.

PROBLEMA V.

*Parallelogrammo non rectangulo aequale Quadratum
constituere.*

Utroque modo.

Parallelogramma non rectangula sunt Rhombus, & Rhomboides. Ducatur ergo à quovis angulorum parallelogrammi dati ad basim perpendicularis, & inter ductam perpendicularem & basim inveniatur media proportionalis; ejus enim quadratum æquale erit dato parallelogrammo, per eandem 17. Sexti. Et ratio est; quia tali ratione parallelogrammum non rectangulum reducitur ad rectangulum.

PROBLEMA VI.

Datis duobus quadratis, siue equalibus, siue inæqualibus, unum quadratum aequale invenire.

Hb

Sint

Utroque modo.

Fig. CLI.
Ico. XXII.

Sint data duo quadrata, A minus, & B majus. Producaturlatus FG majoris versus G, & ex producta abscindatur GN æqualis lateri DE minoris, ducaturque hypothenusa HI, quæ erit latus quadrati inveniendi, per 47 *Primi Euclid.*

PROBLEMA VII.

Propositis quocunque quadratis, siue aequalibus, siue inæqualibus, invenire quadratum omnibus illis æquale.

Fig. CLII.
Ico. XXII.

Sint latera quinque quadratorum, A, B, C, D, E; oporteatque invenire quadratum æquale omnibus illis quinque. Fiat angulus rectus FGH, sitque recta FG, æqualis rectæ A; & recta GH, rectæ B. Ductâ deinde rectâ HF fiat angulus rectus FHI, sitque HI æqualis rectæ C. Ductâ rursus rectâ IF, fiat angulus rectus FIK, sitque IK æqualis rectæ D. Ductâ denique rectâ KF, fiat angulus rectus FKL, sitque KL æqualis rectæ E, ducaturque recta FL. Dico, quadratum rectæ FL, æquale esse quinque quadratis positis, per 47. *Primi Euclid.* ita Clavius in 47. *Propos. cit.* apud quem vide etiam Demonstrationem.

COROLLARIUM.

Ex dictis hæcenus patet, quâ ratione reperitur quadratum æquale quocunque rectangulis, & non rectangulis parallelogrammisi; si nimirum hæc prius reducantur ad quadrata, & quadratis inventis reperitur quadratum æquale.

PROBLEMA VIII.

Duobus quadratis inæqualibus propositis, invenire alia duo quadrata, quæ & æqualia sint inter se, & simul sumpta duobus inæqualibus propositis simul sumptis æqualia.

Sine

Sine Instrumento.

Sint A & B latera duorum quadratorum inæqualium. Fiat an- Fig. CLVII.
lco. XXII.
gulus rectus DCE , sitque DC recta æqualis rectæ B , & CE re-
cta æqualis rectæ A . Ductâ deinde rectâ DE , conjungente duo
puncta D , E , constituentur super ipsam duo anguli semirecti DE
 F , EDF ; coeantque rectæ DF , EF (coeunt enim, per 13. Pronunt.
lib. 1. Euclid.) in F . Quoniam igitur in triangulo FDE , anguli FDE ,
 FED , æquales sunt; erunt & latera DF , EF , æqualia, *Per Sextam*
Primi Euclid. ideoque & quadrata eorundem laterum æqualia.
Dico jam, eadem quadrata linearum DF , EF , æqualia esse quadra-
tis linearum A , & B , hoc est, quadratis linearum CE , & CD .

DEMONSTRATIO.

Nam cum in triangulo DEF , anguli FDE , FED , faciant unum re-
ctum; erit reliquus angulus F rectus. Quamobrem per 47 Primi
Euclid: erunt quadrata linearum DF , EF æqualia quadrato linea DE .
Sed eidem quadrato linea DE æqualia sunt quoque quadrata linearum C
 D , CE , per 47 Primi; Igitur quadrata linearum DF , EF , æqualia sunt
quadratis linearum DC , EC , per primum Pronunciat. Lib. 1. Eu-
clid. ita Clavum in Scholio Propof. 47. Euclidis.

COROLLARIUM.

Hinc colligitur quomodo datis parallelogrammis quocunque, siue re-
ctangulis, siue non rectangulis, constituendum sit æquale quadratum.
Si enim parallelogramma illa convertas in quadrata, & hac in unum qua-
dratum; habebis intentum.

PROBLEMA IX.

*Dato quocunque rectilineo, æquale parallelogram-
mum, & quadratum constituere.*

Rectilineum datum resolvatur in triangula, ductis rectis ab u-
no angulorum, ad reliquos omnes angulos, uno excepto; tri-
angula resolvantur in parallelogramma, per tertium Probl. se-
cundi capitis; & parallelogramma in quadrata, per quartum hu-
jus capitis; & quadrata in unum quadratum, per septimum hu-
jus capitis.

Hh 2

CAPUT

CAPUT QUARTUM.

De transmutatione polygonorum rectilí-
neorum in alias figuras.

Polygona seu multangula rectilínea sunt, omnes figuræ planæ
rectilíneæ, quæ plures habent angulos & latera quàm quatuor,
sive regularia sunt, sive irregularia.

PROBLEMA I.

*Polygono cuicunque dato describere aliud simile simi-
literque positum, majus, vel minus, in quacunque
proportione, quoad latera.*

Per Instrumentum facillimè.

Fig. CLIV.
Ico. XXII.

Si dato polygono rectilíneo AFGHI describendum aliud si-
militè similiterque positum majus, aut minus, in quacunq; pro-
portione, v.g. in proportionè quàm habet recta A B, ad rectam A
F. Pone figuram supra chartam Instrumenti, & productis duobus
lateribus A F, A I, (si majus fieri debeat polygonum) educantur ex
A per omnes alios angulos rectæ A C, A D &c. quantum libet, aut
necessarium judicaveris. Deinde ex A F abscindantur A B, æqua-
les datis rectis A B. Post hæc posito Cursore supra rectam F G, &
Instrumento immoto manente, promoveatur antè, vel retro, su-
pra punctum B notatum in latere A F producto, & ducatur juxta
Cursoris latus recta B C, parallela rectæ E G. Iterum posito Cur-
sore supra rectam G H, promoveatur supra punctum C, & ducatur
recta C D. Tandem posito Cursore supra lineam H I, promo-
veatur supra punctum D, & ducatur recta D E. Eodem modo ul-
teriùs operaberis, si plura ad sunt latera. Demonstratio pendet ex
29 Primi, ex quarta Sexti, & ex ipsa Constructione.

ANNOTATIO.

Eodem modo minuuntur atque augentur quæcunq; alia rectilínea po-
lygona; imò & quadrangula, atque triangula, ut jam supra vidimus.
Sive

Sine Instrumento.

EX his facile patet, quomodo operandum sit sine Instrumento; nempe simili prorsus ratione ducendo parallelas BC, CD, DE, lateribus FG, GH, HI, ex punctis B, C, D, E.

PROBLEMA II.

Polygono dato constituere aliud simile similiterque positum, majus, vel minus, quoad aream, secundum datam proportionem.

Utroque modo.

SIT datum, ut antea, polygonum AFGHI, eique describen- Fig. CLV.
lco. XXII.
dum sit aliud majus, vel minus, quoad aream seu superficiem, hoc est. quoad capacitatem, secundum proportionem v. g. rectæ A ad rectam B. Operare modo dicto capite secundo Probl. 2. & Cap. 3. Probl. 2. nempe quære tribus A, B, AF, quartam proportionalem C, & inter duas AF, & C. mediam proportionalem D. & ex latere AF producto polygoni dati abscinde rectam AB æqualem rectæ D, & cætera perice ut dictum. Ratio desumitur ex dictis locis citatis.

PROBLEMA III.

Multangulo dato æquale quadratum constituere.

Utroque modo.

IDEM Problema fuit propositum ac solutum capite præcedente Probl. 9. Fig. CLVI.
lco. XXII.

Sit igitur datum multangulum seu polygonum ABCDEF, cui inveniendum æquale quadratum. Resolvatur polygonum in quotquot potest triangula, ductis ex uno angulorum v. g. A, rectis ad reliquos angulos, ad quos duci possunt. Deinde per Problema 4. Cap. 2. inquire latera, quorum quadrata sint ipsis triangulis ordine æqualia. Tandem per Problema 7. Cap. 3, fiat qua-

dratum omnibus dictis quadratis æquale; & habebis quadratum quæsitum. Ratioper se patet.

ANNOTATIO.

Multa alia ad hoc caput spectantia, leges apud alios Auctores, & præcipuè apud Clavius in Geometria practica Lib. ult. & passim in Scholiis ad Elementa Euclidii.

CAPUT QUINTUM.

De transformatione circulorum in alias figuras planas, & è contrario.

Locutifumus hæcenus de transformatione figurarum planarum rectilinearum in alias figuras planas rectilineas; nunc loquemur de transformatione curvilinearum, id est, circulorum in alias tam rectilineas, quàm curvilineas; sicut & harum in illas.

PROBLEMA I.

Dato Circulo æquale triangulum rectangulum invenire.

Cum Instrumento, & sine Instrumento.

Metire circuli dati diametrum, aut semidiametrum, si potes, & per diametrum investiga circumferentiam, per dicta Lib. 3. parte 2. proposit. 9. Deinde, semidiametrum circuli, & rectam æqualem circumferentiæ, conjunge ad angulum rectum, & duce hypothenusam; eritque triangulum rectangulum constitutum quàm proximè æquale circulo dato, per dicta loc. cit. Proposit. 7.

ANNOTATIO.

Qua arte construatur triangulum æquilaterum æquale dato circulo, docet Metius in Geometria pract. par. 2. cap. 7. præcepto 8.

PRO-

PROBLEMA II.

Dato circulo aequale parallelogrammum rectangulum, & quadratum invenire quàm proximè.

Vtroque modo.

Constituere per præcedentem dato circulo æquale triangulum rectangulum; invento triangulo inveni æquale parallelogrammum rectangulum, per Probl. 3. cap. 2. parallelogrammo constituere æquale quadratum, per Probl. 4. cap. 3. & habebis quod quæritur.

PROBLEMA III.

Aliter dato circulo aequale quadratum constituere.

Vtroque modo.

Libro 3. par. 2. Probl. 10. diximus, quadratum diametri ad circumulum habere fermè proportionem, quam 14 ad 11. Si quis igitur volet secundum hanc proportionem reperire quadratum circulo æquale; dividenda erit diameter circuli in 14 partes æquales, & ex undecima parte, excitanda perpendicularis usque ad circumferentiam; recta enim ducta à principio diametri ad punctum, in quo prædicta perpendicularis secat circumferentiam, erit latus quadrati circulo æqualis. Demonstrationem vide apud Clavium lib. 7. Geometr. præct. in Appendice num. III. in fine. In apposita figura, AC est diameter, AD continet partes ejus 11 ex 14, DB est perpendicularis, AB est latus quadrati æqualis circulo, cujus diameter AC. Ex qua quidem figura statim cuicunque circulo inveniri potest æquale quadratum, si nimirum ex AC abscindatur diameter circuli oblato, & circa ipsum semicirculus describatur, reserabit is ex A B latus quadrati circulo æqualis, ut probat Clavius loc. cit.

Fig. CLVII
ico. XXII.

PROBLEMA IV.

Adhuc aliter dato circulo aequale quadratum constituere.

Utro-

Vtroque modo.

F. CLVIII. **I**nveniendum sit quadratum æquale circulo, cujus semidiameter A. Quærat^r recta B, æqualis semiperipheriæ dati circuli, per dicta lib. 3. par. 2. Probl. 7. & 9. & inter A & B accipiat^r media proportionalis C, per *Proposit. decimam tertiam Libri Sexti Euclidis, aut per Lemma 3. Capitis primi.* Dico, quadratum rectæ C, fore æquale circulo cujus semidiameter A.

DEMONSTRATIO.

Quoniam enim, per dicta Lib. 3. par. 2. Probl. 7. Coroll. 1. rectangulum comprehensum sub semidiametro A, & semiperipheria B, æquale est circulo, cujus radius A; & per *Proposit. 17. Lib. 6. Euclid.* quadratum rectæ C, æquale est rectangulo eidem ex A & B; constat *propositum.*

PROBLEMA V.

Dato quadrato constituere circulum quàm proximè æqualem.

Vtroque modo.

Fig. CLIX. **S**it datum quadratum C B A D, cui circulus æqualis sit describendus In figura Problematis 3. præcedentis, ex recta A B abscindatur recta A E, dati quadrati lateris æqualis. Et ex E educatur ad A B, perpendicularis E F, secans A C in F. Eritque circulus diametri A F, quadrato lateris A E æqualis.

DEMONSTRATIO.

Dvo triangu^{la}, A E F, A B C, sunt æquiangula, quia angulus A est communis, angulus A E F æqualis est angulo A B C, per 31 Tert. cum uterque sit rectus, utpote in semicirculo, ac proinde E F, B C parallela sunt, per 28 Primi, ideoque & duo anguli A F E, A C B æquales sunt. Vt ergo B A ad A C, ita E A ad A F: sed quadratum lateris B A est æquale circulo diametri A C, ut diximus Probl. 3. & probat *Clavius loco cit. ergo &c.*

PRO-

PROBLEMA VI.

*Circulum cuicunque rectilineo dato aequalem
constituere.*

CONstrue quadratum dato rectilineo æquale, per Probl. 3. Cap. præced. Deinde per antecedentem Propositionem describe circulum dicto quadrato æqualem.

COROLLARIUM.

Hinc colligitur, quæ ratione dato parallelogrammo æqualis circulus constituatur: si nimirum parallelogrammum datum prius convertatur in quadratum, per Probl. 4. aut 5. Capitis tertii, hujus Libri; & deinde quadrato fiat æqualis circulus, per paulo ante dicta.

PROBLEMA VII.

*Pluribus circulis datis describere unum circum
æqualem.*

CONverte singulos circulos in singula quadrata, per Probl. 2. aut 3, aut 4. hujus capitis; & omnibus quadratis constitue unum quadratum æquale, per Probl. 7. capitis tertii hujus Libri. Huic quadrato si circulum æqualem constitueris, per Problema quintum hujus capitis, habebis quod quærebatur, non quidem exactè, sed quàm proximè.

PROBLEMA VIII.

*Dato circulo figuram rectilineam æqualem con-
stituere.*

FAc dato circulo æquale quadratum, per Problema secundum, aut tertium, aut quartum hujus; quadrato autem fac rectilineum æquale, & simile alteri rectilineo dato, per 15. Sexti Euclid. eritque hæc figura rectilinea constituta circulo dato æqualis.

PROBLEMA IX.

*Circulum in quavis proportionione data augere,
vel minuire.*

Fig. CLX.
Ico. XXIII. **C**Um circuli inter se sint, ut à diametris descripta quadrata, *per 2. Duodecimi.* circulos datos non aliter augebimus, vel minuemus, quàm ipsa diametrorum quadrata. Sit itaque datus circulus ad diametrum AB descriptus, oporteatque alium describere, ad quem idem circulus datus eandem habeat rationem, quam recta D ad rectam E . Tribus lineis D , E , & AB , inveniatur quarta proportionalis F , *per 12. Sexti, aut Lemma 5. cap. primi hujus lib.* Deinde inter AB , & E , inquiratur media proportionalis GH , *per 13. Sexti, & Lemma 3. primi hujus.* Circulus circa diametrum GH descriptus, erit is, qui quæritur; hoc est, circulus datus cujus diameter AB , habebit eandem proportionem ad circulum, cujus diameter GH , quam habet D ad E . Simili ratione minuetur circulus.

ANNOTATIO.

Quòd si circuli sector, vel sectio sit augenda, aut minuenda, compleatur circulus, & in data ratione augeatur, vel minuat; eademque omnino erit ratio circulorum, atque eorundem similium partium. Vt autem constituentur sectiones & sectores similes, necesse est, ut ad circulorum centra anguli constituentur aequales.

PROBLEMA X.

Circulum duplicare, triplicare, vel quavis proportionione aequali augere, ac minuire.

Fig. CLXI.
Ico. XXIII. **E**Centro A descriptus sit circulus $BEC D$, qui sit duplicandus, triplicandus, quadruplicandus &c. Dirime circulum datum duabus diametris, orthogonaliter sese interfecantibus in centro A , in quatuor quadrantes, & diameter CB ad partes B prolongetur. Deinde recta connexa DB assumatur in diametro prolongata ab A centro usque in F , & ad intervallum AF describatur circulus. Erit is ad priorem duplus.

DE-





FIG. CLX



FIG.



CLXI.



FIG. CLXII



FIG. CLXIII




FIG. CLXIV.




EFGD

FIG. CLXV. A C E D



FIG. CLXVI.



B C D E F



G F E D C

FIG. CLXVII



BACDE

FIG. CLXVIII.



CLXX.

FIG. CLXXI

FIG. CLXIX. A C D



B C D E F G



A D G H



CLXXII.



DEMONSTRATIO.

Circuli inter se sunt; ut proximè dicebam ex secunda Duodecimi, ut à diametris quadrata, & consequenter ut quadrata à semidiametris. Sed quadratum DB duplum est quadrati DA , vel BA , per 47. Primi: Ergo & circulus semidiametri AF duplus est circulo semidiametri AB .

Rursus sumatur distantia FD , & transferatur à centro A in G ; erit circulus ex AG descriptus priori triplus. Si rursus DG transferatur ex A in H , & circulus ad radii AH describatur; eritis priori quadruplus. Atque ita quoties idem hoc feceris, circulum semper augebis. Contraria ratione minuitur circulus, Ratio colligitur ex demonstratione facta.

CAPUT SEXTUM.

De transmutatione figurarum solidarum in alias figuras solidas.

Solidarum figurarum definitionem, saltem aliquarum, discas ex Libro quinto Stereometrico. Hic breviter agemus de illis ad invicem transmutandis, augendis, ac minuendis.

Pantometrum nostrum tunc locum hinc habet, quando latera solidorum, hoc est, superficies, converti debent in alias figuras planas.

PROBLEMA I,

Datum cylindrum in parallelepipedum æquale ejusdem altitudinis convertere; & datum parallelepipedum in cylindrum æqualem ejusdem altitudinis.

Datus sit cylindrus ABC , in parallelepipedum æquale ejusdem altitudinis convertendus. Fiat basi circulari BC , æ. lco. XXIII, quale quadratum ED , per Problema secundum, aut tertium, aut quartum præcedentis capituli, erectisque super ED ad angulos rectos planis, fiat parallelepipedum DF habens eandem altitudinem

nem cum dato cylindro AC ; eritque cylindro, qui ex BC circulo fit in altitudinem BA , æquale parallelepipedum, quod fit ex quadrato DE , circulo æquali, in altitudinem EF , quæ ipsi A B est æqualis.

Quod si datum sit parallelepipedum FD , cui oporteat cylindrum æqualem in æquali altitudine constituere: fiat primò circulus BC , ipsi basi DE æqualis, per Problema quintum præcedentis capitis. Deinde erigatur cylindrus in eadem altitudine: & habebitur intentum.

DEMONSTRATIO.

Basis BC est æqualis basi ED , & altitudo BA altitudini EF , ex suppositione; & è contrario: Cum ergo tam cylindrus, quam parallelepipedum, producat ex ductu basis in altitudinem, ut constat ex Libro quinto Probl. 1. fiet ex multiplicatione seu ductu BC in BA , cylindrus æqualis parallelepipedo factæ ex ductu DE in EF .

COROLLARIUM.

Simili ratione convertetur cylinder & parallelepipedum in quodlibet prisma ejusdem altitudinis; & è converso: si nimirum basi cylindri vel parallelepipedi fiat æqualis basis futuri prismatis, & super ipsam extruatur prisma ejusdem altitudinis cum cylindro aut parallelepipedo.

PROBLEMA II.

Dato cono æqualem pyramidem ejusdem altitudinis constituere; & vicissim pyramidi conum æqualem ejusdem altitudinis.

E. CLXIII.
Ico. XXIII.

Datus sit conus ABC , convertendus in pyramidem EFG , quotcunque laterum. Construatur planum rectilineum, siue triangulum sit, siue quadrangulum, siue multangulum, æquale basi coni dati AB , per dicta capite præcedenti: Deinde super rectilineum illud construatur pyramis, ejusdem cum cono dato altitudinis; & habebis quod queritur.

Si pyramis convertenda sit in conum, describendus est circulus æqualis basi pyramidis, & super circumulum construendus conus ejusdem cum pyramide altitudinis. DE.

DEMONSTRATIO.

Ex ducta basis AB , in altitudinem DC , producitur cylindrus, cuius tertia pars est conus ABC : ex ducta item basis EF in altitudinem HG , producitur prædicto cylindro æquale parallelepipedum, cuius tertia quoque pars est pyramis $EGFH$, ut diximus in Libro quinto, Probl. IV. Ergo constat propositum.

PROBLEMA III.

Dato prismati, vel cylindro, æqualem sub eadem altitudine pyramidem vel conum construere; & è converso, data pyramidi vel cono æquale prisma, vel cylindrum ejusdem altitudinis.

Basis prismatis vel cylindri datitriplicetur, hoc est, sub ratione tripla augeatur, per ea, quæ diximus supra capite 2, 3, 4, & 5, & super eadem basi triplicata extruatur pyramis, vel conus, ad altitudinem ipsius prismatis, vel cylindri: & factum erit quod in prima parte petitur.

Viceversâ, si data pyramis, vel conus datus, in æquale prisma, vel cylindrum, eiusdem tamen cum pyramide, vel cono altitudinis, transmutandi sint, minuenda erit basis ipsius pyramidis, vel cono datæ, sub præfata ratione tripla, & supra ipsam erigendum prisma vel cylindrus, ad ipsius pyramidis, vel cono altitudinem.

DEMONSTRATIO.

Si supra basin triplo majorem, quàm sit basis prismatis, aut cylindri, erigatur prisma, aut cylindrus ejusdem altitudinis cum dato prismate, aut cylindro, consurgit prisma triplo majus priori prismate, & cylindrus triplo major priori cylindro, per Propos. 6 & 11 Lib. Duodec. Euclidis. Cùm ergo pyramis & conus supra triplicatas illas bases constructi, sint tertia pars dicti prismatis, & cylindri triplicati, per Corollarium Proposit. 7. Libri duodecimi Euclid. & per Proposit. 10 eiusdem: erunt ij æquales priori prismati & cylindro, per Proposit. 9 Libri quinti Euclid. Contraria est ratio secunda partis.

COROLLARIUM I.

Quia igitur per Problema secundum & tertium hujus capitis omne prisma in cylindrum, & pyramis in conum conversi potest; & contra, cylindrus in prisma, & conus in pyramidem: Item cylindrus in conum, & prisma in pyramidem; & contra, conus in cylindrum, & pyramis in prisma conversi potest: fit ut indifferenter tam cylindrus, quam prisma transmutari possit in pyramidem, aut conum; ac pyramis in cylindrum aut prisma aequale.

COROLLARIUM II.

Ex dictis patet, quamlibet pyramidem & conum, item quodlibet prisma & cylindrum posse transmutari in parallelepipedum rectangulum, cujus basis sit quadrata. Nam si juxta precedentia precepta pyr, amiconus, cylindrus in prisma quaecunque transmutetur, & quadratum ejusdem prismatis basis aequale construatur, & super illud in eadem altitudine parallelepipedum rectangulum extruatur; erit hoc prismati, ac proinde pyramidi, cono, vel cylindro dato aequale, per secundum Coroll. Proposit. 7 Libri duodecimi Euclidis.

PROBLEMA IV.

Datum cylindrum, vel prisma; similiter datum conum, vel pyramidem, cuiuscunque altitudinis, in aequalem cylindrum &c. sub data qualibet alia altitudine, & supra basem quocunque angulorum revocare.

In proportionem quam data altitudo habet ad altitudinem propositi solidi, augeatur vel minuatur basis ejusdem solidi, per ea quae diximus Capite secundo, tertio, quarto, & quinto. Nam solidum supra hanc basem auctam vel diminutam secundum datam altitudinem constructum, erit id quod quaeritur: Erit enim æquale dato solido, per Propos. 15 & 9. Duodec. Lib. Euclidis, quandoquidem altitudines cum basibus reciprocae sunt.

Quòd

Quod si basi constructi solidi fiat æqualis basis quocunque angulorum, & supra eam construatur solidum sub data altitudine; erit hoc etiam solidum proposito solido æquale.

PROBLEMA V.

*Dato parallelepipedo rectangulo æqualem cubum
construere.*

SI datum parallelepipedum habuerit basin quadratam, tunc F. CLXIV.
lc. XXIII. per Lemma IV. Capitis primi, hujus Libri, inveniantur duæ mediæ proportionales inter ipsius parallelepipedo dati altitudinem, atque ejusdem basis quadratæ latus; atque ex ea media proportionali, quæ eidem basi vicinior fuerit, fiat cubus; eritque hic parallelepipedo dato æqualis.

Si verò datum parallelepipedum non habuerit basin quadratam, sed oblongam, tunc per dicta Probl. 4. Capitis tertij, hujus Libri, converte basin in quadratum, hoc est, inquire latus quadrati eidem basi æqualis. Deinde inter altitudinem parallelepipedo dati, & latus quadrati inventi, quære duas medias proportionales. Tandem ex ea media proportionali, quæ vicinior est lateri quadrati inventi, cubus construatur; qui erit dato parallelepipedo æqualis.

Sit gratiâ exempli parallelepipedum datum $ABCD$, cujus altitudo CD , latitudo BC , longitudo AB ; oporteatque ipsi parallelepipedo æqualem cubum constituere. Inveniaturs basis A C latus tetragonum sive quadratum, hoc est, linea recta, cujus quadratum æquale sit basi A C ; quæ quidem linea recta sit E . Deinde inter rectas E & CD , binæ proportionales mediæ inveniantur, F , G . Ajo, quòd cubus ipsius rectæ lineæ F , æqualis sit dato parallelepipedo A D .

DEMONSTRATIO.

Cum enim parallelepipedum A D æquale sit parallelepipedo, cujus basis est quadratum ex recta E , & altitudo CD , per 31. Undecimi Euclidis. eidemque parallelepipedo sub quadrata basi recta E , & sub altitudine CD , sit, per 34. Undecimi Euclidis, æqualis cubus ex recta F ,
pro-

propterea quod ut basis cubi ex F (nempe quadratum rectæ F) ad quadratum ex E , ita sit, per corollarium Proposit. 20. Libri Sexti Euclidis, recta CD , nempe altitudo parallelepipedum prædicti, ad F , altitudinem cubi ex recta F , (qua quidem proportio est reciproca basibus & altitudinibus) erunt quoque inter se æquales cubus ex recta F , & parallelepipedum AD .

COROLLARIUM I.

Cylindro & Prismati æqualem cubum constituere.

Colligitur hinc primò, quomodo cylindro & prismati dato construat æqualis cubus. Si enim juxta Propositionem primam hujus Capituli fiat dato Cylindro aut prismati æquale parallelepipedum, & per præsentem Propositionem factò parallelepipedo fiat æqualis cubus; erit hic æqualis cylindro dato.

COROLLARIUM II.

Cono & pyramidi æqualem cubum facere.

Colligitur secunda, quomodo cono & pyramidi datis, æqualis cubus construat: sinimirum cono, & pyramidi fiat æquale parallelepipedum, per Corollarium secundum Propositionis tertie hujus & deinde parallelepipedo fiat æqualis cubus.

PROBLEMA VI.

Dato cubo æquale parallelepipedum rectangulum construere in altitudine data, vel supra datam basem.

E. CLXV.
1c. XXIII.

Si datus cubus B , & altitudo data sit A , sub qua construendum sit parallelepipedum rectangulum æquale dato cubo B . Esto C recta linea æqualis uni lateri cubi B , fiatque ut A ad C , sic C ad D , hoc est, altitudini A data, & lateri C cubi propositi, inveniatur tertia proportionalis D , per dicta hoc eodem Libro cap. 1. Lemmate. 3. atque inter C & D rectas lineas inveniatur media proportionalis E , per dicta eodem Lemmate tertio capituli primi hujus.

jus Libri. Dico, parallelepipedum, cujus basis æqualis sit quadrato ipsius E, & altitudo æqualis ipsi A, æquale esse dato cubo B.

DEMONSTRATIO.

Cum enim per constructionem, tres rectæ C, E, D, sint continuè proportionales, erit, per Corollarium Proposit. 20 Libri Sexti Euclidis, quadratum ipsius C, ad quadratum ipsius E, ut C ad D, velut A ad C (ex constructione enim est ut A ad C, ita C ad D:) hoc est, ut quadratum seu basis cubi B, ad quadratum ex E, quod volumus esse basin parallelepipedis construendi: ita eris recta A, qua debes esse altitudo ejusdem parallelepipedis, ad C altitudinem cubi B, hoc est, bases cum altitudinibus erunt reciproca. Quare, per Propositionem 34. Libri. 11. Euclidis, parallelepipedum habens basin æqualem quadrato E, & altitudinem æqualem datæ rectæ A, æquale eris dato cubo B.

Sit deinde data basis B D: quæ si non est parallelogrammum, revocetur ad parallelogrammum æquale, per dicta in præcedentibus Capit. 2, 3, 4, & 5. Et quam proportionem habet basis B D, ad basim cubi dati, eam habeat latus cubi E F ad rectam A (quod fiet si supra latus cubi E F fiat rectangulum æquale basi B D, & super alterum latus hujus rectanguli aliud rectangulum æquale quadrato lateris cubi E F. Nam tunc erit, ut primum rectangulum, hoc est, basis B D, ad secundum rectangulum, id est, ad quadratum, vel basem cubi: ita primi rectanguli basis, videlicet E F, ad basem secundi rectanguli.) Nam si supra basem B D erigatur parallelepipedum in altitudine A, erunt parallelepipedum & cubus æqualia, quippe cum bases & altitudines sint reciproca ex constructione.

Porisma.

Si fiat rectangulum sub rectis C & D, & super ipsum construatur parallelepipedum rectangulum ad altitudinem A, erit similiter hujusmodi parallelepipedum æquale cubo B, quoniam rectangulum prædictum sub C & D, æquale est quadrato sub E, per proposit. 17. Lib. 6. Euclid.

COROLLARIUM I.

*Dato cubo aequale parallelepipedum non rectangulum
invenire in data altitudine.*

Hinc colligitur, quæ ratione dato cubo construendum sit parallelepipedum non rectangulum aequale sub data altitudine.

COROLLARIUM II.

Colligitur præterea, quomodo cuilibet cylindro, prismati, cono, ac pyramidi constitui possit æqualis cubus; si nimirum dictis solidis constituatur aequale rectangulum parallelepipedum, per dicta in præcedentibus; & huic deinde fiat æqualis cubus, & cubo aequale parallelepipedum rectangulum sub data altitudine.

PROBLEMA VII.

Dato parallelepipedo quod non sit cubus, sub data altitudine aequale parallelepipedum construere.

F. CLXVI.
1c. XXIII.

Datum parallelepipedum non cubicum sit A, & data altitudo sit linea B, & linea C sit æqualis altitudini dati parallelepipedum A. Inveniaturs latus quadrati æqualis basi parallelepipedum A, & sit recta D: fiatque ut B ad C, ita D ad E, hoc est, ipsis B, C, D, inveniaturs quarta proportionalis, per Lemma 5 Capitis primi, hujus Libri; tandemque inter D & E inveniaturs media proportionalis F, per Lemma tertium Capitis primi hujus Libri. Ajo, parallelepipedum habens altitudinem æqualem ipsi B datæ rectæ lineæ, basim verò æqualem quadrato rectæ lineæ F, esse æquale dato parallelepipedo A.

DEMONSTRATIO.

Quia enim ex constructione, ut D ad F, ita est F ad E: erit, per corollar. Proposit. 10. Libri Sexti Euclidis, quadratum ipsius D, ad quadratum ipsius F, ut D ad E, vel ut B ad C, per Proposit. 11 Libri Quinti Euclidis. At quadratum ipsius D, per constructionem est æquale basi parallelepipedum A: igitur, per Proposit. 34 Lib. 11. Euclid. paral-

rallelepipedum habens altitudinem aequalem rectæ lineæ B, basim autem ipsius F quadrato aequalem, æquale erit dato parallelepipedo A, quia altitudines basibus sunt mutua.

PROBLEMA VIII.

Dato quocunque parallelepipedo excitare super dato plano quadrangulo, æquale parallelepipedum.

PArallelepipedum datum sit A, datumque planum quadrangulum B; sitque super B erigendum parallelepipedum æquale dato A. Inveniantur, per Propositionem ultimam Lib. 2. Euclidis, duæ rectæ C. & D, quarum quadrata sint æqualia quadrangulo B & basi parallelepipedi A, & ipsis C. D, proportionalis fiat tertia E, per dicta hoc Libro capite primo Lemmate tertio; tandemque altitudini parallelepipedi A æqualis fiat F; & ut C ad E, sic fiat F ad G. Ajo, parallelepipedum habens pro basi quadrangulum B, altitudinem autem G, æquale esse dato parallelepipedo A.

Fig.
CLXVII.
lc. XXIII.

DEMONSTRATIO.

Quia enim tres rectæ lineæ, C, D, E, sunt ex hypothesi continuæ proportionales, erit, per Coroll. Propos. 20. lib. 6. Euclidis, sicut quadratum ipsius C, ad quadratum ipsius D, ita C ad E, seu F ad G. Est autem per constructionem, quadratum ipsius C, æquale quadrangulo B; & quadratum ipsius D, æquale basi parallelepipedi A; atque F rectæ lineæ, æqualis altitudini parallelepipedi A. Igitur parallelepipedum habens basin B, & altitudinem æqualem ipsi G, æquale est dato parallelepipedo A, per Proposit. 34. Libri undecimi Euclidis.

COROLLARIUM.

EX dictis colligitur, quomodo convertendus sit cylinder, Prisma, Conus, Pyramis sub altitudine data, in rectangulum parallelepipedum. Quoniam enim, per Propositionem primam, secundam, & tertiam huius capituli, cuilibet cylindro, prismati, cono, ac pyramidi, constitui potest æquale parallelepipedum; si huic parallelepipedo, per Propositionem quintam & sextam huius capituli, fiat æquale parallelepipedum sub data altitudine vel base data; revocatus erit cylindrus, prisma, conus, ac pyramis in parallelepipedum æquale sub data altitudine.

PROBLEMA IX.

Data sphaera aequalem cubum construere.

ARchimedes lib. 1. de sphaera & cylindro Proposit. 31. demonstrat, quod cylindrus rectus, cujus basis est, maximus sphaerae oblatae circulus, & altitudo diametro ejusdem sphaerae aequalis, habeat sesquialteram proportionem ad sphaeram. Habet autem idem cylindrus ad cylindrum ejusdem basis, cujus altitudo contineat duas tertias diametri sphaerae, proportionem quoque sesquialteram, per Proposit. 14. Libri undecimi Euclidis. Si igitur fiat hujusmodi cylindrus, & cylindro fiat aequale parallelepipedum, per Propositionem primam hujus capituli, parallelepipedo vero aequalis cubus, per Proposit. 4. hujus ejusdem capituli; habebitur quod quaeritur, per Proposit. 9. Libri. 15. Euclidis.

PROBLEMA X.

Dato cubo aequalem sphaeram construere.

Dato cubo tanquam prismati, constituatur aequalis cylindrus, per Propositionem tertiam hujus capituli. Deinde constituatur sphaera constructo cylindro aequalis, hoc est, constituatur sphaera habens diametrum sesquialteram altitudinis cylindri, id est, sphaerae axis comprehendat in se altitudinem cylindri semel, ac insuper ejus dimidiam partem. Haec enim sphaera cylindro, ac proinde & cubo dato coaequabitur; propterea quod cylindrus ejusdem basis altitudinem habens aequalem diametro sphaerae, sesquialter est tam prioris cylindri, quam datae sphaerae, per 14. Duodecimi Euclidis, & 31. Libri primi de sphaera & cylindro Archimedis.

ANNOTATIO,

Qua diximus hac Propositione, non sunt vera praecise & geometricè talia enim essent, si cylindrus dato cubo factus aequalis, per Propositionem tertiam hujus capituli, haberet diametrum basis aequalem altitudini, cujus hic semper contrarium imperatur: est enim diameter circuli minor, & altitudo lateri cubi aequalis.

PRO.

PROBLEMA XI.

Aliter data sphaera aequalem cubum constituere.

Diameter datae sphaerae sit A, circa quam circulus in data sphaera CLXVIII. ^{Fig.} 1co. XXIII. dra maximus describatur, ei que inveniatur aequale quadratum, per Propositionem secundam, tertiam, aut quartam Capituli quinti hujus Libri, cujus latus sit B; accipiatque linea C aequalis duabus tertiis partibus ipsius diametri A; atque inter B & C inveniatur duae mediae continuè proportionales D, & E; atque super D describatur cubus F. Dico, hujus cubum esse aequalem datae sphaerae.

DEMONSTRATIO.

Fiat enim parallelogrammum G, cujus quadrata basis sit aequalis quadrato ipsius B, hoc est, area circuli maximi in proposita sphaera, habeatque altitudinem ipsi C aequalem, nempe duabus tertiis partibus diametri ejusdem datae sphaera: eritque, per ea quae demonstrat Viſalpandus tom. 3. par. 2. lib. 1. cap. 4. Proposit. 6. & Clavius lib. 7. Geometr. pract. Proposit. 16. solidum G ipsi sphaera aequale. Eidem autem aequalis est cubus F. Nam quoniam quatuor lineae, B, D, E, C, sunt continuè proportionales, erit, per Corollar. Proposit. 10. Libri Sexti Euclidis, quadratum ipsius B, nempe basis solidi G, ad quadratum ipsius D, nempe basin cubi F, sicut B ad E. Est autem permutando, sicut B ad E, ita D altitudo cubi F, ad altitudinem solidi G. Habent ergo solida G & F bases cum altitudinibus reciprocas, & idcirco sunt inter se aequales, per 34 Undecimi Euclid.

PROBLEMA XII.

Aliter dato cubo aequalem sphaeram invenire.

Latus dati cubi sit A, & intelligatur sphaera B, cujus diameter sit aequalis lateri A, ei que inveniatur aequalis cubus, per præcedente Propositionem, cujus latus sit C, & fiat sicut A latus cubi, ad diametrum ipsius sphaerae B, hoc est, ad A, ita ipsum latus A dati cubi ad D. Dico, sphaeram circa diametrum D descriptam, aequalem esse cubo dato A. CLXIX. ^{1co. XXIII.}

DEMONSTRATIO.

Intelligentur enim quatuor lineae proportionales, C prima ad secundam A, ut diameter B, hoc est, ut A tertia ad D quartam, juxta constructionem: eruntque ipsis insistentia solida cubica similia etiam proportionalia, per 37. Libri Undecimi Euclidis. At sphaera ad sphaeram habet eandem rationem, quam cubus super diametrum prima sphaera ad cubum super diametrum secunda, ut demonstrat Villalpandus loco cit. Cap. 1. Lemmate 2. quoniam demonstratum est ab Euclide Proposit. 18. Duodecimi, sphaeras inter se esse in triplicata ratione diametrorum; qua etiam ratione se habet cubus ad cubum, per 33. Undecimi Euclid. Ergo sicut cubus super C, ad cubum super A descriptum; ita sphaera B, ad sphaeram, qua super D describeretur: & permutando, per 16. Quinti Euclidis, ut cubus super C, ad sphaeram B, ita cubus super A, ad sphaeram super D descriptam. Sed cubus super C, positus est aequalis sphaera B; ergo & cubus A erit aequalis sphaera D.

PROBLEMA XIII.

Sphaera data construere aequale solidum rectangulum supra basim quoscunque angulorum; & è contrario.

Sphaerae datae fiat aequalis cubus, per nonam hujus; & basi cubi fiat aequalis figura quoscunque laterum, sive ea regularis sit, sive non, per 15. Sexti Euclidis, & supra hanc figuram erigatur solidum rectangulum ad altitudinem cubi; erit solidum hoc aequale cubo constructo, per 2. Corollar. 7^a Duodecimi.

PROBLEMA XIV.

Sphaera data aequalem pyramidem facere.

Quia quoscunque prismati construi potest pyramis aequalis, per Probl. 3. hujus; si sphaerae fiat aequalis cubus per nonam hujus; & cubo tanquam prismati fiat aequalis pyramis; erit eadem pyramis sphaerae aequalis.

PRO-

PROBLEMA XV.

Sphæra data æqualem cylindrum facere.

ARchimedes lib. 1. de sphæra & cylindro, Proposit. 32. demonstrat, cylindrum rectum, cujus basis est maximus sphære datæ circulus, & altitudo diametro ejusdem sphære æqualis, sesquialteram habere proportionem ad sphæram, hoc est, esse ut 3 ad 2. Habet autem idem cylindrus ad cylindrum ejusdem basis, cujus altitudo contineat duas tertias diametri sphære, proportionem quoque sesquialteram: Ergo posterior hic cylindrus est æqualis sphære.

PROBLEMA XVI.

Data sphæra æqualem Conum facere.

QUoniam cuilibet cylindro conus fieri potest æqualis, per Problema tertium hujus capituli: Si cylindrus extruatur sphære æqualis, per præcedens Problema, supra basem videlicet maximo circulo in sphæra æqualem, & cujus altitudo contineat duas tertias diametri; deinde huic cylindro æqualis conus fiat; constitutus erit conus datæ sphære æqualis.

PROBLEMA XVII.

Sphæram cuilibet corpori regulari æqualem construere.

CUbo æqualis sphæra construitur per dicta Problemate decimo & duodecimo.

Tetraëdro sive Pyramidi regulari æqualis sphæra construitur, si Pyramidi fiat Parallelepipedum æquale, per Problema tertium hujus Capituli, & huic parallelepipedo fiat cubus æqualis, per Problema quintum hujus Capituli; & tandem huic cubo fabricetur sphæra æqualis, per Problema 10 & 11 hujus Capituli.

Octaëdro, Dodecaëdro. & Icosaëdro fiet æqualis sphæra hac ratione. Omnibus basibus cujuslibet corporis regularis ex his tribus, fiat quadratum æquale, reducendo nimirum quamlibet

bet basim in quadratum, per Problema nonum Capitis tertii hujus Libri; & deinde omnibus basibus in quadrata reductis inveni-
endo unum quadratum æquale omnibus quadratis, per Proble-
ma 7. Capitis tertii, hujus Libri. Deinde super hoc quadratum
fiat pyramis habens altitudinem æqualem perpendiculari è cen-
tro corporis ad quamlibet basim ductæ, hoc est, altitudini unius
pyramidis ex iis, in quas corpus dividitur è centro. Erit hæc py-
ramis, *per Sextam Duodecimi*, corpori regulari æqualis, quippe
cùm, *per nonam Quinti*, ita se habeat tam pyramis hæc quadrila-
tera ad unam pyramidem corporis regularis, quàm omnes pyra-
mides corporis regularis ad unam pyramidem, ut basis illius, vel
bases omnium pyramidum corporis, ad unam basem; propterea
quòd in Octaëdro proportio est utrobique octupla, in Dodecaë-
dro duodecupla, in Icosaëdro vigecupla. Quare si toti illi pyra-
midi construatur cubus æqualis, eo modo, quo diximus paulò an-
tè de Tetraëdro; atque huic tandem cubo sphaera æqualis fabri-
cetur: erit eadem sphaera illi pyramidi, hoc est, corpori regulari
æqualis.

PROBLEMA XVIII.

*Datis duobus aut pluribus cubis, unum aqua-
lem facere.*

SI dati cubi duo, vel plures, fuerint inter se æquales, faciliè in u-
num cubum coagmentabuntur, si duæ quævis lineæ accipian-
tur, quarum una alteram toties contineat, quot sunt cubi adsi-
gnati, ac mox cubus unus inveniatur, per Problema vigesimum
sequens, qui habeat ad unum ex dictis cubis eam rationem, quam
major linea habet ad minorem: cubus enim ejusmodi inventus
æqualis erit omnibus datis.

Si dati cubi sint inæquales, construatur, *per Problema octa-
vum hujus capituli*, supra basem superiorem primi cubi parallelepi-
pedum rectangulum secundo cubo æquale, ut fiat unum paralle-
lepipedum duobus cubis æquale: & supra hujus parallelepipedum
basem superiorem aliud parallelepipedum æquale tertio cubo;
& sic deinceps, si plures adsint cubi: his enim factis, constructum
erit parallelepipedum omnibus propositis cubis æquale. Huic
ergo

ergo si fiat cubus æqualis, per Probl. 5. hujus capituli, habebis quod quærebas.

PROBLEMA XIX.

*Cubum quotlibet figuris solidis non cubis æqualem
facere.*

EAdem arte quotlibet figuris solidis non cubis, construetur cubus æqualis, si nimirum omnia revocentur ad unum parallelepipedum, per Problemata hujus Capituli, & hoc tandem ad æqualem cubum. Sic sphaera una invenietur, datis quotlibet sphaeris inter se æqualibus, æqualis, per Problema sequens. Pluribus verò sphaeris non æqualibus inter se fiet una sphaera æqualis, si singulis fiant singuli cubi æquales, per 11. Probl. hujus, & deinde omnibus cubis fiat unus cubus æqualis, per præcedens Problema; & tandem huic cubo fiat æqualis sphaera, per decimum Problema hujus Capituli.

PROBLEMA XX.

*Dato solido simile solidum in data ratione majus
vel minus constituer.*

SIt Solidum datum A, eique constituendum sit solidum aliud si-
Smile, ad quod datum solidum A se habeat, ut B ad C. Ipsius lco. XXIII, igitur solidi A lateri cuiuspiam æqualis sumatur recta linea D, & ut B ad C, sic fiat D ad E; atque inter D, E, duæ rectæ inveniantur mediarum proportionales F, G, per Lemma quartum capituli primi hujus Libri: atque super recta linea ipsi G æquali constituatur solidum H, simile & similiter positum solido A dato, per 17. Undecimi. Et quia, per 33. Undecimi, & ejus Corollar. si quatuor rectæ lineæ proportionales fuerint, sicut prima ad quartam, sic est, quod ex prima solidum, ad id quod ex secunda, simile similiterque positum. Igitur solidum A, ad solidum H, erit ut D ad E; hæc autem posita fuit, ut data B ad C. Dato ergo solido A, sub data ratione, constitutum est simile solidum H.

ANNOTATIONES.

I.

EAdem prorsus ratione augebis in data proportione sphaeram, aut minues, eo tantum excepto, quod pro latere dati solidi accipiatur diameter sphaera.

II. Cylindro dato similem cylindrum in data ratione maiorem vel minorem constitues, si juxta praecedentia Problemata ipsi cylindro aequale constitutatur solidum, quod juxta praesens augeatur vel minuat, eique rursus cylindrus constitutatur aequalis, per eadem praecedentia Problemata. Vel certe diametro basis cylindri dati accipiatur aequalis recta, v. g. D in praecedenti diagrammate, inveniaturque ut prius, recta G; ea enim erit diameter basis cylindri, quem oportet constituere; qui quidem tunc erit priori similis, si ei tribuatur altitudo, ad quam altitudo dati cylindri eandem habeat proportionem, quam diameter basis cylindri dati ad diametrum G inveniuntur.

PROBLEMA XXI.

Ex cubo majori detrabere cubum minorem; residuoque cubum aequalem facere; idemque in solidis aliis efficere.

Primus modus.

Supra basem majoris cubi construatur parallelepipedum cubo minori aequale. Deinde ex latere cubi majoris abscindatur recta aequalis altitudini constructi parallelepipedi. Si enim per punctum abscissionis ducatur planum basis cubi parallellum, detractum erit parallelepipedum parallelepipedo constructo (cum habeat eandem basim, & altitudinem cum illo,) hoc est, minori cubo aequale. Si jam reliquo parallelepipedo fiat cubus aequalis, per Problema quintum hujus capituli, factum erit, quod proponitur.

Secundus modus.

Ad F. CLXXI. **S**it A C latus cubi majoris, D F latus cubi minoris. Fiat ut A C ad D F, ita D F ad tertiam lineam G, & tertia G ad quartam H. Deinde

Deinde ex AC altitudine majoris cubi auferatur CI, ipsi H quarta æqualis ducaturque superficies per I punctum, basi cubi majoris parallela. Auferet hæc ex cubo majori, solidum dato cubo minori æquale. Residuum cubi majoris converte in cubum, & habebis intentum. Demonstrationem vide apud Villalpandum tomo primo par. 2. lib. 1. cap. 5. Propos. 14.

ANNOTATIO.

Non aliter procedendum in solidis rectangulis, quoad utrumque modum. Imò per primum modum idem fieri potest in quibuslibet solidis figuris, si prius reducantur ad parallelepipeda rectangula (quando non sunt parallelepipeda) & deinde hæc ad cubos reducantur, & minores cubi à majoribus auferantur, ut dictum, residua in cubos commutentur.

Simili modo ex majori sphaera minorem detrahas, & residuo sphaeram aequalem exhibebis, si utramque sphaeram ad cubum revoces, & ex illo minorem cubum detrahas, residuumque in sphaeram convertas.

PROBLEMA XXII.

*Data quavis aqua quantitate, cubum invenire,
qui ejus sit capax.*

Tradit hoc Problema Villalpandus loco citato, Proposit. 15; quod quoniam non alienum est à nostra materia, quam hic tractamus, placuit non omittere:

Sciendum igitur, tunc aquæ quantitatem dari, quando vel ipsa aqua quocunque in vase, licet illud non expleat, datur; vel quando vas sine aqua, vel etiam pondus duntaxat aquæ proponitur. Quamvis enim in posterioribus duobus casibus aqua ipsa non exhibeatur, nihilominus vase dato, vel pondere, per implementationem vasis dati, vel libratione aquæ juxta pondus præscriptum, aqua habebitur, quam dare oportebat.

Data igitur in hunc modum quavis aqua, fiat primò vas ali-
quod AB, cujus inane formam habeat parallelepipedi rectangu-
li, & basis CL sit quadrata, anguli que quos cum basi faciunt late-
ra, sint recti, quoad fieri poterit; ipsumque vas saltem tantæ sit ca-
pacitatis, ut dubium non sit, quin in eo aqua proposita contineri
possit

F. CLXXII

Ico. XXIII.

possit secundum sensus estimationem. Deinde vas eiusmodi si-
tuatur super aliquo plano, ita ut basis ipsius CL sit exactissime
ad libellam constituta; vel si vasis orificium est basi æquidistans,
statuatur illud plano horizontali æquidistans. Tandem infun-
datur aqua vel data, vel quæ ex dato vase aut pondere fuit inven-
ta; & ubi penitus quievit, notetur diligenter ejus altitudo, quæ sit
v. g. CE , eique seorsim accipiat æqualis recta H ; recta verò G
sit æqualis lateri basis BC ; & inter G & H inveniantur duæ me-
diæ, I , & K , per Lemma IV. Capitis primi, hujus; cubus enim, cujus
latus est I (secunda scilicet quatuor proportionalium, si prima
ponatur G) æqualis erit parallelepipedo BE , atque adeo idem
cubus ex recta I sat præcisè capiet aquam.

DEMONSTRATIO.

Cum enim quatuor rectæ, G, I, K, H sint continuè proportionales, erit
per Corollar. 20. Sexti quadratum ex recta G , hoc est, basis CB
parallelepipedo BE , ad quadratum ex recta I , nempe ad basim cubi rectæ
 I , ut G ad K . Vt autem G ad K , ita est permutando recta I , altitudo cubi
ex I , ad rectam H , nempe ad EC , altitudinem parallelepipedo CE . Qua-
re cum bases parallelepipedo CE , & cubi ex I sint cum eorum altitudini-
bus I & H reciproca, erit per 34. Undecimi, cubus ex I æqualis pa-
rallelepipedo BE , seu aqua proposita BE ; atque adeo
idem cubus I erit capax aqua BE .



LIBER



LIBER IX.

HYDRAGOGICUS,

sive

De Libellatione Aquarum, totaque Libellationis natura.

PROOEMIUM.

Hydrogogia, sive aquarum perductio, earumque pravia Libratio, ut Recentiores appellant, nec tam facilis est, ut negligenda à Geometris sit, solisque practicis Libratoribus & Hydragogis ut plurimum ageometris relinquenda; nec ita difficilis, ut iis sit omnino dene-ganda. Licet enim non rarò hi enormes committant in librationibus errores, saepeque contingat, ut post ingentes sumptus à Principibus & Rebus publicis factos aqua minimè consuant, quò derivanda erant; negandum tamen non est, nonnullos longa experientia edoctos citissimè hac in re prestare, quod vel doctissimi

Ll 3

Geo-

Geometra vix longo tempore prastarent. Vidi ego simplicissimum hominem, ac prorsus idiotam, qui à parente instructus Campum ingentem chorobate panè carie corrosa facillimè librabat; & alveo facto sumptibus exiguis, per eum aquam felicissimè deducebat. Ab utrisque ergo discendum est, & utrorumque praecepta audienda, ut illorum theoria cum horum praxi conjuncta, feliciorum res sortiatur exitum.

Quoniam igitur utilissima est, summèque necessaria, aquarum libratio, eaque facillimè Pantometro nostro peragitur; de ea paulò fusiùs toto hoc Libro agere constitui. Ut verò ^{in pedibus} & majori cum ordine procedamus, differam priùs de tota Libratione in univèrsum, ac deinde de aquarum Librationibus disceptabo; tum quòd mutila secus esset partis explicatio, absque totius explicatione; tum quòd libratio multis etiam nunc scatet difficultatibus, quas proponere atque dissolvere non erit, in trito licet argumento, actum agere. Ad tria ergo summa capita totam hanc tractationem revocabo: in primo agam de Libratione in univèrsum, in secunda de Libratione aquarum, in tertia de Pantometri nostri usu in hoc negotio. Addam parergi loco usum speculi in Libellationibus; fungitur enim id munere atque officio Libella praeclarissimè

CAPUT PRIMUM.

Quid sit Libellatio, & quinam de illa scripserint.

Libratio, seu mavis Libellatio, nihil aliud est, nisi descriptio seu designatio lineæ rectæ horizonti parallelæ, ut vel iuxta illam planum aliquod dirigatur atque libretur, vel utrum libratum sit cognoscatur, vel loca quælibet in eadem supra horizontem altitudine constituentur, constitutæ dignoscantur. Hic est enim finis totius libellationis. Hydragogia verò, seu aquarum libellatio atque perductio, est inquisitio atque inventio lineæ supra horizontem extensæ, juxta quam aut alveos effodere, aut aquæ ductus, canales, tubos, similesque aquarum meatus disponere debeant Hydragogi, (a quarum Perductores) ut per illos aqua de uno ad alium locum derivari atque deduci naturali fluxu possit.

De Librationis non solum modo, sed substantia quoque dissident (quod in Mathematicis rarum est) viri etiam docti, nedum vulgares Libratores; præsertim si de aquarum Librationibus sermo est, uti ex dicendis patebit. De Hydragogia porro, totaque libellandi ratione agunt (quantum quidem mihi constare potuit) Vitruvius libro 8. cap. 6. & 7. ejusque Commentatores Guilhelmus Philander: Cæsar Cæsarianus Architectus Mediolanensis italico, sed prorsus barbaro idiomate: Daniel Barbarus Italico atque latino idiomate; Julius idem Frontinus Libello de Aquæductibus; Plinius lib. 31. cap. 6. Leo Baptista Albertus lib. 10. Architect. cap. 7. Petrus Appianus in Quadrante suo Astronomico Parte 3. Proposit. 13. & in Horoscopia Parte 3. Probl. 13. Nicolaus Tartaglia lib. 3. Scientiæ novæ Proposit. 7. Christophorus Clavius lib. 3. Geometriæ practicæ, Problemate ultimo; Adrianus Metius in Geometria practica parte 2. cap. 2. Præcepto 6. in Corollar. Levinus Hullsius Tract. 1. Mechanicorum Instrumentorum, cap. 49 & 50. Petrus Dionysius Veglia lib. 3. Geometriæ practicæ Proposit. 26. Petrus Cataneus in Geometria practica, versus finem; Salomon Caus lib. 2. Hydraulicorum, Problem. ultimo; Vincentius Scammozus Parte prima de Architectura cap.

cap. 26. & 27; Benedictus Castellus in Libello singulari de Mensura aquarum currentium; Athanasius Kircherus lib. 3. Lucis & Umb. part. 1. cap. 4. Joannes Antonius Maginus in libro de Arte mensurandi parte penult. Nicolaus Cabæus lib. 2. in Meteora Arist. tex. 6. quæst. 4. & alibi; Joannes Baptista Ricciolus to. 1. Almagesti nov. lib. 2. cap. 4. num. 9 & 10. item cap. 13. num. 7. Joannes Baptista Porta lib. 3. Spiritualium cap. ult. Hieronymus Cardanus in Practica Arithmeticæ & Geometriæ, cap. 63. n. 45. ac novissimè Scipio Claramontius in libello posthumo de usu speculi pro Libella.

CAPUT SECUNDUM.




De Libellaticis Instrumentis à Vitruvio enumeratis, videlicet Dioptra, Libra aquaria, & Chorobate.

Libratura aqua, vel potius spatium per quod deducenda est aqua, variis Instrumentis; quorum tamen alia aliis sunt meliora, commodioraque. Vitruvius Lib. 8. cap. 6. enumerat tria, Dioptram, Libram aquariam, & Chorobatem; hanc tamen aliis præfert. *Libratur autem, inquit, dioptrâ, aut librâ aquariâ, aut Chorobate; sed diligentius efficitur per Chorobatem, quod dioptra, libraque fallunt.*

De Dioptra.

Dioptra igitur, præterquàm quod est, teste Suidâ, μηχανικὸν πλάνημα, δι' ὃ οἱ γεωμέτραι ἀποκρίβην τῶν τῶν ἐπαλξίων ἐν διαστήματι ἀναμέτρησιν *instrumentum mechanicum, quo Geometra ex intervallo explorant dimensionem propugnaculorum, turrium, & universim quarumcunque distantiarum.* Significat enim, inquit Philander in citatum Vitruvii locum. Instrumentum librandis aquis accommodatum. Quale tamen, & quomodo constructum sit hujusmodi Instrumentum, non explicat, neque indicat, nisi quod dicat, Dioptræ frequentem esse mentionem apud Ptolemæum, Theonem, Proclum, ac etiam apud Plinium lib. 2. cap. 69. Quibus videtur innuere Dioptram Hipparchi, cujus illi meminerunt; quæ
tamen





tamen nihil habet cum Libella commune. Scipio Claramontius ait, Dioptram esse oblongam, rectamque Regulam, per quam transpicimus, sive quòd intus sit uniformi ductu excavata secundum totam longitudinem, seu quòd habeat pinnacidia apposita per quæ transpicimus. Dicitur enim Dioptra ^{ῥοτὸ τῆ διοπτρῆς}, id est, ab inspicendo explorandoque; non verò à ^{δύο} & ^{ὀπίω} quòd sit Instrumentum habens duo foramina, ut ineptè putat Cæsar Casarianus in dictum Vitruvii caput 6: ubi etiam alias duas non minus ineptas hujus vocabuli etymologias affert. Recentiores tamen Mathematici Dioptras appellant in Astrolabiis, Quadrantibus, Quadratis, similibusque Uranometricis, Geometricisque Instrumentis, transversas ac mobiles diametros illas (alhidadas vocant Arabes) quæ pendent ex illorum centrīs, & in quarum extremis erecta sunt pinnacidia perforata, per quæ sit prospectus in corpora cœlestia, aliavè objecta. Imò sola pinnacidia perforata, sive dictis diametris pensilibus affixa sint, sive ipsorummet Instrumentorum lateribus aut dorsis, aliisvè locis adhæreant, Dioptras nonnulli appellant: qua significatione nos passim usi sumus toto hoc opere, præsertim Libro primo, unde & Regulam Pantometri lateri affixam vocamus Regulam dioptricam. Ex his constat, quid sit apud Vitruvium Dioptra, omne videlicet Instrumentum quo visualis radius per foramina, pinnacidia, canaliculos transmissus dirigatur in rectam lineam.

De Libra Aquariæ.

Quid Vitruvius intelligat nomine Libræ aquariæ, si à dioptrici Instrumentis fuit diversa, comperire certò non licuit, quoniam Interpretes omnes silent; nisi quòd Jocundus, antiquus Vitruvii interpres, eam explicet figurâ singulari. Scipio verò Claramontius describit illam hoc schemate, & ait esse Regulam longam ABCD, in uniformis canalīs modum excavatam, & supra fulcrum M E positam ita, ut circa axem M, infra medium Regulæ, atque adeo infra centrum gravitatis, sit versatilis. Si enim canalis impleatur aquâ, & vertatur Regula circa axem, M, usquequò per se quiescit, ex neutra parte deorsum decidens; erit librata Regula, id est, instar Libræ ad horizontem parallela: qua enim

Mm

hinc

Fig.
CLXXIII.
ico. XXIV.

hinc inde à centro æqualiter diuisa erit, unde sibi mutuo æquiperponderabit, ideoque habebit rationem Libræ.

De Chorobate.

Chorobates quid sit, & quomodo constructa, recitat Vitruvius lib. 8. cap. 6. his verbis. *Chorobates autem est Regula longa circiter pedum viginti. Ea habet ancones in capitibus extremis, æquali modo perfectos, inque Regula capitibus ad normam coagmentatos: & inter Regulam & ancones à cardinibus compacta transversaria, quæ habent lineas ad perpendicularum rectè descriptas, pendentias, ex Regula perpendiculara, in singulis partibus singula: quæ cum Regula fuerit collocata, eaque tangent aquæ ac pariter lineas descriptionis indicant libræ collocacionem. Sin autem ventus interpellaverit, & motionibus linea non potuerint certam significationem facere; tunc habeat in superiore parte Canalem longum pedes quinque, latum, digitum; altum, sesquidigitum, eoque aqua infundatur. Et si æqualiter aqua canalis summa labra tanges, sciatur esse libratum &c.* A clicet ex hisce Vitruvii verbis clare colligi possit, quæ ratione Chorobates constructa fuerint tamen Scholiastæ Vitruvii tam diversis eam modis depingunt, ut nullus cum altero conveniat. Aliud enim sçhema proponit Cæsarianus, aliud Barbarus, aliud Jocundus, aliud Porta, aliud Claramontius, aliud alii. Genuinum sçhema interfuerat Vitruvius operi suo; sed id temporis injuriâ deperditum fuit. Ego puto compositam fuisse Chorobatem ut hic apparet.

Fig.
CLXXIV.
Ico, XXIV.

In hoc diagramate, A B, est Regula longa pedes viginti; C & D sunt ancones in capitibus extremis Regulæ ad normam seu angulum rectum erecti. E, F, G, H, sunt transversaria inter Regulam & ancones compacta à cardinibus seu clavis teretibus E, F &c. E I, F L, G K, H M, sunt lineæ perpendiculares, & perpendiculara pendentia ex Regula, nempe singula in singulis transversariis. N O est canalis longus pedes quinque &c. in superiore parte Chorobatis.

Habet Chorobates hoc incommodi, quòd in ejus usu oporteat Libellatorem deferre secum aquam per campos, ut canalis N O identidem repleri de novo possit. At occurri huic incommodopotest. si supra canalem N O erigantur duo vitreæ tubi P N, Q O, & tam tubi, quàm canalis operiantur, ut aqua effluere non possit,

possit, dum circumfertur Instrumentum. Si enim in dictis tubis vitreis fiant colore aliquo circuli, Regulæ B A paralleli, & æqualiter ab ipsius planitie distantes, & infusâ per apertum tubulum P Naquâ repleatur canalis N O ita, ut aqua pertingat ad coloratos circulos usque, iterumque claudatur tubulus; eadem aqua semper, vel saltem longissimo tempore, servire poterit.

CAPVT TERTIVM.

De aliis Instrumentis libellaticis, à variis
Auctoribus usurpatis.

HActenus de Instrumentis libellaticis à Vitruvio enumeratis; nunc de aliis, à variis Auctoribus usurpatis breviter aliquid dicendum, cuiusmodi sunt quæ sequuntur.

De Quadrante, Quadrato, Astrolabio,
& Planimetro.

Nicolaus Tartaglia loco suprà citato utitur Quadrante Geometrico: Petrus Apianus locis item suprà citatis, Quadrante Astronomico, & Horoscopio in Quadrantis formam elaborato: Clavius Quadrato Geometrico stabili: Veglia & Magnus Quadrante & Quadrato: Hulsius iisdem, uti & Instrumento suo Planimetro in semicirculi formam elaborato, quod describit ipse loco citato: Metius semicirculo Astrolabii dorso inscripto, & mobili diametro ceu Dioptrâ instructo; uti & Quadrante, atque Quadrato eidem Astrolabio inscriptis: Cataneus, Porta, & alii Chorobate: alii aliis Instrumentis, quæ variis modis construi possunt.

Quomodo quadrans & quadratum constuantur, sive in Astrolabio, sive extra illud, constat plerisque, & passim in multis libris est obvium. Planimetrum Hulsii conficitur è duro ligno (aliâve materia solida) ferè unius pollicis crassitie, in forma semicirculi, magnitudine libita.

De Libella ordinaria.

Possimus etiam uti Instrumento illo, quo omnes passim Archi-
 tecti, Cœmentarii, Arcularii, simileque utuntur Artifices, & à
 Scriptoribus Italis Libella (vulgò *Livella*) appellatur. Construi-
 tur ut apposita figura monstrat; ex asserculis, quorum alter CD
 perpendicularis est alteri AB; & ex centro C pendet filum cum
 pondere D, quod, ut liberiùs pendeat filum, vel subintrat fora-
 men in asserculo AB factum apud D, vel pendet infra dictum as-
 serculum. Ut verò libratoribus aquarum inservire possit hæc li-
 bella, debent lateri Regulæ AB infigi pinnacidia E, F.

De Regula oblonga.

Potest quoque adhiberi ad libellandum Regula longa ac lata
 ABCD, in qua ad extremitates ducantur lineæ AC, BD, ad
 parallela latera AB, CD perpendiculares; ab ejusmodique recta-
 rum ac perpendicularium linearum summatibus A & B pende-
 ant fila cum perpendiculis AG, BG: arque ita collocetur Instru-
 mentum supra fulcrum aliquod, ut fila libero perpendiculorum
 motu perpendiculares ipsas lineas AC, BD, occupent: erit enim
 tunc Regula librata, & horizonti parallela: Unde si dioptras seu
 pinnacidia infigas Regulæ, & per ea dirigas radium visuale, erit
 ille quoque horizonti parallelus. Posset etiam in latere prædictæ
 Regulæ oblongæ duci per medium lineæ EF, perpendicularis li-
 neis AB, CD; & in summitate E affigi filum cum perpendiculo E
 G, ommissis perpendiculis AG & BG. Si enim Regula collocatur
 ut dictum, & perpendiculum EG congruit exactè lineæ EF, erit
 similiter Instrumentum libratum seu horizonti parallelum, ac
 proinde & radius per dioptras projectus, & lineæ secundum hunc
 radium ducta, erunt eidem horizonti paralleli.

De Vase Aquario.

Solent nonnulli Hydragogi hîc Romæ, aliisque in locis, ut ipse
 Svidi, & faretur Vincentius Scamozzius Parte prima Architec-
 lib. 3. cap. 27; confirmatque P. Athanasius Kircherus *œnochir.* ad-
 hibere in librandis planis, per quæ aquas deducere cogitant, se-
 quens

Fig:
CLXXVII
Ico, XXIV.

quens artificium, & quidem optimo successu. Concham, aliud-
vè vas latiusculum superius, cujusunque figuræ & magnitudinis
proportionatz, aquâ implent ad summum usque labrum. Deinde
in duobus diametraliter oppositis conchæ locis aquæ impo-
nunt duo lignea trigona prismata, (qualia hic apposita figura mô-
strat,) ejusdem materiæ, ejusdemque omnino densitatis, ac pon-
deris, ita ut superficies C D E F incumbat aquæ, angulus verò so-
lidus A B supra aquam emineat. Demum posito supra scamnum
aliquod è terra nonnihil elevatum vase, quiescenteque aquâ cum
prismatibus ligneis, dirigunt radium visualem versus locum, cu-
jus altitudinem depressionemvè explorare volunt, ita ut prædi-
ctus radius radat exactissimè supremum utriusque prismatis an-
gulum solidum A B: hoc enim factò, statim vident utrum locus
ille, quò dirigitur radius, sit altior aut humilior loco, è quo dirigi-
tur. Ratio hujus rei est, quia aquæ suprema superficies semper,
ubicunque, & quomodocunque collocetur vas, & cujusunque
illud figuræ sit, æquilibratur, hoc est, parallela est horizonti, seu
Astronomico, seu Physico, tametsi mathematicè loquendo sphæ-
ricam affectet figuram, ut Archimedes demonstrat, & Sphæræ
Mundialis Scriptores docent, ac nos etiam insinuavimus in Me-
chanica Hydro-pneumatica Parte prima Protheoria 4. cap. 1.
Proprietate 2. & infra iterum dicemus, Ergo radius visualis præ-
dictam aquæ superficiem, vel potiùs solidos angulos A B, superfi-
ciei prædictæ parallelos contingens ac radens, similiter est hori-
zonti parallelus; Ergo terminus ejusdem radii indicat, utrum lo-
cus alius sit hoc loco altior aut depressior, prout locus ille fuerit
infra aut supra prædictum radii terminum. Hæc tamen intelli-
genda sunt juxta sensum dicendum infra cap. 5. supposit. 4.

Atque hoc Instrumentum ego jure merito appellaverim
Libram aquariam seu aquaticam, quoniam aqua in eo contenta
perfectissimè librat, & mediante illâ librantur aliæ aquæ, & mat-
ria quæcunque. Utuntur eo passim Hydragogi Romani, ut dice-
bam, & sæpissime mihi asseruit P. Kircherus nullum se unquam
expertum fuisse magis exactum, magisque ad librandum aquas
commodum; tametsi nonnihil incommodum sit, ut circumfe-
ratur.

Alii tamen aliter utuntur Vase aquario. Vas enim poculi instar Instrumento cuiusdam libellatico, præsertim Dioptræ supra cap. 2. ex Claramontio descriptæ imponunt, ac ferruminant, aut ligant, poculumque seu Vas laborum æquè altorum undique statuunt: aliqui etiam intus circulum à summa vasis ora æquè distantem delineant. Deinde elevant deprimuntque tamdiu Instrumentum libellaticum, quousque aqua poculo infusa undique aut descriptum intus circulum, aut summa vasis labra æqualiter attingat; hoc enim factò, Instrumentum libratum dicunt, & ad libellæ usum constitutum. Transpiciunt tandem per Dioptram, aut Instrumenti pinnacidia, & reliqua peragunt, ut dicemus infra suo loco.

Sunt qui pro pinnacidiiis, aut pro foramine, rimam ad transpiciendum, in jam memorata oblonga Regula Dioptrica utantur aquæ summitate seu suprema superficie in binis vitreis vasculis Regulæ antedictæ, alterivè tabulæ aut asseri impositis. Cum enim aquæ quiescentis suprema superficies semper sit librata (saltem ad sensum & quantum spectat ad usum, licet revera sit spherica;) linea visualis ipsam in utroque vasculo æquè alto contingens seu radens, est etiam librata.

De Libella extemporalì.

Fig.
CLXXIIIX
Ico, XXIV.

Accidit nonnunquam, ut plani alicujus librandi, aut aquæ libellandæ occasione oblata, omni destituamur libellatico Instrumento. Quo casu extemporalem libellam, ac velut *à m. q. d. i. o. s.* quoddam ita construes. Accipe Regulam AB, saltem ad sensum rectam, eique affige aliam regulam CD ad angulos sensuum iudicio rectos. In hujus Regulæ media planitie duc rectam lineam CD, & è puncto C suspende filum cum pondere, quod perpendiculi officium subeat. Hoc factò, colloca Instrumentum erectum, ut hic vides, supra planum aliquod, quod sensuum iudicio sit æquilibratum; & in regula CD nota lineam quam notat filum perpendiculi liberè pendens; quæ sit vel CD, vel CE. Hoc etiam factò, verte Instrumentum ita, ut A dexteram, B sinistram respiciant, quæ antea contraria respiciebant loca; & perpendiculo liberè cadente, nota iterum lineam, quam perpendiculi filum designat; quæ quidem erit vel CD, vel CF. Si filum in hoc secundo G-



ut in contrarium brachis appensus noceat,
ut in




Fig. CLXXXV.



Fig. CLXXXIII.





Fig. CLXXXIX.



signat : quæ quidem erit vel CD, vel CF. Si filum in hoc secun-
do G.

do situ Instrumenti cadit supra lineam CD, eandem videlicet, supra quam ceciderat in primo situ: erit illa perpendicularis ad lineam AB. Si autem cadit extra lineam CD, notatque lineam CF, cum in primo situ notasset lineam CE: divide spatium EF bifariam, in D v. g., & ex puncto C ad punctum divisionis D, duc lineam rectam CD: eritque hæc linea perpendicularis ad lineam AB, atque adeo parata erit Libella. Et si lateri regulæ AB infigas dioptras, aut erigas aculeos G & H æqualis altitudinis: habebis Libellam extemporalem, librandis planis & aquis non inutilem.

De Libra,

Libra potest etiam pro Libella deservire, illa præsertim, cujus Fig.
CLXXIX.
Ico. XXIV. centrum versionis est supra centrum gravitatis, modo mox explicando. Est Libra AB, quæ lancibus & ponderibus æqualibus C, D, ex A & B appensa, sive brachiorum æqualium AG, BG, æquali gravitate, libretur: sintque pinnacidia E, F, æqualia, seu æquæ alta ad Libram perpendiculariter erecta. Per quæ si transpiciamus, dum pondera Libram constituunt horizonti parallelam: erit visionis linea librata, atque adeo Libra pro Libella deserviet.

Tres porro sunt Libræ species. Prima est, cujus centrum versionis (circa quod scilicet vertitur Libra) & centrum gravitatis sunt unum & idem, ut in prima figura. Secunda, cujus gravitatis centrum est infra, centrum versionis supra, ut in secunda figura. Tertia, cujus centrum gravitatis est supra, centrum versionis infra, ut in tertia figura. Si centrum gravitatis est infra, versionis supra, Libra ab æquilibrio dimota restituitur necessariò in æquilibrio: non item in aliis duabus speciebus, ut in Mechanica demonstratur. Hic loquimur potissimùm de Libra secundæ species. Vide quæ dicimus in Magia par. 3. lib. 4. de Magia Statica.

De Statera,

Statera quoque potest pro Libella deservire, præsertim si centrum ejus fuerit etiam supra, ut de Libra diximus. Sit enim statera FG, dioptris suis H & I instructa, cujus centrum suspensionis sit in E. Suspendatur è fulcro KL, & inæqualibus ponderibus M & N, sed inæqualiter ex contrariis brachiis appensa libretur,

ut in

F. CLXXX
Ico. XXV.

ut in figura apparet. Si visus dirigatur per dioptras H & I; erit linea visionis librata, utpote statera F G, æquidistans; ac proinde Libellatici Instrumenti munere fungetur.

De Speculo.

PRÆter dicta, aliaque similia Instrumenta, traduxit non ita pridem ad Libellandi usum, speculum, vir ingeniosissimus Scipio Claramontius Cæsenas, in Mathematico pulvere jam dudum, & cum laude summa, exercitatissimus. Quem usum, simulque libellandi praxin universam, describit ipse peculiari & eruditissimo libello, quem de usu speculi pro Libella, & de tota Libratione inscribit. Qua de re nos infra fusiùs in fine hujus Libri agemus.

CAPUT QUARTUM.

De Libella Kircheriana, & Claviana.

PULCHERRIMUM est, & ad quævis plana libranda commodissimum, multaque alia perficienda aptissimum, Instrumentum illud, quod fusè describit, & explicat P. Athanasius Kircherus lib. 3. Lucis & umbræ, parte. 1. cap. 4. vocatque ob id Libellam; Ideoque compositionem illius ex ipsomet Kirchero hinc inferere, atque nonnulla addere non gravabor. Addam deinde aliam Libellam ex P. Christophoro Clavio.

Libella Kircheriana.

Fig.
CLXXXI.
Ico. XXV.

Flat seorsim ex duabus Regulis A B, A C, ejusdem latitudinis, longitudinis, & crassitie, Gnomon B A C, è quacunque materia solida ac polita, puta ligno, orichalco, argento &c. ita ut eadem regulæ exactissimè angulum rectum constituent tam in exteriori, quàm interiori concursu A. Deinde applicatâ regulâ aliqua ad extremitates B, C, noventur in eisdem regulis duæ lineolæ, quæ designabunt duas particulas ex utraque regula rescandas, ut in figura vides. Ad hæc præparetur quadrans D E F, ejus magnitudinis, ut perpendicularum D G, quod ex ejus centro demittendum est, non attingat rectam B C, si ea ducta foret: ejusque arcus E F dividatur, juxta regulas de dividendo Quadrante,

aut

aut circulo, in gradus 90, adscriptis etiam numeris ad decimum, aut quintum quemvis gradum, ut fieri assolet in similibus Instru-
mentis, incipiendo à radio DE ; qui non debet esse idem cum ex-
tremo latere Quadrantis, sed ab eodem æquidistare tantum, ut
collocato Quadrante intra Gnomonem, uti figura indicat, & per-
pendiculo superposito radio DE , plumbum perpendiculi non at-
tingat latus Gnomonis. Quod ipsum intelligendum etiam est de
radio DF . Unde colligitur, in fabrica hujus Quadrantis primò
procurandum esse, ut duo latera exteriora exactissimè etiam an-
gulum rectum contineant, quatenus scilicet congruere possint
lateribus Gnomonis, intra quem est collocandus Quadrans. De-
inde eisdem duobus lateribus exterioribus ducendas esse duas li-
neas parallelas DE , DF , in debita distantia, habita scilicet ratio-
ne crassitie plumbi perpendiculi. Et licet eadem parallelæ ne-
cessariò quoque angulum rectum efficiant in concursu D , qualem
efficiant latera exteriora; ut tamen cum majori certitudine pro-
grediamur, examinandus erit idem angulus D , per diversas præ-
xes, quas Geometria præscribit. Imò fortassis rectius fecerimus,
si primò unam solùm earum duxerimus, v. g. rectam DE , ac dein-
de super eam ex assumpto centro D , quod æqualiter distet ab u-
troque latere exteriori, erigatur perpendicularis DF ; in idem e-
nim debet incidere operatio. Quibus diligenter observatis, si de-
nique centro D describatur arcus EF , diligenterque in gradus di-
stribuatur, ut dictum est; confectus erit una cum Gnomone Qua-
drans, atque adeo Libella ipsa, quam construere voluimus.

Præter ea lineamenta, de quibus hæcenus facta est mentio,
depinximus seorsim quandam laminulam perforatam cum suo
perpendiculo. Quæ si in centro D ita infigatur, ut foramen in su-
perficie Quadrantis non jaceat; dependebit perpendiculum ex
eodem foramine multò liberius, quàm si in centro D fixum fuis-
set: siquidem ex foramine illo descendit recta, ex centro verò ne-
cessariò reflectitur; quæ reflexio videtur posse impedire motum
liberum. Et hanc eandem ob causam refecari poterit superficies
Quadrantis intra arcum EF , & latera, intercepta; ne fortè & ipsa
liberum motum perpendiculi impediat, quod facillè contingit,
nisi quàm exactissimè sit complanata.

N^o

Præ-

Præterea in Quadrante DEF, affiximus lateri DF duas pinnulas perforatas, & perpendiculariter supra lateris ejusdem planum erectas; quæ inservient, quando eodem Quadrante, relicto Gnomone, accipienda fuerit alicujus rei altitudo, & alia similia, quæ per Quadrantem, vel Quadratum Geometricum observari solent, ut in ejusmodi Instrumentorum tractatu explicari solet, & legi potest apud Claviū, Maginū, Vegliam, Apianū, Hulsium, & alios Tractatibus citatis capite primo. Quarum pinnularum constitutio hoc solum requirit, ut quoad fieri potest, radius visualis per utrumque foramen emissus, existat parallelus lateri DF. Exactissimam, simul ac commodissimam similium pinnularum fabricationem quære in Astrolabio Clavii lib. 3. Can. 1. ubi etiam in alium quendam Quadrantem incidet, qui in accuratioribus observationibus rerum Astronomicarum plurimum habet momenti.

Postremò ad usum Libellæ convenit habere Regulam saltem non breviorē Gnomonis diametro BC. Et hæc Regula debet duo quævis latera opposita habere parallela, ita ut concursus quatuor superficierum sint, quoad fieri potest, lineæ rectæ, eademque parallelæ: id quod vix poterit fieri rectè, nisi ex metallo conficiatur Regula, vel ligno duro & sicco, & non admodum subtili prout in appposito hîc schemate apparet.

Nota hîc primò, tamen si pinnulæ lateri Quadrantis affixæ servire possint etiam librationibus aquarum, melius tamen esse, si eæ affigantur lateri, aut dorso regulæ AC Gnomonis: & adhuc melius, si regulæ separatæ paulò antè descriptæ lateribus affigantur.

Nota secundò, loco arcus EF Quadrantis fieri posse regulam transversam EF, volubilem circa E & F, & in medio intus plicatilem, divisam similiter in 90 gradus: sic enim totus Quadrans EDF, complicari poterit, lateribus DE, DF, circa D volubilibus.

Libella Claviana.

Pater Christophorus Clavius lib. 3. Geomet. pract. Problem. 45. aliud affert Instrumentum pro librationibus planorum, quando non sunt valde magna, per commodum: atque illud excogi-

cogitasse Joannem Ferrerium Hispanum, nobilem Architectum & Mathematicum. Cujus hæc est constructio.

Compingantur duæ regulæ, AB, AC , ex ligno aliquo solido, ac duro, æqualium crurium, quæ longitudinem habeant satis longam, ita ut distantia inter extrema $B \& C$ contineat decem palmos præcisè, aut etiam plures. Deinde ductâ rectâ AG , ad B perpendicularis, describatur ex A semicirculus quantuscunque IDK , cujus semidiameter AD in tot æquales partes secetur, quot palmi in distantia BC comprehenduntur. Descripto quoque circa AD semicirculo occulto AED , transferantur ex D in ejus peripheriam omnia intervalla inter D , & puncta rectæ AD : ac tandem ex A , per singula puncta semicirculi AED , rectæ occultæ emittantur, notenturque intersectiones earum cum peripheria D , atque in alteram peripheriam DK transportentur. Si namque ex A filum cum perpendiculo egrediatur, & omnes partes excindantur, relictis solum cruribus instrumenti AB, AC , unâ cum peripheria semicirculi IDK : constructum erit Instrumentum ad librationes peropportuna.

Aliud simile Instrumentum, sed hoc aliquantò laboriosius, reperi inter manuscripta Patris Christophori Grünbergeri, in hoc Collegio Romano olim Mathematicæ Professoris; quod tamen ob difficiliorem constructionem hic omitto.

CAPUT QUINTUM.

Suppositiones variæ Libratorum.

HActenus de Instrumentis ad libellandum, seu mavis, librandum necessariis utilibusvè tractavimus; nunc de ipsa libellandi seu librandi praxi tractandum, idque tam ex communi Practicorum, quàm singulari Mathematicorum sententia. Quod ut majori cum fundamento præstemus, præmittere libuit varias Libratorum suppositiones, quas in praxi velut indubitatas supponunt Practici, hoc est, Libratores ordinarii & ageometræ, imò & Geometræ etiam; easque breviter examinabimus, non contradicendi studio, sed veritatis inquirendæ amore.

Suppositio Prima.

Terra & Aqua Terra infusa ac circumfusa, maribusque ac lacubus præcipuè comprehensa, unicum constituunt globum, unicâ atque continuâ superficie, licet montibus ac vallibus asperatâ, contentum; quem ob id Terraqueum appellant Recentiores. Conveniunt in hoc plerique Philosophi ac Mathematici, explodentes, ac tantum non ridentes Antiquos, quos inter Anaximander Terram statuebat similem columnæ, Leucippus cylindro seu tympano bellico, Cleanthes cono seu turbini, Heraclitus scaphio, Democritus disco cavo, Anaximenes & Empedocles mensæ planæ, ut ex Aristotele, Plutarcho, ac Laërtio refert P. Joannes Baptista Ricciolus tomo. 1. Almag. Novi lib. 2. cap. 1. Argumenta pro Terraquei globi rotunditate vide apud Ricciolum, & Sphæræ Scriptores quos citat.

Suppositio Secunda.

Terra, seu Terraquei globi centrum est centrum commune omnium gravium, quo videlicet omnia gravia per se tendunt appetitu naturali, ac per lineas rectas, & quidem nisi impediuntur, brevissimas, hoc est, directè & sine ambagibus ad dictum centrum tendentes. Quia igitur aqua omnis est gravis, tendit innato appetitu ad centrum Terræ, eoque fertur, nisi impediatur; per rectam ac brevissimam lineam modo dicto. Admittitur à plerisque, etiam ab iis, qui Terram non statuunt in medio universi, nisi ad sensum; & nos etiam admisimus in Mechanica Hydraulico-Pneumatica Protheoria IV. cap. 1. Centri porò nomine hoc loco intelligimus centrum magnitudinis, seu centrum medii; quod licet à centro gravitatis Terræ differat: tam parum tamen in hoc rerum statu ab illo abest, ut idem censerimus cum illo, saltem physicè & ad sensum, possit. Vide quæ diximus in Mechanica loco citato, & alibi fusiùs dicemus. Lege præterea quæ dicimus in Magia Naturali Par. 3. lib. 1. cap. 1.

Suppositio Tertia.

Aqua suapte natura fluit, ablatis impedimentis, ad loca decliviora, hoc est, centro Terræ viciniora. Et quidem si rectus ac perpendicularis pateat ipsi aditus, fluit eò per lineam rectam brevissimam, nempe perpendicularem, & qua directè ad Centrum Terræ tendit: sin minus, fluit
eò per

è per lineam obliquam. Patet hoc experientia quotidiana, nec alià indiget probatione, uti diximus etiam loco citato, Propriet. 1. Notandum hîc, loca decliviora non sumi hîc in ordine ad horizontem, sive Astronomicum, sive Physicum; sed in ordine ad Centrum Universi, quod est omnium infimum in Mundo, diciturque simpliciter & absolute infimum. Sed de hac re iterum in suppositione quinta.

Suppositio Quarta.

Aqua consistentis suprema superficies, est æquilibrata, seu aquè alta. Indiget explicatione. Consistens aqua appellatur, quæ situm obtinet naturalem, ut explicavimus in Mechanica Hydraulico-Pneumatica loco citato. Situs autem seu positio naturalis aquæ est, ut ibidem diximus, quem sponte sua assumit aqua, tam in superficie superiore, quàm in inferiore, & in lateralibus, contenta quibuscunque receptaculis & vasis. Itaque situs aquæ, quem habet intra vasa violenter constricta, non semper est aquæ naturalis, saltem quoad superficiem superiorem. Libratum seu æquilibratum sumi potest dupliciter. Primò pro eo, quod est horizonti parallelum seu æquidistans, prout sunt plana ad Libellam constituta, hoc est, quæ ex una parte non magis attolluntur aut deprimuntur, quàm ex altera, sed instar Libræ æqualium brachiorum ac ponderum consistunt velut in æquilibrio; unde & librata, seu æquilibrata dicuntur. Et in hoc sensu falsum est, Aquæ consistentis ac naturaliter quiescentis supremam superficiem esse æquilibratam, seu aquè altam. Cum enim sphærica sit, ut diximus in Mechanica loco citato, Propriet. 2. & demonstrat Archimedes, alique communiter; non potest esse horizonti parallela, neque secundùm omnes suas partes aquè alta, hoc est, aquè supra horizontem elevata, ut manifestum est. Secundò sumi potest æquilibratum pro eo, quòd æqualiter secundùm omnes suas partes distat à centro Terræ. Et in hoc sensu verissimum est, Aquæ consistentis supremam superficiem esse æquilibratam, & secundùm omnes suas partes aquè altam, hoc est, æqualiter distantem à centro Terræ.

In vasis tamen, & exiguis receptaculis, adeo exigua & insensibilis est sphæricitas supremæ superficiei aquæ, ut sensus judicet

esse planam, meritoque supponi possit esse talem, ut advertimus etiam loco citato. Et de hisce aquis vera est prædicta Libratorum suppositio quoad sensum, non quoad Mathematicam *anxi. Buar.*

Suppositio Quinta.

Aqua in plano librato non movetur, hoc est, non fluit, si natura sua relinquitur. Vnde si aqua per planum aliquod movetur, non est planum ejusmodi libratum, sed de vexo, & pendens; Si verò aqua quiescit in plano, planum est libratum. Hæc etiam Suppositio indiget explanatione. Si enim plani librati nomine veniat superficies æqualiter secundum omnes suas partes distans à centro Terræ, quæ globi, hoc est, superficies sphaerica, & dicto globo concentrica; vera est, quia tunc nulla pars plani illius est declivior quàm altera, ac proinde non est ratio cur ad unam potiùs quàm ad alteram partem fluat aqua in tali superficie extensa. Dico, in tali superficie extensa; quia si aquæ origo sit elevata supra hujusmodi superficiem, potest per illam fluere, donec ipsi coæquetur quoad distantiam à Centro Terræ. Si verò plani librati nomine intelligatur planum horizonti parrallelum (cujusmodi sunt plana ad Libellam constituta) Suppositio absolute nō est vera; quia tale planum non distat æqualiter secundum omnes suas partes à Centro Terræ. Ut si Terra sit B C D, ejus centrum A, horizon intelligibilis C D, planum horizontale simulque horizon sensibilis E B F: erunt puncta E & F, remotiora à centro A, quàm punctum contactus B, quod est omnium propinquissimum centro; quò verò magis receditur à puncto B, versus E aut F, eò magis receditur à centro A, quòd eò longiores fiant lineæ rectæ à centro ad lineam E F ductæ, ut ex Euclidis elementis patet. Fluere ergo aqua per planum libratum, & quidem in casu hic posito ab E aut F versus B. Si tamen sensum spectemus, per plana horizontalia non magna, scilicet paucorum pedum aut passuum, non movetur aqua motu sensibili. Esto enim E F planum seu linea horizontalis contingens superficiem Terræ in puncto B; erit, per 18 Tertii, angulus A B F rektus. Ponatur B F mille passuum geometricorum, seu unius miliaris Italici, & supponatur interim semidiameter Terræ A B non major quàm 3036 miliarium (quam tamen Tycho ponit miliarium 3440, alii verò adhuc majorem) erit A F miliarium 3036.

Fig. C

LXXXIII.

1c, XXVIII

^{2871.} Etenim quadratum AB est milliarium 9217296, quadratum verò BF est unius milliarii, ac proinde duo quadrata AB, BF simul iuncta, sunt milliarium 9217297; quibus æquale est quadratum AF, per 47. *Primi*. Ergo recta AF, latus illius quadrati 9217297, est proximè milliarium 3036 ^{2872.}, ut patebit calculanti. Quocirca punctum F erit altius seu remotius à centro Terræ A, particula sexies millesimâ septuagesimâ secundâ unius milliarii. Quæ quidem particula continet digitos tredecim, & quintam circiter digiti partem. Nam miliare unum (cùm contineat mille passus, & singuli passus quinque pedes, & singuli pedes quatuor palmos, & singuli palmi quatuor digitos) erit 80000 digitorum; quem numerum si dividamus per 6072, exhibunt digiti 13; circiter, ut dicebam. Si igitur planum horizontale passuum mille, tangens Terræ superficiem, non est ex illa parte, quâ non tangit, altius quàm digitis tredecim cum una quinta digiti parte; erit planum trium passuum vix quadragesima parte unius digiti elatius in una, quàm in altera parte, in qua tangit Terræ sphaericitatem: Si autem tangit eandem in medio, vix parte octuagesimâ unius digiti elevatius erit in extremitatibus. Quare merito censerì potest sphaericum. Terræque concentricum; ac proinde idem de tali plano dicendum est, quod diximus de plano Terræ concentrico.

ANNOTATIO.

Quando dicimus, aquam in plano Terræ concentrico non moveri, nec fluere, si naturæ suæ relinquatur; intelligendum id est, si aqua intra planum illud sit conclusa; alioquin si libera est, effluet, extra margines, tendens ad partes decliviores.

Suppositio Sexta.

Si sit canalis non excedens in longitudine pedes circiter quinque (qualem Vitruvius ponit in suo Chorobate, ut vidimus supra cap. 2.) cujus erecta supra basem latera sunt aquæ alta in toto circuitu; immisâque aquâ distet aequaliter à supremis labris laterum; libratu est huiusmodi Canalis, hoc est, hori-^{2873.}zonti est parallelus; si verò unâ parte aqua propior est summo labro, quàm ex altera parte; non est libratu canalis, sed ex qua parte altior est aqua, depressior est canalis; ex altera verò parte elatior. Hæc suppositio secundum sensum, & ad usum librandi, vera est, secundum

Fig. C
L XXXIV.
Ico. XXV.

dum verò considerationem Mathematicam falsa est; quoniam
suprema aquæ superficies in valis etiam parvis sphaerica est, &
non plana, ut supra diximus in Suppositione quarta. Est tamen
differentia inter superficiem illam sphaericam aquæ in casu posi-
to de canali quinque pedibus longo, & inter superficiem libra-
tam, tam exigua, etiam in rigore Mathematico, ut cenferi possit
omnino indivisibilis. Esto enim superficies sphaerica aquæ in ca-
nali contentæ ADB, cujus centrum, itemque Terræ centrum, sit
C; ductæque AB horizonti parallelæ quæ tangat superficiem
Terræ in E, ducatur recta CE, quæ producta cadat in D, ut diffe-
rentia distantiae duarum superficierum à centro Terræ sit DE.
Sit præterea, majoris evidentiae gratiâ, medietas canalis EB quin-
que pedum, & ducatur recta CB. Ponatur semidiameter Terræ
CE milliarium Italicorum solummodò 3036, ut supra dicebam.
Erit itaque eadem semidiameter pedum 15180000, ac proinde
quadratum ejus erit pedum quadratorum 230432400000. Cum
verò EB sit quinque pedum, erit ejus quadratum pedum 25 qua-
dratorum. Quocirca quadratum rectæ CB, subtendentis angu-
lum rectum, est pedum quadratorum 2304324000000 25, per 47.
Primi, cujus quadrati latus, nempe CB, erit, si radix quadrata ex-
trahatur, pedum simplicium 15180000 ^{per 25} _{per 10000}, quæ minutia ad
minimam denominationem reducta erit ^{per 10000} _{per 10000} unius pedis. Et
quoniam pes unus est 16 digitorum, erunt 16 digiti 1214500 dicta-
rum particularum: singuli ergo digiti erunt earundem particula-
rum 75906 circiter: tot enim provenient, si 1214500 partiamur
per 16. Si itaque secetur digitus, nempe sextadecima pars pedis,
in partes 75906; una ex illis erit excessus, quo BC major est quam
GE; ac proinde ED erit unius digiti pars septuagies quinque
millesima, nongentesima, sexta.

Suppositio Septima.

Si filum cum perpendiculari ex aliqua stabili re appendatur, non quiescit
suapte nutu, nisi cum fuerit in recta linea ab appensionis puncto ad Ter-
ra centrum ducta. Esto filum CV appentum ex puncto immobili
C, cui filo annectatur perpendicularum A; centroque C, & inter-
vallo CA (vieni ponderis A extenditur filum) describatur cir-
culus CMV. Esto præterea centrum Terræ S (quod diximus
suppo-

Supposit. 2. esse centrum gravium) intelligaturque à puncto C ad centrum S recta linea C S, secans circulum M V in puncto V. Dicunt, si filum C A cum perpendiculo A appenso extendatur ad quodcunque circumferentiæ punctum diversum à puncto V, v.g. ad punctum M, non quiescere, sed moveri, donec ipsum filum cum perpendiculo A appenso quiescat in linea C S. Ratio est, quia punctum V, est omnium punctorum, quæ in circuli prædicti circumferentia assignari possunt, infimum, hoc est, centro Terræ propinquissimum, eò quod linea S V sit omnium brevissima illarum, quæ à puncto S extrà assumpto ad convexam circuli peripheriam duci possunt, per 8 Tertiæ: Atqui pondus quodcunque, nisi impediatur, tendit de facto vel ad ipsum centrum Terræ, vel saltem ad locum centro Terræ propinquissimum, ibiq; quiescit, ut experientia patet: in præsentī autem casu pondus A non impeditur à filo, quò minùs à puncto M, vel quocunque alio, moveatur ad punctum V, ut supponitur: Ergo eò movetur, ibique impetu cessante quiescit, cum ulteriùs descendere non possit impeditum à filo; nec sponte potest inde dimoveri impeditum à sua gravitate, alioquin ascenderet, quia à loco infimo versus altiorem moveretur. Vera est absolutè hæc suppositio.

Suppositio Octava.

*S*i regula rectangula, seu longa, seu brevis, dividatur bifariam lineâ ad angulos rectos latera parallela secante, atque à supremo puncto lineæ ejusmodi latera secantis filum cum perpendiculo appendatur, demissumque liberè filum lineam ipsam secantem occupet, est regula illa librata. Esto regula rectangula (vel potiùs unum latus hujusmodi regulæ) A B C D, quæ bifariam dividatur rectâ E F, secante ad angulos rectos utramque rectarum A B, C D; appendaturque ex puncto E filum cum perpendiculo G, occupetque filum liberè demissum rectam E F, & quiescat. Dicunt, regulam A B C D esse librata, hoc est, horizonti parallelam. Quoniam enim, per præcedentem Suppositionem, filum cum perpendiculo E F G, non quiescit nisi in linea transeunte per punctum suspensionis E, & centrum Terræ; si dictum filum E F G mente extendatur, cadet in ipsum centrum Terræ. Sit itaque dictum centrum H; ex quo si ad intervallum H G describatur circulus Terraqueo globo concentricus, faciet

Fig. C
LXXVI.
lco. XXV.

O o

linea

linea HGFE cum linea LM dictum circum tangente, adeoque ad Terræ horizontem parallelâ, angulos rectos HGM, HGL, per 18 Tertii: Sed etiam cum lineis AB, CD, facit angulos rectos HFD, HFC &c: ut supponitur; Ergo, per 28. Primi, rectæ AB, CD parallelæ sunt rectæ LM, & consequenter horizonti. Librata ergo est regula ABCD. Vera est absolutè hæc Suppositio. Et eadem est ratio, si ad latera AC, BD, ducatur perpendicularis AB, & ex puncto A suspendatur filum cum perpendiculo, demittaturque ut liberè quiescat filum, & cadat præcisè supra lineam AB Regulæ priùs inversæ.

Suppositio Nona.

SI fuerit regula, in qua ad extremitates ducantur lineæ ad parallela latera rectæ, & ab ejusmodi rectarum ac perpendicularium linearum summitatibus pendeant fila cum perpendiculis, atque ita collocetur regula, ut fila libero perpendicularorum motu perpendiculares ipsas lineas occupent: erit regula librata. Sit ut antea regula ABCD, atque lineæ AC, BD, perpendiculares sint ad parallelas AB, CD, & ex punctis A & B appendantur fila cum perpendiculis G, occupentque fila liberè pendentia perpendiculares AC, BD. Dicunt, regulam esse librata. Hæc Hypothesis in rigore mathematico implicat, quia nunquam potest accidere, ut utrumque filum cum perpendiculo cadat præcisè supra lineas perpendiculares AC, BD, in prædicto situ regulæ, sed vel supra unam solùm, vel supra neutrà. Esto enim ut antea centrum Terræ H, è quo describatur circulus Terræ concentricus, quem tangat linea LM in puncto G, & huic lineæ LM æquidistant regulæ latera AB, CD. ducaturque recta HG per punctum contactus G, secans regulam in FE; & aliæ duæ HA, HB. Erunt igitur, per 18 Tertii, anguli HGM, HGL, & per 29 Primi, anguli HEB, HEA, recti, anguli verò HAE, HBE, acuti, per 17. Primi. At fila cum perpendiculis ex punctis A & B suspensa, & liberè demissa, cadere debent supra lineas AH, BH, per dictâ Suppositione Septimâ. Eadem est ratio in quocunque alio situ regulæ, in quo recta HG secat ipsam intra rectas AC, BD. Neutrum ergo filum in hoc situ regulæ cadit supra perpendiculares AC, BD. Si regula ABCD ita collocaretur, ut recta AC esset in recta HG producta versus regulam, caderet quidem filum unum

unum cum perpendicularo supra lineam AC, at alterum minimè eaderet supra lineam BD, propter rationem jam dictam. Eadem est ratio, si recta HG transeat per rectam BD. Nunquam ergo poterit utrumque filum eadere supra utramque lineam AC, BD.

Si tamen sensum spectemus, vera est prædicta Suppositio, & ad praxin sufficiens. Volo dicere, fila cum perpendicularis libera dimissa in dicto situ regulæ tam parum aberrare à dictis lineis perpendicularibus AC, BD, ut censi meriti possit supra illas præcisè cadere; ac proinde concedi sine ullo errore potest, regulam esse libratam, si fila cadant supra prædictas lineas. Demonstrationem non addo, quia necessaria non est.

Suppositio Decima.

Qua per Instrumentum dioptricum libratum conspiciamus, ea sunt æque alta cum oculo, & inter se. Dioptrica Instrumenta, ut ex capite primo constat, sunt illa, per quæ visus transit restrictus, ut ita dicam, sive transeat restrictus per rimam, sive per canaliculum, sive per pinnacidia. Hæc suppositio, si loquatur de altitudine simpliciter & propriè accepta, quæ æque alta dicuntur illa quæ à centro Terræ æque distant; altiora, quæ ab eodem magis distant humilia, quæ minùs, falsa est. Sic enim planum horizontale non est æque altum secundùm omnes sui partes, ut vidimus Suppositione Quinta; ita quæ sunt in eadem linea visuali æquilibrata, hoc est, plano horizontali æquidistante, non sunt omnia æque alta, seu æque remota à centro Terræ, sed minùs alta sunt, quæ sunt propinquiora oculo, magis alta, quæ remotiora ab oculo. Omitto demonstrationem, quia ex dictis loco citato intelligi potest. Si verò Suppositio loquatur de altitudine supra horizontem, sive sensibilem, sive rationalem, vera est, quia omnia puncta, quæ occurrunt visui per dioptricum Instrumentum libratum transpicienti, æqualiter distant ab eodem plano horizontali, secundùm lineas rectas ei plano perpendiculares; cujusmodi sunt in loco citato puncta E, B, F, respectu horizontis CAD.

Suppositio Undecima.

Qua puncta æqualibus perpendicularibus absunt à lineæ visus transeunte per dioptricum Instrumentum æquilibratum, sunt æque alta; &

qua inaequaliter absunt, inaequaliter sunt alta; scilicet altiora, quae longioribus absunt perpendicularibus; minus verò alta, quae absunt brevioribus. Sit dioptricum Instrumentum NO, linea visus per ipsum transiens ABCD, à qua aequalibus lineis perpendicularibus distent puncta E, F, G, H; longioribus I L; brevioribus K M. Dicunt, puncta E, F, G, H, esse aequè alta; puncta K, M, altiora; puncta I, L, depressiora. Hæc veritas est in ordine ad horizontem; falsa in ordine ad centrum Terræ, ut patet per se, & ex jam dictis.

Fig. C
LXXXVII
lco. XXV.

Suppositio Duodecima.

Æ Quales, inaequalesque distantia punctorum infra lineam visus æquilibratam, aut supra planum horizontale, rectè mensurantur perpendiculari filo. Ut in præcedenti figura distantia punctorum E, F, G, H, infra lineam visus AD, aut supra horizontem, sive sensibilem, sive intelligibilem, rectè mensurantur filo cum appenso perpendiculari; & tunc dicuntur esse æquales, quando fila perpendicularium à linea visus ad dicta puncta demissa, sunt æqualia; tunc verò sunt majores, aut minores distantia, quando eadem fila sunt longiora, aut breviora. Hæc Hypothesis geometricè & exactè loquendo est falsa, quia fila illa cum perpendicularibus demissa non sunt perpendicularia ad horizontem, sed tendunt ad centrum Terræ, ut patet ex suppositione septima; unde unum solum potest esse perpendicularare horizonti, illud nimirum, quod cadit in punctum contactus; in quo horizon sensibilis tangit Terræ superficiem sphericam. Non ergo rectè sumuntur perpendiculari ope perpendiculares prædictæ in usu Libellæ, si geometricè procedamus. Secundùm sensum tamen nullus in ea re committitur error, etiam in linea librata unius milliarii, quoniam differentia inter perpendicularem quamcunque ex illa demissam ad horizontem, & inter perpendiculum tendens ad centrum Terræ, est omnino insensibilis, ut ex dictis colligitur, & facile demonstrari potest.

Suppositio Decima tertia.

Fig. C
LXXXVIII
lco. XXV.

Si supra regulam aliquam longam, aut supra planum, seu Instrumentum aliquod dioptricum, erigatur Norma seu Libella CAB, qualem descripsimus supra Capite tertio, & filum cum perpendiculari libere demissum cadat supra lineam CD librata est regula aut planum: si cadat infra AD,

aut intra B D: non est librata regula aut planum. Geometricè Suppositio vera est solum tunc, quando punctum D Normæ congruit puncto contactus, quo regula aut planum tangit superficiem sphericam Terræ; in reliquis casibus falsa est. Præcticè tamen loquendo, & in usu librandi, vera est in omni sensu, si regula, aut planum libratum non excedant longitudinem unius milliaris, ut patet ex dictis Suppositione præcedenti. Sed de hac re iterum agetur infra.

CAPUT SEXTUM.

De usu libellaticorum Instrumentorum in explorandis atque constituendis planis horizontalibus secundum omnem exporrectionem.

Libellæ, omniumque Libellaticorum Instrumentorum usus præcipuus, imò unicus, quoad propositum nostrum attinet, consistit in hoc, ut iis vel explorentur, vel constituentur plana horizontalia; hoc est, ut vel cognoscamus, utrum planum propositum, quod horizonti parallelum videtur, sit revera tale; vel ut quod scimus, tale non esse, tale constituamus. Plana autem huiusmodi vel exploranda atque constituenda sunt talia secundum omnem exporrectionem, scilicet longitudinis ac latitudinis; vel secundum unam tantum, longitudinis scilicet, aut latitudinis. Nos hoc capite agemus de prioris generis planis, præsertim non adeo magnis; videbimusque qua ratione per libellatica Instrumenta huiusmodi plana explorari atque constitui possint ad horizontem parallela secundum utramque dimensionem seu exporrectionem. Et tamen si omnia libellatica Instrumenta cap. 1. & 3. enumerata huic proposito inservire possint; commodissima tamen est præ cæteris omnibus Libella, præsertim Kircheriana & Claviana; ideo utriusque usum in proposito casu hic breviter explicabimus. Quod autem de his duobus Instrumentis dicemus, de aliis etiam dictum volumus.

Uſus Libellæ Kircherianæ.

Fig: C
LXXXIX
Ico. XXV.

QUando propoſitum fuerit aliquod planum, quod videatur ad ſenſum horizonſi parallelum, experimentoſque diſcere voluerimus, num ita res ſe habeat; ſic per Libellam Kircherianam ſenſum adjuverimus. Sit propoſitum planum A, in eoſque applicetur Libella primò ſecundùm longitudinem, prout vides in figura, ita ut perpendicularum liberè dependeat, ſuperficiemque Quadrantis radat. Et ſi quidem perpendicularum ceciderit in quadrageſimum quintum gradum Quadrantis, planum A in neutram partem inclinabit ſecundùm longitudinem, hoc eſt, ſecundùm lineam ſupra quam, vel ex qua, elevata eſt Libella; vel quod idem eſt, linea illa æquid iſtabit horizonſi, ac proinde vocari poterit atque debet linea horizonſalis. Si verò perpendicularum à gradu quadrageſimo quinto vel minimùm alterutram in partem deſlexerit: manifeſtum erit, planum illud, licet ſenſui appareat horizonſi parallelum, nequaquam tamen eſſe parallelum, ſed inclinari ad eam partem, ad quam perpendicularum inclinatur. Et tunc non erit quod ulterius idem planum examinemus, cum jam conſtet, non eſſe horizonſi parallelum. Si verò ſecundùm dictam longitudinem planum deprehendatur eſſe libratum, hoc eſt, horizonſi perfectè æquid iſtans; tentandum erit idem ſecundùm latitudinem, per ſimilem prorſus Libellæ applicationem. Ecce quidem lineam etiam latitudinis librata inveniſimus, hoc eſt, ſi etiam in hac ſecunda applicatione Libellæ filum perpendiculari abſciderit quadrageſimum quintum gradum, planum A omnino porrectum erit: perfectèque horizonſi parallelum ſecundùm omnes partes; ſi minùs, inclinabitur ad unam partem magis quam ad alteram.

DEMONSTRATIO.

QUoniam enim planum Libellæ in duplici illa colloſatione repræſentatur duo plana verticalia, hoc eſt, plana per ſilum perpendiculari ducta, quod ſemper rectum eſt ad horizonſem, ut ſupponitur, cum radat ſuperficiem Quadrantis, & tranſeat per gradum quadrageſimum quintum arcus EF; fit, ut ſi duo illa plana Libellæ producta ſe mutuo intelligantur ſecare, faciant communem ſectionem lineam rectam, per tertiam Undecimi:

atque

atque adeo parallelam perpendiculo Libellæ: Cum igitur perpendiculum sit perpendiculare ad utramque lineam, tam longitudinis quam latitudinis, ut diximus, & patet ex ipsa Libellæ constructione ac collocazione, erit etiam communis illa sectio perpendicularis ad easdem lineas longitudinis & latitudinis. ac proinde eadem communis sectio, per quartam Undecimi; imò & plana per ipsam ducta, nempe plana Libellæ, quæ repræsentans plana verticalia, erunt per decimam octavam Undecimi, recta ad planum A, quod per lineas illas longitudinis ac latitudinis ductum est. Horizontale igitur erit idem planum A, hoc est, libratum, siquidem ad ipsum recta sunt plana verticalia, ut monstratum est.

Non aliter procedendum erit, si planum aliquod proponatur librandum, hoc est, si tabula aliqua vel marmor benè complanatum, constituendum foret horizontaliter. Primò enim collocabitur propositum planum ita, ut sensui appareat debite locatum. Deinde per Libellam eadem collocatio examinabitur tam secundum longitudinem, quam latitudinem, ut dictum est. Et si quidem in aliquam illarum partium deprehendatur deflectere, elevandum erit ex illa parte, subjectis cuneolis, vel aliâ materiâ, donec perpendiculum cadat in quadragesimum quintum gradum. Quod ubi successerit in utraque parte plani, tunc demum collocatum erit planum, ut proponitur.

Intelligimus autem per lineam longitudinis & latitudinis, quasunque duas lineas transversales, quæ non sint parallelæ. Quamvis ad præsens negotium sint accommodatiores illæ, quæ se se, saltem ad iudicium sensus, secant ad angulos rectos. Si enim ex ejusmodi duabus lineis perpendiculariter erigatur Libellæ, facilius apparebit differentia inclinationis, si fortè planum propositum non sit libratum.

Usus Libellæ Clavianæ.

IN campo aliquo, vel horto, aliove quoque plano, ad sensum horizonti parallelo, pone puncta Instrumenti Claviani supra capite 4 descripti in terra, seu plano illo. Et si quidem filum perpendiculi transsit per D; erunt puncta B & C in plano illo ejusdem altitudinis, ita ut si spatium interjectum B C complanetur (si fortè non est complanatum) spatium illud horti, vel campi, aut plani sit libratum, hoc est, horizonti parallelum, secundum illam dimensionem.

CLXXXII
fig.
ico. XXV.

sionem, secundum quam applicatum ipsi fuit Instrumentum. Si verò filum perpendiculi A H abscindet ex quadrante D I, aliquot partes, v. g. tres: erit punctum C tribus palmis altius puncto B, atque ita fodiendum erit ibi, aut deprimendum planum illud ad altitudinem trium palmorum, ut complanatum spatium inter B & infimum punctum effossum seu depressum, sit horizonti parallelum. Quod si filum perpendiculi abscinderet ex altero quadrante D K quòtcunque partes, v. g. quinque; esset punctum C depressius quinque palmis puncto B; ac proinde tunc puncto B superimponenda foret terra, aut elevandum esset ad altitudinem quinque palmorum, ut spatium inter B & supremum punctum terræ superpositæ, aut plani elevati, æquidistaret horizonti secundum situm Libellæ applicatæ. Complanato spatio inter B & aliud punctum prope C, sive effossum, sive elevatum, iteranda erit eadem operatio, posito crure A B in puncto invento &c. Atque ita procedendum est usque ad ultimum signum in horto vel campo propositum. Dico, in horto, vel campo; nam in plano mobili sufficit prædictam operationem instituere semel in medio plani. Complanato secundum unam positionem plano, complanandum eodem modo erit secundum alteram, prout diximus in usu Libellæ Kircherianæ. Demonstrationem lege apud Clavius in Geomet. præf. lib. 3. Probl. 45. num. 1.

Quando Instrumentum hoc sæpius secundum unam dimensionem in diversis locis applicatum fuit, & diversæ fuerunt inventæ altitudines aut depressiones; quæritur autem in fine, quanto altius, depressiusvè sit primum punctum, quàm ultimum. Sciatur hoc per altitudines, depressionelvè intermedias, inquit Clavius. Ut si primus locus fuerit altior quàm secundus, quinque palmis; & hic altior quàm tertius, duobus palmis; hic autem depressior quàm quartus, tribus palmis; & hic denique altior quàm ultimus locus, uno palmo; colligemus primum locum altiorem esse ultimo loco quinque palmis. Nam primus locus erat altior tertio septem palmis, cum primus secundum quinque superet, & secundus tertium duobus; & quia tertius superatur à quarto tribus palmis, superabit primus quartum solum quatuor palmis: cum autem hic altior sit quàm ultimus uno palmo, erit primus altior quàm ultimus quinque palmis, & sic de cæteris. Idem sciemus, si
alti.

altitudines omnes cruris C scribamus separatim, in dextra parte chartæ, & altitudines cruris B in sinistra, & initâ utrorumque numerorum summâ detrahamus minorem à majori; residuum enim indicabit, uter locus, & quantum sit altero altior. vide schema in margine positum.

Crus C.	Crus B.
5.	3
2.	
1.	
8	
—	—
3.	
3.	
1.	

COROLLARIUM.

Hinc colligitur, quomodo idem, quod hactenus præstissimus per duas dictas Libellas, præstari possit per quodcunque libellaticum Instrumentum. Et quidem si cuicumque hujusmodi Instrumento, in quo sit perpendiculum, affigatur semicirculus divisus eo modo, quo dictum fuit in Libella Claviana constructione supra capite Quarto, ita ut centrum semicirculi correspondeas puncto suspensionis perpendiculi; habebis id eundem prorsus usum cum Claviana Libella dicta.

CAPUT SEPTIMUM.

De Vulgari Libratorum praxi in librandis locorum distantis, ad perducendas aquas: simulque de usu libellaticorum Instrumentorum in explorandis & constituendis planis horizontalibus secundum unam tantum exporrectionem.

Exponam hoc capite praxim vulgarem ac ordinariam qua utuntur Libratores communiter omnes, etiam ageometræ, in librandis duorum locorum distantis, dum ab uno ad alterum perducere volunt aquam, ut sciant uter illorum sit altior, uter depressior. Eodem autem prorsus modo explorari potest, utrum planum aliquod secundum unam dimensionem seu exporrectionem, hoc est, secundum extensionem ab uno loco ad alterum, sit æquilibratum, nec ne; poteritque, si non est, complanari, ut dicemus iterum in fine Capitis in Corollario.

Ut sciant igitur Libratores, utrum aqua è fontis origine, aliove ex loco, ad locum alium, ut Urbem, Arcem, Hortum &c.

P p

dedu:


deduci possit naturali cursu; primùm omnium indagant, an originis locus altior sit, quàm locus in quem deducenda est aqua, hoc est, utrum locus ille sit magis supra eandem horizontalem lineam elevatus, quàm hic. Si enim inferior fuerit locus originis loco alio, aut in eodem horizontali plano cum illo; statim pronuntiant, aquam naturaliter deduci eò non posse: si autem superior fuerit, & planum inter utrumque locum interjectum potuerit habere sufficientem declivitatem, seu ut ipsi loquuntur, pendentiam; ajunt, deduci posse. Videndum igitur est, quomodo ipsi explorent per Libellatica Instrumenta, quis locus sit altior, quis humilior, quis æquè altus. Sic ergo procedunt Libratores.

Si è loco fontis, seu scaturiginis aquæ conspici potest locus, ad quem deducenda est aqua; collocant juxta fontis locum Instrumentum Libellaticum, quodcunque illud sit, è terra elevatum, hoc est, vel imponunt illud alicui sustentaculo, vel suspendunt è pertica, vel manu tenent. Deinde illud librant aliquo ex modis suprà dictis, nempe vel perpendiculis, vel aquâ, vel normâ seu Libella, vel aliter. Intelligunt verò libratum esse Instrumentum, cum linea, juxta quam dirigendus est visus, æquidistat secundum omnes suas partes horizonti instar libræ æqualibus ponderibus librata. Hoc facto, in loco illo, ad quem derivanda est aqua, erigunt perpendiculariter signum conspicuum tantæ altitudinis, quantum est à loco originis aquæ usque ad dioptras Instrumenti librati. Hoc etiam facto, transpiciunt vel per rimam seu canalem Instrumenti, vel per pinnacidia, vel per aquæ supremam superficiem, vel per dorsa triangulorum solidorum aquæ impositorum, prout diximus suprà capite secundo & tertio. Et si quidem signum in loco, ad quem deducenda est aqua, erectum occurrat in eadem linea visionis; pronuntiant illum locum esse æquè altum cum loco scaturiginis: si supra lineam visionis fuerit signum, ajunt locum esse altiore: si infra; declivior: solùmque in hoc ultimo casu ajunt posse eò deduci aquam, si adsit sufficiens declivitas.

Fig. C.
LXXXIX.
Ico. XXV.

Sit exempli gratia explorandum Quadrato, aut Quadrante, aliove quocunque Instrumento Libellatico, utrum ex loco A deduci possit aqua ad locum B, aut M. Erigunt Instrumentum in A, illudque librant, ita ut latus CD, in quo sunt Dioptræ, sit horizon-

zon-



Iconismus XXVI.

Pag: 299.

Fig: cxc.

Fig: cxci.

Fig: cxcii.



Fig: cxci.

Fig: cxci.



Fig: cxci.



Fig:

cxci.

Fig: cxci.



zonti parallelum. Metiuntur deinde altitudinem CA, nempe distantiam loci oculi C, à loco aquæ A. Posthæc in B aut Merigunt baculum BF, aut MF, quantævis altitudinis, habentem signum aliquod conspicuum F, tantum distans à B, aut M, quantum distat C Instrumenti ab aqua A. Tandem per dioptras seu pinnacidia CD Instrumenti transpiciunt, & dirigunt lineam visualem CDG, versus B, aut M. Et si quidem linea visualis CDG cadit supra signum F, ut fit apud locum B; ajunt, aquam ex A perducì posse ad B, si ad sit sufficiens pendentia, de qua postea. Si verò linea visualis CDG cadat in signum F, aut infra ipsum, ut fit apud locum M; ajunt aquam A non posse perducì ad locum M. Ratio ipsorum est, quia in primo casu locus B est demissior, hoc est, centro Terræ propinquior, quàm aqua A; & quidem tantò demissior, quantò magis F est infra lineam visualem CDG: in secundo verò casu locus M altior est, hoc est, à centro Terræ remotior, quàm aqua A; & tanto altior, quantò magis F est supra lineam visualem CDG.

In idem recidit, si dicas, tunc locum A, in exemplo posito, esse æqualis altitudinis cum loco B, aut M, si per latus CD Instrumenti æquilibrati conspici potest signum F; tunc verò locum A esse altiozem loco B, aut M, quando latus CD deprimumendum est versus signum F, ut videatur: tunc denique locum A depressiorem esse loco B, aut M, quando latus CD elevandum est versus signum F, ut videri possit.

Si è loco scaturiginis aquæ non possit videri locus, ad quem deducenda est aqua, quia interjectus est mons, sylva, aliudvè simile impedimentum; ut si ex loco B deducenda esset aqua ad locum M, & interjectus esset mons A; ita procedunt. In loco B collocant Instrumentum supra suum sustentaculum, & æquilibrant. Deinde in loco M perpendiculariter erigunt perticam cum signo F conspicuo, ut antea, tantum à terra distante, quantum distat à loco aquæ latus CD Instrumenti. His factis, ex loco B dirigunt visum per latus CD Instrumenti, versus locum E in monte, & notant signum aliquod G, ad quod terminatur linea visualis CDG. In loco deinde E collocant Instrumentum æquilibratum, ut latus CD correspondeat puncto G; & respiciunt versus K, notando aliud signum G, ad quod terminatur linea visus. Post hæc collocant

Fig. CXC.
Ico. XXVI.

Fig. 2

cant

cant Instrumentum in loco K, ut latus CD Instrumenti æquibrati correspondeat iterum puncto G; & respiciunt versus M. Si linea visualis cadit in signum F; locus Merit æquæ altus cum loco B: si cadit supra, aut infra F; erit locus M altior, aut depressior, prout antea dictum fuit.

Alii aliter procedunt in collocandis hastis seu perticis, & in Instrumento hastæ applicato elevando, aut deprimendo; sed nulla sit mutatio in substantia rei.

Fig. CXCI
1co. XXVI.

Si denique è loco ejuldem scaturiginis aquæ non potest videri locus, ad quem aqua deducenda est, propter nimiam distantiam, etiam si spatium interjectum sit planum, aut quasi planum; procedunt eodem ferè modo, quo jam diximus, quando mons est interpositus. Ut si è loco A perducenda est aqua ad locum B, distantem passibus 400 circiter. Dividunt distantiam in plures stationes, A, E, F, B, distantes à se invicem 100, aut 150 passibus; & in stationibus intermediis, ut in E, & F, erigunt hastas cum signo conspicuo mobili, quod videlicet altiori aut depressiori loco hastarum affigi possit; cujusmodi signum est v. g. charta alba, quæ cerâ molli possit affigi hastis. His factis, collocant Instrumentum in A, prope scilicet locum aquæ, elevatum à terra, seu à superficie aquæ pedibus 7. Aequilibrant deinde Instrumentum, & per dioptras CD transpiciunt versus hastam E, dirigendo in ipsam hastam, visualement lineam CD G, & in puncto G jubent affigi chartam, quæ sit elevata supra terram pedes v. g. 5, quantum scilicet elevatum est punctum terminans lineam visualement. Detrahunt 5 à 7, remanent 2. Pronuntiant ergo, locum E altiorem esse loco A, pedibus duobus. Iterum collocant Instrumentum in E, æquibratum, & elevatum ut antea, pedes 7; & projiciunt visum per dioptras in signum hastæ F, elevatum supra terram pedes 4: detrahunt 4 à 7, remanet. 3; ajunt ergo, locum F esse altiorem loco E pede uno, & consequenter loco A pedibus tribus. Tandem collocant Instrumentum in F, & dirigunt visum in hastam B, conspiciuntque signum elevatum è terra pedes 13; detrahunt 3 à 13, remanent 10; ajunt ergo, locum B esse inferiorem loco F pedibus 10, ac proinde loco E pedibus 9, loco verò A pedibus 7.

Ali-

Aliquilibrationem factam à loco fontis ad locum alterum, repetunt ab altero loco ad locum fontis, ut videant num bene librauerint; quoniam modicus error in Instrumento est maximus in linea librata. Utrum rectè, nec nè agant, patebit ex capite sequenti.

COROLLARIUM.

Colligitur hinc, quomodo planum secundùm eandem lineam horizontalem pluribus librationibus modo dicto inventam complanari possit, si nimirum spatium depressius repleatur terrâ aggestâ, elatius egestâ deprimatur.

CAPUT OCTAVUM.

De praxi libellandi tradita à Patre Nicolao Cabæo.

P Nicolaus Cabæus in Meteora Aristotelis lib. 1. tex. 61. quæst. 2. & lib. 2. tex. 6. quæst. 3. in fine, & quæst. 4. per totum, mirum in modum exagitat vulgarem Libratorum praxin in librandis locorum distantis ad aquas deducendas; aitque illos non intelligere, quid sit Libella, nec cognoscere quam lineam, seu quas lineas per libellationes designent, nec satis percipere, quid sit libellare. Ait, dum dicunt, ad derivandas aquas, ut feliciter & satis velociter fluant, satis esse, si singulis mille passibus inclinetur cursus, seu linea cadentiæ, per uncias quatuor: illos valde errare, & hanc assertionem luculentum satis ignorantia testimonium præbere: Si enim, inquit, libellatio unica fieret mille passuum, si fieri posset, & libella ex uno capite milliaris constitueretur; etiam si in altero extremo capite lineæ libellatæ sumeretur punctum sex, imò & octo uncis infra punctum visum, aquam ex puncto libellæ non motû iri ad punctum visum per talem lineam, sed potius à puncto viso ad libellam cursuram. Monet proinde Principes, & Rerum publicarum Gubernatores, ut videant diligenter, dum hujusmodi Libellatores adhibent, quibus pecuniam fident.

Ipse autem Cabæus, ut suam exponat sententiam ac praxin, supponit, Libellationem nihil aliud esse, quàm descriptionem seu

Fig. C
I. XXXVII
Ico. XXV.

qua inaequaliter absunt, inaequaliter sunt alta; scilicet altiora, qua longioribus absunt perpendicularibus; minus verò alta, qua absunt brevioribus. Sit dioptricum Instrumentum NO, linea visus per ipsum transiens ABCD, à qua aequalibus lineis perpendicularibus distent puncta E, F, G, H; longioribus I L; brevioribus K M. Dicunt, puncta E, F, G, H, esse æquæ alta; puncta K, M, altiora; puncta I, L, depressiora. Hæc verò sunt in ordine ad horizontem; falsa in ordine ad centrum Terræ, ut patet per se, & ex jam dictis.

Suppositio Duodecima.

Æquales, inaequalesque distantia punctorum infra lineam visus æquilibratam, aut supra planum horizontale, rectè mensurantur perpendiculari filo. Ut in præcedenti figura distantia punctorum E, F, G, H, infra lineam visus AD, aut supra horizontem, sive sensibilem, sive intelligibilem, rectè mensurantur filo cum appenso perpendiculari; & tunc dicuntur esse æquales, quando fila perpendicularium à linea visus ad dicta puncta demissa, sunt æqualia; tunc verò sunt majores, aut minores distantia, quando eadem fila sunt longiora, aut breviora. Hæc Hypothesis geometricè & exactè loquendo est falsa, quia fila illa cum perpendicularis demissa non sunt perpendicularia ad horizontem, sed tendunt ad centrum Terræ, ut patet ex suppositione septima; unde unum solum potest esse perpendicularare horizonti, illud nimirum, quod cadit in punctum contactus, in quo horizon sensibilis tangit Terræ superficiem sphericam. Non ergo rectè sumuntur perpendiculari ope perpendiculares prædictæ in usu Libellæ, si geometricè procedamus. Secundum sensum tamen nullus in ea re committitur error, etiam in linea librata unius milliarii, quoniam differentia inter perpendiculararem quamcunque ex illa demissam ad horizontem, & inter perpendicularium tendens ad centrum Terræ, est omnino insensibilis, ut ex dictis colligitur, & facile demonstrari potest.

Suppositio Decima tertia.

Fig. C
I. XXXIIIX
Ico. XXV.

Si supra regulam aliquam longam, aut supra planum, seu Instrumentum aliquod dioptricum, erigatur Norma seu Libella CAB, qualem descripsimus supra Capite tertio, & filum cum perpendiculari libere demissum cadat supra lineam CD; librata est regula aut planum: s. cadat intra AD.

aut intra B D; non est librata regula aut planum. Geometricè Suppositio vera est solum tunc, quando punctum D Normæ congruit puncto contactus, quo regula aut planum tangit superficiem sphericam Terræ; in reliquis casibus falsa est. Practicè tamen loquendo, & in usu librandi, vera est in omni sensu, si regula, aut planum libratum non excedant longitudinem unius miliaris, ut patet ex dictis Suppositione præcedenti. Sed de hac re iterum agetur infra.

CAPUT SEXTUM.

De usu libellaticorum Instrumentorum in explorandis atque constituendis planis horizontalibus secundum omnem exporrectionem.

Libellæ, omniumque Libellaticorum Instrumentorum usus præcipuus, imò unicus, quoad propositum nostrum attinet, consistit in hoc, ut iis vel explorentur, vel constituentur plana horizontalia; hoc est, ut vel cognoscamus, utrum planum propositum, quod horizonti parallelum videtur, sit revera tale: vel ut quod scimus, tale non esse, tale constituamus. Plana autem huiusmodi vel exploranda atque constituenda sunt talia secundum omnem exporrectionem, scilicet longitudinis ac latitudinis; vel secundum unam tantum, longitudinis scilicet, aut latitudinis. Nos hoc capite agemus de prioris generis planis, præsertim non adeo magnis; videbimusque qua ratione per libellatica Instrumenta huiusmodi plana explorari atque constitui possint ad horizontem parallela secundum utramque dimensionem seu exporrectionem. Et tamen si omnia libellatica Instrumenta cap. 1. & 3. enumerata huic proposito inservire possint; commodissima tamen est præ cæteris omnibus Libella, præsertim Kircheriana & Claviana; ideo utriusque usum in proposito casu hic breviter explicabimus. Quod autem de his duobus Instrumentis dicemus, de aliis etiam dictum volumus.

Uſus Libellæ Kircherianæ.

Fig. C
LXXXIX
ſec. XXV.

QUando propoſitum fuerit aliquod planum, quod videatur ad ſenſum horizonti parallelum, experimentoſque diſcere voluerimus, num ita res ſe habeat, ſic per Libellam Kircherianam ſenſum adjuverimus. Si propoſitum planum A, in eoſque applicetur Libella primò ſecundùm longitudinem, prout vides in figura, ita ut perpendicularum liberè dependeat, ſuperficiemque Quadrantis radat. Et ſi quidem perpendicularum ceciderit in quadrageſimum quintum gradum Quadrantis, planum A in neutram partem inclinabit ſecundùm longitudinem, hoc eſt, ſecundùm lineam ſupra quam, vel ex qua, elevata eſt Libella; vel quod idem eſt, linea illa æquidiftabit horizonti, ac proinde vocari poterit atque debebit linea horizontalis. Si verò perpendicularum à gradu quadrageſimo quinto vel minimùm alterutram in partem deſlexerit: manifeſtum erit, planum illud, licet ſenſui appareat horizonti parallelum, nequaquam tamen eſſe parallelum, ſed inclinari ad eam partem, ad quam perpendicularum inclinat. Et tunc non erit quod ulteriuſ idem planum examinemus, cùm jam conſtet, non eſſe horizonti parallelum. Si verò ſecundùm dictam longitudinem planum deprehendatur eſſe libratum, hoc eſt, horizonti perfectò æquidiftans, tentandum erit idem ſecundùm latitudinem, per ſimilem prorſus Libellæ applicationem. Et ſi quidem lineam etiam latitudinis libratam invenerimus, hoc eſt, ſi etiam in hac ſecunda applicatione Libellæ filum perpendiculari abſciderit quadrageſimum quintum gradum, planum A omnino porrectum erit, perfectèque horizonti parallelum ſecundùm omnes partes; ſi minùs, inclinabitur ad unam partem magis quam ad alteram.

DEMONSTRATIO.

QUoniam enim planum Libellæ in duplici illa collocatiſone repræſentat duo plana verticalia, hoc eſt, plana per ſilum perpendiculari ducta, quod ſemper rectum eſt ad horizontem, ut ſupponitur, cùm radat ſuperficiem Quadrantis. Et tranſeat per gradum quadrageſimum quintum arcus EF; ſit, ut ſi duo illa plana Libellæ producta ſe mutuo intelligantur ſecare, ſciant communem ſectionem lineam rectam, per tertiam Undecimi:

atque

atque adeo parallelam perpendicularo Libella: Cum igitur perpendicularum sit perpendicularare ad utramque lineam, tam longitudinis quam latitudinis, ut diximus, & patet ex ipsa Libellæ constructione ac collocaione, erit etiam communis illa sectio perpendicularis ad easdem lineas longitudinis & latitudinis, ac proinde eadem communis sectio, per quartam Undecimi; imò & plana per ipsam ducta, nempe plana Libella, quæ representant plana verticalia, erunt per decimam octavam Undecimi, recta ad planum A, quod per lineas illas longitudinis ac latitudinis ductum est. Horizontale igitur erit idem planum A, hoc est, libratum, siquidem ad ipsum recta sunt plana verticalia, ut monstratum est.

Non aliter procedendum erit, si planum aliquod proponatur librandum, hoc est, si tabula aliqua vel marmor benè complanatum, constituendum foret horizontaliter. Primò enim collocabitur propositum planum ita, ut sensui appareat debite locatum. Deinde per Libellam eadem collocatio examinabitur tam secundum longitudinem, quam latitudinem, ut dictum est. Et si quidem in aliquam illarum partium deprehendatur deflectere, elevandum erit ex illa parte, subjectis cuneolis, vel aliâ materiâ, donec perpendicularum cadat in quadragesimum quintum gradum. Quod ubi successerit in utraque parte plani, tunc demum collocatum erit planum, ut proponitur.

Intelligimus autem per lineam longitudinis & latitudinis, quasunque duas lineas transversales, quæ non sint parallelæ. Quamvis ad præsens negotium sint accommodatiores illæ, quæ sese, saltem ad iudicium sensus, secant ad angulos rectos. Si enim ex ejusmodi duabus lineis perpendiculariter erigatur Libella, facilius apparebit differentia inclinationis, si fortè planum propositum non sit libratum.

Usus Libellæ Clavianæ.

IN campo aliquo, vel horto, aliove quoque plano, ad sensum horizonti parallelo, pone puncta Instrumenti Claviani supra capite 4 descripti in terra, seu plano illo. Et si quidem solum perpendiculari transit per D; erunt puncta B & C in plano illo ejusdem altitudinis, ita ut si spatium interjectum BC complanetur (si fortè non est complanatum) spatium illud horti, vel campi, aut plani sit libratum, hoc est, horizonti parallelum, secundum illam dimen-

CLXXXII
Fig.
Ico. XXV.

fio.

sionem, secundum quam applicatum ipsi fuit Instrumentum. Si vero filum perpendiculi A H abscindet ex quadrante D I, aliquot partes, v. g. tres: erit punctum C tribus palmis altius puncto B, atque ita fodiendum erit ibi, aut deprimendum planum illud ad altitudinem trium palmorum, ut complanatum spatium inter B & infimum punctum effossum seu depressum, sit horizonti parallelum. Quod si filum perpendiculi absunderet ex altero quadrante D K quocunque partes, v. g. quinque; esset punctum C depressius quinque palmis puncto B; ac proinde tunc puncto B superimponenda foret terra, aut elevandum esset ad altitudinem quinque palmorum, ut spatium inter B & supremum punctum terræ superimpositæ, aut plani elevati, æquidistaret horizonti secundum situm Libellæ applicatæ. Complanato spatio inter B & aliud punctum prope C, sive effossum, sive elevatum; iteranda erit eadem operatio, posito crure A B in puncto invento &c. Atque ita procedendum est usque ad ultimum signum in horto vel campo propositum. Dico, in horto, vel campo; nam in plano mobili sufficit prædictam operationem instituere semel in medio plani. Complanato secundum unam positionem plano, complanandum eodem modo erit secundum alteram, prout diximus in usu Libellæ Kircherianæ. Demonstrationem lege apud Clavius in Geomet. præct. lib. 3. Probl. 45. num. 1.

Quando Instrumentum hoc sæpius secundum unam dimensionem in diversis locis applicatum fuit, & diversæ fuerunt inventæ altitudines aut depressiones; quæritur autem in fine, quanto altius, depressiusvè sit primum punctum, quàm ultimum. Sciatur hoc per altitudines, depressionelvè intermedias, inquit Clavius. Ut si primus locus fuerit altior quàm secundus, quinque palmis; & hic altior quàm tertius, duobus palmis; hic autem depressior quàm quartus, tribus palmis; & hic denique altior quàm ultimus locus, uno palmo; colligemus primum locum altiorem esse ultimo loco quinque palmis. Nam primus locus erat altior tertio septem palmis, cum primus secundum quinque superet, & secundus tertium duobus; & quia tertius superatur à quarto tribus palmis, superabit primus quartum totum quatuor palmis; cum autem hic altior sit quàm ultimus uno palmo, erit primus altior quàm ultimus quinque palmis, & sic de cæteris. Idem sciemus, si
alti.

altitudines omnes cruris C scribamus separatim, in Crus C. Crus B.
 dextra parte chartæ, & altitudines cruris B in sini- 5.
 stra, & initâ utrorumque numerorum summâ de- 2.
 trahamus minorem à majori; residuum enim indi- 1.
 cabit, uter locus, & quantum sit altero altior. vide 8.
 schema in margine positum. 1.
 1.

COROLLARIUM.

Hinc colligitur, quomodo idem, quod hæcenus præstitimus per duas dictas Libellas, præstari possit per quodcunque libellaticum Instrumentum. Et quidem sicutcunque hujusmodi Instrumento, in quo sit perpendiculum, affigatur semicirculus divisus eo modo, quo dictum fuit in Libella Claviana constructione supra capite Quarto, ita ut centrum semicirculi correspondeat puncto suspensionis perpendiculi; habebis id eundem prorsus usum cum Claviana Libella dicta.

CAPUT SEPTIMUM.

De Vulgari Libratorum praxi in librandis
 locorum distantis, ad perducendas aquas: simulque de
 usu libellaticorum Instrumentorum in explorandis &
 constituendis planis horizontalibus secundum
 unam tantum exporrectionem.

Exponam hoc capite praxim vulgarem ac ordinariam qua utuntur Libratores communiter omnes, etiam æ geometræ, in librandis duorum locorum distantis, dum ab uno ad alterum perducere volunt aquam, ut sciant uter illorum sit altior, uter depressior. Eodem autem prorsus modo explorari potest, utrum planum aliquod secundum unam dimensionem seu exporrectionem, hoc est, secundum extensionem ab uno loco ad alterum, sit æquilibratum, nec ne; poterisque, si non est, complanari, ut dicemus iterum in fine Capitis in Corollario.

Ut sciant igitur Libratores, utrum aqua è fontis origine, aliove ex loco, ad locum alium, ut Urbem, Arcem, Hortum &c.

deduci possit naturali cursu; primùm omnium indagant, an originis locus altior sit, quàm locus in quem deducenda est aqua, hoc est, utrum locus ille sit magis supra eandem horizontalem lineam elevatus, quàm hic. Si enim inferior fuerit locus originis loco alio, aut in eodem horizontali plano cum illo; statim pronuntiant, aquam naturaliter deduci eò non posse: si autem superior fuerit, & planum inter utrumque locum interjectum potuerit habere sufficientem declivitatem, seu ut ipsi loquuntur, pendentiam; ajunt, deduci posse. Videndum igitur est, quomodo ipsi explorent per Libellatica Instrumenta, quis locus sit altior, quis humilior, quis æquè altus. Sic ergo procedunt Libratores,

Si è loco fontis, seu scaturiginis aquæ conspici potest locus, ad quem deducenda est aqua; collocant juxta fontis locum Instrumentum Libellaticum, quodcunque illud sit, è terra elevatum, hoc est, vel imponunt illud alicui sustentaculo, vel suspendunt è pertica, vel manu tenent. Deinde illud librant aliquo ex modis suprà dictis, nempe vel perpendiculis, vel aquâ, vel normâ seu Libellâ, vel aliter. Intelligunt verò libratum esse Instrumentum, cum linea, juxta quam dirigendus est visus, æquidistat secundum omnes suas partes horizonti instar libræ æqualibus ponderibus librata. Hoc facto, in loco illo, ad quem derivanda est aqua, erigunt perpendiculariter signum conspicuum tantæ altitudinis, quantum est à loco originis aquæ usque ad dioptras Instrumenti librati. Hoc etiam facto, transpiciunt vel per rimam seu canalem Instrumenti, vel per pinnacidia, vel per aquæ supremam superficiem, vel per dorsa triangulorum solidorum aquæ impositorum, prout diximus suprà capite secundo & tertio. Et si quidem signum in loco, ad quem deducenda est aqua, erectum occurrat in eadem linea visionis; pronuntiant illum locum esse æquè altum cum loco scaturiginis: si supra lineam visionis fuerit signum, ajunt locum esse altiozem: si infra; decliviozem: solùmque in hoc ultimo casu ajunt posse eò deduci aquam, si adsit sufficiens declivitas.

Fig. C
LXXXIX.
Ico. XXV.

Sit exempli gratia explorandum Quadrato, aut Quadrante, aliove quocunque Instrumento Libellatico, utrum ex loco A deducti possit aqua ad locum B, aut M. Erigunt Instrumentum in A, illudque librant, ita ut latus CD, in quo sunt Dioptræ, sit horizon-



Iconismus XXVI.

Pag. 299.

FIG. CXC.

FIG. CXCII.

FIG. CXCIII.



FIG. CXCIV.

FIG. CXCV.



FIG. CXCVII.



FIG.

CXCVIII.



FIG. CXCIX.



zonti parallelum. Metiuntur deinde altitudinem CA, nempe distantiam loci oculi C, à loco aquæ A. Posthæc in B aut Merigunt baculum BF, aut MF, quantævis altitudinis, habentem signum aliquod conspicuum F, tantum distans à B, aut M, quantum distat C Instrumenti ab aqua A. Tandem per dioptras seu pinnacidia CD Instrumenti transpiciunt, & dirigunt lineam visualem CDG, versus B, aut M. Et si quidem linea visualis CDG cadit supra signum F, ut fit apud locum B; ajunt, aquam ex A perduciposse ad B, si adsit sufficiens pendentia, de qua postea. Si verò linea visualis CDG eadat in signum F, aut infra ipsum, ut fit apud locum M; ajunt aquam A non posse perduciposse ad locum M. Ratio ipsorum est, quia in primo casu locus B est demissior, hoc est, centro Terræ propinquior, quàm aqua A; & quidem tantò demissior, quantò magis F est infra lineam visualem CDG: in secundo verò casu locus M altior est, hoc est, à centro Terræ remotior, quàm aqua A; & tanto altior, quantò magis F est supra lineam visualem CDG.

In idem recidit, si dicas, tunc locum A, in exemplo posito, esse æqualis altitudinis cum loco B, aut M, si per latus CD Instrumenti æquilibrati conspici potest signum F; tunc verò locum A esse altiore loco B, aut M, quando latus CD deprimumendum est versus signum F, ut videatur: tunc denique locum A depressiorem esse loco B, aut M, quando latus CD elevandum est versus signum F, ut videri possit.

Si è loco scaturiginis aquæ non possit videri locus, ad quem Fig. CXC.
deducenda est aqua, quia interjectus est mons, sylva, aliudvè simile impedimentum; ut si ex loco B deducenda esset aqua ad locum M, & interjectus esset mons A; ita procedunt. In loco B collocant Instrumentum supra suum sustentaculum, & æquili-
brant. Deinde in loco M perpendiculariter erigunt perticam cum signo F conspicuo, ut antea, tantum à terra distante, quantum distat à loco aquæ latus CD Instrumenti. His factis, ex loco B dirigunt visum per latus CD Instrumenti, versus locum E in monte, & notant signum aliquod G, ad quod terminatur linea visualis CDG. In loco deinde E collocant Instrumentum æquilibratum, ut latus CD correspondeat puncto G; & respiciunt versus K, notando aliud signum G, ad quod terminatur linea visus. Post hæc collocant

cant Instrumentum in loco K, ut latus CD Instrumenti æquibrati correspondeat iterum puncto G; & respiciunt versus M. Si linea visualis cadit in signum F; locus Merit æquè altus cum loco B: si cadit supra, aut infra F; erit locus M altior, aut depressior, prout antea dictum fuit.

Alii aliter procedunt in collocandis hastis seu perticis, & in Instrumento hastæ applicato elevando, aut deprimendo; sed nulla sit mutatio in substantia rei.

Fig. CXCI
Ico. XXVI.

Si denique è loco ejusdem scaturiginis aquæ non potest videri locus, ad quem aqua deducenda est, propter nimiam distantiam, etiam si spatium interjectum sit planum, aut quasi planum; procedunt eodem ferè modo, quo jam diximus, quando mons est interpositus. Ut si è loco A perducenda est aqua ad locum B, distantem passibus 400 circiter. Dividunt distantiam in plures stationes, A, E, F, B, distantes à se invicem 100, aut 150 passibus; & in stationibus intermediis, ut in E, & F, erigunt hastas cum signo conspicuo mobili, quod videlicet altiori aut depressiori loco hastarum affigi possit; cujusmodi signum est v. g. charta alba, quæ cerâ molli possit affigi hastis. His factis, collocant Instrumentum in A, prope scilicet locum aquæ, elevatum à terra, seu à superficie aquæ pedibus 7. Aequilibrant deinde Instrumentum, & per dioptras CD transpiciunt versus hastam E, dirigendo in ipsam hastam, visualement lineam CD G, & in puncto G jubent affigi chartam, quæ sit elevata supra terram pedes v. g. 5, quantum scilicet elevatum est punctum terminans lineam visualement. Detrahunt 5 à 7, remanent 2. Pronuntiant ergo, locum E altiorem esse loco A, pedibus duobus. Iterum collocant Instrumentum in E, æquibratum, & elevatum ut antea, pedes 7; & projiciunt visum per dioptras in signum hastæ F, elevatum supra terram pedes 4: detrahunt 4 à 7, remanet 3: ajunt ergo, locum F esse altiorem loco E pede uno, & consequenter loco A pedibus tribus. Tandem collocant Instrumentum in F, & dirigunt visum in hastam B, conspiciuntque signum elevatum è terra pedes 13: detrahunt 3 à 13, remanent 10: ajunt ergo, locum B esse inferiorem loco F pedibus 10, ac proinde loco E pedibus 9, loco verò A pedibus 7.

Ali-

Aliqui librationem factam à loco fontis ad locum alterum, repetunt ab altero loco ad locum fontis, ut videant num bene libnaverint; quoniam modicus error in Instrumento est maximus in linea librata. Utrum rectè, nec ne agant, patebit ex capite sequenti.

COROLLARIUM.

Colligitur hinc, quomodo planum secundùm eandem lineam horizontalem pluribus librationibus modo dicto invensam complanari possit, si nimirum spatium depressius repleatur terrâ aggestâ, elatius egestâ deprimatur.

CAPUT OCTAVUM.

De praxi libellandi tradita à Patre Nicolao Cabæo.

P Nicolaus Cabæus in Meteora Aristotelis lib. 1. tex. 61. quæst. 2. & lib. 2. tex. 6. quæst. 3. in fine, & quæst. 4. per totum, mirum in modum exagitat vulgarem Libratorum praxin in librandis locorum distantis ad aquas deducendas; aitque illos non intelligere, quid sit Libella, nec cognoscere quam lineam, seu quas lineas per libellationes designent, nec satis percipere, quid sit libellare. Ait, dum dicunt, ad derivandas aquas, ut feliciter & satis velociter fluant, satis esse, si singulis mille passibus inclinetur cursus, seu linea cadentiæ, per uncias quatuor; illos valde errare, & hanc assertionem luculentum satis ignorantia testimonium præbere: Si enim, inquit, libellatio unica fieret mille passuum, si fieri posset, & libella ex uno capite milliariis constitueretur; etiamsi in altero extremo capite lineæ libellatæ sumeretur punctum sex, imò & octo uncias infra punctum visum, aquam ex puncto libellæ non motû iri ad punctum visum per talem lineam, sed potius à puncto viso ad libellam cursuram. Monet proinde Principes, & Rerum publicarum Gubernatores, ut videant diligenter, dum hujusmodi Libellatores adhibent, quibus pecuniam fident.

Ipse autem Cabæus, ut suam exponat sententiam ac praxin, supponit, Libellationem nihil aliud esse, quàm descriptionem seu

designationem lineæ rectæ tangentis Terram, seu circulum Terræ concentricum, in illo præcisè puncto, in quod cadit perpendicularum Libellæ. Totum enim artificium Libellæ & Libellationis, inquit, consistit in hoc, ut constituatur per ipsam lineam rectam Terram contingens, supra quam si cadat perpendicularum in puncto contactus, solum perpendiculari faciat angulos rectos hinc & inde cum illa lineâ. Ut si sit lineâ seu Regula BC, super terram extensa; ea tunc dicetur constituta ad libellam, cum ita fuerit disposita, ut si ipsi superimponatur Libella AED, perpendicularum AF cadens super illam faciat angulos AFE, AED, rectos. Quod quidem, ut ipse monet, & nos supra diximus cap. 5. supposit, 9. non fit nisi in puncto contractus.

Hoc, aliisq; quæ apud ipsum leges, suppositis, Alit primò, ubi unica libellatione exploramus loci alicujus altitudinem, vel declivitatem, non esse Libellam in una loci illius extremitate collocandam, & per rimulas, vel alia ratione, dirigendam lineam rectam ad aliam extremitatem. Rationem dat, quia loca quæ per talem Libellationem inveniuntur in eadem lineâ æquilibrata, non sunt vera in eadem altitudine, hoc est, æqualiter remota à centro Terræ, sed altior est locus à Libella remotus, quàm libellæ proximus. Probat ratione mathematica, quam supra adduximus cap. 5. Supposit. 5. ubi diximus, punctum F magis distare à centro Terræ A, quàm punctum B. Ex quo infert Cabzus, ad hoc ut duo loca, per libellationem in eadem lineâ æquilibrata inventa, dici possint esse in eadem altitudine, debere libellam collocari in medio inter duo illa loca, & dirigi visum ad utrumque

F.CXCIII.
Ico, XXVI.

locum; ad unum quidem ex una libellæ extremitate, ad alteram verò ex altera: tunc enim si duo illa loca occurrant in eadem lineâ visuâ, signum est illa esse æquè à centro Terræ distantia. Sic si inter duo loca C & D, in adjuncta figura, ponatur libella in puncto A, & uterque occurrat visui in eadem lineâ CD; erit uterque æquè altus, hoc est, æqualiter distans à centro B. Et ratio est, quia cum lineâ CD sit tangens circulum descriptum ex B, & A ponatur punctum contactus, rectæque AC, AD ponantur æquales; erunt etiam rectæ BC, BD, æquales, per 18. Tertii, & quartam Primi Euclidis.

Si quis dicat, hanc esse speculationem mathematicam, ac proinde in physica praxi libellationis non attendendam, cum Terræ superficies sphærica, in qua libellatio fit, & linea tangens protenditur, adeo sit magna, ut elevatio lineæ tangentis post unum milliare non sit sensibiliter altior, seu remotior à centro Terræ, quàm in loco contactus. Respondet Cabæus, hoc omnino falsum esse. Si enim constitutâ libellâ in A, fiat libellatio spatii A D unius milliariis (si fieri potest) cum linea A D sit linea recta, & superficies Terræ circularis: si describatur circulus è centro Terræ, cujus semidiameter sit A B, passuum 3500000, & linea A D sit passuum 1000: erit linea D E, (ait Cabæus) pedis unius & unciarum decem circiter, hoc est, locus D erit altior loco A, unciis 12: ac proinde aqua ex A non fluat ad D, sed potius ex D fluat ad A. Ex quo infert, quàm parum sit fidendum vulgaribus Libratoribus. Addit, ex hujus rei ignoratione procedere, quòd hujusmodi Libratores nunquam repetitis libellationibus in diversis ejusdem librati spatii locis eandem inveniant altitudinem, nec, ut ipsi loquuntur, claudant spatium, & quòd eò magis errent, quò fuerint illà in re diligentiores. Si enim, inquit, constituas libellam primò in A, & dirigas lineam fiduciæ in D, ac deinde deferas libellam ad D, & convertas directionem ad A; nunquam, adhibitâ quacunque diligentia, revertetur directio ad A, sed supra A cadet, nempe in F; & si revertatur directio ex D ad A, signum est libellationem non fuisse legitime peractam.

Ait secundò Cabæus, si pluribus libellationibus explorare velis regionem aliquam, v. g. A B C: non esse sic explorandam, ut positâ libellâ in A dirigas vitum ab A in B; & puncto B exactè notato, ibi colloques jam libellam, & ex B invenias per aliam libellationem punctum C; & sic deinceps: sic enim non pergis in eadem altitudine seu distantia à Centro Terræ, sed semper ascendis, & elevaris eò magis, quò longiores libellationes producis ab A ad B, & à B ad C &c. ut patet ex dictis, & patebit melius ex dicendis sequenti Assertionem. Et quamvis procedas semper per puncta exactissimè inventa, non tamen procedis per puncta æquidistantia à centro: quia, ut ostensum est, in prima Libellatione B magis distat à centro Terræ, quàm A; & C adhuc magis, quàm B; & sic deinceps; & in magna longitudine valde sensibilis est ista elongatio à cen-

F. CXCV.
leo. XXVI.

à centro. Licet ergo non ita recedas pluribus libellationibus in eodem spatio repetitis, ac si unicā solum totum spatium libellaffes; tamen semper sequentia puncta magis ac magis remouentur à centro Terræ; & in longitudine multorum milliarium, recessus à centro Terræ erit, non jam unciarum, pedum, passuum, sed decempedarum. Et si repetas libellationem, incipiendo à fine versus principium, similiter operando ut priùs, senties enorme discrimen. Et hoc discrimen te docebit, utrum error in huiusmodi praxi sit sensibilis, nec nè.

F. CXC.
Ico. XXVI.

Ait tertio, dum pluribus libellationibus exploratur regio aliqua, vel dirigitur planum ædificii magni; illis pluribus libellationibus non constitui unam rectam lineam, nec fieri plures lineas eidem horizonti parallelas, sed semper fieri lineas se mutuo secantes, & produci polygonum circa peripheriam Terræ. Ratio est, quia singulis Libellationibus fit linea tangens circulum Terræ concentricum (non eundem, sed semper diuersum, & quidem maiorem; cujus lineæ extremitates hinc & inde à Libella remotæ æqualiter, distant à centro Terræ æqualiter; & omnes se mutuo interfecant, ut apparet in appositâ figura, in qua linea AB, interfecat lineam BC, & linea BC lineam CD &c. Hinc si longam porticum, (subjungit Cabæus) construas, puta trecentarum aut quadringentarum decempedarum, & per exactissimam libellationem singularum columnarum peristylia, seu capitella disponas, & primam columnam cum secunda exactè colloces ad libellam, & secundam cum tertia, & sic deinceps; non erunt omnia capitella in eadem recta linea, ita ut si oculum in uno capite constituas, & lineam visualem in directum projicias, sint omnia capitella in eadem recta linea visuali; hoc enim non erit, sed columnæ procedent quasi circulariter, capita elevando, & rectam lineam capitella media excedit valde notabiliter, pro longitudine porticus. Hujus rei addit rationem Cabæus, quæ tamen omnino est falsa, & planè contraria iis, quæ hæcenus dixit. Dum ergo (concludit Cabæus) porticum aut fenestratum ædificium dirigere vis, ut omnia sint in linea recta; non per libellam replicatis vicibus exactè adhibitam id consequeris, sed unica operatione in medio consistens hoc habebis per radium visualem.

Ait.

Alit quartò, Si diversis continuatis libellationibus exactè explorare velis regionis alicujus, vel ædificii, æquilibrium: hæc esse observanda. Primò, ut semper te cum libella constigas exactè physicè in medio inter extrema cujusque libellationis, ut æqualiter distes ab utroque extremo. Secundò, ut, si per lineam visuaalem punctum æquilibrii in vestiges, distantia sint valde moderata in singulis operationibus, ut distinctè punctum visum notare possis. Hæc autem distantia non deberet esse major quàm quadraginta, aut quinquaginta decempedarum, quamvis acutà vi polleas. Exemplum ponit tale. Sit explorandum æquilibrium duorum punctorum A & E. Sume primò spatium A I quinquaginta decempedarum, & erectis hastis A H, I B, colloca libellam in S. Tum conversus ad hastam A H nota exactè in hasta punctum H, in quod collimat libella, seu oculus per libellam transpiciens; & nota in charta ex una parte, dexterà v. g. distantiam, quâ punctum H distat ab A. Converso deinde visu per libellam ad hastam I B, & invento puncto B, nota in eadem charta ex parte sinistra distantiam, quâ punctum B distat à plano inferiori ad locum I. Sume deinde distantiam I K, si fieri potest, physicè æqualem priori distantia A I, & erectâ aliâ hastâ K C, constitue libellam in medio ubi F; & converso visu per libellam versus hastam I B, nota punctum, in quod collimat libella, seu oculus, sive sit punctum B, sive infra, sive supra B; & in parte chartæ dextra nota distantiam illius puncti visi à plano I. Converso deinde oculo in hastam C K, nota in ea punctum C, & describe in chartæ parte sinistra distantiam puncti C visi à puncto K plani. Iterum sume distantiam K E, prioribus æqualem, & erectâ aliâ hastâ D E, constitutâque libellâ in medio, ubi G, dirige visum primò in hastam C K, deinde in hastam D E; & visi puncti distantiam à plano K nota in charta dextera, puncti vero visi distantiam à plano E nota in charta sinistra. Eodem prorsus modo procede, si alia supersint spatia usque ad terminum ultimum destinatum, notando semper distantias dexterarum in charta dextera, & distantias sinistras in charta sinistra. Finita tota libellatione, junge simul omnes distantias dexterarum, & summam inito: Idemque fac cum sinistris distantibus: deinde summam minorem subduc de majori, & residuum dabit tibi differentiam distantia à centro Terræ primi & ultimi, seu dextri & sin-

stri puncti A & E; quod enim habebit residuum distantiae, erit demissius, seu propius centro Terræ.

Ratio hujus praxis est, quia cum in prima libellatione fiat linea tangens Terram in puncto S, seu ipsi æquidistantis, nempe linea B H, cujus extrema puncta H & B æqualiter distant à puncto contactus, ut supponimus; distabunt eadem duo puncta H & B æqualiter à centro Terræ, ut probavimus supra paulò post initium hujus capituli in Assertionem primam Cabæi.

Cognitâ ergo utriusque puncti distantiam à plano, hoc est, à punctis A & I, sciatur etiam utrum ex duobus punctis A & I, sit demissius, & utrum altius. Similiter propter eandem rationem sciatur per secundam, tertiam, & reliquas libellationes, quomodo se habeant inter se puncta I & K, K & E, &c. quoad majorem vel minorem altitudinem sive distantiam à centro Terræ. Et quamvis in secunda libellatione oculus non collimet in punctum B, hasta B I, in quod collimaverat in prima libellatione, sed cadat supra, aut infra; hoc nihil refert, quia etiam punctum C in eadem secunda operatione cadet supra aut infra idem punctum B, cum æqualiter distet à centro Terræ cum puncto in hasta B I notato. Idem dicendum est de aliis operationibus. Subductis ergo rationibus distantiarum dexterarum & sinistrarum in charta notatarum, sciatur præcisa habitudo primi puncti ad ultimum.

CAPUT NONUM.

Examinatur sententia & praxis Cabæi in libellandis aquis.

HÆc Cabæi sententia & praxis optima quidem est, si aliqua excipias in quibus errat; at non multum differt à praxi vulgari Libratorum, saltem peritiorum, & qui scriptis libris suas tradiderunt praxes. Paucis ergo illam examinabo, ut veritas eluceat, & quid tenendum sit, constet.

Assertit Cabæus in prima sua Assertionem, ut vidimus capite præcedenti, si libellâ in puncto aliquo Terræ ritè dispositâ projiciatur linea horizontalis, v. g. in appositâ figura linea A D, eaque extendatur in directum per unum milliare, seu mille passus, punctum

etum extremum D esse altius atque remotius à centro Terræ B, f. CXCvii
quàm punctum A, pede uno & unciis decem, posita Terræ semi-^{ico, XXVI.}
diametro passuum 3500000, seu milliariorum 3500; adeoque vult,
lineam D E continere pedem unum & uncias decem, seu uncias
22. Qua in re enormiter hallucinatur contra Geometriam, ex cu-
jus regulis dicta linea D E non est nisi digitorum 11½, seu unciarum
8½, ac paulò etiam minor; quod sic ostendo. Triangulum B A D
est rectangulum ad A, per 18 Tertiis; ideoque quadratum B D æ-
quale est, per 47. Primi, quadratis B A, A D. Latus B A, utpote se-
midiameter Terræ, est milliariorum 3500, & latus A D milliaris
unius. Quadratum ergo lateris B A est milliariorum quadrato-
rum 12250000; & quadratum lateris A D, milliaris quadrati unius;
ac proinde ambo quadrata simul, hoc est, quadratum lateris B D
est milliariorum quadratorum 12250001. Ex hoc numero si extra-
has radicem quadratam, invenies pro latere B D milliaris simpli-
cia 3500 ⁷⁰⁰⁰, paulò minùs. Erit igitur recta B E, quæ æqualis est
rectæ B A, milliariorum 3500; recta verò E D continebit ⁷⁰⁰⁰, hoc
est, unam septies millesimam unius milliaris; quam minutiam si
reducas ad digitos, invenies digitos 11½; si ad uncias, invenies un-
cias 8½. Etenim unum milliare continet digitos 80000; qui si divi-
dantur per 7000, proveniunt 11 ¹⁰⁰⁰, seu 11½. Iterum unum millia-
re continet uncias 60000; quæ si dividantur per 7000, proveni-
ent 8 ⁶⁰⁰⁰, seu 8½.

Idem error Cabæi colligitur etiam ex dictis suprà cap. 5. Sup-
posit. 5. ubi diximus, & probavimus, si semidiametro Terræ tri-
buantur milliaris 3036, latus B D fore milliariorum 3036 ⁶⁰⁷², ideo-
que rectam D E fore ¹ ²⁰⁷² unius milliaris, hoc est, digitorum 13½ cir-
citer; seu unciarum 9 ¹⁴⁴ ⁸⁰⁷². Quòd si cum Tychone tribuamus se-
midiametro Terræ milliaris 3440, erit latus B D milliariorum
3440 ⁶⁸⁸⁰, ideoque recta D E continebit ¹ ⁶⁸⁸⁰, hoc est, unam sexies
millesimam octingentesimam octogesimam unius milliaris; quæ
minutia reducta ad digitos, facit digitos 11 ¹⁰⁰⁰; ad uncias verò re-
ducta facit uncias 8 ¹⁰⁰⁰ ⁶⁸⁸⁰. Quæ omnia patebunt ritè calculanti, &
radicem quadratam extrahenti. Idem Cabæi error ostendi po-
test ex tabulis sinuum, tangentium, atque secantium; sed nolo
esse longior.

Qq 2

Esto

Esto igitur extremum punctum spatii unius miliaris altius sit primo puncto unciiis, non viginti durabus, ut Cabæus asserit, sed octo, vel novem, si unicâ libellatione res peragatur; practici tamen ac prudentiores Libellatores nunquam extendunt lineam æquilibratam per unum milliare, si aquas deducere voluerit; sed solum per 100, aut ad summum 150 passus; ut expressè præscribit Cardanus in Arithmet. & Geomet. præct. cap. 65. num. 45. ubi agit de deducendis aquis: ait enim: *Druidenda autem est distantia inter loca, si magna sit, iterando operationem omnibus centum, aut centum quinquaginta passibus.* Idem expressè advertit Leo Baptista Albertus lib. 10. cap. 7, Petrus Cataneus in fine Geomet. præct. ubi tractat de libellatione aquarum, & alii. Et ego vidi Libellatorem, qui chorobate librabat spatium omnino ferè planum, & vix quatuor miliariorum; & tamen ad singulos 40 aut 50 passus instituebat novam operationem, dispositis per campum hastis cum affixa charta, & adhibito socio, qui chartam ad nutum ipsius elevabat aut deprimebat; per quem deinde campum felicissimè deducebatur aqua per fossam factam. Si autem repetitis operationibus libellatur spatium unius miliaris, ultimum punctum non ita recedit à centro Terræ; & tantò minùs recedit, quantò sapius intra illud spatium repetitur operatio, ut etiam Cabæus fatetur, & patet ex dictis suprà capite præcedente in secunda Assertionione Cabæi. Propter hanc autem qualemcunque elevationem linearum librarum, dant Libratores singulis mille passibus uncias quatuor declivitatis seu pendentiz, & ut experientia docet, aquas feliciter deducunt. Quod ergo præscribit Cabæus de repetendis libellationibus in spatio aliquo magno librando, jam antea semper fuit observatum à Libratoribus.

Quod asserit in Assertionione tertia, verum est, si per repetitas libellationes exploretur magna aliqua regio multorum miliariorum; at quando dirigitur planum alicujus ædificii magni, est omnino falsum; nec unquam fuit visum, Architectos, aut Cementarios in dirigendo fenestrato ædificio, ut omnes fenestræ sint in eadem linea recta, constituere libellam in medio inter locum fenestrarum, & radium visualem hinc atque inde per libellæ dioptras projicere, & secundum illum radium fenestrarum altitudines constituere; sed omnes, jactis fundamentis muri etiam longissimi,

simi, constituunt libellam in una muri futuri extremitate, lineamque visualem, aut chordam, juxta libellam libratam extendunt usque ad alterum extremum, omnesque fenestras ad chordæ altitudinem construunt: quæ deinde omnes in eadem recta linea visuali apparent, siue ab hoc, siue ab illo extremo, aut in medio consistas, & radium visualem æquilibratum juxta unius fenestræ altitudinem projicias. Longitudo Aulae Collegii nostri Panormitani est, in palmis Panormitanis, palmorum 122, latitudo 47. Aulae Collegii Romani longitudo est palmorum Romanorum 138, unciarum 7, scrupulorum 3; latitudo palmorum 57, unciarum 3. Curritorium seu Ambulacrum supremum seu quintum Collegii Romani à septentrione ad meridiem, demptis muris, est longum palmos Romanos 550, meos passus 177: & quia 65 palmi Romani faciunt 48 pedes Romanos antiquos (est enim pes Romanus antiquus ad palmum Romanum modernum, ut 65 ad 48) lōgītudo prædicti Curritorii erit pedum Romanorum antiquorum 4067, in quibus continentur quinque pedes geometrici, seu passus geometricus, 81 (octuagies semel,) & supersunt pes 17; unde constat, dictam longitudinem esse plus quàm unam partem duodecimam unius miliarii; toties enim continetur passus 81 in 1000, & supersunt 28. In his tamen omnibus locis, aliisque multò longioribus, ut est Basilica S. Petri in Vaticano, Bibliotheca Vaticana, & longissimum Ambulacrum antedictam Bibliothecam, omnes fenestræ in eadem apparent linea visuali æquilibrata, ubicunque libellam & oculum applicaveris.

CAPUT DECIMUM.

De alveorum atq; canalium, per quos aqua decurrit, necessaria declivitate in perducendis aquis.

HYdragogi, ut vidimus in præcedentibus, & suprà etiam capite quinto, Supposit. 4. innuimus, asserunt, aquam per lineam horizontalem, atque adeo per alveos atque canales horizonti æquidistantes, non moveri atque decurrere naturali fluxu, sed requiri necessariò aliquam declivitatem seu inclinationem, vel ut

ipsi loquuntur, pendentiam. Quam quidem declivitatem alii appellant libramentum canalium & alveorum. Quæritur nunc, quanta debeat esse huiusmodi declivitas, seu quantum debeat esse altior alveus versus locum, è quo deducitur aqua, quam versus locum, ad quem deducitur. Qua in re diversæ sunt Auctorum opiniones. Vitruvius lib. 8. cap. 7. requirit pro millenis distantia pedibus pedes quinq; altitudinis ex una, declivitatis ex altera parte. Ait enim: *solumque rivi libramenta habeat fastigiata, nec minus in centenos pedes semipede.* Unde Keplerus in Astronomia Opt. pag. 135. dixit, Vitruvium requirere in aquæductibus ducentessimam decursi spatii partem in libramento, hoc est, pedem integrum in ducentos pedes, seu semipedem in pedes centenos. Andreas Palladius lib. 9. Architect. cap. 11. requirit quindecim pedes pro millenis pedibus: ait enim de canalium structura loquens: *Si per planū veniet, inter sexagenos aut centenos pedes sensim reclinetur structura in sesquipedem, ut vim possit habere currendi.* At bene conjicit Ricciolus lib. 2. Almag. Novl. cap. 13. num. 7. legendum esse, *semipedem*; quomodo enim sensim curreret aqua, si canalis in pedes centenos haberet declivitatem sesquipedum, & in pedes millenos quindecim pedum, seu trium passuum? esset enim intolerabilis rapiditas, imò præcipitantia aquæ, inquit Ricciolus. Leo Baptista Albertus lib. 10. Architecturæ cap. 6. pro mille passuum distantia non requirit plus quam pedis unius declivitatem. Verba Alberti sunt: *His addunt Geometra &c. rectam lineam qua Terra globum contigerit, si à puncto contactus ad mille passus in longum producat, fore ut intervallum illud, quod inter eam & maximum Terræ ambitum sit, non plus denos excedat digitos: eâ re sulco aquario aquam non moveri, sed stagnari, ni in singulis octonis peractis stadiis, hoc est, in singulis miliaribus, vado sis depressiore pedem integrum, quam fuit locus, unde incisaria sit.* Idem sentit Daniel Barbarus in cap. citato Vitruvil, ubi Alberti verba refert, non tamen ut apud ipsum leguntur. Cum Alberto sentit Joseph Ceredus Discursu primo, de modo elevandi aquas in altum, dicens, Geometras asserere, tum propter figuram sphericam Terræ, quæ singulis miliaribus elevatur decem digitos circiter, tum propter libramentum ad motum aquarum, non minus atque ad motum cæterorum gravium necessarium, requiri singulis octonis stadiis, seu singulis miliaribus, ad minimum pedem unum declivitatis.

Mino.

Minorem tamen declivitatem sufficere ait Guilhelmus Philander, & Cæsar Cæsarianus in suprâ dictum vitruvii locum. *Longè aliter*, inquit Philander, *nostra atatis Libratores: nam in sexcentos pedes unum tantum pollicem deprimunt.* Unde Cæsarianus suspicatur, locum Vitruvii, requirentis semipedem in centum passus, esse corruptum, cum multi moderni (inquit) per longam distantiam non faciant libramentum nisi unius uncie in centum trabuchos, ut ipse appellat.

Hieronymus Cardanus in Arithmetica & Geometria practica, cap. 63. num. 45. post medium, requirit pro mille passibus unam quartam partem unius passus, seu digitos 20. Verba ejus sunt: *His cognitis debes scire, quod ad deducendam aquam, ut docet Leo Baptista Albertus, requiritur pro omni milliari, ut locus, ad quem deducitur aqua, sit declivior decem digitis, & sunt, unius passus; nam passus continet 80 digitos. Sed ad majorem securitatem dico, quod locus ad quem aqua debet deferri, debet esse, passus pro milliari declivior loco, à quo educitur. Si igitur sit deducenda per millia 20, oportebit, quod locus, à quo educitur; sit altior quinque passibus saltem, quàm locus ad quem educitur.* Hæc Cardanus. Ex quibus etiam patet, ipsum non intellexisse Albertum. Idem tamen Cardanus lib. 2. de Subtilitate ait: *In singulis igitur millibus passuum locus à quo, altior palmo esse debet loco ad quem, ut in decem millibus passuum decem palmis.*

Petrus Cataneus lib. 2. Geometriæ practicæ in fine, ubi de libellatione aquarum tractat, & alii communiter jam, ajunt requiri quatuor unciarum (uncia autem est duodecima pars pedis) libramentum in singulis milliariis, ut fiat motus aquarum physicus ac sensibilis ab uno loco ad alterum; ita ut si sit aqua stagnans, quæ debeat fieri fluens, vel fieri debeat aquæ ductus, in spatio uniuscujusque milliariis ita debeat disponi aquæ ductus, ut quatuor uncias sit inferior, ac centro Terræ vicinior terminus ad quem, quàm terminus à quo; & iterum in altero milliari subducendæ sunt ex libellatione quatuor uncie. Atque hoc est receptum communiter à Libratoribus tanquam Axioma, ut testatur etiam Cabzus loco suprâ citato.

Nolo hic silentio præterire ineptum Auctores Latinos interpretandi modum cujusdam Scriptoris. Is est Vincentius Scamozzi, qui cum in Opere suo Italico de Architectura parte 1. lib. 3.

cap.

cap. 17. dixisset, sufficere unum pedem pendentiz pro singulis milliariis, seque hoc observasse in aliquibus aquæductibus antiquis; addit, Cardanum tamen lib. 1. de subtilit. & alios requirere unum passum; mirarique se valde Vitruvium, quòd lib. 8. de Architect. cap. 7. requirat 25 pedes Romanos cadentiz pro singulis milliariis: cum tamen ipse observaverit fluvios Possessorum non habere nisi dimidium pedem cadentiz, maximè si habeant aquam sequentem. Verba italica Scamozzi sunt. *Nel condur l'acque, ò sopra, ò sotto terra, è bisogno darle qualche poco di decaduta; il che basta un piede per ogni miglio, come habbiamo osservato in alcuni acquedotti antichi: se bene il Cardano & altri vorrebbero darle un passo. Anzi è da maravigliarsi non poco di Vitruvio, che voglia, ch' elle habbino di decaduta venticinque piedi Romani per ogni miglio; e noi habbiamo osservato i fiumi de' Possessini, che vanno con mezzo piede di caduta, massime se hanno seguito di acqua.*

Vides quanta sit Auctorum diversitas circa declivitatem necessariam in aquæductibus, ut naturali cursu aquæ fluant de loco in locum. Ego existimo, credendum esse Practicis, qui communiter asserunt, requiri & sufficere quatuor uncias cadentiz pro singulis miliaribus. Addo tamen, aquam è fonte ac fluvio derivatam faciliùs currere, cæteris paribus, quàm derivatam è lacu, alio vè loco, ubi stagnavit. Hinc est, ut aliquando major declivitas requiratur, quàm practici ordinariè requirant, aliquando verò minor sufficiat; nullam enim omnino requiri, nullus hactenus dixit. nè quidem Cabæus, qui expressè ait, locum à quo aquæ, altiore esse debere loco ad quem.

CAPUT UNDECIMUM

De usu Pantometri Kircheriani in libellandis aquis.

DUm explico usum Pantometri Kircheriani in aquis libellandis, ejusdem usum in libellandis planis, & universim In omni libellationis genere explico, ut ex dictis hactenus de usu aliorum Libellaticorum Instrumentorum patet. Brevibus ergo rem expedio, quamvis hoc præcipuum sit suscepti hujus libri Hydragogici argumentum. Sitigitur.

PRO-

PROBLEMA I.

Pantometrum Kircherianum ad usum Libellæ accommodare, & æquilibrare.

ESto Pantometri Kircheriani Quadratum $ABCD$, cujus lateri AB affixa sit Regula dioptrica. Ducatur vel per medium Quadrati, vel per alterum latus, nempe BD , linea recta EG , faciens tam cum latere AB , quàm cum latere CD , angulos rectos; ex puncto verò E suspenditur filum cum perpendicularo EF ; eritque Pantometrum ad usum Libellæ accommodatum, ut patet ex dictis capite 2. 3. & 4. de variis libellaticis Instrumentis.

Figura
CXCVIII.
Ico. XXVI.

Pantometrum ita accommodatum si ex pede seu fulcro suo suspendas, ut figura monstrat (& diximus lib. 2. cap. 2. ubi egimus de dimensione altitudinum verticalium) ita ut latus AB , in quo est Regula dioptrica, sit ad horizontem sensuum iudicio parallelum: si perpendicularum EF congruet lineæ EG , erit Instrumentum æquilibratum.

DEMONSTRATIO.

Perpendiculum EF , ex puncto suspensionis E medio inter A & B liberè demissum, si protrahatur, cadit in centrum Terræ, per dicta supra Cap. 5. Suppositione 7. Esto igitur I punctum, centrum Terræ, in quod perpendiculum EF protrahitur cadit. Si centro I , intervallo IE , describatur circulus KEL Terræ concentricus, erunt anguli AEI , BEI , ex constructione recti, propter lineam EG , (cui congruit filum perpendiculari) lineæ AB perpendicularem. Tum sic. Duo latera, AE , EI , trianguli AEI , æqualia sunt duobus lateribus, BE , EI , trianguli BEI , & anguli ad E deinceps æquales: Ergo rectæ AI , BI , æquales sunt, per quartam Primi: ergo puncta A & B æqualiter distant à centro Terræ: ergo AB æquilibrata est, hoc est, nullum ejus punctum magis horisonti propinquum est, quàm alterum. Potest idem demonstrari ex 18. Tertij.

PROBLEMA II.

Pantometro duo loca non multum à se invicem distantia librare, pro ducendis aquis.

Rr

Quam-

P.CXCIX.
lco.XXVI.

Quamvis ex dictis Capite Septimo constet, quomodo in hoc casu procedendum sit Pantometro nostro; tamen majoris claritatis gratia non gravabor praxin integram distinctè explicare.


Sint igitur oblata duo loca, A & B, non longè à se invicem distantia (scilicet non multum ultra 200 passus) & quorum unus ex altero videri possit; sitque explorandum, uter altero sit altior, & utrum ex altiori ad humiliorem aqua deduci possit. Erige perpendiculariter in dictis locis duas hastas seu perticas longas, A D, B E, divisas in partes minutas notæ, & in ea regione, in qua sit libellatio, usitatæ mensuræ, puta in pedes, uncias, scrupula &c. Colloca Pantometrum in medio (physicè saltem & ad sensum) duorum illorum locorum, nempe in C, dispositum atque libratum juxta dicta Problemate primo; Et per dioptras respice primò in hastam A D, notando signum D in quod terminatur visualis radius F D: deinde in hastam B E, notando signum E in quod terminatur visualis radius F E. His factis, numera partes perticarum ab A usque ad D, & à B usque ad E; eritque altior ille locus, à quo pauciores reperiuntur partes à terra usque ad signum notatum; depressior verò ille, à quo reperiuntur plures partes. Ut si inter A D reperiuntur septem partes, inter B E verò octo; erit locus A altior loco B. Differentia porrò partium interceptarum dabit differentiam altitudinum dictorum locorum; ac proinde in casu posito locus A erit altior loco B, uno pede.

DEMONSTRATIO.

EX demonstratis Problemate precedente perpendicularum Pantometri si protrahatur, cadit in centrum Terra, & recta D E est horisontali parallela. Sit igitur perpendicularum Pantometri recta F C, & punctum G, in quod protracta F C cadit, sit centrum Terra. Intelligantur A C K, & B H I, parallela tam horisontali D E, quàm ipsi horisonti per G centrum transeuntis. Quoniam igitur punctum C remotius est à centro G, quàm punctum H; erit horizontalis A K altior quàm horizontalis B I, ac proinde locus A altior quàm B; & quidem tantò altior locus A quàm B, quantum est spatium inter H & C, seu B & K, hoc est, quanta est differentia inter A D, & B E.

PRO-





PROBLEMA III.

*Pantometro librare duo loca inter se longè diffita, pro
aquis perducendis.*

EX dictis eodem Capite septimo constat, qua methodo in hoc quoque casu sit procedendum; nempe ut sequitur.

Sint libranda loca A & B, diffita quantumvis, in campo tamen libero, hoc est, nullis montibus inter utrumque locum interjectis impedito. Perficienda res est pluribus libellationibus, methodo tamen à præcedenti non multum differente. Primò itaque, in locis A & C, diffitis inter se passibus v.g. 180, erige perpendiculariter duas hastas, A I, C M, divisas in partes minutas notæ alicujus mensuræ, ut diximus; & collocato Pantometro in medio in puncto G, libratoque, collima, priùs in L, deinde in M; deinde partes inter A & L nota in parte sinistra chartæ, partes verò inter C & M nota in parte dextera ejusdem chartæ; numerum denique passuum inter utramque perticam nota in medio chartæ.

Fig. CC,
lc. XXVII.

Secundò, in puncto D fige aliam perticam DO, & transfer eò perticam A L; & colloca Pantometrum æquilibratum in medio illarum in puncto H: deinde collima priùs in N, postea in O: tandem partes inter C N nota sub laterculo A, & partes inter D O sub laterculo B, passus verò inter C & D in medio sub laterculo C.

A	C	B
10	180	6
5	250	5
4	245	5
5	200	10
24	875	26

Tertiò, in puncto E fige perticam E Q, vel eò transfer perticam C M; Pantometrum verò colloca in medio in puncto I: deinde collima priùs in P, ac deinde in Q: tandem partes inter D P nota in laterculo A, partes inter E Q in laterculo B, passus inter D & E in laterculo C.

Quartò, colloca Pantometrum æquilibratum in K, & collima priùs in Q, deinde in R; & partes quidem E Q nota in laterculo A, partes verò B R in laterculo B, partes denique inter E B in laterculo C. Eodem prorsus modo procedes, si plures adsint perticæ inter duo extrema loca erectæ.

His factis, collige in unam summam numeros in laterculo A notatos, & in aliam summam numeros in laterculo B notatos. Si duæ summæ sunt æquales, loca A & B sunt æquæ alta: si summa laterculi A est major quàm summa laterculi B, locus A est altior loco B si denique summa laterculi A, est minor quàm summa laterculi B, locus A est demissior, quàm locus B. Differentia porro inter duas summas dat differentiam inter duorum locorum altitudines Sic in casu posito, locus A est altior loco B partibus duabus. Ex spatio inter duas quaslibet perticas interjecto colliges, quantum declinandus sit alveus, aut canalis à loco unius perticæ ad locum alterius, ut naturaliter ac faciliè currat aqua.

DEMONSTRATIO.

*C*um operatio seu praxis hujus Problematis nihil aliud sit, quàm praxis sapius repetita Problematis precedentis: erit etiam demonstratio hujus Problematis eadem cum demonstratione precedentis Problematis. Etenim, ut ex Problemate precedente patet, C altius est quàm A quatuor pedibus. D demissius quàm C, uno pede, ac proinde altius quàm A tribus pedibus; idem E est altius quàm B quinque pedibus, & quàm A tribus pedibus; Ergo A est altius quàm B duabus pedibus.

PROBLEMA IV.

Pantometro librare duo loca, inter qua mons interjectus est.

*S*icutque locus est ad radicem montis, hoc est, in subjecta planitie prope, ac circa montem, procede modo dicto in precedenti Problemate tertio, figendo nimirum perticas in ipsa planitie circa montem ab uno loco ad alterum, distantes debitis intervallis, & inter duas quaslibet perticas collocando Pantometrum physicè in medio, & operando ut dictum.

Si alter locus est in latere montis ex una parte, alter in planitie ex altera parte, dubitas tamen uter sit altior; inquire primò altitudinem à loco in montis latere posito usque ad planitiem, instituendo frequentes & non multùm inter se distans stationes ac libellationes: deinde in planitie procede, ut dictum in precedenti Problemate.

Side-

Si denique uterque locus est in latere montis, sed ex opposi- Fig. CCI.
tis partibus, procede ut dictum partim capite septimo, & partim le. XXVII.
Problemate præcedente.

Sint duo loca A & B, in diversis montis la-
teribus. Fige in locis C, D, E; B, non multum
inter se distantibus, perticas; & collocato pri-
mum Pantometro in A. v. g., collima in G; de-
inde collocato Pantometro in C, collima in
D, tertio collocato Pantometro in D, & in E,
collima in E, & B. Eodem modo operare, si
plures adsunt perticæ. His factis, nota in la-
terculo A altitudinem Pantometri à terra ad
supremum latus dioptricum horizonti paral-

A	C	B
7		9
7		11
7		4
7		12
28		36

36

28

8

lelum, toties, quoties collocaſti in terram pro nova ſtatione Pan-
tometrum, nempe in caſu poſito quater, quia quatuor feciſti ſta-
tiones cum Pantometro, nempe in A, in C, in D, & in E. Deinde
in laterculo B nota diſtantias perticarum à terra uſque ad ſignum
radio viſuali notaturum in ſingulis ſtationibus, nempe in caſu poſi-
to, 9, 11, 4, 12. Demum in laterculo C colloca paſſus diſtantiarum
inter loca ſtationum electa. Collige jam in unam ſummam nu-
meros laterculi A, & in aliam numeros laterculi B; ac minorem
ſubtrahè à majori, ſi non ſunt æquales; indicabitque minor ſum-
ma locum altiore, major demiffiore, æqualis æqualem utriuſ-
que altitudinem. Demum ex numero laterculi C diſces, quan-
tum declivitatis habere debeat aqua inter quælibet loca notata.
Ratio ex dictis patet.

PROBLEMA V.

*Aliter librare Pantometro duo loca circa montem,
quando ex utroque ſignum aliquod in montis ca-
cumine videri poteſt.*

Sint duo loca, A & B, in diversis montis ejuldem lateribus, ex Fig. CCII.
Squibus tamen montis cacumen C, aut ſignum aliquod monti le. XXVII.
impoſitum videri poſſit. Utere modo dicto lib. 2. cap. 2. Probl. 2.
Corollario primo. Nempe primò ex loco A, per duas ſtationes,

Rr 3

inquit,

inquire altitudinem perpendicularis CD usque ad horizontalem AD. Deinde ex loco B, per duas alias stationes, inquire altitudinem perpendicularem CE, usque ad horizontalem BE. Quibus altitudinibus CD, CE inventis, subtrahere minorem à majori, & habebis differentiam altitudinum datorum locorum A & B. Si nulla est differentia, erunt duo illa loca æque alta.

PROBLEMA VI.

Aliter ex ipso monte invenire duorum locorum circa montem positorum altitudinem, Pantometro nostro.

Fig. CCIII.
Ic. XXVII.

PER dicta lib. 2. loco citato, inquire primò per duas stationes in A & D factas, diametralem AC: secundò per duas alias stationes, in B & E factas, inquire diametralem BC. Habitis diametralibus, conscende montem, & collocato Pantometro in C, fac in ejus charta perpendicularem CK; dirige Regulam dioptricam in locum A, & posito Cursore supra punctum C, duc juxta ipsius latus rectam CI in eadem charta; in quam, à C usque ad I, transfer tot particulas ex Cursore, quot invenisti pedes in diametrali CA, & ex puncto I chartæ duc perpendicularem IK ad rectam CK chartæ; dabuntque particulæ CK chartæ pedes perpendicularis CF montis, à C usque ad F, punctum scilicet horizontalis lineæ AF. Eodem modo invenies perpendicularem CG. Inventa igitur differentia, aut æqualitate perpendicularium CF, CG, habebis etiam differentiam, aut æqualitatem inter altitudines duorum locorum A & B. Rem paucis indicavi, quia suppono Lectorem exercitatum esse in dictis libro secundo.

ANNOTATIO.

QUANDO non potest ex uno loco montis videri uterque locus juxta aut infra montem positus, vel ex utroque loco infra posito non potest videri idem locus supra positus: possunt eligi in montis summitate, aut paulò infra, duo loca, ut C & M, & primò ex loco A investigari modus dictis perpendicularis CF, deinde ex loco B perpendicularis ML: ex harum enim æquali aut differenti altitudine colliges æqualem aut differentem altitudinem duorum locorum A & B.

PRO.

PROBLEMA VII.

Pantometrolibellare aquam putei in montis latere collocati.

Est in montis latere puteus, è quo incolæ ad montis radicem habitantes hauriunt aquam; volunt perforare montem, & derivare aquam in locum subjectum; quæritur, quomodo sciri possit, utrum putei fundus, seu aquæ scaturigo sit altior loco subjecto, & quantò sit altior.

Esto puteus A B, cujus fundus, seu aquarum scaturigo est in B; locus autem ad quem derivanda est aqua, est C. Inquire modo dicto in præcedentibus Problematibus, & in lib. 2. cap. 2. Probl. 2. Coroll. 1. perpendicularem A D. Deinde demisso in puteum fune cum alligato pondere, inquire altitudinem A B. Cognitis his duabus altitudinibus, habebis intentum, si A B subtrahas ab A D.

Fig. CCIV.
lc. XXVII.

CAPUT DUODECIMUM

De usu Speculi pro Libella.

Speculum, molle primâ fronte (inquit Claramontius) ac fragile instrumentum, fæminearum scilicet deliciarum, mundi que muliebris pars non exigua, philosophantium tamen curâ excultum, præstantem Catoptrices scientiam exhibuit. Nec intra cognitionis limites stetit, sed in utilitates præterea nostras descendens, in serios usus præclarosque traductum est. Ad defendendam etenim patriam Archimedes id deduxit, naves hostiles comburendo; ad dimetiēdas altitudines Euclides, alique post ipsum; ad omnium distantiarum mēsuracionem primū Kircherus noster in Arte Lucis & Umbræ lib. 9. par. 1. cap. 2. deinde P. Gabriel Beatus Collegii nostri Romani olim Mathematicæ Professor in libello singulari ea de re edito. Alii etiam ad alios usus traduxerunt speculum, ut Avicenna ad medicinam, Plato ad mores, Kircherus ad Steganographiam. At latebat adhuc usus ejusdem admodum præclarus: munere enim & officio Libellæ præclarissimè fungitur. Quem usum, antea inauditum, primus, quod sciam, per-

perspexit, scriptisque tradidit Scipio Claramontius Insignis Mathematicus, libello singulari ea de re edito, in quo post explicatā ac demonstratam praxin libellationis in universum, explicat parte 5 ulum Speculi pro libella, eumque parte 6 fusè demonstrat. Ego brevissimè ex ipso delibabo solam praxin; demonstrationes qui volet, legat apud ipsum.

Est igitur speculum planum rectangulum, & rectum ad horizontale planum, $ABCD$ (sive quadratum illud sit, sive altera parte longius, perinde est.) Appendatur ex hasta aut pertica terræ infixā, aliòvè ex fulcro, ita ut moveri sursum atq; deorsum; seu elevari ac deprimi ad libitum possit. Quo factò librètur latus AC , vel perpendicularo EF è medio aut ad latus appenso, vel libellā valculovè aquario lateri AC superimposito, vel alia ratione; eritque unà libratur latus BD , utpote lateri AC parallelum. Deinde ita elevetur sursum per hastam speculum, ut latus inferius BD sit altius oculo stantis, aut sedentis, jacentivè ante speculum. Non videbit tunc oculus seipsum in speculo, sed tantum videbit ea, quæ sunt altiora oculo, ut frontem, pileum. Hoc etiam factò, vel demittatur paulatim speculum, vel qui inspicit ante speculū stans, sese paulatim attollat, usquequò oculus sese primò videat; manente interim semper speculo æquilibrato. Signum autè quòd oculus se primū videat, erit, cum videndo seipsum, nullam partem faciei infra se, imò nec infra pupillam viderit. In hoc situ speculi, oculique inspicientis, apparebunt in speculo omnia illa, quæ è regione illius sunt, quorum reflexæ species ad oculum pervenire possunt: eritque infimus terminus eorum quæ oculo tunc ex reflexione apparebunt, æquè altus ac oculus, id est, æquè altè supra illud planum horizontale, cui inspiciens insistit, elevatus; & quidquid erit infra hujusmodi terminum, nō videbitur, nisi adeo sint altæ res, aut ita parvum speculum, ut species superiorum partium recipi, aut saltem reflecti ad oculum non possint, ob angulum reflexionis nimis acutum. Sed hoc meliùs intelligetur ex sequenti schemate. Theoriam verò trademus in Magia Catoptrica.

Fig. CCVI.
lc. XXVII.

Est igitur speculum $ABCD$, perpendiculare plano horizontali $LMNO$, & stantis in eodem plano oculus F , videns seipsum in speculo per radium EF , nihilque aliud infra se. Per què
radius

radium cogitemus extensum planum horizonti parallelum, secans objectum quoddam visibile ante speculum constitutum, v. g. turrim GH , quam secet per lineam IK , ita ut planum secans efficiat rectam $EFLK$, horizonti parallelam. Erit pars inferior IK occultata oculo F in speculum intuenti, pars verò superior IK videbitur, nisi si quæ pars ob nimiam turris, & ob modicam speculi altitudinem occultetur: quod ad rem nostram hic non facit. Oculo igitur in F existente, omnium quæ reflexa visione apparent infimi termini, æquè alti sunt supra horizontem, quàm oculus F , atque adeo quàm infimus speculi terminus BD , cum oculus F , ut ponitur, sit in eadem altitudine supra horizontem, in qua sunt puncta B & D . Quod autem dicimus de turri G & de punctis IK ; dicendum etiam est de omnibus aliis objectis, & punctis, quæ sunt in infimo termino partis cujusvis tunc ex reflexione apparentis. Si ergo scopus aut charta, quæ in librando pro scopo objicitur, ex pertica vel arundine eatenus à socio attollatur, deprimaturvè, ut ipsa in infimo speculi margine ab oculo F videatur, nihil verò perticæ infra chartam, nihil faciei infra oculum inspiciatur; erit tunc scopus æquè altus oculo, nec non infimo speculi margini BD , & consequenter hæstet à dicto speculi margine usque ad planum, cui & hasta & Librator insistunt.

Ex his constat, qua ratione duorum quorumcunque locorum altitudo ex libella comparanda, & quomodo librandum quodcunque spatium inter duo loca interjectum. Sint enim in supradicto plano $LMNO$, duo loca seu puncta S , & Q . Infigatur rectus ad horizontem palus SE , cui speculum $ABCD$ affigatur, habens latera AC , BD , æquilibrata. Ex puncto deinde Q erigatur perpendiculariter pertica $QRIG$, cui charta pro scopo sit affixa. His ita constitutis, ex quocunque puncto P librator, oculo in F existente, videat visione reflexa è speculo perticam $QRIG$, in qua eatenus attollatur charta atque deprimatur, ut ea charta sit infimus terminus partis conspicuæ tunc oculo perticæ, sitque in puncto I , adeo ut ipsius perticæ nihil infra I oculus tunc ex speculo videat. Erit itaque charta, seu punctum I , æquè altum ac oculus F , nec non ac punctum E speculi. Si ergo duæ perpendiculares, ES , IQ , sint æquales; puncta quoque subiecta, S & Q , æquè alta erunt. Si perpendicularis alterutra est major alterâ,

v.g. si perpendicularis I Q ex puncto viso I usque ad terram est major, quàm perpendicularis ES, ut si extenderetur usque ad punctum T; erit punctum S altius puncto T. Sidenique ex puncto I dicta perpendicularis extenderetur solum usque R; erit punctum S humilior puncto R. Hac eadem ratione si procedatur ulterius, fiantque plures observationes ac libellationes, & altitudines perpendicularium dextrarum scribantur in charta dextera, sinistrarum in sinistra, reliquaque observentur quæ diximus supra; librari poterit spatium, quantumvis longum, explorarique uter duorum locorum quantumvis dissitorum sit altior, quis depressior.

Alter etiam fieri poterit libellatio per latus speculi superius, si primò speculum statuatur infra oculum, ut seipsum in speculo non videat: deinde eò usque attollatur speculum, vel demittatur oculus, ut seipsum reflexè ex speculo videat primò; videbit autem primò, cum se ipsum videbit, & nullam omnino partem vultus superiorem, scilicet non frontem, non supercilia, non superiorem palpebram, imò nec oculi partem ullam supra pupillam. Dum verò rerum objectarum partem inferiorem reflexè videbit, superior latebit, terminusque distinguens partem visam à latente, erit supremus terminus partis conspicuæ; qui supremus terminus, omniaque in eadem superficie per terminum illum transeunte, & horizonti æquidistante, sunt æquæ alta cum oculo.

Annotatio ad facilitatem praxis.

Fugiemus laborem astollendi ac demittendi paulatim speculum seu erigendi ac demittendi nos ipsos, si dimittentes ad amussim & exactissimè altitudinem nostram oculos tenus, ita suspendamus speculum, ut aequè altum sit latus ejus seu infimum, seu supremum, atque oculus; & spatium exiguum inter nos & speculum interjectum complanemus: tunc enim accedere atque recedere poterimus, donec oculum videamus, & nihil infra, aut supra oculum.

Poterit etiam inferiori aut superiori speculi lateri affigi perpendiculariter lamella dimidij digiti longitudinem habens; & supra lamellæ extremitatem fieri dioptra; ut si in superiori figura lateri inferiori B D speculi affigeretur lamella EF; & in F fieret dioptra seu foramen rotundum exiguum. Hoc enim factis foramen applicetur oculus, & speculum affi-

ciat, erit is aquæ altus ac infimum aut supremum latus, & omnium objectorum tunc in speculo apparentium infimi aut supremi termini erunt in eadem cum oculo altitudine.

CAPUT DECIMUMTER- T I U M.

Documenta nonnulla pro Libratoribus aquarum.

Verissimum est, aquarum Libratores Ingentia damna Principibus atque Rebus publicis inferre posse, si munere suo non rectè fungantur. Verissimum, errari multis modis posse, etiam ab iis qui instructi scientia, nullam omittunt diligentiam, ob negotii lubricitatem. Verissimum denique errorem parvum in principio, maximum evadere posse in fine hujus negotii. Non poterit ergo non esse gratissimum Libratoribus, si nonnulla documenta in operationibus librandi observanda hîc adduxero.

DOCUMENTUM I.

Dum per dioptram libellatico Instrumento affixam, (sive pinnacidia illa sint, sive canaliculus secundum Instrumenti longitudinem excavatus, sive extantes apices, sive cylindri, sive aliud quodcunque) visus dirigitur in signum aliquod, notari debet punctum signi quàm potest fieri minimum, & quidem circa medium signi visi, non circa partem ejus superiorem aut inferiorem. Explico. Dum oculus positus in A Instru. F. CCVR. Ic. XXVII.
menti libellatici dirigit visum in signum C B D, quæ est v.g. charta perticæ affixa, objicitur ipsi tota charta, quoniam totius illius chartæ radii seu species visibiles perveniunt ad oculum per modum conî, cujus basis est ipsa charta, vertex verò est in oculo; omnium autem hujusmodi radorum solus medius B A, qui est axis conî radiosi, fertur perpendiculariter ad oculum, directè objectum aspicientem, & per illum solum oculus dirigitur ac fertur perpendiculariter in objectum, ac proinde solus ille est horizonti in casu positò parallelus, reliqui verò radii sunt ad horizontem inclinati. Quare solum punctum medium B est æquè altum ac ocul-

lus, reliqua verò sunt vel altiora, vel depressiora. Atque ex his patet ratio Documenti, Ratio verò explicationis desumenda est ex Optica. Rectissime ergo facient Libratores, si pro signo perticæ affigendo sumant chartam, cujus una medietas alba sit, altera nigra, curentque usque eò chartam illam à socio elevari ac deprimi, donec unico intuitu per dioptras directo videant confinium duorum colorum in medio, hoc est, tantum videant de uno colore supra illud confinium, quantum de altero infra.

Si tamen Instrumentum libellaticum statuatur in medio inter duas perticas, & in utroque prospectu per dioptras notetur in utraque pertica signi punctum infimum; erunt illa duo puncta æquæ alta supra horizontem, at non æquæ alta cum oculo. Si utroque prospectu accipiat utrobique punctum supremum; erunt illa similiter æquæ alta inter se, at altiora oculo. In utroque tamen casu, hoc est, si utrobique infima, si utrobique suprema notentur puncta, observari debent tria, ut bene advertit Cabæus. Primò ut foramina in utroque pinnacidio (si foraminibus utimur) sint æqualia: Secundò, ut oculus in utroque prospectu æquè applicetur ad proximum sibi pinnacidium: tertio ut Instrumentum statuatur exactè in medio inter duas perticas.

Fateor tamen, si signum in quod collimatur, parvum est, exiguum committi errorem, si non in utroque transpectu notentur aut media, aut superiora, aut inferiora puncta: quidquid dicat Cabæus; præsertim si distantia oculi à signo viso exigua est.

DOCUMENTUM II.

Instrumentum libellaticum sit quàm exactissime libratum: parva enim deviatio ab æquilibrata seu horizontali linea, magnum errorem inducere potest, præsertim si signum in quod collimatur, sit remotum ab Instrumento. Patet hoc ex te, quia si linea visualis per Instrumenti dioptras directæ, non est horizontali lineæ per easdem dioptras directæ æquidistans, vel potius non coincidit penitus cum ipsa, sed angulum facit quantumvis parvum cum illa; quò plus producuntur istæ duæ lineæ, eò magis inter se distant. Librantur autem, ut ex dictis constat, Instrumenta libellatica his potissimum modis. Primò, usu perpendiculi, seu à medio, seu ab extremitatibus Instrumenti suspensi. Secundò, usu aquæ, seu in canali Instrumen-

to ad-

to adjuncto, seu in vase Instrumento superposito, seu in vase ab Instrumento separato, contentæ. Tertiò, usu normæ, seu Instrumento superpositæ, seu ab Instrumento separatæ. Quartò, usu ponderum, seu ex æquali distantia Libræ instar, seu ex inæquali instar stateræ, suspenforum ex Instrumento.

Ubicunque autem & quomodo eunque adhibetur perpendiculum, curandum est primò, ut pondus filo appensum sit adeo grave, ut & filum perfectè extendat, & non faciliè à vento dimoveatur: deinde ut filum sit tenue, quò faciliè notari possit utrum cum linea perpendiculari Instrumenti congruat: demum ut tam linea perpendicularis, quàm filum sit, quantum fieri potest, longum, quò faciliè notari possit quævis minima deviatio.

DOCUMENTUM III.

Instrumenta parva, in quibus aut canalis seu aqua plenus, seu perforatus, brevis est, aut pinnacidia sunt sibi invicem valde vicina, fallaciore sunt, quàm magna, in quibus contraria conditiones observantur. Agnovit hoc Vitruvius, ut vidimus cap. 2, ideo Chorobatem præfert Dioptræ & Libræ aquariæ, quòd Chorobates longitudinem habeat pedum viginti. Ratio hujus documenti est, quòd radius visualis per foramina pinnacidiorum remotiorum, aut per canales perforatos longiores transiens, minùs deviare potest à linea horizontali, etià si negligentius agatur, quàm si transeat per foramina propinquiora, canalesvè breviores. Sint enim in Instrumento aliquo libellatico pinnacidiorum propinquorum foramina A B, remotiorum verò A C. Si per centra foraminum B & C transeat radius visualis oculo posito in centro A, terminabitur is in punctum D: at si per errorem radit extremitatem E foraminis C, sive superiorem sive inferiorem; terminabitur in F: si verò radit extremitatem G foraminis B, sive superiorem, sive inferiorem; terminabitur in H. Idem continget, si Canalis perforatus fuerit largus. In his tribus casibus solum punctum D est æquè altum ac oculus A, punctum verò H est longè remotius à D, quàm punctum F. utrumque autem punctum, F & H, eò erit remotius à puncto D, quò majus erit intervallum inter Instrumentum & signum in quod collimatur.

F. CCVIII.
Ic. XXVII.

DOCUMENTUM IV.

Alio etiam ex capite Instrumenta libellatica, quorum latera aequilibrata sunt brevia, fallaciora sunt, quam quorum latera sunt longiora, quia nimirum in brevibus exigua deviatio à linea horizontali excrescit in maiorem errorem, quàm in longioribus. Patet hoc ex dictis Documento precedente, & ex Schemate ibi posito: magis quippe excrescit deviatio AGH à linea ABD, quàm deviatio AEF ab eadem linea ABD.

Plura Documenta dabimus in Mechanica nostra Universalis, agentes de Mechanica Hydragogica, ubi de aquarum perductione fusiùs & accuratiùs differemus.



LIBER



LIBER X. VARIUS,

sive

Varia Problemata, Pantometri ope, ac præcipuè linearum Polymetrarum eidem inscriptarum usu, soluta.

PROOEMIUM.



Notissimus est apud Neotericos Mathematicos Circinus ille, quem ab usu circa lineas & figuras proportionales inveniendas, describendas, augendas, minuendas, dividendas, commutandas, Circinum proportionum seu proportionalem appellant aliqui; alii verò ob ingentem in omni panè Mathematica, ac præsertim Geometriæ practica negotio, rectius Circinum Polymetrum, Holometrum, Pantometrumque indigitant. Constat is duabus aequalibus regulis planis, ex orichalco, alia vè materia solida fabrefactis,

ita

ita clavo aliquo tereti in medio duarum extremitatum connexis inter sese, ut circa ipsum, veluti centrum, possint uniformiter moveri, dilatari, atque constringi, ad instar Circini manualis, ut appellant. E dicto centro Circini, per totam dictarum planarum regularum longitudinem, ducuntur varia linea recta, variis nominibus insignita, variisque usibus destinata, ideoque variè ex arte geometrica divisa. Egregium sanè Instrumentum, dignumque Inventore suo, quem Belgam alii, alii Italum, alii Germanum existimant; quamquam ego putem, non cum ea, qua nunc extat, perfectione fuisse primò inventum, sed variis temporibus à diversis Mathematica peritis ad perfectionem majorem perductum, addentibus his uno linearum genere & usu, aliis alio; ut proinde mirum non sit, tantam esse de genesi ipsius controversiam.

Ceterum quidquid predicti Instrumenti ope prestari potest, ac solet, prestatur etiam commodissimè per lineas in una sola Regula plana descriptas atque divisas, ut egregiè ostendit Adrianus Metius in Opusculo, quod de Proportionali Regula indigitat, annexumque est ipsius Geometria practica. Quam quidem lineam commodissimè describi possunt in planis superficiibus Quadrati, nostri Instrumenti. Quare hic primùm docebo,

qua

qua ratione hujusmodi lineae sint fabricandae, hoc est, quomodo dividenda sint, ac Instrumento nostro inscribenda: Deinde Parte sequente earum usum multiplicem explicabo; aliaque addam Problemata, quae Pantometri nostri spe solvi facillimè possunt. Interim contemplare schematicum omnium linearum hìc insertum, cum earum nominibus. Has porro lineas, quoniam eundem cum Polymetro circino usum habent, Polymetras appellare visum fuit.

Et tametsi usus Circini proportionalis minorem adjunctum habeat laborem, quam usus hujusmodi linearum rectarum in Instrumenti lateribus, ut diximus, descriptarum; tamen descriptio atque divisio earundem in Instrumento (aut in quavis alia Regula plana) est longè faciliior accuratiorque, quam in circini predicti planis. Nam praterquam quòd difficulter inveniuntur opifices, qui dictos circinos rectè fabricari noverint; debent omnes lineae egredi è puncto illo, tanquam è centro, in quo duae Circini Regulae conjunguntur, & circa quod velut circa axem volvantur, dum aperiuntur atque claudantur; qua linea cum multae sint, necesse est illas adeo reddi inter se vicinas prope dictum centrum, ut vix una ab alia discerni possit,

T

sit,

*fit, vixque divisiones ac nomina seu signa distinctio-
num recipere. Præterea cùm post egressum è centro di-
latari semper magis ac magis, seu divaricari inter se
se debeant; non possunt omnes totam Regularum lon-
gitudinem occupare; unde necesse est, alias reddi lon-
gas, alias breves, ideoque divisiones in aliquibus fieri
debent majores, in aliis minores; quod non admodum
est conveniens. His igitur, aliisque de causis, præfe-
renda sunt linea polymetra in Instrumento nostro, aut
alibi notata, circino proportionum.*

PARS PRIMA

**De Fabrica linearum Polymetrarum, In-
strumento nostro inscribendarum.**

UT linea polymetra, quas Instrumento nostro inscribere cupimus, non
differunt ab illis, quas circino proportionum alii inscribunt, ita mo-
dus easdem preparandi, dividendique, ab illo non est diversus. Hunc
ergo sequentibus Pragmatis tradam, non quidem quoad omnes, sed quoad
aliquas tantùm lineas.

PRAGMATIA I.

Lineam fundamentalem preparare.

vide Icon.
XXVIII.

IN Charta aliqua duriore, aut pergameno, vel meliùs in ligno,
solido ac benè lævigato, orichalco, aliavè quacunque materia
solida ac lævi, duc lineam rectam, quæ adæquet in longitudine u-
num Quadrati latus Instrumenti nostri Pantometri. Hanc li-
neam divide, accuratissima adhibita diligentia, in mille æquales
particulas, tali pacto. Primò tota linea dividatur in duas partes,

ita



ita ut earum unaquæque contineat quingentas partes: deinde utraque medietas dividatur in alias quinque partes æquales, ita ut tota linea sit divisa in decem partes, & qualibet earum censetur continere centum partes: tandem unamquamque harum decem partium divide in alias centum minutissimas particulas: nempe primum in duas, & harum utramque in quinque, & deinde singulas in alias quinque. Sufficit tamen pro fundamentali linea, si sola prima centesima pars dividatur modo dicto in centum minutissimas particulas. Hanc lineam ita divisam, voco fundamentalem lineam, quia ipsa mediante omnes reliquæ subsequentes dividuntur, ac proinde est quasi fundamentum, cui omnium aliarum constructio & fabrica innititur. Hæc linea in adjuncto schemate divisa est tantum in partes centum. Divisioni in partes mille servit parallelogrammum ABCD.

PRAGMATIA II.

Lineam Arithmeticam Instrumento inscribere.

PER ætā prædicto modo in mille partes æquales divisione, transfer lineam divisam in Instrumentum nostrum, hoc est, duc in aliquo Instrumenti latere lineam huic æqualem, eamque simili omnino modo divide, eique adscribe has duas syllabas, *Arith.* quæ significant eam appellari Arithmeticam lineam, tum quia divisa est secundum proportionem arithmetica, tum quia ipsius usus præter alia, in arithmetice elucet operationibus præcipue.

ANNOTATIONES.

I.

SI operosum tibi videtur, lineam in mille particulas divisam transferre in Instrumentum, aut aliam in eodem ductam dividere in totidem particulas: poteris lineam illam, quam in Instrumento pro Arithmetica elegisti, dividere in pauciores partes, nempe in 100, 160, 200, 300 &c. perinde enim est, dummodo fundamentalis sit divisa in mille.

II. Potest etiam tam linea fundamentalis, quam linea Arithmetica, dividi in centum particulas tantum. sed tunc in divisione aliarum sequentium linearum ex fundamentalis observanda sunt ea, quæ in singulorum divisionibus dicemus in Annotationibus.

PRAGMATIA III.

Lineam pro divisione linearum rectarum in quotlibet partes, Instrumento inscribere.

vide Icon.
XXVIII.

IN Instrumento duc lineam rectam secundum Quadrati longitudinem, æqualem lineæ fundamentalis, eique adscribe has syllabas, *Lin. Rect. Div.* hoc est, Lineæ rectæ divisio; ad significandum talem lineam inservire inter alia divisioni cujuscunque lineæ rectæ in quotcunque partes, & secundum quamcunque proportionem.

Hujus lineæ accipe primò partem dimidiam, deinde tertiam, deinde quartam, quintam, sextam, &c. tali pacto. Quoniam tota lineæ æqualis est lineæ fundamentalis, erit etiam dimidia, tertia, quarta &c. pars ipsius æqualis dimidiæ, tertiæ, quartæ &c. parti ejusdem fundamentalis. Intercipe igitur circino ordinario & bene acuminato ex lineæ fundamentalis tot particulas, quot conveniunt dimidiæ, tertiæ, quartæ &c. parti ipsius lineæ fundamentalis, prout ostendit sequentis tabulæ columna secunda; easque transfer in lineam ductam in Instrumento, incipiendo à principio semper, imprimendo puncta, & adscribendo numeros, prout factum vides in figura superiori; & habebis lineam quæsitam.

ANNOTATIONES.

I.

SI lineæ fundamentalis divisa est in centum partes tantum, intercipe circino ex ipsa partes, quas continet tabula sequentis columna tertia, easque transfer in lineam ductam in Instrumento.

II. Sequentis tabulæ Columna prima continet numeros partium in quas dividenda est lineæ in Instrumento ducta: Columna secunda continet particulas lineæ fundamentalis, quæ intercipiendæ sunt circino, posito quod fundamentalis sit divisa in mille partes: tertia columna continet easdem particulas, posito quod fundamentalis sit divisa solum in centum partes. Utraque composita est dividendo 1000, aut 100 per 2, 3, 4, 5 &c. Fractiones quæ Quotienti post divisionem adherent, plerumque sunt ommissæ: & si superant 5, aut 50 unitates, loco earum adjecta est unitas Quotientis; si verò non superant tot unitates, nihil additum est.

TABU.

TABULA I.

Pro divisione Lineæ Rectæ, in quotlibet partes.

I	II	III
I	1000	100
II	500	50
III	333 $\frac{1}{3}$	33 $\frac{1}{3}$
IV	250	25
V	200	20
VI	166 $\frac{2}{3}$	16 $\frac{2}{3}$
VII	143	14 $\frac{1}{7}$
VIII	125	12 $\frac{1}{2}$
IX	111	11
X	100	10

I	II	III
XI	91	9
XII	83	8 $\frac{1}{3}$
XIII	76	7 $\frac{1}{2}$
XIV	71	7
XV	67	6 $\frac{2}{3}$
XVI	63	6 $\frac{1}{4}$
XVII	58	5 $\frac{1}{2}$
XVIII	56	5 $\frac{1}{3}$
XIX	53	5 $\frac{1}{4}$
XX	50	5

PRAGMATIA IV.

Lineam pro divisione circuli in quotlibet partes, Instrumento inscribere.

DUc in Instrumento lineam rectam æqualem lineæ fundamē-^{vide Icon. XXVIII.}
tali, & in ipsa nota partes æquales chordis quæ subtendunt
partes circuli datas, v. g. partem sextam, septimam, octavam &c.
Huic lineæ adscribe has syllabas: *Lin. circul. divi.* hoc est, Lineæ
circularis divisio; quæ significant, lineam inservire divisioni cir-
culi in quotlibet partes.

In eadem lineā, vel melius in linea sequenti Graduum, no-
tari possunt latera polygonorum, imprimendo videlicet puncta
prope illos gradus, qui determinant polygonorum latera: quæ
latera habebis, si 360 divides per numerum laterum polygoni cu-
jusque. Linea porro ita divisa vocetur linea Polygonorum; un-
de prædictæ priori lineæ adscribi etiam possunt hæ syllabæ: *Lin.*
Polygon.

Fig. CCIX
Ico. XXIX.

Divisio porro Lineæ prædictæ fit tali pacto. Imaginare circum, cujus semidiameter æqualis sit lineæ fundamentali, seu lineæ Instrumento inscriptæ, ac prædicto modo dividendæ in mille æquales particulas; sitque circulus hîc appositus B D C. Imaginare præterea, omnibus hujusmodi circuli partibus subtensas esse chordas, ut factum vides in chorda D C, subtensa semiquadranti. Inquire tandem, quot particulas singulæ chordæ contineant ex mille, aut centum, in quas divisâ censetur fundamentalis lineæ; & numeros inventos redige in tabulam. Sic autem prædictas chordas invenies in quocunque circulo.

Esto Circulus B D C, cujus centrum A, semidiameter A C, divisâ in mille partes; sitque inveniendâ chorda subtendens octavam circuli partem. hoc est, 45 gradus (nam 45 gradus sunt octava pars totius circuli divisi in 360 partes) nempe arcum C D. Duc rectas A D, & C D, & ex D demitte in A C perpendicularem D E; deinde ex centro A, erige A F G semidiametrum ipsi A C perpendicularem; eritque D E sinus rectus arcûs C D; & D F, hoc est, A E ipsi æqualis, erit sinus complementie ejusdem arcus. & E C sinus versus ejusdem. Sinus rectus D E habetur ex tabula Sinuum 707 partium, posito sinu toto mille partium: sinus versus E C habetur, si ex sinu toto A C mille partium subtrahas sinum complementi A E, qui in posito exemplo est æqualis sinui recto, nempe 707; nam id quod remanet, scilicet 292, seu 293, est sinus versus E C. Ex sinu recto D E, & sinu verso E C, sic invenitur chorda D C. Quoniam ex constructione factâ, triangulum D E C rectangulum est ad E, propter perpendicularem D E; erit quadratum D C æquale quadratis D E, E C, per 47. Primi. Duc ergo sinum rectum D E, 707 in se, proveniet quadratum 495849; iterum duc sinum versum E C, 293 in se, proveniet quadratum 85849; adde hæc duo quadrata, 495849, & 85849, proveniet numerus 581698, pro quadrato rectæ C D; ex hac summa extrahere radicem quadratam, provenient 764 ferè pro chorda C D.

Eodem modo invenies chordas reliquarum partium seu graduum circuli. Sed ut calculandi labore sublevis, apponendam censui sequentem tabulam, in qua columna prima continet partes circuli à sexta usque ad quinquagesimam primam; Secunda continet partes chordarum partibus primæ columnæ respon-

den-

dentium, posito quòd semidiameter circuli seu linea fundamen-
talis nostra sit divisa in mille partes; tertia denique columna con-
tinet partes chordarum, si in centum partes divisa fuerit funda-
mentalis, seu semidiameter. Non producitur ulterius tabula,
quia ex his divisionibus possunt haberi aliae, ut alibi dicetur, & pa-
tet consideranti.

TABULA II.

*Pro divisione Linea circularis in quocun-
que partes.*

I	II	III
VI	1000	100
VII	868	87
VIII	763	76
IX	684	68
X	618	61
XI	564	56
XII	518	52
XIII	479	48
XIV	445	44
XV	416	42½
XVI	390	39
XVII	368	37
XVIII	347	35
XIX	329	33
XX	313	31
XXI	298	29
XXII	285	28
XXIII	272	27
XXIV	261	26

I	II	III
XXV	251	25
XXVI	241	24
XXVII	232	23
XXVIII	224	22
XXIX	216	21
XXX	209	20½
XXXI	202	20
XXXII	196	19½
XXXIII	190	19
XXXIV	184	18
XXXV	179	17½
XXXVI	174	17½
XXXVII	170	17
XXXVIII	165	16½
XXXIX	161	16
XL	157	15½
XLI	153	15
XLII	149	14½
XLIII	146	14½

XLIV	144	14
XLV	140	13 $\frac{1}{2}$
XLVI	137	13 $\frac{1}{2}$
XLVII	134	13 $\frac{1}{2}$

XLVIII	131	13
XLIX	128	12 $\frac{1}{2}$
L	126	12 $\frac{1}{2}$
LI	123	12

TABULA III.

Pro divisione lineæ circularis in latera polygonorum.

I	II	III
III	120	0
IV	90	0
V	72	0
VI	60	0
VII	51	26
VIII	45	0
IX	40	0
X	36	0
XI	32	8
XII	30	0
XIII	27	42
XIV	25	43
XV	24	0
XVI	22	30
XVII	21	11
XVIII	20	0
XIX	18	57

I	II	III
XX	18	0
XXI	17	8
XXII	16	20
XXIII	15	38
XXIV	15	0
XXV	14	24
XXVI	13	51
XXVII	13	20
XXVIII	12	51
XXIX	12	25
XXX	12	0
XXXI	11	35
XXXII	11	15
XXXIII	10	54
XXXIV	10	36
XXXV	10	17
XXXVI	10	0

IN hac tabula, prima Columna continet numerum Laterum polygonalium; Secunda Columna gradus respondentes; tertia columna minuta.

PRAGMATIA V.

*Lineam pro divisione Quadrantis circuli in gradus,
Instrumento inscribere.*

DUc in Instrumento lineam æqualem fundamentali lineæ, e- vide Icoa, XXVIII.
amque divide juxta sequentem Tabulam; in qua, columna
Prima continet numeros graduum Quadrantis ab 1 usque ad 90;
Secunda continet numeros particularum ex fundamentali lineæ
accipiendarum, posito quòd in mille partes sit divisa; Tertia con-
tinet eosdem numeros, facta divisione fundamentalis in centum
partes. Lineæ prædictæ adscribe has syllabas: *Lin. Quadr.* seu,
Lin. Graduum.

Porro Tabula sequens calculatur eodem prorsus modo, quo
secunda præcedens; nimirum accipitur gradus certus, v. g. 45;
quæritur ejus sinus Rectus, & sinus versus; uterque quadratur,
hoc est, ducitur in seipsum; quadrata adduntur in unam summam,
ex eaque extrahitur radix quadrata: hæc enim radix quadrata
numerus exhibet particularum dato gradui competentem. Sic
gradus 45 sinus Rectus est 707, sinus versus 293, quadratum primi
495849, quadratum secundi 85949, summa amborum 581698;
radix quadrata 764, & paulò plus;

TABULA IV.

*Pro Divisione Quadrantis Circuli in suos gradus,
sive pro Linea Graduum.*

I	II	I
I	12	1
II	29	2
III	37	3½
IV	50	4½
V	62	6
VI	74	7
VII	86	8

I	II	III
VIII	98	9
IX	111	10½
X	123	12
XI	136	13
XII	148	14½
XIII	160	16
XIV	173	17

Vu.

XV	185	18
XVI	197	19
XVII	209	20 $\frac{1}{2}$
XVIII	221	22
XIX	233	23
XX	245	24
XXI	257	25
XXII	269	26 $\frac{1}{2}$
XXIII	282	28
XXIV	294	29
XXV	306	30
XXVI	318	31 $\frac{1}{2}$
XXVII	330	33
XXVIII	342	34
XXIX	354	35
XXX	366	36
XXXI	378	37
XXXII	390	39
XXXIII	402	40
XXXIV	414	41
XXXV	425	42
XXXVI	437	43
XXXVII	449	44 $\frac{1}{2}$
XXXVIII	460	46
XXXIX	472	47
XL	484	48
XLI	495	49
XLII	500	50
XLIII	507	51
XLIV	518	52 $\frac{1}{2}$
XLV	541	54

XLVI	552	55
XLVII	564	56
XLVIII	575	57
XLIX	586	58
L	598	59
LI	609	60
LII	620	62
LIII	631	63
LIV	642	64
LV	653	65
LVI	664	66
LVII	675	67
LVIII	686	68
LIX	697	69
LX	707	70
LXI	718	71
LXII	728	72
LXIII	739	73
LXIV	750	75
LXV	760	76
LXVI	770	77
LXVII	780	78
LXVIII	790	79
LXIX	800	80
LXX	811	81
LXXI	821	82
LXXII	832	83
LXXIII	842	84
LXXIV	851	85
LXXV	861	86
LXXVI	871	87

LXXVII	881	88
LXXVIII	890	89
LXXIX	900	90
LXXX	909	90½
LXXXI	918	91
LXXXII	928	92
LXXXIII	937	93

LXXXIV	946	94
LXXXV	955	95
LXXXVI	965	96
LXXXVII	974	97
LXXXVIII	982	98
LXXXIX	991	99
LXXXX	1000	100

PRAGMATIA VI.

Lineam Geometricam Instrumento inscribere.

DUc in Instrumento lineam rectam, æqualem fundamentali, vide Teoa. eamq; divide juxta sequentem tabulam, transferendo nimirū XXVIII. In ipsam ex fundamentali linea pro primo puncto particulas centum, aut decem. prout illa divisa fuerit in mille aut centum partes. Hanc lineam aliqui vocāt Planimetricam, quia ipsius usus elucet maximè in Planis seu superficiebus augendis, minuendisq; Alii vocant Geometricam, ob usum ejus geometricū in dictis figuris; vel quia divisa est secundum geometricam proportionem. Alii lineam planorum homologorum appellant, quia ejus ope augētur ac minuantur figuræ planæ homologæ Alii denique lineam quadratorum vocant, quod ope quadratorū fabricetur, tam geometricè, quàm arithmeticè. Potest etiam hæc linea vocari quadratica, eò quod contineat latera quadratorū multiplicatorū. Sequens verò potest vocari cubica, eò quod contineat latera cuborum multiplicatorum. Nos cum communiori vocabimus Geometricam Lineam; ideoq; illi adscribendæ sunt hæc Syllabæ: *Lin. Geomet.*

Sequens portò Tabula sic componitur arithmeticè. Accipe numerum quadratum quemcunque pro primo quadrato, v. g. 10000, & ex ipso extrahe radicem quadratam, quæ est 100; & habebis particulas pro primo puncto sequentis tabulæ. Pro secundo puncto, seu pro particulis secundi puncti inveniendis, duc primum quadratum 10000 in 2, provenient 20000, ex quibus extrahe radicem quadratam, & habebis 141 ferè, pro secundo puncto. Pro duodecimo v. g. puncto, multiplica primum quadratum 10000, per 12, proveniunt 120000; ex quibus si extrahas radicem quadratam, habebis 346 proximè pro duodecimo puncto. Eodem modo procedes in aliis punctis inveniendis. Vide Guldinum

in Append. ad lib. 1. de centro gravit. c. 5. Metlum lib. 2. Geometriae practicae cap. 6. Modum dividendi eandem hanc lineam geometricè vide suprà Lib. 6. Probl. XI.

Prima tabulae columna continet numerum seu ordinem punctorum in linea notandum; Secunda particulas respondentes millenariae; tertia centenariae divisioni fundamentalis lineae.

TABULA V.

Pro divisione Lineae Geometricae.

I	II	III
I	100	10
II	141	14
III	173	17
IV	200	20
V	224	22
VI	245	24
VII	265	26
VIII	283	28
IX	300	30
X	316	31½
XI	332	33
XII	346	34½
XIII	361	36
XIV	374	37½
XV	387	38
XVI	400	40
XVII	412	41
XVIII	424	42
XIX	436	43
XX	447	44
XXI	458	45

I	II	III
XXII	469	46½
XXIII	480	48
XXIV	490	49
XXV	500	50
XXVI	510	51
XXVII	520	52
XXVIII	529	52½
XXIX	539	53
XXX	548	54
XXXI	557	55
XXXII	566	56
XXXIII	574	57
XXXIV	583	58
XXXV	592	59
XXXVI	600	60
XXXVII	608	61
XXXVIII	616	61½
XXXIX	624	62
XL	632	63
XL I	640	64
XL II	648	64½

XLIII	656	65
XLIV	664	66
XLV	671	67
XLVI	678	$67\frac{1}{2}$
XLVII	688	68
XLVIII	693	69
XLIX	700	70
L	707	$70\frac{1}{2}$
LI	714	71
LII	721	72
LIII	728	$72\frac{1}{2}$
LIV	735	73
LV	742	74
LVI	748	$74\frac{1}{2}$

LVII	755	75
LVIII	762	76
LIX	769	$76\frac{1}{2}$
LX	775	77
LXIV	800	80
LXV	806	$80\frac{1}{2}$
LXX	817	81
LXXV	866	86
LXXX	894	89
LXXXI	900	90
LXXXV	922	92
LXXXX	949	94
LXXXXV	979	97
C	1000	100

PRAGMATIA VII.

Lineam Stereometricam Instrumento inscribere.

DUc In Instrumento lineam rectam fundamentali æqualem, vide Icon: XXVIII.
eamque divide juxta sequentem tabulam; in qua, Columna
Prima continet numerum seu seriem punctorum in linea notan-
dorum; Secunda particulas ex fundamentali accipiendas, si ea
censeatur divisa in mille partes; Tertia easdem particulas, si fun-
damentalis divisa est in centum partes.

Voco hanc lineam Stereometricam, seu solidometricam;
quia ejus usus elucet in augendis ac minuendis corporibus, seu so-
lidis. Alii vocant cubimetricam, quia continet latera cubica:
alii lineam homologorum corporum, quia talia corpora ipsius
ope augentur & minuuntur. Sed præstat retinere vocabulum
stereometricæ lineæ communiter usitatum; quare eidem adscri-
bendæ sunt hæc syllabæ: *Lin. Stereom.*

Sequens tabula calculatur arithmetice hac ratione. Accipe
quotcunque particulas ex fundamentali, v. g. 100 pro latere seu
radice primi cubi Lineæ stereometricæ inscribendi; hunc nu-

merum 100 multiplica cubicè ducendo nimirum ipsum proxime in se, deinde in productum, & habebis 1000000: ex hoc numero cubico extrahe radicem cubicam, & habebis 100 pro primo latere, seu primo puncto lineæ, cujus duplum sunt 200: Pro secundo latere seu puncto duplica 1000000, & habebis 2000000; ex quibus extrahe radicem cubicam, & habebis 126 pro secundo latere seu puncto, cujus duplum est 252. Simili modo inuenies numeros pro reliquis punctis.

Nota, numeros secundæ columnæ sequentis tabulæ esse duoblos eorum, qui inuenirentur ex cubica multiplicatione predicta; quod nos cum aliis fecimus, ut habeatur radix cubica 1000 post pauciores operationes, quàm si simplices acciperentur, nempe post centesimam vigesimam quintam operationem. Posset tamen qui vult, eosdem numeros accipere simplices, triphces, quadruplices, perinde est. Vide Metum in Geometria practica par. 2. cap. 6. Præcepto 6.

TABULA VI.

Pro diuisione Lineæ Stereometricæ.

I	II	III
I	100	20
II	252	25
III	288	28
IV	312	31
V	342	34
VI	363	36
VII	382	38
VIII	400	40½
IX	416	42
X	431	43½
XI	445	44½
XII	458	45½

I	II	III
XIII	470	47
XIV	482	48
XV	492	49
XVI	504	50
XVII	514	51
XVIII	524	52
XIX	534	53
XX	543	54
XXI	552	55
XXII	560	56
XXIII	569	56½
XXIV	577	57

XXV	585	58
XXVI	591	59
XXVII	600	60
XXVIII	607	60½
XXIX	614	61
XXX	621	62
XXXI	628	62½
XXXII	635	63
XXXIII	641	64
XXXIV	648	64½
XXXV	654	65
XXXVI	660	66
XXXVII	666	66½
XXXVIII	672	67
XXXIX	678	67½
XL	684	68
XLI	690	69
XLII	695	69½
XLIII	701	70
XLIV	706	70½
XLV	711	71
XLVI	717	71½
XLVII	722	72
XLVIII	727	72½
XLIX	732	73
L	737	73½

LI	742	74
LII	746	74½
LIII	750	75
LIV	753	75½
LV	756	76
LVI	760	76½
LVII	765	77
LVIII	770	77½
LIX	774	78
LX	778	78½
LXI	782	79
LXII	800	80
LXIII	804	80½
LXIV	814	81
LXV	842	84
LXVI	862	86
LXVII	880	88
LXVIII	896	89
LXIX	912	91
LXX	928	92
LXXI	943	94
LXXII	958	95
LXXIII	962	96
LXXIV	968	96½
LXXV	1000	100

PRAGMATIA VIII.

*Lineam proportionis diametri ad circumferentiam
Instrumento inscribere.*

Diximus suprà Lib. 3. Parte 2. Probl. 7, & seq. ex Archimedeo calculo ab omnibus admissio proportionem diametri ad circumferentiam circuli esse ferè ut 7 ad 22, & è contrà, proportionem circumferentiæ ad diametrum esse, ut 22 ad 7. Ex quo sequitur, si circuli alicujus circumferentia habeat particulas 1000, diametrum habere $318\frac{1}{11}$. Si verò circumferentia habet 100 particulas, diameter habet $31\frac{8}{11}$. Nam sicut se habent 22 ad 7, ita se habent 1000 ad $318\frac{1}{11}$, & 100 ad $31\frac{8}{11}$.

vide Icon.
XXVIII.

Duc ergo in Instrumento lineam æqualem fundamentali lineæ, & in ipsam transfer particulas $318\frac{1}{11}$, si divisa est fundamentalis in 1000; aut $31\frac{8}{11}$, si in 100 divisa est fundamentalis; & factâ notâ aliquâ, v. g. π , adscribe, *Diameter*; in fine verò lineæ scribe, *Circumferentia*.

ANNOTATIO.

Poteris etiam in linea *Arithmetica*, aut in quavis alia ex hæcensu notatis facere signum ad intervallum prædictarum particularum, & ipsi adscribere, *Diameter*, & *Circumferentia*.

TABULA VII.

Pro proportione inter diametrum & Circumferentiam.

$$\text{Circumferentia} \begin{cases} 1000 \\ 100 \\ 22 \end{cases} \text{ Diameter} \begin{cases} 318\frac{1}{11} \text{ vel } \frac{3543}{11} \\ 31\frac{8}{11} \text{ vel } \frac{344}{11} \\ 7 \end{cases}$$

PRAGMATIA IX.

*Lineam Reductionis seu Commutationis planorum
regularium Instrumento inscribere.*

vide Icon.
XXVIII.

IN Instrumento fac lineam rectam æqualem fundamentali, etiamque nota his syllabis, *Lin. Reduct. Plan.* hoc est, *Linea Reductio-*

FIG. CCIX.





FIG. CCX.



FIG. CCXII.

FIG. CCXI.




FIG. CCXII.



FIG. CCXIV.



CCXV




FIG. CCXVI.



FIG. CCXVII.




FIG. CCXVIII.




FIG. CCXIX.



Attonis planorum; vel hoc signo, Δ , ad significandum quod infer-
viat reductioni planarum figurarum in alias figuras planas (lo-
quendo semper de regularibus figuris) v. g. trianguli æquilateri
in quadratum, circulum, pentagonum, hexagonum &c. & vicif-
sim.

Hanc lineam ita divides tam geometricè, quàm arithmeticè Fig. CCX
lco. XXIX.
ex linea fundamentalì, divisa in mille particulas. Concipe trian-
gulum æquilaterum & æquiangulum DAB, descriptum ad inter-
vallum fundamentalis lineæ, cujus proinde latus AB sit mille par-
tium. Quære quadratum æquale huic triangulo; quod sic inve-
nies. Divide AB bifariam in C, & ex angulo D demitte rectam
DC, quæ perpendicularis erit ad basin AB, *per schol. 16 Primi, &*
per Corollar. tertii Tertii, ac proinde parallelogrammum rectan-
gulum ex DC, & CB, erit æquale triangulo DAB, per dicta su-
prà Lib. 3. Parte 1. Probl. 3. & consequenter quadratum huic pa-
rallelogrammo æquale, erit etiam æquale triangulo. Latus au-
tem quadrati dicti rectangulo æqualis est mediæ proportionalis
inter DC, & CB, nempe recta CE, vel CF. Quam quidem in-
venies geometricè per Lemma 3. Lib. 8. præced; arithmeticè ve-
rò per Lemma 5. ejusdem Libri. Eandem per Sinus & Tangen-
tes invenies esse partium 658, qualium fundamentalis est mille.
Nam quia in triangulo DCB, latus BC est 500 partium, & angu-
lus DBC 60 graduum; erit DC tangens 866 partium. Inquire
jam inter CB 500, & DC 866, medium numerum proportiona-
lem, addendo scilicet duo latera CB, DC, & ex summa inventa
extrahendo radicem quadratam; invenies illam partium 658, la-
tus videlicet CE seu CF, quadrati EF, quod erit æquale rectan-
gulo prædicto, *per decimam septimam Sexti*. Si itaque in lineam *Red.*
Plan. transferas ex fundamentalì particulas 658, & facto puncto
apponas hoc signum, \square ; habebis latus quadrati æqualis triangulo
DAB.

Ad inscribendam Diametrum Circuli proximè æqualis ei-
dem triangulo DAB, seu quadrato EF; sic procede. Quoniam
quadratum diametri cujuscunque circuli se habet proximè ad
circulum ipsum, ut 14 ad 11, ex Archim. libel. Dimens. circuli, Pro-
pos. 3; accipe rectam CH, quæ se habeat ad rectam CF, ut 14 ad
11, id est, cujus particula ad particulas 658 habeant illam propor-

Xx tio.

tionem, quam habent 14 ad 11; deinde inter has duas lineas C F, C H, quære mediam proportionalem C G; eritque C G diameter circuli proximè æqualis quadrato E F, & consequenter triangulo A D B. Nam cum tres rectæ C H, C G, C F, sint continuè proportionales ex hypothesi, erit, *per Corollar. vigesima Sexti*, ut C H ad C F, ita quadratum C G ad quadratum C F: Sed C H ad C F se habet ut 14 ad 11; Ergo & quadratum rectæ C G ad quadratum rectæ C F, erit ut 14 ad 11. Ergo C G erit diameter circuli æqualis quadrato E F, seu triangulo A D B. Reperitur autem numerus particularum diametro C G competens, si fiat, ut 11 ad 14, ita quadratum lateris C F, 658, quod est 431964, ad aliud; reperies enim 551043, cujus radix quadrata dat 742 particulas pro diametro C G. Transfer ergo in lineam prædictam *Red. Plan.* particulas 742, & punctum inventum nota hoc signo O.

Simili ratione inscribes lineæ prædictæ in Instrumento notatæ latera reliquarum figurarum planarum regularium. Ut si inscribere velis latus Pentagoni æqualis inscripto jam triangulo, aut quadrato, aut circulo; sic procedes. Describatur pentagonum æquilaterum & æquiangulum K N O cujusunque magnitudinis; & à puncto ipsius medio I, (quod invenies per dicta Libro tertio, Parte 2, Problem. 5, in Annot.) ad quodlibet ejus lateris, nempe ad latus N O, ducantur rectæ I N, I O; eritque triangulum I N O, quinta pars dicti Pentagoni, ut patet ex dictis loc. cit. Dividatur jam unum latus supradicti trianguli æquilateri A D B, v.g. latus A B, in quinque æquales partes, quarum una sit Q R; eritque, ductis rectis D Q, D R, triangulum quoque D Q R quinta pars totius trianguli A D B, *per primam Sexti*. Fiat jam ut perpendicularis I P, ad latus N O, ita perpendicularis D C ad aliam S, & inter duas, Q R, & S, accipiatur media proportionalis T. Dico, hanc esse latus Pentagoni æqualis triangulo A D B, & consequenter quadrato E F, & circulo C G. quod ita demonstro.

Sumatur V X, æqualis ipsi T, & supra ipsam fiat triangulum V X Y simile similiterque positum triangulo I N O, *per decimam octavam Sexti Euclid.* ita ut lateri N O respondeat latus V X; & ab angulo Y demittatur in latus V X, perpendicularis Y Z. Erit igitur, propter triangulorum I N O, Y V X, similitudinem, ut I P ad N O, ita Y Z ad V X, *per quartam Sexti Euclid.* Sed ut I P ad N O, ita

O, ita

O, ita facta fuit DCadS, Ergo DCad Serit, ut YZad V X, per undecimam Quinti Euclid. Præterea, quia Sad T, hoc est, ad V X, quæ ipsi T æqualis est, eandem habet proportionem, quæ eadem V X, hoc est, T ad Q R (est enim T media proportionalis inter S & Q R) erit ex æqualitate, per vigesimam secundam Quinti Euclid. DCad V X, sicut YZad Q R. Quare cum in triangulis DQ R, V X Y, reciprocentur altitudines cum basibus, erunt illa inter se æqualia, per decimam quintam Sexti Euclid. ideoque quinque tri- angula V X Y, æqualia erunt toti triangulo D A B. Atqui quin- que triangu- la V X Y efficiunt pentagonum æquilaterum & æquil- angulum, propter similitudinem quam habet triangulum V X Y cum triangulo I N O; Ergo latus V X, quod respondet lateri NO, erit latus pentagoni, quod quærebatur, hoc est, æqualis dicto su- præ triangulo, quadrato, & circulo. Quod quidem latus V X erit partium 500 circiter, qualium A B est 1000. Si igitur inventam lineam V X, aut particulas 500 lineæ fundamentalis, transferas in Lineam *Reductionis planorum* jam antea in Instrumento notatam, & apposeris puncto notato signum O; habebis latus Pentagoni æqualis triangulo D A B &c.

Eodem omnino modo invenies latera reliquarum figura- rum planarum regularium, nempe latus Hexagoni, Heptagoni, Octogoni &c. eaque in lineam *Reductionis Planorum* transferes. Latera Polygonorum æqualium & æquæ capacium, à trigono us- que ad dodecagonum, unà cum diametro circuli æquæ capacis, exhibemus in sequenti tabula; in qua prima Columna continet ordinem polygonorum, secunda cōtinet latera in partibus 1000, tertia verò latera in partibus 100. Addidi in quarta columna ra- dios, si lubeat polygona circulo inscribere.

TABULA VIII.

*Pro Reductione seu commutatione planorum
regularium.*

Nomina	Latera	Latera	Radii
III	1000	100	58
IV	658	66	46

Nomina	Latera	Latera	Radii
V	500	50	43
VI	410	41	41

Xx 2

VII

VII	340	34	40
VIII	300	30	39
IX	260	26	39

X	240	24	38
XI	220	22	38
XII	200	20	38

PRAGMATIA X.

*Lineam Reductionis Corporum regularium Instru-
mento inscribere.*

vide Icon.
XXVIII.

IN Instrumeto fac lineam æqualem lineæ fundamentali, & ex-
tremitati ipsius appone signum tetraëdri seu pyramidis, vel syl-
labam *Tetra*: Deinde ex linea fundamentali transfer in hanc li-
neam particulas hoc ordine: 630, 608, 490, 378 249; ac primo qui-
dem numero adscribe syllabā *Octa*: secundo *Glob*: tertio *Cub*: quar-
to *Icos*: quinto *Dodec*. sed hæc omnia Intuere in sequenti tabula.

Significant hi numeri magnitudinem laterum corporum
regularium, ac globi, æqualium & æquè capacium, posito uno la-
tere tetraëdri seu pyramidis regularis 1000 partium. Si autem
pyramidis laus ponatur 100 partium, reliquorum corporum la-
tera exhibentur in tertia columna. Quomodo inveniuntur late-
ra reliquorum corporum dato latere tetraëdri, idque geometri-
cè, docet ac demonstrat fusè Clavius Lib. 5. Geometrix practicæ
cap. 4. & Mutius Oddi in Fabrica circini polymetri cap. 7, quos
vide.

TABULA IX.

Pro Reductione Corporum regularium.

Pyramis	1000	vel	100
Octaëdrum	630	vel	63
Globus	608	vel	61
Cubus	490	vel	49
Icosaëdrum	378	vel	38
Dodecaëdrum	249	vel	25

Quodd si quinque regularia corpora inscribere desideras glo-
bo, utere sequenti tabula

TABU-

TABULA X.

Pro inscriptione Corporum regularium in sphaera.

Globus	1000	vel	100		
Pyramis	816	vel	82	vel	82
Octaëdrum	707	vel	71	vel	70
Cubus	577	vel	58	vel	57
Icosaëdrum	526	vel	53	vel	52
Dodecaëdrum	356	vel	36	vel	35

PRAGMATIA XI.

Lineam mediā & extremā ratione sectam Instrumento inscribere.

IN Charta aut plano quocunque fac lineam rectam æqualem Lineæ fundamentali, eamque seca mediā & extremā ratione, & sic factam transfer in Instrumentum, adscriptis syllabis, *Lin. med. & extr. rat.* hoc est, Linea mediā & extremā ratione secta.

Consetur autem linea tunc secta esse mediā & extremā ratione, quando tota ad majus segmentum habet talem proportionem, qualem majus segmentum ad minus. Hæc verò sectio fit tali pacto, ex Euclid. lib. 1. Elem. Propos. 11.

Sit secanda mediā & extremā ratione linea AB. In puncto ^{Fig. CCXL.} A erigatur AC æqualis ipsi AB, & dividatur bifariam in D, ducaturque recta DB. Hæc recta DB transferatur ex D in E lineæ D A productæ, spatium verò AE transferatur in F: eritque AB in F secta prout postulabatur. Vel brevius, erigatur normaliter AD æqualis dimidiæ AB, & ducatur DB, in quam transferatur spatium DA usque in G, spatium verò GB transfer in A B ex A in F, & habebis intentum. ^{Ico. XXIX.}

Non potest hæc sectio exhiberi in numeris, quia nullus numerus potest prædicta ratione secari, ut probat Clavius lib. 9. Elem. Euclid. Propos. 14.

PRAGMATIA XII.

Lineam metallicam inscribere Instrumento.

Corpora regularia, ut sphaera, cubi, & similia, diversorum metallorum, aliarumque materiarum, comparari inter se possunt dupliciter; mole, ac pondere. Pondere comparatio fit, quando inter corpora diversi generis mole aequalia, at inaequalia pondere (constat enim, corpora diversorum generum, licet mole aequalium, non esse ejusdem ponderis) quaeritur quæ sit ratio ponderis illorum, & quanto unum altero sit gravius, aut levius. Magnitudine autem fit comparatio, cum posita pari gravitate eorundem, quaeritur, quæ sit ratio seu proportio magnitudinis eorundem, quanto vè sit unum altero majus, aut minus. Possunt præterea corpora ejusdem generis, sed molis differentis, comparari inter se quoad pondus, & è contrario corpora ejusdem generis, sed differentis molis, comparari inter se quoad magnitudinem. Omnibus his comparisonibus inservit sequens linea Instrumento nostro inscribenda, quam Lineam metallicam vocabimus, quia frequentius fit comparatio corporum metallicorum, quam alterius materiae. Sic autem præparatur dicta linea.

vide Icon.
XXVIII.

In Instrumento duc lineam rectam cujusunque longitudinis, in eamque transfer ex linea fundamentalis partes in sequenti Tabula notatas, desumptas vel ex prima, vel ex secunda, vel ex tertia columna. Punctis finalibus appone vel signa, vel syllabas, quæ significant metalla & lapides, eo ordine, quo in tabula notantur. Crux apposita significat accipiendum esse paulò plùs, virgula verò seu lineola transversa, paulò minùs.

TABULA XI.

Pro Linea metallica præparanda.

✕ Stannum

♂ Ferrum

♀ Cuprum

D Argentum

♁ Plumbum

600.	500	100
584+	487	97½
562+	468	93½
537--	447	89½
518--	422	86½

♀ Argen-

⚡ Argentum vivum

⊙ Aurum

473+	468	79
438+	365	73

PRAGMATIA XIII.

*Lineam decem librarum cujuscunque metalli
determinare.*

UT oblatis quibuscunque globis ferreis inveniatur illorum pondus, necesse est notam habere diametrum unius globi ferrei determinatum pondus habentis. Similiter ut oblatis globis plumbeis, stanneis &c. sciatur illorum pondus, necesse est, unius illorum determinati ponderis diametrum habere notam. Hic ergo docebimus, quomodo possimus invenire diametrum globi metallici cujuscunque librarum decem, & ponemus exemplum in globo ferreo; cæterorum enim metallorum erit eadem ratio.

Sume igitur globum ferreum, quam poteris maximum, eumque diligentissime & exactissime pondera. Sume deinde ejusdem globi diametrum circino recurvo, & sit A; pondus verò globi sit 24 librarum. Divide A in partes 24, & illarum decem transfer in lineam B. Inter has duas lineas A & B, quære duas medias proportionales per dicta supra hoc Lib. cap. 2, & Lib. 8. cap. 1; quarum illa quæ diametro A vicinior erit, nempe C, erit diameter globi ferrei decem librarum. Ratio est, quia sphaera habent triplicatam rationem suarum diametrorum; per 2. *Diad. Euclid.* Hanc lineam C inventam inscribe Instrumento, eique appone syllabas, *Lin. Metal.* Eadem ratione invenies aliorum metallicorum globorum pondus decem librarum.

PARS SECUNDA.

De usu Linearum polymetrarum Instrumento inscriptarum.

Usus linearum, quas hactenus Instrumento nostro inscribere docuimus, immensus propè est, & per omnes ferè Mathematica species vagatur.

gatur, ut ex sequentibus patebit. Ad ipsum usum requiritur Regula exacte recta, & circini ordinarius bene acuminatus. Docerimus eorum usum in Numeris, in Lineis, in Superficiebus, in Corporibus, & aliis.

CAPUT PRIMUM.

De usu Linearum polymetrarum in Arithmeti-
cicis operationibus;

sive

Problemata Arithmetica.

Quam ingeniosus, tam facilis est usus Polymetrarum Linearum in Arithmeti-
cis operationibus, saltem in aliquibus, ac præsertim in quatuor vulgatis speciebus, quæ sunt ADDITIO, SUBTRACTIO, MULTIPLICATIO, DIVISIO: adeo quidem, ut intra semiquadrantis spatium quilibet, etiam nullo præ ingenio præditus, ac vel ipsi pueri prædictas quatuor species addiscere queant, ut patebit ex primis quatuor Sequentibus Problematis; reliqua verò paulò plùs ingenii requirunt.

PROBLEMA I.

Addere plures numeros inter se.

AD hanc operationem inservit Linea Arithmetica in partes æquales divisa. Sic autem instituitur.

Accipe circino ex Linea Arithmetica tot particulas, quot unitates continet primus numerus addendorum, & circini aperturam manente invariata pone unum pedem in termino alterius numeri addendi, alterum verò pedem extende quò usque pertingit, & habebis summam duorum numerorum. Si adsint plures numeri addendi, additis inter se duobus prioribus modo dicto, extende circinum ex ultimo termino usque ad initium Lineæ, & circino itidem invariato manente, pone unum pedem in termino tertii numeri addendi, alterum verò extende quò usque pertingit, & habebis summam trium numerorum. Eodem modo procedes in additione quoruncunque aliorum numerorum.

Exem-

Exemplum. Sint addendi, seu in unam summam colligendi hi quatuor numeri, 9, 13, 7, 19. Pone unum circini pedem in principio Lineæ Arithmeticæ, nempe in A, & alterum extende usque ad nonam particulam inclusivè, nempe usque ad B: deinde manente hac apertura circini, pone unum pedem in decimam tertiam particulam Lineæ, nempe in C, & alterum extende quousque pertingit; cadetque in vigesimam secundam inclusivè, nempe in D: ab hoc puncto D extende circinum usque ad A principium Lineæ, & manente hac apertura pone unum pedem in septimo puncto divisionis, nempe in E, & alterum extende quousque pertingit; & cadet in vigesimum nonum punctum, scilicet in F: ab hoc puncto iterum extende circinum usque ad principium Lineæ, eoque sic aperto pone unum pedem in decimo nono puncto, hoc est, in G, & alterum extende quousque pertingit; cadetque in punctum 48, nempe in I. Summa igitur prædictorum numerorum erunt 48. Simili prorsus modo procedes, si adsint plures numeri addendi. Ratio operationis per se patet.

f. CCXIII.
le. XXIX.
9
13
7
19
48

PROBLEMA II.

Subtrahere unum numerum ab altero.

HUic etiam operationi inservit Linea Arithmetica, & instituitur ut sequitur.

Accipe circino ex Linea Arithmetica tot particulas, quot unitates continet numerus subtrahendus; & circino invariato manente pone unum pedem in termino numeri illius, à quo facienda subtractio, alterum verò extende versus principium Lineæ, & vide quot particule remaneant à secundo pede circini usque ad principium Lineæ; & habebis intentum.

Exemplum. Sint subtrahenda 7 ex 29. Accipe circino septem puncta seu particulas, & posito uno pede circini in vigesimo nono puncto seu particula, scilicet in F, alterum extende versus principium Lineæ, cadetque in septimum punctum, nempe in G, à quo puncto G usque ad F sunt puncta viginti duo; signum ergo est, si 7 subtrahas à 29, remanere 22. Eodem modo in aliis subtractionibus procede. Ratio operationis per se patet.

f. CCXIV.
lco. XXIX.

PROBLEMA III.

Multiplicare Unum numerum per alterum.

NOtandum quòd numerus qui multiplicatur, appellatur multiplicandus; numerus verò, per quem alter multiplicatur, vocatur multiplicator. Operationi inservit Linea Arithmetica, ut antea.

Accipe igitur circino ex Linea Arithmetica tot partes, quot unitates continet multiplicandus, & hanc circini aperturam trāffer in eandem Lineam à principio versus finem toties, quot unitates continet Multiplicator, & habebis summam quasitam.

f. CCXV.
fco. XXIX. Exemplum. Sint multiplicanda 12 per 6. Accipe distantiam duodecim particularum in Linea, nempe ab A usque ad B, eamque transfer in eandem lineam sexies (quia Multiplicator, 6, continet sex unitates) nempe primò ab A in B, secundo, à B in C, tertio à C in D, quarto à D in E, quinto ab E in F, sexto ab F, in G, ubi pro summa invenies 72.

In idem recidit, si primò accipias tot particulas ex Linea, quot unitates continet Multiplicator, nempe in casu posito, 6, & illam distantiam seu aperturam circini transferas in Lineam toties, quot unitates continet Multiplicandus, nempe duodecies; sicut enim sexies duodecim efficiunt 72, ita duodecies sex efficiunt similiter 72. Ratio praxeos patet per se.

PROBLEMA IV.

Dividere unum numerum per alterum.

Numerus qui dividitur, appellatur Dividendus; & numerus per quem dividitur, Divisor. Eadem linea Arithmetica adhibetur sic.

Accipe circino ex Linea tot particulas, quot unitates continet Divisor, eamque distantiam seu aperturam circini toties replica in eadem Linea, donec pervenias vel ad ipsum Dividendum præcisè in Linea notatum, vel ad proximè minorem numerum, & habebis quotum cum residuo, si quod est.

Exem-

Exemplum. Sint dividenda 72 per 12. accipe ex Linea duodecim particulas, illamque circini aperturam, quæ est A B, transfer in eandem lineam, donec pervenias præcisè ad septuagesimam secundam particulam, & invenies te sexies replicasse dictâ aperturam, ac proinde quotus erit, 6, nihilque remanebit.

Sint iterum dividenda 72 per, 10. accipe ex Linea decem particularum distantiam seu intercapedinem, eamque transfer donec pervenias ad 70, inveniesque te illam replicasse septies, & remanere duo; ac proinde quotus erit 7, & residuum 2, Ratio præ eos clara est.

ANNOTATIO.

Vides igitur, quanta facilitate peragantur prædicta quatuor Arithmetica operationes. Quæ quidem tantò facilius fiunt, in quantum plures & minutiores particulas divisa erit Linea, & quantum major erit circinus. Quod si operatio facienda sit in numeris majoribus, possunt reputari singula particula Linea pro 2, 3, 5, 10 &c. Potest etiam multiplicatio & divisio fieri primò per medietatem, tertiam, quartam &c. partem multiplicatoris ac divisoris; deinde per reliquas partes. Ingenium & industria suggeret tibi plura compendia.

PROBLEMA V.

Tribus numeris datis, quantum proportionalem invenire, hoc est, Regulam Trium perficere.

Regula Trium est modus inveniendi ex tribus numeris datis seu cognitis, tertium ignotum, qui tamen talem habeat proportionem cum tertio dato, qualem secundus cum primo; quæ de causa vocatur etiam Regula Proportionum. Et quidem tres numeri noti in operatione seu usu actuali Regulæ Trium ita disponuntur, ut ille qui annexam habet quæstionem (semper enim unus illorum annexam habet quæstionem) ponatur tertio loco; ille vero quæ eandem rem cum tertio significat, ponatur primo loco. Exempli gratia, emit quis 20 aureis 15 libras certarum mercium, vult scire, quot libras emat 40 aureis? Hic 40 aurei habent annexam quæstionem, Idemque in specie significant quod 20 aurei: sic ergo stabit exemplum. Si 20 aureis emuntur 15 libræ, 40

Yy 2

aure-

aureis quot libræ ementur facta autem operatione provenire debet numerus quartus, qui habeat cum tertio eandem proportionem, quam habet secundus numerus cum primo.

F. CCXVI.
Lxx. XXIX.

Ad solvendas huiusmodi quæstiones, seu ad inveniendam quantum numerum proportionalem ex tribus datis, adhibe Lineam Arithmeticam, & sic procede. Dispone numeros tres datos modo prædicto, nempe in dato exemplo sic: 20. 15. 40. Deinde in charta, seu plano quocunque duc lineam rectam AB, & circino intercipe ex Linea Arithmetica primum numerum, scilicet viginti particulas, easque transfer in lineam AB ductam, ex A in C v. g. & simul fac arcum CD. Postea ex eadem Linea Arithmetica intercipe secundum numerum, videlicet quindecim particulas, easque transfer in arcum factum, à C usque in D v. g. & per D duc lineam rectam ADG, facientem cum linea AB angulum GAB. Tandem ex eadem linea Arithmetica intercipe circino tertium numerum, nempe quadraginta particulas, easque transfer in lineam AB, ex A usque ad E v. g. & simul fac arcum EF. His factis, intercipe circino arcum EF, seu ejus subtensam, eamque transfer in Lineam Arithmeticam, & invenies quantum numerum quæsitum: quot enim particulas comprehendet arcus seu subtensa EF, tot unitates continebit quartus numerus, nempe in casu nostro, 30.

DEMONSTRATIO.

Recta DC, FE, sunt parallela, per secundam Sexti, quia latera AF, AE, quæ equalia sunt, per decimam quintam Desii. Primi, sunt secta proportionaliter in D & C, quia AD, AC sunt similiter equalia. Ergo, per vigesimam nonam Primi, anguli ACD, ADC, æquales sunt angulis AFE, AEF. Cum ergo angulus A communis sit utrique triangulo, ADC, & AFE: erunt illa eadem triangula æquiangula, ac proinde, per quartam Sexti, erit ut AC 20 in casu posito, ad CD, 15, ita AE 40, ad EF, 30.

ANNOTATIO I.

Si secundus numerus ex tribus datis est major quam tertius, ut si exemplum staret sic: 20, 40, 15: tunc ponatur secundus tertio loco, & tertius secundo: idem enim invenitur tunc quartus numerus. Est ratio est quia
in Rg-

in Regula Trium perinde est, siue secundus numerus multiplicetur per tertium, siue tertius per secundum. Et ratio huius rationis est, quia summa ex multiplicatione secundi in tertium, aut tertii in secundum, id est, duorum mediorum, est aequalis summa ex multiplicatione primi in quartum, id est, duorum extremorum, per decimam sextam Sexti, & decimam nonam Septimi.

Si primus numerus, aut omnes tres, sunt nimis magni, possunt dividi per unum communem divisorem, hoc est, omnes in duas, tres, quatuor &c. partes, & operatio institui per partes, & inventi numeri correspondentes in unam summam colligi. Possunt etiam singulae particulae Lineae Arithmeticae reputari pro duabus, tribus, &c.

ANNOATIO II.

EXamen seu probatio operationis facta sic institui potest. Multiplicetur numerus primus in quartum numerum repertum, item secundus in tertium: si ambae summae sunt aequales, legitima est operatio, si inaequales, illegitima.

PROBLEMA VI.

Inter duos numeros invenire medium proportionalem.

Solvitur hoc Problema opelineae Arithmeticae & Geometricae. F.CCXVI:
Ic. XXIX;
Sint dati duo numeri, 4, & 16, inter quos invenendus sit medius proportionalis, ad quem scilicet se habeant 4, ut ipse ad 16. Duc rectam A B, ut in praecedenti figura, & ex Linea Geometrica Instrumenti accipe distantiam à principio usque ad 16, v. g. usque ad E, & hac intercapedine describe ex A, arcum v. g. E F. Deinde ex Linea Arithmetica accipe intervallum sedecim partium, & coapta arcui E F, ab E usque ad F, v. g. & duc rectam A F. His factis, accipe ex Linea Geometrica distantiam à principio usque ad 4, v. g. usque ad C, & hac intercapedine describe arcum C D, v. g., & fac subtensam C D. Hanc subtensam transfer in Lineam Arithmeticam, & inventes ipsam esse aequalem octo partibus. Dico itaque, 8 esse medium proportionalem inter 4 & 16. Ratio pendet ex constructione Lineae Geometricae.

PROBLEMA VII.

Inter duos numeros datos invenire duos medios proportionales.

Solvitur per Lineam Arithmeticam & Stereometricam. Sine numeri 8, & 27, inter quos sint inveniendi duo alii in continua proportione. Facta linea A B, accipe ex Linea Stereometrica Instrumenti intervallum usque ad octavum punctum, & describe arcum C D, in eoque applica ex C in D intercapedinem octo partium ex Linea Arithmetica, & duc rectam A D in infinitum. Iterum ex Linea Stereometrica accipe intervallum usque ad vigesimum septimum punctum, & describe arcum E F, ejusque subtensam E F transfer in Lineam Arithmeticam, & invenies 12 pro primo numero intermedio.

Figura
CCXVII.
Ico. XXIX.

Iterum ex Linea Arithmetica accipe intervallum 127 partium, illudque applica arcui E F, ab E usque ad G, & duc rectam A G, intersecantem arcum C D in H, subtensam vero C H transfer in Lineam Arithmeticam, & invenies 18 pro secundo numero intermedio. Ratio pendet ex constructione Lineæ stereometricæ.

PROBLEMA VIII.

Dati numeri radicem quadratam invenire.

Est per Lineam Arithmeticam & Geometricam. Et quidem aliter in numeris minoribus, aliter in mediocribus, aliter in majoribus. Minores voco, qui sunt infra 1000, mediocres, qui infra 10000, majores, qui infra 100000. Incipio à mediocribus.

F. CCXVI.
Ico. XXIX.

Sit igitur extrahenda radix quadrata ex hoc numero: 4630. Expone in plano aliquo lineam rectam A B, uti in Problemate, æqualem lineæ Geometricæ; & centro A, intervallo usque ad punctum decimum sextum Lineæ Geometricæ, fac arcum C D, in eumque transfer intercapedinem 40 partium ex Linea Arithmetica circino acceptam, à C usque ad D, & duc rectam A D. Aufer deinde à numero proposito duas ultimas figuras versus dextram (quæ significant unitates & decades) nempe in casu posito 30, & residuum 46 serva. Tandem eodem centro A, intervallo

vallo usque ad quadragesimum sextum punctum Lineæ Geometricæ, fac alium arcum, qui sit v. g. EF. Hujus arcus subtenfam EF transfer in Lineam Arithmeticam, & vide quot partes contineat. Invenies in casu posito continere partes 68. Ergo 68 est radix quadrata numeri propositi. Eodem modo procedes in aliis numeris mediocribus.

Notandum autem est, si duæ ultimæ figuræ ablatae superant 50, residuo numero addendam esse unitatem; ut si extrahenda esset radix quadrata ex hoc numero: 4192; si auferantur 92, remanere deberent 41; at quia 92 superant 50, censendum est remanere 42.

vide Item
XXVIII,

Modus extrahendi radicem quadratam e numeris majoribus parum differt à præcedenti, & hic est. Expone ut antea lineam rectam AB, & centro A, usque ad punctum decimum Lineæ Geometricæ describe arcum CD, in eoque applica centum partes Lineæ Arithmeticæ, à C usque ad D, & duc rectam AD. Aufer deinde à numero oblato tres ultimas figuras, & cum residuo procede ut dictum. Sit v. g. quærenda radix quadrata numeri 32140; ablatis tribus ultimis figuris remanent 32. Ex centro igitur A, per punctum 32 Lineæ Geometricæ, describe arcum v. g. EF; ejusque subtenfam EF transfer in Lineam Arithmeticam; ea indicabit tibi numerum pro radice quæsitâ, nempe in exemplo posito 179 pro radice proxima numeri propositi 32140.

Notandum hic etiam est, si tres ultimæ figuræ excedunt 500, addi debere ad residuum unitatem, prout diximus paulo antè in præcedenti Regula.

Ex minoribus denique numeris sic radicem extrahes. Expone rectam AB, ut dictum; describe per punctum decimum sextum Lineæ Geometricæ arcum CD; applica in eo partes 40 Lineæ Arithmeticæ, à C usque ad D, ductâ rectâ AD; numerum propositum quære in Linea Geometrica, & ad ipsius intervallum describe ex A centro arcum, sive citra, sive ultra arcum CD, prout occasio feret. Subtensa hujus arcus translata supra Arithmeticam indicabit tibi radicem quæsitam.

PRO-

PROBLEMA IX.

Dati numeri radicem cubicam invenire.

Ica. XXIX.
I. CCXVII

Est per lineam Arithmeticam & Stereometricam. Duas autem praxes præscribemus, unam pro numeris minoribus, alteram pro maioribus. Minores numeros hic appello illos, à quibus si detrahas unitates, decades, & centenarios à dextra versus sinistram, residuum non excedit 125, numerum scilicet punctorum in Linea stereometrica notatorum. Ex his ergo numeris minoribus sic extrahitur radix cubica, v.g. ex numero 16000. Duc lineam A B æqualem lineæ stereometricæ; & centro A, intervallo usque ad punctum 8 lineæ stereometricæ, fac arcum CD, in eoque applica intercapedinem 10 partium ex Linea Arithmetica acceptarum, à C usque ad D, & duc rectam A D. Deinde numerum illum ex quo extrahenda est radix cubica, aut ejus partem millesimam (detrahe tribus figuris à dextra versus sinistram) nempe in exemplo posito numerum 16, quare in linea stereometrica, & ad ejus intervallum describe ex A centro alium arcum E F. Hujus subtensa in Lineam Arithmeticam translata dabit radicem cubicam quaesitam 25 quam proximè.

Arcus CD potest etiam describi ad intervallum sexagesimi quarti puncti Lineæ stereometricæ, eique subtendi lineæ CD 40 partium lineæ Arithmeticæ.

Ex majoribus numeris sic extrahes eandem radicem cubicam, v.g. ex numero 1191016. Ductâ A B, fac centro A, intervallum usque ad punctum centesimum Lineæ stereometricæ, arcum v.g. G H, in eoque applica subtensam centum partium lineæ Arithmeticæ, à G usque ad H, ductâ rectâ A H. His factis, aufer quatuor ultimas figuras propositi numeri, & remanent 119. Centro igitur eodem A, intervallum usque ad centesimum decimum nonum punctum Lineæ stereometricæ fac alium arcum, v.g. E F. Ejus subtensa in Lineam Arithmeticam translata dabit numerum radice cubicæ desideratæ, nempe 106.

CAPUT

CAPUT SECUNDUM.

De usu linearum polymetrarum in divisione linearum rectarum;

sive

Problemata Grammodactica.

Polymetræ nostræ lineæ inserviunt inter alia divisioni linearum, superficierum, & corporum. Agemus hoc capite de divisione linearum, sequentibus de divisione superficierum, & corporum.

PROBLEMA I.

*Datam lineam rectam dividere in quotlibet partes
æquales: sive ex data linea auferre quamlibet
partem imperatam.*

Problema absolvitur ope lineæ, cui adscriptum est, *Linea Recta
diviso*. Sit itaque data linea G , quæ sit dividenda in quatuor
partes, seu ex qua sumenda sit pars quarta. Exponatur linea AC ,
æqualis lineæ prædictæ Instrumenti; & centro A , intervallo AC
æquali Lineæ prædictæ Instrumenti, describatur arcus DC , cui
applicetur data linea G , à C usque ad D , & per punctum D ducatur
recta AD . His factis, eodem centro A , intervallo AC prædictæ
Lineæ Instrumenti, fiat arcus EF , quem secet recta AD in F ;
eritque recta EF quarta pars lineæ G .

Figura
CCXVIII.
Ico. XXIX.

DEMONSTRATIO.

Duo triângula AEF , ACD , sunt æquiangula, ut demonstravimus in
precedenti cap. Problem. 5. ergo, per quartam Sexti, ut AE ad E
 F , ita AC ad CD ; & permutando, per decimam sextam Quinti, ut A
 E ad AC , ita EF ad CD : sed AE est pars quarta totius lineæ AC , ex con-
structione facta; ergo & EF est pars quarta totius lineæ CD , hoc est, li-
nea G .

ANNOTATIONES.

Si data linea G dividenda sit in partes, qua in Linea Instrumenti praedicta non continentur, v. g. in 40, 30, 36 &c. dividatur in illarum submultiplices, nimirum, in 20, 15, 18 &c. & harum qualibet deinde dividatur in partes duas, tres &c.

II. Si maior esses linea G data, quam linea Instrumenti, sic procede. Divide lineam in duas, tres, quatuor &c. partes, & cum una illarum procede ut dictum, & inventam partem quartam (aut quamlibet aliam) duplica, triplica, quadruplica &c. & habebis quartam partem totius lineae datae.

III. Si pars accipienda esses nimis parva, & consequenter arcus B fieret nimis parvus, & nimis prope A , ita ut difficulter ipsius subtensa posset duci, v. g. si accipienda esset pars vigesima, trigesima, quadragesima alicujus lineae parvae dividenda in partes viginti, triginta &c. accipitur ipsius dupla, tripla &c. & dividatur ut postulatur: deinde partem inventa accipitur circina quasi tentando pars dimidia, tertia &c.

PROBLEMA II.

Idem efficere ope Lineae Arithmeticae.

Si ut antea data linea G , ex eaque accipienda pars octava. Multiplica 8 per 10, ut fiant 80. Deinde duc rectam AC , productam quantumlibet, & ex linea Arithmetica intercipe Circino 80 particulas, & ad ipsarum intervallum forma arcum C D, eique applica lineam G datam, à C usque ad D v. g. ductâ rectâ AD . Tandem Intercedine decem particularum lineae Arithmeticae fac alium arcum EF ; eritque recta EF octava pars lineae G datae.

DEMONSTRATIO.

Triangula FAE , DAC , equiangula sunt, ut patet. ergo ut AE ad EF , ita AC ad CD ; & permutando, ut AE ad AC , ita EF ad CD ; sed AE est octava pars ipsius AC , ex constructione facta; ergo &c.

ANNOTATIONES.

I.

Potesit pars auferenda multiplicari per alium etiam quemcumque numerum, pro ratione lineae datae; nempe si linea data est magna, per magnum;

magnum: si parva, per parvum. Sic in casu posito octava pars auferenda multiplicari potest per 3, ut fiant 40, & intercapedine 40 particularum fieri unus arcus, intercapedine vero partium quinque, alius, & absolvi operatio ut dictum.

II. Si nimis longa esset linea data, ita ut intra arcum descriptum non posset commode applicari, & quando nimis obtusus fieret angulus DAC, procedi potest ut dictum in precedenti Problemate, accipiendo videlicet secundam, tertiam &c. partem totius lineæ datæ, & procedendo cum ipsa ut cum tota lineæ, partemque inventam duplicando, triplicando &c.

Potest etiam sic procedi. Accipe tertiam v. g. partem totius lineæ, quam in octo partes vis dividere, & multiplicando 8 per 10, describe ad intervallum 80 particularum arcum CD, in eoque applica partem tertiam, & fac angulum DAC. Multiplica deinde 10 per 3, ut fiant 30, & ad intervallum triginta particularum describe arcum EF, in eoque applica lineam, & habebis tertiam partem totius lineæ datæ. Ratio patet ex demonstratione facta.

III. Si pars aliqua valde parva esset accipienda, procede ut dictum in precedente Problemate Annotatione tertia, & dicitur in Problemate sequenti Anno. 3.

PROBLEMA III.

Ex quavis recta linea accipere quocunque partes decimas, ac centesimas.

Fit opelineæ Arithmeticæ, quæ divisa est in decem partes, & harum quælibet in alias decem.

Si data linea est æqualis Lineæ Arithmeticæ, accipe partes circino ex Linea Instrumenti dicta, & transfer in lineam datam, & habebis intentum. v. g. vis accipere ex linea septem decimas: accipe ex Arithmetica linea septem partes majores. Vis accipere partes 37, accipe ex eadem 37 minores.

Si data linea est inæqualis Lineæ Arithmeticæ, duc, ut supra, rectam AC quæ adæquet lineam totam Arithmeticam; fac arcum CD, applica lineam datam à C v. g. usque ad D, duc rectam AD. His omnibus factis, accipe circino ex Linea Arithmetica partes desideratas, v. g. 7, aut 37, & ad ipsarum intervallum duc arcum

Figura
CCXVIII,
Ico. XXIX.

arcum EF ; & ducta linea E Ferit æqualis 7, aut 37 particulis lineæ datæ, si ea in decem, aut centum particulas divisa intelligatur.

Eodem modo procedes, si Linea Arithmetica sit divisa in mille particulas, & tu desideres ex linea data accipere partes quotcunque millesimas.

DEMONSTRATIO.

Demonstratio est eadem cum præcedentibus proximè Problematis 1, & 2.

ANNOTATIO I.

Si linea data longior est quàm Linea Arithmetica, operare contrario modo, hoc est, intercapedine lineæ datæ fac arcum C Dex A centro, in eoque adapta lineam Instrumenti à C usque ad D , & fac angulum DAC . Accipe deinde circino ex Linea Instrumenti partes desideratas, v. g. 37, & ista divaricatione circini quare duo puncta, E & F , aqualiter à centro A distantia, in duobus cruribus AD , AC ; & spatium AE , aut AF , continebis partes 37 ex linea datæ.

DEMONSTRATIO.

Ut modus operandi inversus est, ita & demonstratio. Trianguli DA C latera AD , AC , aqualia sunt, per decimam quintam Defin. Primi lib. Euclid. Latera item AE , AF , trianguli AEF , aqualia sunt, ex constructione: ergo proportionaliter secta sunt latera AD , AC ; ergo parallela sunt linea EF , CD , per secundam Sexti, ac proinde æquiangula sunt duo prædicta triangula. Vt ergo EF ad CD , ita AE , ad AC ; sed EF continet partes 37 totius DC ; ergo & AE continebit 37 totius AC partes.

ANNOTATIO II

Sed quia difficile est, invenire circini aperturam immotam duo puncta E & F aqualiter remota à centro A , operari potes sic. Ex recta CD applicata ut dictum Annotatione præcedente, abscinde partem CG 37 particularum, accipiendo illas ex Linea Arithmetica; & duc rectam GF parallelam rectæ AC , erisque F unum duorum punctorum: si itaque recta AF aequalem sumpseris AE , & duxeris rectam EF (qua parallela erit rectæ DC) habebis alterum punctum, & consequenter rectam AE continentem partes 37 totius lineæ datæ.

DE:

DEMONSTRATIO.

Latera AD, CD , sunt secta proportionaliter, per 2. Sexti, propter parallelas FG, AC ; ergo ut CG continet partes 37 totius CD , ita AF 37 totius AD . Iterum FE, DC , sunt parallela, quia ex operatione facta latera AD, AC , sunt secta proportionaliter in punctis E & F ; ergo ut AE continet 37 totius AD , ita AE 37 totius AC .

ANNOTATIO III.

Ad huc aliter & facilius ex data linea longiori accipies partes desideratas, v. g. 37, si totius linea data accipias partem dimidiam, tertiam &c. & procedas ut dictum Problemate primo Annot. 2.

ANNOTATIO IV.

Si una, dua, tres centesima essent accipienda ex linea proposita, operari sic. Accipe dicto modo particulas linea proposita v. g. triginta primo, & deinde triginta & unam, aut triginta duas, aut triginta tres &c. easque nota impressis punctis; & differentia inter duas illas lineas seu puncta notata dabit unam, duas, tres centesimas.

PROBLEMA IV.

Ex data linea recta auferre partem, qua vel ad totam, vel ad residuam, habeat proportionem datam.

Sit GH linea data, sitque secanda in duas partes, ita ut una ad totam sit v. g. ut 7 ad 11, (seu ut 70 ad 110.) Problema absoluitur ope lineæ Arithmeticæ. Ducatur recta AB , in eaque sumatur AC æqualis undecim particulis Arithmeticæ lineæ; item AE æqualis septem particulis ejusdem Arithmeticæ. Deinde centro $F, CCXIX.$
 A , intervallis AE , & AC , fiant duo arcus DC , & FE ; & in arcu D 100 $XXIX.$
 C aptetur linea data GH , à C scilicet usque ad D , ducaturque recta AD , secans arcum FE in F . Dico, si circino accipiaturs distantia EF , & transferatur in datam ab H in I , datam GH esse sectam modo desiderato, hoc est, HI ad HG esse ut 7 ad 11.

DEMONSTRATIO.

PAtet ex similitudine triangulorum EAF , CAD , in quibus est ut AE ad AC , hoc est, ut 7 ad 11, ita EF ad CD , hoc est, HI ad HG .

Atque hac ratione secta est recta ita, ut pars ad totam habeat rationem datam. Si secunda sit ita, ut pars ad partem habeat rationem datam, v. g. ut 7 ad 4; fumatur ex recta AB primò particula septem, v. g. AE , deinde particula quatuor, v. g. EC , & procedatur ut dictum; eritque GI ad IH , ut 4 ad 7.

ANNOTATIONES.

I.

LOco partium 7 & 11, accipi possunt ex Linea Arithmetica, & transferri in AB ; earum multiplices, nempe dupla, tripla &c. & procedi ut dictum. Et hoc expedit facere, quando data est nimis parva.

II. Si data linea est nimis longa, ita ut in arcu CD non possit applicari; dividatur in duas, aut tres partes, & cum una parte procedatur modo dicto, & partes GI , IH repetita sumantur toties, in quot partes fuit divisa tota linea data. Vide dicta Problemate primo Annot. 2.

PROBLEMA V.

Datam rectam terminatam secare, ut secta est alia data.

F. CCXX. I con. XXX. **S**It data recta NO , secta in P & Q ; sitque data recta IK secunda in L & M similiter. In rectam AB transferantur partes NP , NQ , NO , (aut earum multiplices, aut etiam submultiplices) & ad ipsarum interapedines è centro A describantur arcus HG , FE , DC . Arcui DC adaptetur recta IK , à C usque ad D . v. g. & ductatur recta AD , secans reliquos arcus in H & F . Dico, si intelligantur ductæ rectæ GH , & EF , & transferantur in IK ab I in L & M ; totam IK esse sectam in L & M , ut secta est NO in P & Q .

DEMONSTRATIO.

UT AC ad AE , hoc est, ut NO ad NQ , ita CD ad EF , hoc est, IK ad IM . Iterum ut AC ad AG , hoc est, ut NO ad NP , ita est CD ad GH , hoc est, IK ad IL . Ergo &c.

CO-

FIG. CCXX.




FIG. CCXXI.




FIG. CCXXII.




FIG. CCXXIII.




FIG. CCXXIV.




FIG. CCXXV.




FIG. CCXXVI.




FIG. CCXXVII.





FIG. CCXXVIII.



FIG. CCXXIX.



COROLLARIUM.

Hinc colligitur, quomodo secunda sit recta data secundum illam proportionem, quam habent dua aut tres alia data inter se. Sint enim dua linea NR , & QO , quae habeant rationem quamcunque, & dividenda sit IK similiter. In rectam AB transferantur NQ , & QO , fiantque ipsis aequales AE , & EC . Deinde fians arcus CD , & EF , & in arcu CD applicetur IK , ducaturque recta AD , secans arcum EF in F , & ducatur recta EF ; quae si transferatur in IK ab I in M , erit hac secta in M ita, ut Mad MK habeat eam proportionem, quam habet NQ ad QO .

PROBLEMA VI.

Datam rectam dividere in proportionē datam, quantum numeri proportionis sunt majores quam numerus particularum Lineae Arithmeticae.

Linea Arithmetica divisa est, ut suppono, in centum particulas, uterque verò proportionis terminus, hoc est, tam antecedens, quam consequens, est major quam centum, vel saltem unus ipsorum, nempe antecedens; sic procede.

Quando solum antecedens terminus est major quam 100, F. CCXIX.
V. lco. XXIX.
g. quando in exemplo praecedentis Problematis quarti dividenda est GH ita, ut tota GH ad partem GI sit, ut 1140 ad 87: divide majorem numerum 1140 per numerum quemcunque (dummodo quotus resultans non sit major quam 100) v.g. per 12, ita ut quotus fiat 95: similiter divide lineam GH datam in duodecim partes. His factis expone lineam AB , & intervallo 95 particularum describe arcum DC , in eoque applica duodecimam partem lineae GH ; & ducta recta AD , describe alium arcum EF ad intervallum 87 particularum. Dico, rectam EF , si intelligatur ducta, habere ad totam GH proportionem, quam habent 87 ad 1140.

DEMONSTRATIO.

Quia si ad intervallum 1140 particularum descriptus fuisset arcus CD , in eoque applicata tota linea GH : angulus DAC non esset major aut minor quam nunc sit: Ergo nec arcus EF , descriptus ad intervallum 87 particularum, major esset aut minor quam nunc. ergo &c.

Quan-

Quando verò tam antecedens, quàm consequens proportionis terminus major est quàm 100, procede cum antecedente ut dictum, & consequentem divide per numerum quemcunque, v.g. per 5, & ad intervallum particularum æqualium quoto reperto describe arcum EF, repertamque lineam EF replica quinquies in tota GH usque ad I v.g. eritque GH divisa in I, prout desiderabatur. Ratio patet ex dictis in præcedentibus, & ex demonstratione proximè facta.

PROBLEMA VII.

Dividere lineam rectam datam in plures partes, quæ habeant inter se rationem datam.

SIt in figura Problem. V. linea NO, dividenda in tres partes, fr. CCXX. l. ca. XXX. squarum prima sit ad mediam, ut 10 ad 4; & media ad tertiam, ut 4 ad 8. Collige tres numeros, 10, 4, 8, in unam summam, ut fiant 22; item duos priores, 10, 4, in unam, ut fiant 14. Expone deinde lineam AB indeterminatæ longitudinis, & ad intervallum 22 particularum ex Arithmetica linea desumptarum describe arcum CD: item ad intervallum quatuordecim particularum arcum EF: demum ad intervallum decem particularum arcum GH. In arcu CD applica totam lineam NO, à C usque ad D. v.g. & duc rectam AD, quæ secet reliquos arcus in F & H; ducque rectas HG, FE; quas deinde transferes in rectam NO, usque ad puncta P, Q. Dico, rectam NO in punctis P & Q esse sectam secundum proportionem desideratam; hoc est, NP ad PQ esse ut 10 ad 4, & PQ ad QO ut 4 ad 8.

DEMONSTRATIO.

UT AG ad AE, & AC, ita GH ad EF, & CD: sed AG est 10, quarum AE est 14, & AC 22; ergo & GH erit 10, quarum EF 14, & CD 22. Ergo EF, hoc est, NQ, superat GH, hoc est, NP, in 4; & CD, hoc est, NO, superat EF, seu NQ, in 8. ergo &c.

PROBLEMA VIII.

Datis duabus, quarum una in quotcunque partes sit, aut intelligatur divisa, quot talium partium altera contineat, inquirere.

DEntur duæ rectæ, A & B, & A sit divisa in partes 75 v. g. quæritur in quot sit divisa B? Ductâ A B, sume ex Arithmetica Linea 75 particulas, & ad intercapedinem ipsarum fac ex centro A arcum D C, eique applica rectam A, à C usque ad D, & fac angulum D A C. Intercipe deinde circino rectam B, & quære inter duo trianguli D A C crura, duo puncta, B & F, æqualiter à centro A distantia; dabitque A E in Arithmeticam translata partes desideratas ipsius B. F. CCXXI.
lco. XXX.

DEMONSTRATIO.

Ratio est, quia sicut A C est æqualis ipsi C D, quod ad partium numerum, ita A E ipsi E F, hoc est, ipsi B, ergo &c.

ANNOTATIO.

Legè etiam qua diximus supra Problemæ tertio.

PROBLEMA IX.

Datam rectam lineam mediâ & extremâ ratione secare.

DOcet hoc Euclides lib. 2. Elem. Propos. 11, & lib. 6 Propos. 30. Auxilio verò Linearum nostrarum ita fit. Sit data linea G H, secanda in duas partes inæquales ita, ut quam proportionem habet tota linea ad majus segmentum, eandem habeat majus segmentum ad minus; seu, quod idem est, ut quadratum ex majori segmento, æquale sit rectangulo ex toto in residuum. Extat in Instrumento linea æqualis Lineæ Arithmeticæ, secta mediâ & extremâ ratione. Ad hujus lineæ intercapedinem describatur super A B, ex centro A, arcus C D, in quo coaptetur segmentum vel F. CCXIX.
lco. XXIX.

A a a

majus,

majus, vel minus prædictæ lineæ Instrumenti sectæ prædicta ratione, & ducatur recta A D. His factis, secundum longitudinem lineæ G H datæ, ex centro A describatur arcus E F, citra aut ultra arcum C D, & ejus subtensa E F dabit segmentum ipsius G H, vel majus, vel minus, prout arcui C D coaptasti vel majus vel minus segmentum Lineæ Instrumenti. Ratio ex dictis colligitur; ubi etiam discas, quid faciendum, si linea data est nimis longa.

PROBLEMA X.

Inter duas datas mediam proportionalem invenire.

Sint datæ duæ, A & B, præcedentis figuræ Problematis 8. inter quas invenienda sit media, ad quam sit A, sicut ipsa ad B. Fit hoc auxilio Linearum Arithmeticæ & Geometricæ sic. Lineas datas transfer in Lineam Arithmeticam, ut fiant notæ in numeris, sitque B 4. A 16 partium. Quibus factis, operare ut dictum supra cap. 1. Problem. 6. nempe ductâ rectâ A B, ad intervallum puncti decimi sexti Lineæ Geometricæ, describe arcum D C ex centro A, in eoque applica lineam majorem datam, & fac subtensam C D ipsi æqualem. Iterum ad intervallum puncti quarti ejusdem Lineæ Geometricæ describe arcum E F ex eodem centro A, ejusque subtensam E F transfer in Lineam Arithmeticam, & invenies octo partes pro media proportionali: sic ergo stabit exemplum. 4. 8. 16. ubi vides, quod sicut primus numerus seu prima linea est dimidium secundæ; ita secunda est dimidium tertiæ.

PROBLEMA XI.

Inter duas datas, duas medias proportionales invenire.

Datas duas lineas transfer in Lineam Arithmeticam, ut fiant notæ in numeris; deinde auxilio Linearum Arithmeticæ & Stereometricæ operare, ut dictum supra de numeris cap. 1. Problem. 7.

CAPUT

CAPUT TERTIUM.

De divisione Circulorum in suas partes;

sive

Problemata Cyclometrica.

Inter reliquas lineas Instrumento Inscriptas habetur una pro divisione Lineæ circularis, altera pro divisione quadrantis. Harum ope perficiuntur sequentia Problemata.

Posthac autem omittimus ferè Demonstrationes, quia vix à prædictis differunt.

PROBLEMA I.

Circulum in quotlibet partes dividere.

Flet hoc ope Lineæ, cui adscriptum est, *Linea circularis divisio*, sic. Figura
CCXXII.
160. XXX.
Sit datus circulus FGI, cujus pars decima sit accipienda. Duce rectam AC, & centro A, intervallo totius prædictæ Lineæ Instrumenti fac arcum CD, in eoque coapta semidiametrum FG circuli dati, à C usque in D, & duc rectam AD. Deinde sume circino ex eadem Linea Instrumenti intervallum inter principium & to, & ex centro A describe arcum EF; eritque subtensa EF decima pars circuli dati inter G & I.

COROLLARIUM.

Polygona qualibet cuiuslibet circulo inscribere.

Hinc patet, quomodo dato cuicunque circulo inscribenda sit quacunque figura polygonæ regularis, v. g. hexagona, heptagona, octogona &c. Si enim præsentì circulo inscribenda esset figura decagona, seu decem laterum & angulorum aequalium, transferendum esset intervallum EF, seu GI, decies per circumferentiam circuli, & puncta inventa rectis lineis connectenda. Eodemque modo procedendum est in aliis figuris inscribendis. Sed de his plura Capite V. sequenti.

ANNOTATIONES.

I.

Si magnus aliquis circulus esset dividendus in partes, aut eidem inscribenda figura polygoni regularis; describe intra ipsum ex centro ejus circulum minorem, eumque divide modo prædicto, & ex centro per puncta in minori circulo inventa educ ad circumferentiam majoris lineas, seu filarecta, & nota puncta, eaque rectis deinde lineis connecte.

II. Si circulus datus esset dividendus in 3, 4, 5 partes, quæ in Linea Instrumenti non sunt notatæ; aut sic eidem circulo inscribenda forent figura regularis trilatæ, quadrilatæ, quinquelatæ; divide ipsum modo jam dicto in 6, 8, 10 partes, & spatium inventum duplica, & subtrahsa duarum hujusmodi partium erit pars aut latas desideratum. v. g. si dividendus esset præfatus circulus FGI, in quinque partes, aut ipsi inscribenda figura quinque laterum æqualium; divide ipsum prius in decem partes, quærendo partem ipsius decimam GI, eamque transfer in K; eritque spatium inter G & K quinta pars circuli dati, latusque pentagoni.

III. Econtrario si circulus esset dividendus in partes minores, quarum numeri non essent notati in Linea Instrumenti; v. g. est notatum punctum 5, non verò punctum 10; sic operare. Quare partem quintam circuli, nempe GK, & arcum GK divide bisariam in I, eritque GI, vel KI, pars decima. Idem judicium esto de aliis similibus partibus.

PROBLEMA II.

Quadrantem, aut Circulum in quotlibet gradus dividere.

PRæcedens praxis divisionis circuli dat solùm partes, quæ sint latera polygonorum æquilatærum & æquiangulorum. Nunc videndum, quomodo dividendus idem circulus, aut quadrans circuli in gradus & partes quoscunque, sive deinde latera dictorum polygonorum sint quærenda, sive non. Fit hoc ope Lineæ, cui adscriptum est, *Quadrantis divisio*, sic:

Supra dictam AB præcedentis figuræ describatur ex A arcus CD ad intervallum à principio usque ad punctum sexagesimum prædictæ lineæ Instrumenti; atque in hoc arcu applicetur semidiameter quadrantis aut circuli dati, & ducatur recta AD.

Hoc

Hoc facto, ex eodem A, ad intervallum propositi gradus notati in Linea, describe alium arcum EF, ejusque subtensam transfer in peripheriam propositi quadrantis aut circuli; & habebis gradus quæsitos. Ratio ex dictis patet,

ANNOTATIONES.

I.

Si numerus graduum quæsitorum major est quam 90 (qui solum in Linea Instrumenti sunt notati) quare primò 90 gradus, & deinde reliquos supra 90, eosque adde ad 90 prius inventas. v.g. sint accipiendi gradus 130: quare primò gradus 90, & deinde reliquos 40, eosque adde ad 90 in circulo proposito inventos.

II. Si circulus, aut quadrans propositus esset nimis magnus, procedet ut dictum Annot. I. præcedentis Problematis.

PROBLEMA III.

Partem quamcunque ex circulo, aut Quadrante, accipere.

EX dictis præcedenti Problemate colligitur, quomodo pars quæcunque ex circulo, aut quadrante sit accipienda beneficio Lineæ Quadrantis. Sit enim accipienda pars trigesima ex toto circulo. Divide totum circulum, hoc est, 360, per 30, & provenient in quoto 12. Accipe ergo 12 gradus, & habebis trigesimam partem circuli. Si trigesimam partem quadrantis vis accipere, divide 90 per 30, provenient 3; eruntque tres gradus accipiendi pro parte trigesima quadrantis.

PROBLEMA IV.

Unum, duos, tres, quatuor &c. gradus ex circulo, aut quadrante, accipere.

LIcet hoc possit fieri modo dicto in præcedenti Problemate, quia tamen arcus EF, descriptus ex centro A præcedentis figuræ, est nimis vicinus centro A, ac proinde nimis parvus, ideoque subtensa ipsius difficulter potest accipi; sic operare. Accipe

præius modo prædicto gradus quocunque, v. g. triginta; eoque nota in circumferentia inter G & K: deinde accipe gradus 31, eoque similiter nota ex eodem puncto G, inter G & L. Distantia inter K & L dabit unum gradum. Simili ratione inuenies duos, tres, quatuor &c.

PROBLEMA V.

Data Circuli, seu peripheria portione, in venire quot contineat gradus.

Figura
CCXXIII.
Icon. XXX

Si data peripheria GH. Ductâ rectâ AB, accipe circulo ex linea Quadrantis intervallum sexaginta graduum, id est, semidiametri circuli, & describe arcum CD ex centro A: iterum ex eodem centro A, intervallo IG, describe arcum EF, in eumque transfer amplitudinem GH arcus dati ab E usque in F, & duc rectam AFD: tandem distantiam CD circino interceptam transfer in Lineam Quadrantis, posito uno circini pede in principio Lineæ; alter enim pes ostendet tibi numerum graduum arcus CD, & consequenter arcus EF, id est, arcus GH dati.

COROLLARIUM.

Circini apertura quantitatem reperire.

EX his facile cognoscitur, quot graduum sit apertura circini aliqujus, si nimirum in linea AB sumatur portio AE æqualis cruri circini, & fiat arcus EF æqualis aperturae circini; & ducta recta AFD, fiat alius arcus CD intercapedine sexaginta graduum Lineæ Quadrantis, indageturque modo dicto quantitas arcus CD. Sed de hac re, uti & de angulorum quorumcunque amplitudine cognoscenda, dicentur plura paulò post in capite sequenti.

PROBLEMA VI.

Datum circuli arcum imperatis gradibus augere, vel minuere.

Si præcedentis schematis arcus GH augendus, vel minuendus 20 gradibus, Auge, vel minue arcum CD viginti gradibus, usque

que ad punctum L, vel K; & ex A per L aut K duc rectas AN L, A M K; eritque arcus FN, & FM, viginti graduum. Ratio ex dictis patet.

PROBLEMA VII.

Circumferentia circuli dati lineam rectam aequalem invenire.

Fleri hoc potest beneficio Lineæ Arithmeticæ, & Lineæ Proportionis Diametri ad circumferentiam.

Per Lineam proportionis Diametri ad Circumferentiam sic. Sit datus circulus FGH, cujus diameter GH. Duc lineam ^{Figura} AC, & ad intervallum totius prædictæ Lineæ fac arcum CD centico, XXX, ^{CCXXIV.} tro A, ad intervallum verò signi + ejusdem Lineæ fac alium arcum EF; in hoc arcu applica diametrum GH circuli dati, ab E usque ad F, & duc rectam AD, secantem arcum CD in puncto D; eritque intervallum CD æquale Lineæ circulari circuli dati, quod intervallum si transferas in lineam Arithmeticam, invenies eandem circumferentiam in numeris.

Per Lineam verò Arithmeticam sic Idem assequeris. Duc rectam AC, ad intervallum totius Lineæ Arithmeticæ, fac arcum CD, ad intervallum verò particularum 31% (si in centum divisa est Linea) fac arcum EF, & proced ut dictum. Ratio hujus utriusque operationis est facilis.

COROLLARIA.

Hinc patet, quomodo data diametro circuli, inveniatur circumferentia circuli in lineâ rectâ.

II. Patet præterea, quomodo data circumferentia circuli reperitur diameter, si nimirum circumferentia applicetur arcui CD, & ductâ rectâ AD fiat arcus EF modo dicto.

ANNOTATIO.

Aliter etiam ex Linea Arithmetica reperies circumferentiam ex diametro data, si ad intervallum septem, aut quatuordecim, aut viginti unius, aut viginti octo punctorum describas arcum EF, eique applices diametrum datam, & ducas rectam AFD; & deinde ad intervallum 17,

aut

aut 44, 66, 88 &c. punctorum describas arcum CD : nam intervallum CD dabit circumferentiam. Data verò circumferentiâ invenies diametrum contrariâ ratione.

PROBLEMA VIII.

*Dato Circuli arcu, reperire diametrum circuli
cujus est arcus.*

F. CCXXV
1co. XXX.

AD dati arcus terminos subtende rectam, eamque bifeca, & ex puncto bisectionis erige perpendicularem in arcum datum, quæ arcum secabit bifariam; subtenta semiarcus erit media proportionalis inter diametrum & interceptam. Sit datus arcus EAD , & sit quærenda diameter circuli, cujus est arcus. Ductâ rectâ ED per arcus dati extremos terminos E & D , seca illam bifariam in B , & erige perpendicularem BA ; semiarculi verò AD subtende rectam AD . Dico, hanc esse mediam proportionalem inter erectam BA , & diametrum quæsitam. Quære ergo rectis AB , AD , tertiam proportionalem, per undecimam libr. Sexti Euclidis, & habebis intentum. Ratio est, quia duo triângula ABD , AED , sunt æquiangula: nam anguli ABD , ADE , sunt recti, ille per constructionem, hic per trigésimam primam Tertiis; angulus verò EAD communis est utrique triângulo, & reliqui æquales sunt, per 32. *Primi*. Ergo, per quartam *Sexti*, ut BA ad AD , ita DA ad AE .

ANNOTATIO.

SI AB & AD nota sint in numeris, duc AD in seipsum, & productum divide per AB , prodibitque AE ; quoniam qui a medio AD efficitur numerus, aqualis est ei qui sub extremis AB , AE continetur, per vigésimam Septimi.

PROBLEMA IX.

*Datum circulum in data proportionem augere, vel
minuere.*

INter terminos datæ proportionis quære mediam proportionalem, per Problema decimum Capitis secundi præcedentis. Fac deinde, ut primus terminus proportionis ad mediam proportionalem

nalem inventam, ita circuli data diameter ad aliam; ex hac enim circulus descriptus eandem habebit proportionem, quam termini dati. Estoque circuli data diameter 7, & circulus faciendus novies major. Igitur termini proportionis data sunt 1 & 9, interque eos medius proportionalis est 3. Dic ergo, ut 1 ad 3, ita 7 ad 21; eritque circulus cujus diameter est 21, novies major circulo dato, cujus diameter est 7. Demonstratio patet ex dictis Lib. 8. Capite V. Problem. 9. & 10.

PROBLEMA X.

*Aliter datum circulum in data proportionem augere,
vel minuire.*

Flithocope Lineæ Arithmeticae & Tabulae sequentis, quam desumpsimus ex Amussi Ferdinandeae Decade 2 Problem. 7.

**Tabula pro augendis ac minuendis circulis
in data proportionem.**

In hac sequenti Tabula proportio est expressa numeris Romanis; termini verò respondentes, sive radices quadratorum, expressi sunt numeris vulgaribus.

I	10
II	14
III	17
IV	20
V	22
VI	25
VII	26
VIII	28
IX	30
X	32
XI	33
XII	35

XIII	36
XIV	37
XV	39
XVI	40
XVII	41
XVIII	42
XIX	44
XX	45
XXI	46
XXII	47
XXIII	48
XXIV	49

XXV	50
XXVI	51
XXVII	52
XXVIII	53
XXIX	54
XXX	55
XXXI	56
XXXII	56½
XXXIII	57
XXXIV	58
XXXV	59
XXXVI	60

XXXVII	61
XXXVIII	61½
XXXIX	62
XL	63
XLI	64
XLII	65
XLIII	65½
XLIV	66

XLV	67
XLVI	67½
XLVII	68
XLVIII	69
XLIX	70
L	71
LV	74
LX	78

LXV	81
LXX	84
LXXV	87
LXXX	89
LXXXV	92
XC	95
XCV	97
C	100

Figura
CCXXVI.
Ico. XXX.

Usus hujus tabulæ hic est. Sit augendus circulus A B in portione quadrupla. Duc rectam C D, & centro C, intervallo decem particularum lineæ Arithmeticæ, fac arcum E F, in eoque applica diametrum A B circuli dati, ab E usque ad F, & duc rectam C F indeterminatam. Et quia ad numerum IV (in quem data magnitudo multiplicanda est) adscriptus est numerus 20, ideo eodem centro C, Intervallo viginti particularum Lineæ Arithmeticæ, fac alium arcum G H, secantem rectam C F productam in puncto H. Recta G H, subtendens arcum G H, est diameter circuli, ex quo descriptus circulus quadruplus est prioris.

Esto iterum circulus G H diminuendus in portione subquadrupla, hoc est, dandus sit circulus, qui sit quater minor circulo dato. Expone lineam, ut antea, C D, & centro C ad intervallum viginti particularum Lineæ Arithmeticæ fac arcum G H (eò quòd in tabula præmissa numero IV adscriptus est numerus 20) in eoque applica diametrum G H, ducta recta C H. Deinde ad intervallum decem particularum Lineæ Arithmeticæ fac alium arcum E F. Recta E F huius arcui subtensa, est diameter circuli quæsitæ.

ANNOTATIO.

Q uod dixi de Diametro, dicendum etiam est de radio circuli dati & quæsitæ, est enim eadem proportio diametri ad semidiametrum, quæ diametri ad diametrum. Ratio porro hujus praxis fundatur in dictis suprà lib. 8. cap. V. De transmutatione circuli in alias figuras planas æqualis capacitatis, dicemus postea

CAPUT QUARTUM.

De usu Linearum Polymetrarum in angulis, atque triangulis;

sive

Problemata Trigonometrica.

PROBLEMA I.

Angulum rectilineum ad desideratam mensuram construere.

CONSTRUENDUS sit angulus rectilineus triginta graduum. Figura CCXXVII
 Ducta A B æquali lineæ fundamentalī, & facto arcu B D indeter-
 minatæ magnitudinis, accipe ex lineâ Graduum intercapedinem
 triginta graduum, eamque transfer in arcum B D, ex B in D, &
 duc rectam A D; eritque angulus B A D triginta graduum.

PROBLEMA II.

Amplitudinem anguli rectilinei dati cognoscere.

SI datus angulus rectilineus G F H, cujus amplitudo quaeritur.
 Ductâ rectâ A B, fundamentalī lineæ æquali, & arcu B D quan-
 tocumque, describe ex angulo F dato arcum G H ad quodcumque
 intervallum. Deinde ad intercapedinem F H describe ex pun-
 cto A, arcum C E indeterminatæ magnitudinis, accipeque circi-
 no transversam H G, eamque transfer in arcum C E, ex C in E,
 & duc rectam A E D, quæ secet arcum B D in D. Tandem trans-
 versa B D magnitudinem circino acceptam applica ad lineam
 graduum, & dabit tibi amplitudinem anguli A, & consequenter
 anguli F.

PROBLEMA III.

Dato crure utroque trianguli rectanguli, invenire basim, & utrumque angulum acutum.

Figura CC
XXVIII.
Ico, XXX.

Sint crura data partium 8 & 6. Constitue in plano aliquo angulum rectangulum C A B, cujus utrumque crus æquale sit lineæ fundamentalis. Deinde ex lineâ Arithmetica sume circinopartes 8, easque transfer ex A in D; item partes 6, easque transfer ex A in E, & duc basim E D. Tandem intercipe hanc basim circino, eamque transfer in lineam Arithmeticam; & quot particularum erit hæc basis, tot particularum erit basis trianguli dati.

Angulorum acutorum amplitudinem invenies per præcedens Problema.

ANNOTATIO.

Pro numeris 8 & 6, accipi possunt eorum multiplices 80 & 60. Si numeri dati sint nimis magni, ut 800, & 600, sumi possunt eorum loco submultiplices 80 & 60, vel 8 & 6, aut alii quicunque. Vel partes lineæ Arithmeticae sunt aestimandæ multiplices, tribuendo uni decem, aut centum particulas.

PROBLEMA IV.

Datis basi & crure uno trianguli rectanguli, crus alterum, & angulos acutos invenire.

Sit basis data decem partium, & crus datum octo partium. Fac angulum rectum, ut antea, C A B, & acceptâ circino in lineâ A B intercapedine 8 partium ab A ad D, accipe eodem circino intercapedinem decem partium, & posito uno circini pede in D, altero lovariato manente nota punctum in A C, nempe E v. g. & duc rectam E D. Quot jam partibus Lineæ Arithmeticae æqualis erit Linea A E, tot partium erit alterum crus trianguli dati. Angulos mensurabis per præcedens Problema II.

PRO-

PROBLEMA V.

Data basi cum angulo acuto, invenire crura trianguli rectanguli dati.

SIt basis data partium decem, & angulus datus graduum triginta; erit reliquus angulus graduum sexaginta, utpote complementum prioris ad rectum. Duc jam rectam DE æqualem partibus decem lineæ Arithmeticæ, & ad punctum D constitue angulum triginta graduum, per præcedens Problema I: ad punctum verò E angulum sexaginta graduum, ductis rectis EA, DA: quos si mensurabis, ut dictum in præcedentibus, habebis latera seu crura quæ sita cognita.

PROBLEMA VI.

Dato Crure cum angulis acutis, reliquum crus, & basin trianguli rectanguli invenire.

CRus datum sit octo partium, anguli sint triginta, & sexaginta. Fiat angulus rectus CAB, ut dictum in Problemate III, numerenturque ab A ad D partes octo, & ad punctum D fiat angulus triginta graduum, & ducatur recta ED protracta, donec interfecet rectam AC in puncto E. Dabit AE in partibus Lineæ Arithmeticæ partes cruris quæ sita; & DE basin,

PROBLEMA VII.

Datis tribus trianguli obliquanguli lateribus, tres ejusdem angulos invenire.

Latus primum datum sit 8, secundum 9, tertium 10. Ducatur recta AB æqualis lineæ fundamentali seu Arithmeticæ, in eaque ab A ad C sumantur circino partes octo. Deinde in eadem Linea Arithmetica sumantur circino partes novem, & posito uno circini pede in C, fiat arcus D. Tandem sumantur partes decem, & posito uno pede in A, fiat alius arcus D, secans priorem in puncto D. Si jam ducas rectas DA, DC, erit triangulum ACD æ-

Figura
CCXXIX:
Ico. XXX.

quiangulum triangulo dato. Si ergo invenias angulos hujus tri-
anguli, per præcedens Problema I I, habebis etiam angulos tri-
anguli dati.

PROBLEMA VIII.

*Datis duobus trianguli obliquanguli lateribus, cum
angulo ab eis comprehenso, latus tertium & an-
gulos reliquos concludere.*

SIt crurum unum 8, alterum 9, angulus graduum 30. Ex linea AB
accipe partes octo ab A ad C, constitueq; ad punctum A angu-
lum triginta graduum, per Problema primum præcedens, & duc
rectam AD. In AD transfer partes 9 ex Linea Arithmetica, ab A
ad D, & duc rectam DC; habebisque triangulum æquiangulum
triangulo dato, cujus latus tertium & angulos reliquos invenies
per dicta in præcedentibus.

PROBLEMA IX.

*Datis trianguli obliquanguli uno latere, cum duobus
angulis eidem adjacentibus, angulum tertium, &
reliqua latera investigare.*

Angulus tertius invenitur, si angulos duos datos subducas ex
semicirculo, nempe ex gradibus 180; residuum enim est an-
gulus reliquus. Latera sic invenies. Ductâ AB æquali funda-
mentali seu Arithmeticæ Lineæ, intercipe circino partes lateris
dati ab A usque ad C; & ex puncto A constitue angulum alteru-
trum lateri dato adjacentium, ducta recta AD. Similiter ex pun-
cto C constitue alterum angulum, ductâ rectâ CD. Fiet enim
triangulum, cujus latera, per præcedentia Problemata inventa,
dabunt latera desiderata.

PROBLEMA X.

*Datis trianguli rectilinei tribus angulis, invenire
proportionem laterum.*

Angu-

FIG CCXXX.





FIG CCXXXII.




FIG CCXXXIII.




FIG. CCXXXIV.




FIG CCXXXV.




FIG CCXXXVI.




FIG CCXXXVII.




FIG. CCXXXIX.




FIG. CCXXXVIII.



Angulis datis subtende lineas rectas, easque intercipe in Linea Graduum; ut habeas angulorum datorum proportionem: quâ habitâ, habebis etiam proportionem laterum, cum eadem sit horum, atque illorum proportio.

CAPUT QUINTUM.

De usu linearum Polymetrarum in Polygonis regularibus describendis;

sive

Problemata Polygonographica.

PROBLEMA I.

In dato circulo Polygonum equiangulum & arcuum quodcunque describere.

Ethoc auxilio Lineæ Polygonorum sic. Expone lineam rectam AB æqualem Lineæ Polygonorum, & centro A , intervallo Av_1 , dictæ lineæ, describe arcum CD , In eoque applica radium dati circuli, ab A usque ad D . Deinde eodem centro A , intervallo usque ad numerum laterum Polygoni describendi fac alium arcum EF . v. g. Recta EF erit latus Polygoni quæsiti dato circulo inscribendi. Exemplum. Esto datus circuli radius v. g. centum particularum lineæ Arithmeticæ, & in eo circulo describendum sit Polygonum novem laterum. Factâ lineâ AB , & centro A , intervallo Av_1 , factô arcu CD , applica in illo ex C in D radium datum centum particularum, & duc rectam AD . Deinde eodem centro A , intervallo Av_1 lineæ Polygonorum, fac alium arcum E F . Recta EF erit latus Enneagoni dato circulo inscribendi.

Figura
CCXXX.
Ico. XXXI.

ANNOTATIO.

Eodem prorsus modo inscribuntur circulo cuicunque dato cetera Polygona quacunque, quorum latera sunt inscripta Linea Polygonorum.

PRO-

PROBLEMA II.

Dato latere Polygoni describendi, invenire radium circuli, cui inscribendum sit.

ESto datum latus Decagoni, cujuscunque magnitudinis, v. g. 62 partium lineæ Arithmeticæ, hoc est, data sit linea recta 62 partium pro latere Decagoni futuri. Expone lineam A B, & centro A, intervallo A X, fac arcum E F, in eoque applica latus datum ab E usque ad F, & duc rectam A F D. Deinde eodem centro A, intervallo A V, fac alium arcum C D. Recta C D erit radius circuli quæsit.

ANNOTATIO.

SI latus datum sit nimis magnum, accipe ejus submultiplicem, & procede ut dictum. Auge deinde radium inventum, prout opus fuerit, & in circulo descripto applica latus similiter auctum.

PROBLEMA III.

Circa datum circulum, Polygonum quodcunque describere.

Figura
CCXXXI.
Ieo, XXXI.

QUoniam est, ut perpendicularis ex centro circuli in latus Polygoni eidem circulo inscripti, ad radium circuli Polygoni circumscripti; ita idem radius ad radium Polygoni dato circulo circumscripti: ideo si dato aut quæsito circulo inscribas Polygonum desideratum, juxta prædictas regulas, & deinde latus Polygoni inscripti dimidies, & ex centro per punctum bisectionis educa rectam radio circuli æqualem, & ex radii ducti extremitate ducas perpendicularem inscripto lateri parallelam, producasque ex utroque inscripti lateris termino diametros per centrum; intercipietur latus Polygoni circulo circumscribendi.

Datus sit circulus ABCD, eique circumscribendum quadratum. Inscribe prius eidem circulo quadratum B C E D, ejusque latus C E biseca in F puncto, & ex centro A educ rectam A F G, æqualem radio A C, & per extremum punctum G duc rectam I K, parallelam lateri C E; & ex centro A, per extrema C & E, educ rectas,

rectas A I, A K; quæ intercipient rectam I K, latus quadrati circulo circumfcribendū.

PROBLEMA IV.

Intra datum Polygonum describere circulum.

EX centro Polygoni dati demitte perpendicularem in datum latus Polygoni; seu bifeca unum latus Polygoni dati, & ex centro ad punctum bisectionis duc rectam: ea erit radius circuli, qui quæritur. Esto datum quadratum B C E D, Intraque ipsam sit describendus circulus. Ex centro A, ad latus C E, duc perpendicularem A F. Hæc erit radius circuli inscribendi.

PROBLEMA V.

Latera dati Polygoni in data proportionione augere, vel minuere.

POTest hoc fieri ope Lineæ Arithmeticæ. Esto igitur datum latus cujuscunque Polygoni, augendum in proportionione tripla. Figura
CCXXX.
lco. XXXI Expone lineam A B superioris figuræ, æqualem Lineæ Arithmeticæ, in eaque nota terminos datæ proportionis, v. g. 30 & 90, qui cadant in puncta E & C. Deinde centro A, intervallo A E, seu A 30, fac arcum E F, in eoque applica latus Polygoni datum, ab E usque ad F, & duc rectam A F D. Tandem centro A, intervallo A C, seu A 90, fac alium arcum C D. Subtensa C D erit latus quæsitum.

Si minuendum esset latus datum in tripla proportionione, applica prius latus intra arcum C D, & subtensa E F erit latus subtriplum quæsitum.

PROBLEMA VI.

Dati Polygoni aream in data proportionione augere, vel minuere.

Dati Polygoni latus atige in data proportionione, & inter latus datum, & repertum, quæte mediam proportionalem, per di-
cta suprâ cap. 2. hujus Libri, Probl. 10, aut per dicta Lib. 8. cap. 1,

C c c

L e m,

Lem. 3. Media hæc proportionalis reperta, est latus Polygoni, cujus area dati Polygoni aream excedit in data proportione, aut ab illa exceditur.

ANNOTATIO.

Poteris hic uti Tabulâ, quam proposuimus suprà Cap. 3. Problem. X. sicut enim ex illa tabula augeri vel minui potest circulus in qualibet proportionem, ita augeri etiam & minui potest quodlibet Polygonum.

PROBLEMA VII.

*Dato Polygono invenire æquale triangulum,
aut vicissim.*

Fieri id potest ope Tabulæ sequentis sic.

Figura CC
XXXII.
Ico, XXXI.

ESTO datum octogonum, ejusque latus cujuscunque magnitudinis. Exponeli-
neam A B æqualem Lineæ Arithmeticæ, & centro A, intervallo A 30 (quoniam hic numerus in tabula respondet octogono) fac arcum 30 C, in eoque applica latus octogoni dati. Deinde eodem centro A, intervallo A 100 (quoniam hic numerus in tabula respondet trigono) fac alium arcum 100 D. Subtensa 100 D erit latus trianguli dato octogono æqualis.

ANNOTATIO.

SI velis triangulo dato æquale Polygonum constituere, contrario modo operari debes, describendo prius arcum 100 D, & deinde arcum 30 C &c.

Nomina	Lateræ	Radii
III	100	58
IV	66	46
V	50	43
VI	41	41
VII	34	40
VIII	30	39
IX	26	39
X	24	38
XI	22	38
XII	20	38

PROBLEMA VIII.

Dato Polygono æquale alterius nominis Polygonum constituere.

EST per Lineam Arithmeticam, & per præcedentem tabellam sic. ESTO datum Octangulum, construendumque sit Dodecan-

cangulum ipsi æquale. Expositâ lineâ AB , ut antea, Centro A , intercapedine $A 30$ (quoniam hic numerus responder octogono) fiat arcus $30 C$, eique applicetur latus octogoni dati, à 30 usque ad C , & ducatur recta ACD . Deinde eodem centro A , intervallo $A 20$ (quoniam hic numerus responder Duodecagono) fiat arcus $20 E$. Rectâ seu Subtensa $20 E$ erit latus Duodecagoni æqualis dato Octogono.

ANNOTATIO.

Potes etiam dato radio Polygoni convertendi, invenire radium Polygoni construendi, per eandem tabellam. Detur enim quadrangulum, cujus radius sit pedum, aut partium qualiumcunque viginti trium; quæzatur verò radius Duodecagoni eidem quadrangulo aqualis. Centro A , intervallo $A 46$ (quoniam hic numerus responder radio Quadranguli) fiat arcus, eique applicetur radius datus, & ducatur recta AD . Deinde eodem centro A , intervallo $A 38$ (quoniam hic numerus responder radio Duodecanguli) fiat alius arcus; ejus enim Subtensa erit radius Duodecagoni quaesiti, qui erit in proposito casu pedum 19 .

CAPUT SEXTUM

De usu linearum Polymetrarum in planis
figuris augendis, minuendis, ad invicem
permutandis;

sive

Problemata Metamorphotica planorum.

PROBLEMA I:

*Augere, aut minuere Circulum in quavis
portione.*

Quod præstitimus suprà Cap. 3. Problem. 9, 10, per Lineam
Arithmeticam, præstabimus hîc per Geometricam sic. Sit
datus circulus A , & sit inveniendus alius sextuplo major. Ducli-
neam

Ccc 2

Figura CC
XXXIII.
Ico. XXXI.

neam rectam AB , & centro A , intervallo inter principium & punctum 1^{um} Lineæ Geometricæ, fac arcum CD , in eumque transfer diametrum BC circuli A dati, à C usque ad D , & duc rectam ADF . Deinde eodem centro A , intervallo inter principium & punctum vi . ejusdem lineæ Geometricæ, fac alium arcum $E F$. Subtensa $E F$ erit diameter circuli D sexies majoris circulo A dato. Idem eveniet, si loco diametrorum adhibeas femidiametros.

Si datus esset circulus D , & invenendus circulus A sexies minor, contrario modo procedendum esset, faciendo nimirum primò arcum $E F$, in eoque applicando diametrum $E F$, & deinde faciendo arcum CD , & circa subtensam CD describendo circulum A .

Quod diximus hîc de proportionē sextupla, & subsextupla, Intelligendum est de quacunque proportionē, dummodò ea nota sit in numeris.

Si augendus esset circulus datus in proportionē G ad H , aut minuendus in proportionē H ad G ; inquire proportionem G ad H in numeris ex lineâ A arithmetica, aut alia quacunque in partes æquales divisa, & procede ut dictum.

PROBLEMA II.

Augere, vel minnere triangulum in data quavis proportionē, constituendo alterum simile, similiterque positum.

Figura CC
XXXIV.
Ico. XXXI.

33
16
3333

ESto triangulum ABC , eique constituendum aliud DEF simile similiterq; positum in proportionē sesquialtera, hoc est, quod sit semel cum dimidio majus. Quære duos numeros, qui habeant dictam proportionem, ut sunt 8 & 12 , seu 2 & 3 . Deinde ducta recta AB , accipe circino ex lineâ Geometrica intercapedinem octo punctorum, & ex centro A describe arcum AD , in eoque applica latus BC trianguli ABC dati, à C usque ad D , & duc rectam ADF . Iterum accipe circino ex eadem lineâ Geometrica intercapedine duodecim punctorum, & ex eodem centro A describe arcum $E F$. Eritque subtensa $E F$ latus homologum lateri BC , pro triangulo, cujus superficies sit sesquialtera trianguli dati. Eodem modo inven-

venies latera DE , DF , homologa lateribus AB , & AC ; si nimirum intra arcum CD applices primo latus AB , deinde latus AC ; nam in arcu EF invenies subtenfas pro lateribus DE , DF . Habitis tribus lineis EF , DE , DF , construe ex illis triangulum, per 22. *Libri Primi Euclidis*, & habebis quod querebas.

Si minuendum sit triangulum in data proportionem, procede contrario modo, ut diximus in precedenti Problemate.

PROBLEMA III.

Later a trianguli dati augere, vel minuere in quacunque proportionem, constituendo aliud simile similiterque positum.

Sit datum triangulum ABC , sitque constituendum aliud DEF simile, similiterque descriptum, cujus latera singula sint ad latera prioris, ut 6 ad 4. Expone lineam AB , & accipe ex linea Arithmetica, aliav quacunque divisa in partes æquales, partes sex, eoque intervallo fac ex centro A arcum CS , in eumque transfer intervallum partium 4 ex eadem linea divisa in partes æquales, & duc rectam AC ; eritque subtenfa CS partium 4, quarum A se sit 6. His factis, intervallis BC , BA , CA , describe ex centro A tres arcus, DE , FG , HI . Horum arcuum subtenfae DE , FG , HI , erunt tria latera futuri trianguli DEF , construendi per vigesimam secundam *Primi Euclidis*.

Figura
CCXXXV
Ico. XXXI.

PROBLEMA IV.

Proposita cuicunque figura aliam similem similiterque descriptam in quacunque proportionem exhibere.

Figuram propositam, qualiscunque ea sit, & quotcunque laterum, resolve in triangula, & aucto vel diminuto uno ex illis, auge vel diminue reliqua contigua modo dicto. Sit augendum ut antea in proportionem sesquialtera trapezium $ABCD$, in trapezium $EFGH$. Ducta diagonali BC , resolve trapezium datum in duo triangula. Inventis deinde tribus AB , AC , BC , tribus aliis proportionalibus EF , EG , FG , in data proportionem, constitue

Figura CC
XXXVI.
Ico. XXXI.

triangulum EFG. Iterum inventis tribus BD, DC, BC, tribus aliis proportionalibus FH, HG, FG, constitue triangulum FHG, priori contiguum supra eandem basim FG; & habebis intentum.

Si minuenda sit figura, procede contrario modo, ut diximus in præcedentibus. Atque in hunc modum licebit quamlibet figuram augere, vel minuire.

PROBLEMA V.

Proposita cujuscunque figura latera augere, vel minuire, in data proportionem, constituendo aliam similem similiterque positam.

Solemus plerumque, dum totam figuram augere vel minuire volumus secundum proportionem aliquam, adhibere duas scalas, ut vocant, majorem unam, & minorem alteram, hoc est, duas lineas, quarum una divisa sit in partes æquales majores, altera in minores; unâ illarum utimur ad mensuranda latera figuræ datæ, alterâ ad latera figuræ construendæ efficienda proportionalia lateribus figuræ datæ. Hujusmodi duas scalas suppeditat nobis Linea nostra Arithmetica, aut quævis alia in partes æquales divisa, tali pacto.

Sit proposita figura ABCDE, cui constituenda sit alia similis, duplo minor quoad singula latera, ita ut latus FG, homologum lateri CD, sit illo duplo minus; & latus GH, homologum lateri DE, sit illo etiam duplo minus, Hic adhibendæ forent duæ scalæ, quarum partes æquales essent in dupla proportionem, nempe major pro figura constructa, minor pro construenda. At per solam lineam Arithmeticam id fieri potest sic. Supra lineam AB superioris figuræ Probl. 3. transfer lineam CD figuræ præsentis, ab A usque ad F, v.g. & fac arcum FG, in eoque applica lineam FG figuræ futuræ, ab F usque ad G, ductâ rectâ ACI; eritque constructus angulus GAF, qui Interviet pro scala reliquorum laterum figuræ construendæ. Nam si ad intervallum lineæ CB figuræ datæ describas ex A centro arcum SC, erit subtensa SC latus homologum lateris CB. Si item ad intervallum lateris BA faci-

facias arcum DE, erit subtenſa DE latus homologum lateri BA, & ſic de cæteris. Si igitur figuram datam dividās in triangula ut vides, & ex ſubtenſis inventis conſtituas totidem triangula ſibi contigua, modo dicto in præcedentibus; habebis figuram datæ ſimilem ſimiliterque poſitam, in proportionẽ ſubduplica.

Si augenda eſſet figura, deberes procedere contrario modo. Eodem verò modo quælibet aliæ figuræ planæ augeri, minui vè poterunt.

PROBLEMA VI.

Inter duas figuras planas ſimiles invenire proportionem.

Data ſint duo quadrata, A & B, & ſcire velis quàm inter ſe habeant proportionem quoad capacitatem. Applica tam latus A, quàm latus B, ſupra lineam Geometricam, incipiendo à principio dictæ linæ. Si præciſè terminentur in duobus diverſis punctis in linea notatis, v. g. A in puncto primo, B in ſecundo; habebunt quadrata proportionem duplicam. Si non terminentur præciſè in duobus punctis, ſic procede. Expoſita linea AB ſuperioris figuræ Problem. 3. ſume circino ex Linea Geometrica intervallum aliquot punctorum, v. g. decem, & ex centro A deſcribe arcum, qui ſit v. g. FG, in eoque applica latus B, ab F uſque ad G, & duc rectam AG. Deinde ad intervallum aliorum punctorum linæ Geometricæ, v. g. 4, 5, 6, &c. deſcribe alios arcus ex A centro, & vide quem illorum præciſè ſubtendat latus quadrati A. Subtendat v. g. arcum deſcriptum ex puncto 5. Erit ergo quadratum A ad quadratum B, ut 5 ad 10, ſeu ut 1 ad 2.

Figura CC
XXXVIII.
Ico. XXXI.

PROBLEMA VII.

Duas, plureſvè figuras planas, ſimiles addere, hoc eſt, conſtituere unam æqualem duabus, aut pluribus datis.

Sint addenda duo quadrata, A & B, antea poſita, hoc eſt, inventum ſit quadratum æquale utrique quadrato propoſito. Inqui-

Inquire modo dicto in præcedenti Problemate, in qua puncta Lineæ Geometricæ cadant subtenſæ æquales lateribus A & B, nempe A in punctum 1, & B in punctum 2. Adde inter ſe 1 & 2, ſient 3. Subtenſa arcus ad intervallum puncti tertii Lineæ Geometricæ deſcripti, v.g. lineæ C, erit latus quadrati æqualis duobus Quadratis datis.

Si inveniendum eſſet quadratum æquale tribus datis, quarum latera eſſent A, B, C, ſubtendentia arcus deſcriptos ex punctis 1, 2, 3; addendi eſſent hi tres numeri in unam ſummam 6, & accipienda ſubtenſa arcus ex puncto 6 deſcripti pro latere quadrati tribus datis æqualis. Eodem modo procedendum eſt, ſi plura quadrata eſſent addenda.

Quod diximus de quadratis, dicendum etiam eſt de quibuscunque figuris ſimilibus; & etiam de circulis.

PROBLEMA VIII.

Vnam figuram planam ab altera ſimili ſubtrahere; ſive inter duas ſimiles & inæquales invenire tertiam ſimilem, & æqualem differentia duarum datarum.

Figura CC.
XXXIX.
Ico, XXXI.

Hæc Propoſitio eſt converſa præcedentis, & ejus praxis hæc eſt. Dati ſint duo circuli inæquales, & majoris diameter ſit A A, minoris B B; ſitque minor detrahendus à majori, & inveniendæ diameter C C, cujus circulus ſit æqualis differentiæ inter duos datos. Quære modo dicto in præcedentibus primò ſubtenſant æqualem diametro A A, deinde ſubtenſam æqualem diametro B B, cadatque prima in punctum 6, ſecunda in punctum 2 Lineæ Geometricæ. Subtrahere 2 à 6, & ad intervallum reſiduorum quatuor punctorum deſcribere arcum; eritque ejus ſubtenſa diameter C C quaſita. Eodem modo operandum eſt in aliis figuris ſimilibus.

PRO-

PROBLEMA IX.

*Circulum, & alias figuras regulares quadrare; item
omnes figuras regulares invicem transmu-
tare.*

Fit hoc per lineam Reductionis planorum, in qua notatæ sunt F. CC XL;
16. XXXII.
figuræ circuli, trianguli, quadrati, pentagoni &c. Sit itaque in-
veniendum quæ datum æquale circulo A B. Exposita linea A B,
æquali Lineæ Reductionis planorum, ex A centro, intervallo in-
ter initium lineæ prædictæ & signum O, describe arcum O C, &
applica illi diametrum A B datam ab O usque ad C, ductâ rectâ A
C. Deinde centro A, intervallo usque ad signum □ prædictæ li-
neæ, fac arcum □ D. Subtensa hujus arcus erit latus quadrati cir-
culo dato æqualis.

Si centro A, intervallo usque ad signum Δ, facias alium ar-
cum, erit ejus subtensa latus trianguli æquilateri prædicto circu-
lo æqualis.

Eodem modo invenes latera pentagoni, hexagoni, & alia-
rum figurarum regularium dato circulo æqualium.

Si quadrato dato velis invenire circulum æqualem, procede
cum latere quadrati, ut processisti cum diametro, & contrâ. Ea-
dem ratione mutabis quamcunque figuram regularem datam in
aliam quamcunque æqualem.

PROBLEMA X.

*Pluribus figuris regularibus, etiam inter se dissimili-
bus, unam æqualem constituere.*

PROPOSITUS sit circulus, triangulum æquilaterum, pentagonum,
& hexagonum, debeatq; inveniri quadratum omnibus simul
sumptis æquale. Per præcedens Problema primum inveniantur
quatuor quadrata datis quatuor figuris æqualia, & per Problema
7 præcedēs inveniatur unum quadratum omnibus quatuor qua-
dratis æquale; & habebis quod queritur.

Eodem modo inveniri potest circulus, triangulum, aut alia quævis figura regularis, omnibus propositis figuris simul sumptis æqualis.

PROBLEMA IX.

Cuiusvis figura rectilina irregulari constituere figuram regularem æqualem.

Figuram rectilineam irregularem resolve in triangula quotquot potes; triangula verò resolve in totidem quadrata; quadratis omnibus constitue æqualem circulum, aut quadratum, aut pentagonum &c. per præcedens Problema; & habebis intentum. Triangulo porro cuilibet dato constitui potest quadratum æquale ut sequitur.

PROBLEMA XII.

Cuilibet triangulo æquale quadratum constituere.

Figura
CCXLI.
Ic. XXXII.









Ab angulo quocunque trianguli ad latus oppositum, etiam productum, si opus fuerit, demitte perpendicularem; inter quam, & inter semissem lateris in quod cadit, si quæras mediam proportionalem per dicta Capite primo hujus, & capite primo Libri octavi; erit ea latus quadrati triangulo æqualis. Sit datum triangulum ABC. Ab angulo A, ad latus BC, demitte perpendicularem AD: Inter AB, & dimidium lateris BC, quære mediam proportionalem, quæ erit latus quadrati triangulo dato æqualis. Ratio patet ex dictis Lib. 8.

PROBLEMA XIII.

Rectangulum in Quadratum æquale commutare.

Inter latus majus & minus rectanguli quære mediam proportionalem, per dicta supra; erit ea latus quadrati rectangulo æqualis.

CAPUT



CAPUT SEPTIMUM.

De Usu linearum Polymetrarum in solidis
augendis, minuendis, permutandis;

sive

Problemata Metamorphotica solidorum.

SEQUENTIA Problemata solvuntur præcipuè per lineam Stereometricam: in iis verò solvendis sæpe necessaria est radices cubicæ extractio, & duarum mediarum proportionalium inventio, de quibus egimus in præcedentibus.

PROBLEMA I.

*Datum Corpus in data proportionione augere, vel
minuere.*

Numeros datam proportionem exprimentes quære in linea Stereometrica, & ductâ rectâ A B, ut suprà, centro A, intervallo usque ad primum terminum proportionis, in Linea Stereometrica inventum, fac arcum, in eoque applica diametrum, aut latus corporis dati. Deinde eodem centro A, intervallo usque ad alterum terminum proportionis in eadem Linea acceptum, fac alium arcum. Hujus subtensa dabit diametrum, aut latus Corporis in data proportionione aucti, vel diminuti. Propositus sit v. g. globus, cujus diameter sit decem partium Lineæ Arithmeticæ, aut alterius cujusvis divisionis in partes æquales, augendus in tripla proportionione, vel diminuendus. Quære numeros, datam proportionem triplam continentes, in linea Stereometrica, quales sunt v. g. 10 & 30, aut 9 & 27, aut 8 & 24 &c. Deinde ductâ rectâ A B, centro A, intervallo usque ad decimum punctum lineæ Stereometricæ, fac arcum v. g. C D, in eoque applica diametrum globi dati, vel ejus loco intercapedinem decem partium ex Linea Arithmetica acceptam, à C usque ad D, ductâ rectâ A D. Tandem eodem centro A, intervallo usque ad trigessimum punctum ejusdem lineæ Stereometricæ, fac alium arcum, v. g. E F. Sub-

Ddd 2

tenfa

tenſa hujus arcus dabit diametrum ſphæræ triplò majoris, quæ in caſu poſito erit partium 14 $\frac{1}{2}$.

Si minuendus eſt globus in proportionem tripla, procedendum eſt contraria ratione, deſcribendo ſcilicet primò arcum ex puncto 30, & deinde ex 10.

ANNOTATIO.

Figura
CC XLIII.
&c. XXXII.

Qua ratione proceſſimus in diametro ad augendum vel minuendum globum, eadem ratione procedendum eſt cum lateribus aliorum corporum regularium, ad illa augenda vel minuenda. Vt ſi duplicandus eſſet Cubus A, deſcribi deberet ad intervallum puncti 1^{mi} Linea Stereometrica arcus C D, in eoque applicari latus b c: deinde ad intervallum puncti 2 ejusdem Lineæ, arcus E F; hujus enim Subtenſa daret latus d e Cubi duplò majoris. Si idem cubus A augendus eſſet in ſextupla proportionem, fieri deberet primò arcus ad intervallum puncti 1, deinde ad intervallum puncti 6. In minuendo autem cubo contrarius ordo tenendus eſt.

PROBLEMA II.

Datis duobus ſolidis ſimilibus, invenire eorum proportionem mutuam.

Sint dati duo cubi A & B (eadem eſt ratio de ſphæris, & de aliis quibuſcunque ſolidis ſimilibus regularibus) & velis ſcire quam habeant inter ſe proportionem; ſic operare. Expoſitâ, ut ſuprà, lineâ A B, centro A, intervallo quocunque Lineæ Stereometricæ, v. g. uſque ad punctum 1, fac arcum C D, in eoque applica latus b c cubi dati, à C utque ad D, & duc rectam A D. Deinde eodem centro A, intervallo aliorum diverſorum punctorum ejusdem Lineæ Stereometricæ, fac alios diverſos arcus, & vide quem ex illis præciſè ſubtendat latus d e cubi B. Subtendat arcum deſcriptum ex puncto 1. Habebit ergo cubus B ad cubum A proportionem duplam, hoc eſt, erit ad ipſum ut 2 ad 1.

PROBLEMA III.

Propoſitis quotlibet ſolidis ſimilibus, conſtituere unum omnibus aequale ac ſimile.

Sint

Sint proposita tria solida similia, quorum diametri aut latera sint æqualia lineis A, B, C; sitque inveniendum unum aliquod omnibus tribus æquale ac simile. Expone lineam A But ^{Figura} ^{CC XLIV.} ^{1c. XXXII.} supra, & centro A, intervallo ad quodcunque punctum lineæ Stereometricæ, v. g. ad punctum 4, fac arcum CD, in eoque applica lineam A, à C usque ad D, & duc rectam A D. Deinde eodem centro A, intervallo ad alia diversa puncta ejusdem lineæ Stereometricæ fac alios arcus, & vide quosnam ex illis subtendant lineæ B & C. Subtendat linea B arcum descriptum ex puncto 6. Adde in unam summam hos tres numeros, 4, 5, 6; efficient 15. Subtensa arcus descripti ex puncto 15 Lineæ Stereometricæ, erit latus solidi æqualis solidis tribus datis.

Simili modo operaberis, si adsint plura solida quàm tria, aut pauciora.

PROBLEMA IV.

Dato solido regulari, invenire alia diversorum numerum æqualia, seu æquæ capacia.

Est hoc per lineam *Reductionis corporum regularium*. Sit itaque, data regularis pyramis, & invenienda sit sphaera, aliaque corpora regularia, æqualia pyramidi datæ, seu æquæ capacia. Expone ut supra lineam A B, æqualem lineæ Reductionis corporum regularium; & centro A, intervallo usque ad signum Pyramidis, hoc est, usque ad finem lineæ, fac arcum v. g. GH, in eoque applica latus unum pyramidis datæ, à G usque ad H, & duc rectam A H. Deinde eodem centro A, intervallo usque ad signa reliquorum corporum in linea notata fac alios arcus. Horum subtensæ erunt diameter sphaeræ, & latera reliquorum corporum æqualium datæ pyramidi.

Si data esset sphaera, & reperienda corpora regularia ipsi æqualia; describe primò ex centro A, intervallo usque ad signum sphaeræ in linea notatum, arcum, in eoque applica diametrum sphaeræ. Deinde ad intervallum reliquorum corporum fac alios arcus; dabuntque eorum subtensæ latera quæ sutorum corporum. Eodem modo si datum esset quodcunque corpus regulare, v. g. cubus seu hexaëdrum, & invenienda alia corpora ipsi æqualia;

Ddd 3 fieri

fieri deberet primò arcus ad intervallum signi cubi, & deinde alii arcus ad intervalla aliorum signorum.

PROBLEMA V.

*Data Sphæra inscribere quinque corpora regularia;
seu dato Corpori regulari Sphæram circum-
scribere.*

F hoc per Lineam Arithmeticam, & per tabulam X suprà Parte I. propositam, pro Inscriptione corporum regularium in sphæra, sic. Ductâ lineâ AB, ut suprà, æquali Lineæ Arithmeticæ, describe ex A centro, ad intervallum 1000 aut 100 partium dictæ Lineæ, arcum, v. g. GH, in eoque applica diametrum datæ sphæra, quantacunque ea sit, à G usque ad H, & fac lineam AH. Deinde eodem centro A, intervallo partium in tabula X nominata notatarum, fac alios arcus. Subtensæ horum arcuum erunt latera corporum regularium sphæra datæ inscribendorum. Sic subtensa arcus descripti ad intervallum 57 vel 58 partium erit latus cubi; subtensa arcus partium 81 vel 82 latus pyramidis, &c.

Si corpori dato, v. g. cubo velis circumscribere sphæram, describe ad intervallum partium 57 vel 58 arcum v. g. EF, in eoque applica latus cubi dati, ab E usque ad F, ductâ rectâ AF. Deinde ad intervallum centum partium fac alium arcum. Hujus subtensa erit diameter sphæra circumscribendæ quæ quaritur.

PROBLEMA VI.

*Dato pondere unius globi, invenire pondus alterius
inaqualis ex eadem materia.*

Figura
CCXLV.
It. XXXII.

H abes duos globos, A & D, ex eadem materia, v. g. ex ferro, plumbo, lapide, quorum minor A pendet libram unam. Scire vis, quot libras pendat globus major D; vel quot librarum debeat esse globus pro tormento bellico, cujus diameter æqualis est diametro EF globi D. Factâ ut suprà AB, describe ex centro A, intervallo usque ad primum punctum lineæ Stereometricæ, arcum

cum CD, in eoque applica diametrum B C globi D, à C usque ad D, & duc rectam AD. Deinde ex eodem centro A, intervallo usque ad alia puncta diversa ejusdem lineæ Stereometricæ, describe alios diversos arcus; & vide quem præcisè subtendat diameter EF globi D. Subtendat arcum descriptum ex quarto puncto. Erit igitur globus D quatuorlibrarum.

Si cognitum esset pondus globi D, & cognoscendum pondus globi A, deberes contrario ordine operari, modo dicto, nempe primò applicando arcui descripto diametrum EF globi D, & deinde diametrum B C globi A. Sed de hac re iterum sermo redibit in Capite sequenti.

PROBLEMA VII.

Data pyramidi constituere æqualem & æquè altum conum, cylindrum, parallelepipedum.

PYramidis basim converte in æqualem circulum, per Problema 9, aut 11 Capitis præcedentis, & supra ipsum construe conum æquè altum cum pyramide data; hic enim erit eidem æqualis. Si cono constructi basim seu circulum minuas in tripla proportionem, per Problema primum ejusdem Capitis præcedentis, & supra hujusmodi circulum constituas cylindrum æqualis altitudinis cum cono ac pyramide prædictis; erit is æqualis eidem cono, & pyramidi. Si cylindri hujus basim circularem convertas in æquale quadratum, per dictum Problema 9, & supra hujusmodi quadratum construas parallelepipedum æquè altum cum cylindro; erit id eidem æquale, & consequenter cono, & pyramidi.

PROBLEMA VIII.

Dato cono certa altitudinis, constituere alium æquè capacem, sed diversæ altitudinis.

ESto conus ABCD, cui constituendus sit alius æqualis, ad altitudinem EF. Inter CD & EF quære mediam proportionalem I, per Problema X Capitis Secundi, hujus Libri, vel per dicta Figura
CC XLVI,
te. XXXII, Lib. 8 Cap. 1. Lemm. 3. Deinde tribus lineis, I, CD, AB, quære quar-

quartam proportionalem GH , per dicta Lemm. 5 Lib. 8. cap. 1. ita ut prima sit I , secunda CD , tertia AB , quarta GH . Si jam circa GH diametrum describas circulum, & supra ipsum erigas conum $GHEF$, ad altitudinem EF ; eritis æqualis cono $ABCD$.

PROBLEMA IX.

Dato Cylindro certa altitudinis, construere alium æquè capacem, sed diversæ altitudinis.

Modus operandi idem est cum præcedenti. Ut si supra basim ACB constitutus esset cylinder altitudinis CD , essetque constituendus alius ipsi æqualis ad altitudinem EF ; quære mediam proportionalem I inter CD & EF ; deinde his tribus I , CD , AB , quartam proportionalem GH , & supra circulum diametri GH erige cylindrum ad altitudinem EF , & habebis quod quæritur.

ANNOTATIO.

Eodem modo constituitur pyramis, & prisma æqualis capacitatis, sed inæqualis altitudinis cum alia pyramide, & prismate datus.

PROBLEMA X.

Dato Cylindro invenire parallelepipedum æquè altum & æquè capax.

Sit datus Cylindrus solidus, aut vas Cylindricum A , & invenendum sit solidum, aut parallelepipedum B , ejusdem capacitatis. Basim Cylindri $ABCD$ converte in quadratum æquale $FGHI$, per Problem. 9 Capitis Sexti præcedentis, & supra basim quadratam prædictam erige corpus, aut vas, æqualis altitudinis cum cylindro; & habebis intentum.

PROBLEMA XI.

Dato Cylindro æqualem cubum efficere.

Sit utantè Cylindrus A . Constitue parallelepipedum B ipsi æquale, & æquè altum, supra basim quadratam basi Cylindri æqualem, ut dictum. Si parallelepipedum constructum est cubus, hoc

hoc est, si altitudo ejus æqualis est lateri basis; habebis quod quærebatur. Sin minùs, converte B in cubum æqualem, tali pacto. Quære inter K H altitudinem, & H H altitudinem solidi B, mediam proportionalem; Erit ea latus cubi quæsitum.

CAPUT OCTAVUM

De usu linearum Polymetrarum in metallicorum corporum proportionem, quoad molem & pondus inveniendam;

sive

Problemata Statica.

PROBLEMA I.

Dato globo unius metalli, invenire alium alterius metalli, pondere æqualem.

ESto globus ferreus, cujus diameter A, ponderis cujuslibet, Figura CC
 sitque inveniendus alius aureus æqualis ponderis; sic operare. XLVIII.
 Ducta recta AB, æquali Lineæ Metallicæ, describatur ex A centro, ad intervallum usque ad signum ferri dictæ lineæ metallicæ, lc. XXXII.
 arcus BC, eique applicetur diameter A, à B usque ad C, & ducatur recta AC. Deinde eodem centro A, intervallo usque ad signum Auri Lineæ metallicæ, fiat alius arcus DE. Hujus subtensa DE erit diameter globi aurei æqualis in pondere globo ferreo dato.

Si ex A centro, ad intervallum usque ad signa cæterorum metallorum Lineæ metallicæ fiant alii arcus, dabunt illorum subtensæ diametros globorum eorundem metallorum æqualis ponderis cum dato globo ferreo. Qua autem ratione comparavimus hic alia metalla ad ferrum, poterunt eadem metalla comparari ad quodcunque metallum, quod primò oblatum fuerit; si nimirum ad intervallum usque ad ipsius signum describatur primus arcus, & reliqua fiant, ut dictum.

Ecc

PRO:

PROBLEMA II.

Invenire proportionem metallorum quoad pondus.

Figura
CCXLII.
Ie. XXXII.

VIs scire, quam proportionem habeat argentum ad aurum quoad pondus, hoc est, quanto ponderosior sit globus autem globo argenteo ejusdem molis. Duc lineam AB æqualem lineæ Stereometricæ, describeque ex A centro per punctum ejus v. g. 100, arcum GH , eique applica lineam Argenti ex linea metallica, à G usque ad H , ductâ rectâ AH . Deinde ex eodem centro A , per alia puncta Lineæ Stereometricæ, describe alios arcus, & vide quem præcisè subtendat Linea Auri ejusdem lineæ metallica. Subtendat v. g. arcum descriptum ex puncto 55. Erit ergo permutatim ut 100 ad 55, ita aurum ad argentum. Eadem est ratio in aliis metallis. Dixi, permutatim, quia aurum ponderosius est argento,

PROBLEMA III.

Data diametro globi ferrei, invenire ejus pondus.

M—N **S**It data diameter MN alicujus globi ferrei, & quærat eus Spondus. Reperitur id per lineam seu diametrum decem librarum globi ferrei instrumento inscriptam, sic. Ductâ AB æquali Lineæ Stereometricæ, ut in præcedenti Problemate, accipiat ex eadem lineâ Stereometricâ intervallum primorum decem punctorum, & ex A describat arcus CD , ad dictum intervallum, eique applicetur lineâ decem librarum ferri, à C usque ad D , & ducatur rectâ AD . Accipe jam diametrum MN globi ferrei oblâti per circinum recurvum, & ex eodem centro A factis diversis arcibus, vide quem illorum præcisè subtendat. Subtendat arcum GH . Accipe rectâ AG circinio manuali, & transfer supra Lineam Stereometricam ab initio versus finem, & vide quem punctum seu numerum attingat. Numerus punctorum indicabit numerum librarum oblâti globi ferrei; ut si attingat punctum 30, erit dictus globus triginta librarum.

Si Instrumento est inscripta lineâ seu diameter non decem, sed unius Libræ, describe arcum CD per punctum 1 Lineæ Stereometricæ.

P R O -

PROBLEMA IV.

Data diametro aliorum globorum metallicorum, invenire eorum pondera.

Inscripsimus Instrumēto solam diametrum decem librarum globi ferrei. Ex hac tamen venire possumus in cognitionem diametrorum decem librarum aliorum metallorum, & hisce diametris mediantibus invenire pondus quorumcunque globorum metallicorum oblatorum.

Sit igitur data diameter MN alicujus globi plumbei (& ea. M — N dem est ratio de aliis metallis) & quærat^r ejus pondus. Per Problema primum præcedens quære diametrum decem librarum globi plumbei, applicando scilicet arcui DE ex signo ferri descripto diametrum decem librarum globi ferrei in Instrumēto notatam, & per signum plumbi describendo arcum BC , aut alium: subten^sa enim BC erit diameter globi plumbei decem librarum. Habitā diametro globi plumbei decem librarum, invenies pondus globi plumbei, cujus diameter est MN , si opereris ut dictum in præcedenti Problemate 3. Eodem modo operaberis in ponderibus aliorum globorum inveniendis.

PROBLEMA V.

Pondus globi ex quocunque metallo, quem tormentum bellicum capit, cognoscere.

Sit cognoscendum pondus globi alicujus, quem excutit tormentum bellicum datum. Quære diametrum globi ejusdem metalli decem librarum, per Problema tertium aut quartum præcedens, eamque applica arcui CB figuræ præsentis. Accipe iterum diametrum orificii tormenti bellici, & ex centro A , describe arcum v.g. GH . Intervallum AG applica Lineæ Stereometricæ, ab initio versus finem, & numerus dictæ lineæ indicabit numerum librarum quæsitum.

Figura
CCXLII,
lc, XXXII.

PROBLEMA VI.

*Datis duobus, aut quotlibet globis, invenire unum illis
aequalem in mole.*

Operare ut diximus Capite præcedente Problemate tertio, & habebis quod queritur.

PROBLEMA VII.

*Datis duobus, aut quotlibet globis, invenire unum illis
aequalem in pondere.*

Inquire singulatim datorum globorum pondera, & conjice omnia in unam summam, quæ sit v. g. Librarum 20. Ductâ deinde ut supra Problemate 2 ac 3, AB æquali Lineæ Stereometricæ, describe ex A centro, ad intervallum 10^{mi} puncti dictæ Lineæ, arcum CD, eique coapta diametrum decem librarum globi ferrei, à C usque ad D, ductâ rectâ AD. Eodem centro A, ad intervallum puncti 20 Lineæ Stereometricæ, fac alium arcum v. g. EF. Subtensa EF erit diameter globi 20 librarum.

Vera est hæc Regula, etiam si globi dati sint diversorum metallorum, ut patet consideranti.

PROBLEMA VIII.

Dato globo ex duobus metallis mixto, invenire metallorum permixtionem.

EX data globi diametro explora pondus, per Problema tertium, aut quartum, quod habere deberet globus, si purum esset metallum. Eundem deinde globum pondera per Libram, aut stateram. Excessus aut defectus ponderis prius explorati est mixtura alterius metalli.

PROBLEMA IX.

Datis diametris, aut lateribus duorum solidorum similium, sed diversorum metallorum, invenire proportionem ponderum.

Linea

Linea A sit diameter globi stannei, B globi ferrei, vis scire quam habeant inter se proportionem eorum pondera. Ducta AB, ut in Problemate primo, æquali Lineæ metallicæ, describe ex A centro, per signum stanni, arcum v. g. BC, eique coapta lineam A, à B usque ad C, ducta recta AC. Ex eodem centro A, per signum Ferri, describe alium arcum v. g. DE, cujus Subtensa DE sit æqualis lineæ C. Si diameter B æqualis fuerit lineæ C, seu subtensa DE, erit globus ferreus B datus æqualis in pondere globo stanneo A dato. Si B non fuerit æqualis lineæ C; Cum C sit diameter globi ferrei æqualis ponderis cum globo stanneo diametri A, ut supponitur ex operatione facta; certum est, eandem differentiam quoad pondus fore inter duos globos A & B, quæ est inter C & B. Quoniam igitur C & B sunt globi ejusdem metalli, nempe ferri; inquire utriusque pondus, per Problema tertium aut quartum; & differentia illorum erit differentia inter globum A & B in pondere.

Figura
CCXLIX.
Ic. XXXII.

PROBLEMA X.

Dato pondere & magnitudine solidi metallici, invenire aliud simile diversis metallis, quod habeat pondus datum.

Hæc propositio est conversa præcedentis. Sit igitur linea C præcedentis Problematis diameter globi auri septem librarum, & sit inveniendæ diameter globi ferrei librarum viginti. Duæ hinc instituendæ sunt operationes, uti in præcedenti Problemate; una pro transmutatione auri in ferrum, altera pro augendo globo ferreo septem librarum in globum ferreum viginti librarum. Prima operatio sic fit. Ducta recta AB uti in Problemate, describitur ex A centro per signum Auri, arcus DE, eique coaptatur diameter C, ducta recta AE. Deinde ex eodem A centro, per signum Ferri, describitur alius arcus BC. Subtensa BC erit diameter globi ferrei septem librarum. Secunda operatio fit ita. Ducta recta, uti in tertio Problemate, æquali lineæ Stereometricæ, ad intervallum septem punctorum ejusdem lineæ sit arcus CD, & ad intervallum 20 punctorum ejusdem lineæ sit alius arcus EF. Arcui CD applicatur inventa diameter BC septem librarum, & ducitur recta AD. Subtensa EF erit diameter globi ferrei viginti librarum.

Ecc 3

CON-

CONCLUSIO OPERIS,

in qua

*Pantometrum Kircherianum ad varios usus
accommodatur.*

Fig. CCL.
le. XXXII. **L**ibro primo, Parte primâ, descripsimus Pantometrum Kircherianum, prout communiter construi solet, & solis fere usibus geometricis servit, & vocavimus Pantometrum Simplex. Hic idem accommodabimus ad varios alios usus, & vocabimus Pantometrum Compositum. Fit hoc, si Cursori TS figuræ præsentis affixeris in medio brachium AB, ad angulos rectos, quod per longitudinem Cursoris TS discurrere huc illuc possit, efficiendo semper cum illo angulos rectos. Dividendum est autem hoc brachium AB (cujus longitudo mediam Cursoris longitudinem æquare debet) in partes Cursoris partibus æquales. Præterea Orbem KLMN, intus aliquò usque excavabis, ut cavitati charta pro delineationibus imponi possit. Deinde ejusdem Orbis exteriorem aut interiorem peripheriam divides in quatuor Quadrantes circuli; & quemlibet quadrantem in 90 gradus; eritque instrumentum compositum absolutum.

Pantometri Compositi usus extenditur

Primò, Ad Sinuum inventionem.

Hoc Instrumentum ad varios usus adhiberi potest. Et primò ad Sinus inveniendos sic. Cavitati Orbis KLMN impone chartam rotundam, cerâque ita adglutina, ut loco dimoveri nequeat. Repræsentabit itaque limbus dicti Orbis in suos gradus divisus circulum sinibus inveniendis aptum: Cursor vero TS cum brachio AB, referet nunc chordas, nunc radium, modò sinum rectum, modò versum; brachium verò solum nunc sinus complementi, nunc recti partesaget. Unde Cursor ita divisus esse debet, ut à medio puncto A, quod centro Orbis KLMN responderet, incipiat partitio, & utrimque in oppositas partes currat æquali numero partium 100 aut 1000, uti in figura apparet; brachium

chium autem inciplat partitionem suam in totidem æquales partes ab eadem linea Cursoris. Si itaque nosse cupias sinum triginta graduum, posito radio 100 aut 1000 partium; applica Cursoris lineam divisam supra diametrum Orbis ac circuli K L M N, & promove brachium ad gradum trigessimum Quadrantis, seu dextri seu sinistri; dabitque tibi brachium sinum rectum graduum triginta, à puncto dictorum graduum deorsum usque ad lineam Cursoris divisam; ejusdem verò Cursoris lineæ divisæ pars inter centrum circuli & brachii lineam divisam, dabit sinum complementi; pars denique ejusdem Cursoris reliqua dabit sinum verum.

Secundò, Ad Trigonometriam.

Simili ratione datorum quorumcunque angulorum trianguli, præsertim rectanguli, sinus, latera, proportionem laterum, & alia similia ad trigonometriam pertinentia, investigare poteris.

Tertiò, Ad Geographiam.

Eodem Instrumento mappam Geographicam transferre poteris in majorem, minorem, æqualem formam, si Cursori inscripseris gradus longitudinis, brachio verò gradus latitudinis. Cursor enim referet tunc Parallelum mobilem; brachium verò, mobilem Meridianum. Certè Instrumentum illud confectum ex duabus Regulis in partes æquales divisis, & sibi mutuò insertis ad angulos rectos, ita ut una intra aliam moveri possit (quo aliqui utuntur in dicto negotio Geographico) à nostro Curseore, unà cum brachio mobili, non differt.

Quartò, Ad Gnomonicam.

Si Cursori inscripseris Regulam Sciathericam, quam Clavius tradit cap. 16 descriptionis novæ Horologiorum, & Kircherus Lib. 4. Lucis & Umbræ; habebitis facilem, jucundum, ac pænè infinitum usum, ad omnis ferè generis horologia sciatherica in planis delineanda, ut patebit, si leges, quæ de illius Regulæ usu habet Kircherus loco cit.

Quin-

Quintò, Ad Astronomiam, & alia.

SI centro Orbis K L M N affixeris Albidadam, seu Regulam fiduciam, ut vocant, dioptris suis instructam, aut filum cum perpendiculari; inserviet tibi Pantometrum loco Quadrantis Geometrici, aut Astronomici, seu stabilis, seu penduli; eoque uti poteris ad infinitas praxes Geometricas & Astronomicas, nimirum ad dimetiendas longitudes, latitudes, altitudes, per sinus, tangentes, atque secantes, aut per Logarithmos; ad indagandam poli, solis, stellarum elevationes; ad omnia denique alia, ad quæ adhiberi solet Quadrans Astronomicus.

Sextò, Ad Astrolabii usum.

SI denique Curfore utaris pro Linea Æquinoctiali, ejusque parallelis; brachio verò pro linea polari, seu meridiano mobili, ut diximus num. 3; poteris hujus Instrumenti ope delineare Astrolabium analemmaticum Ptolomæi, Rojas, Gemmæ Frisii, Malcotti, & aliorum. Imò si delineatum hujusmodi Astrolabium inferueris Orbi excavato K L M N, invenies Cursoris & brachii auxilio horas Astronomicas, Italicas, Babylonicas, quantitatem dierum & noctium, Occasum & Ortum solis, Crepuscula matutina & vespertina, ascensiones signorum, altitudes solis, amplitudines ortivas & occiduas solis, & stellarum, quidquid denique per Astrolabia prædicta inquiri solet.

Hæc sunt quæ de hoc nobilissimo Instrumento, verèque Pantometro dicenda censui. Multa alia docebit frequens usus, & sagax utentis, ac legentis ingenium, Multa alia & mihi in mentem venerunt, multa Auctor indicavit; quæ si apponere atque exponere voluisssem, in immensum excrevisset Opus.

PERO-

PERORATIO

A.D

SANCTOS ANGELOS
GEOMETRAS.

PRACTICA Geometria usum atque exerci-
tationem cordi Vobis esse, GENII COELE-
STES, non vanis, ut persuadear, adducor ar-
gumentis, ex ipso DEI Archivio, sacrarum
inquam Litterarum Codice de promptis. Scio enim, vidisse
olim Zachariam Prophetam Cap. II. ver. I. Virum, hoc
est, Angelum Viri schemate indutum, funiculo mensorio,
ad mensurandam Hierosolymam à Nehemia & Zorobabele
reædificandam, instructum. Scio, vidisse Ezechielem Cap.
XL. ver. III. Angelum alterum, Viri quoque specie con-
spicuum, in cujus manu funiculus erat lineus, & calamus
mensura; quæ sunt Geometrarum Practicorum organa non po-
strema. Scio denique, Evangelistarum Aquilam Joannem, Apo-
cal. XXI. ver. XV. alium quoque conspexisse, habentem men-
suram arundineam auream, ut eâ metiretur Hierosolymam no-
vam sibi ostensam, ejusque portas, ac murum. Geometras ergo
Vos esse, SPIRITUS SANCTISSIMI, Geometrarum-

F ff

que

que subire quandoque officium, haud vana est conjectura, sed
 certa & irrefragabilis persuasio. Nimirum non dedignamini
 similes & esse, & videri Auctori Vestro DEO ter Opt. ter Max,
 quo de sapientissimè pronuntiavit, qui dixit: **Ο ΘΕΟΣ**
ΑΕΙ ΓΕΩΜΕΤΡΕΙ, DEUS semper geome-
 trizat. Veniam itaque dabitis, si meum de Geometria Practica
 Opusculum, exile & impolitum (haud diffiteor) sub Vestro San-
 ctissimo claudam Nomine, Vestra committam tutela, Solent Me-
 cenates promptiori suscipere animo Opera, quæ illas pertrahant
 materias, quarum ipsi non modicam nacti sunt notitiam: solent
 potioribus prosequi favoribus Clientes, quibuscum studiorum ac
 scientiarum intercedit communio. Haud sequiori voluntate
 cum Vos erga me, meumq; Opus futuros confidam, utrumq;
 tutela vestra quàm submississimè committo. Her-
 bipoli, Die XII. Martii, Anni
 M. DC. LX.



ELEN-

ELENCHUS LIBRORUM, CAPITUM, ALIORUMQUE TITU- LORUM.

LIBER I. TECHNICVS,

Sive de Pantometri Kircheriani fabrica, rerumque ad ejus u-
sum necessarium præparatione. 1

PARS PRIMA. Pantometri Kircheriani fabrica, & partes. 2

PRAGMATIA I. Quadratum Pantometri præparare. ibid.

II. Orbem Pantometri fabricare. 3

III. Pyxidem magneticam Pantometri conficere. ibid.

IV. Cursorem Pantometri ordinare. 4

V. Regulam dioptricam Pantometri construere. 5

VI. Pedem Pantometri fabricare. ibid.

PARS SECUNDA. Aliarum rerum ad Kircheriani Pantometri usum necessa-
riarum præparatio, atque explicatio. 6

CAPIT I. De Funiculo, seu Virga, catenavæ mensoria; deque Decempeda. ibid.

CAP. II. De Pedis Romani antiqui genuina mensura, à Villalpando tradita. 10

CAP. III. Grünbergeri, & Ghetaldi judicium de Pede Romano antiquo, à Vil-
lalpando prodito. 16

CAP. IV. De Pede Romano antiquo, ab aliis Auctoribus prodito; & de Pede
Capitolino. 18

CAP. V. De modo transmittendi ad exteros genuinam antiqui Pedis Romani
mensuram. 23

LIBER II. EUTHMETRICVS,

Sive De linearum restarum dimensionibus. 26

SCAPIT I. De dimensione longitudinum, ac latitudinum. 27

PROBLEMA I. Duorum locorum distantiam metiri, quando ad unum illo-
rum accedi potest. ibid.

II. Duorum extremorum distantiam metiri, quando Geometra in uno existens,
non videt alterum, adest tamen altitudo ex qua mensurari possit. 31

- III. Duorum locorum distantiam metiri, quando Mensor in uno existens, nec videt alterum, nec adest altitudo. 34
- IV. Duorum locorum distantiam metiri, quando ad neutrum accedi potest. ibid. 34
- V. Duorum locorum distantiam metiri, quando ad neutrum accedi potest, ex altitudine. 35
- VI. Aliter duorum locorum distantiam metiri, quando ad neutrum accedi potest. 36
- VII. Adhuc aliter duorum locorum distantiam metiri, quando ad neutrum accedi potest. 37
- VIII. Metiri distantiam duorum extremorum, ad quorum unum accedi potest, mediâ altitudine mensuræ cognitæ erectâ in altero extremo, sive alterum extremum videatur, sive non. 39
- IX. Duorum locorum distantiam metiri ex altitudine, etiamsi ignoretur quanta sit tota altitudo. 40
- X. Distantiam cacuminum duarum turrium inæqualium metiri. 41
- XI. Ex turri metiri latitudinem fossæ, aut fluvii ante turrim extensi. 44
- XII. Eâdem operâ distantiam inter duos terminos, ad quos accedi non potest, & quantum uterque à loco stationis electo distet, invenire. ibid.
- XIII. Aliter prædicta invenire in iisdem circumstantiis. 46
- CAPUT II. De dimensione altitudinum verticalium.** 47
- PROBLEMA I.** Altitudines verticales, ad quas accessus patet, metiri. ibid.
- II. Altitudines verticales metiri, ad quas accessus non patet, potest tamen in directum retrocedi. 49
- III. Metiri altitudines verticales, ad quas neque accedi potest, neque in directum retrocedi, sed tantum ad latus. 51
- IV. Altitudinem verticalem metiri ex alia altitudine, per duas stationes. ibid.
- V. Altitudinem verticalem majorem metiri ex minore, per unam stationem. 54
- VI. Altitudinem verticalem minorem ex majore metiri. ibid.
- VII. Altitudines verticales in monte positas, ad quas accessus patet, metiri. 55
- VIII. Altitudines in monte positas, ad quas accessus non patet, metiri. 56
- IX. Metiri altitudinem turris ex ipsa turri, quando basis turris non potest videri. ibid.
- X. Altitudinem nubium verticalium metiri. ibid.
- XI. Altitudinem nubium, non verticalium metiri. 57
- XII. Aliter metiri altitudinem nubium non verticalium. ibid.
- XIII. Altitudinem turris in fossa positæ metiri. 58
- XIV. Metiri altitudinem verticalem ex summitate ipsius, quando nota est distantia quædam horizontalis à basi altitudinis. 59
- CAPUT III. De dimensione profunditatum.** ibid.
- PROBLEMA I.** Profunditates puteorum metiri. ibid.
- II. Aliter puteorum profunditates metiri. 60
- III. Profunditatem puteorum, aliarumque rerum depressarum aliter metiri. ibid.
- IV. Profunditatem vallis metiri. 61

CAPUT IV. De dimensione distantiarum diametralium.	62
PROBLEMA I. Distantiam diametralem invenire, quando ad basim altitudinis accedi potest, aut nota est ipsa altitudo.	ibid.
II. Distantiam diametralem invenire, quando ad basim altitudinis non potest accedi, neque nota est ipsa altitudo.	63.
III. Distantiam diametralem invenire ope Instrumenti sine observatione, quando nota est altitudo, & distantia à basi.	ibid.
IV. Declivitatem & acclivitatem alicujus montis invenire, quando non est valde inæqualis,	64
V. Diagonale intervallum ex ipsa altitudine metiri.	ibid.
CAPUT V. De dimensione variorum intervallorum.	ibid.
PROBLEMA I. Duarum altitudinum verticalium inæqualium, & non in eodem plano horizontali existentium, distantiam inter se, & diametralem alterutrius, unâ cum altitudine, invenire ex alterutra.	ibid.
II. Ex una turris statione metiri alterius turris altitudinem, & distantiam horizontalem, & diametralem.	66
III. Trium montium aut turrium distantias ab invicem, unâ cum altitudine, determinare.	67

LIBER III. ENBADMETRICUS.

Sive de dimensione superficierum.	69
SPARS PRIMA, continens Prolegomena.	70
CAPUT I. De variis superficierum speciebus.	ibid.
II. De variis superficierum mensuris.	72
III. De numero & calculo geometrico, seu de operationibus arithmeticis in Geometria practica usitatis, in genere.	73
IV. De Additione numerorum geometricorum.	75
V. De Subtractione numerorum geometricorum.	76
VI. De Multiplicatione numerorum geometricorum.	78
VII. De Divisione numerorum geometricorum.	80
VIII. De Extractione radicis quadratæ.	81
IX. De Extractione radicis cubicæ.	84
PARS SECUNDA, continens Problemata.	87
PROBLEMA I. Parallelogrammorum rectangulorum areas metiri.	88
II. Parallelogrammorum non rectangulorum areas invenire.	91
III. Triangulorum areas dimetiri.	92
IV. Trapeziorum areas invenire.	95
V. Figuras multilateras ordinatas, sive regulares dimetiri.	97
VI. Superficies polygonas irregulares dimetiri.	98
VII. Circulorum areas invenire, cognitâ diametro & circumferentiâ.	99
VIII. Datâ circumferentiâ circuli, reperire diametrum.	102
IX. Datâ diametro circuli, reperire circumferentiam.	103

X.	Datâ solâ diametro circuli, reperire ejus aream.	ibid.
XI.	Datâ solâ peripheriâ circuli, invenire ejus aream.	104
XII.	Datâ circuli areâ, invenire diametrum.	105
XIII.	Datâ circuli areâ, invenire circumferentiam.	ibid.
XIV.	Invenire aream circuli, quando nec diameter, nec circumferentia est nota.	106
XV.	Sectorum circuli areas invenire.	108
XVI.	Aliorum segmentorum circuli aream invenire.	110
XVII.	Figuras ex variis circularum segmentis coagmentatas metiri.	111
XVIII.	Segmentum circuli duabus rectis, & duobus arcibus comprehensum metiri.	ibid.
XIX.	Ovalis, & Ellipticæ figuræ aream invenire.	112
XX.	Sphararum superficies convexas metiri.	113
XXI.	Hemisphæriorum convexas superficies reperire.	114
XXII.	Portionum sphæricarum hemisphærio majorum aut minorum convexas superficies reperire.	ibid.
XXIII.	Superficiem convexam cylindri, & conî recti reperire.	115

LIBER IV. ICHNOGRAPHICUS,

S	Ive de Plantarum delineationibus, & locorum planorum descriptionibus.	117
SPROBLEMA I.	Situm alicujus horti, campi, atrii &c. delineare in charta.	118
II.	Ichnographiam urbium Instrumento Pantometro perficere.	119
III.	Aliter ignographicè delineare urbes Instrumento Pantometro.	120
IV.	Chorographicas descriptiones perficere nostro Instrumento.	121
V.	Aliter, & novo modo, tam Topographicas, quàm Chorographicas descriptiones perficere.	123
VI.	Sylvam, lacum, aliaque loca plana describere, quando intra ipsa non possunt fieri stationes.	126
VII.	Situm camporum, similiumque locorum ex unica statione delineare.	127
VIII.	Ichnographiam subterraneorum locorum perficere.	ibid.
IX.	Ope Magnetici nostri Instrumenti cuivis puncto in extrema terræ superficie assignato, aliud ad perpendicularum ei correspondens in intimis terræ visceribus reperire.	129
X.	Ichnographiam omnium partium interiorum alicujus domus, aut Ecclesiæ, perficere.	130
XI.	Munitionum seu Fortalitiarum ichnographicam delineationem perficere. Habet varios §§.	131

LIBER V. STEREOMETRICUS,

S	Ive de Solidorum dimensionibus.	145
SPROBLEMA I.	Parallelepipedum metiri.	146
	II. Prif-	

II.	Prismata metiri.	149
III.	Cylindros metiri.	ibid.
IV.	Pyramidum, & Conorum soliditates sive areas invenire.	150
V.	Frustum pyramidis, & coni metiri.	151
VI.	Aream corporum regularium invenire.	152
VII.	Corpora irregularia dimetiri geometricè, & mechanicè.	153
VIII.	Aream sive soliditatem sphaerae, & segmentorum ejus, invenire.	155
IX.	Obeliscorum soliditatem invenire, universamque illorum dimensionem peragere.	156
PRAGMATIA I. Altitudinem Obelisci, si truncus non esset, sed lateribus continuo fluxu in ultimum punctum confluentibus ad instar pyramidis excurreret, reperire.		157
PRAGM. II.	Quantitatem superficiei Obeliscorum investigare.	158
PRAGM. III.	Soliditatem Obeliscorum investigare.	160
PRAGM. IV.	Gravitatem sive pondus Obeliscorum invenire.	161

LIBER VI. COELOMETRICUS,

Sive de Concavorum dimensionibus.		162
PROBLEMA I. Regulam Cubimetricam & Cylindrimetricam construere.		163
II.	Vasa parallelepipedal metiri Regulâ cubimetrica.	165
III.	Fossae excavandae capacitatem invenire.	167
IV.	Vasa cubica duplicare, triplicare &c. mechanicè, ope Regulæ Cubimetricæ.	ibid.
V.	Concavas columnas, turres, & quaecunque prismata, bases habentia triangulares &c. dimetiri.	168
VI.	Tetraëdra, seu Pyramides regulares, & reliqua corpora regularia, metiri.	169
VII.	Cylindrorum capacitatem invenire.	170
VIII.	Pyramidum & Conorum capacitates invenire in certis mensuris.	171
IX.	Vasainæqualium basium metiri.	ibid.
X.	Doliorum seu vasorum vinariorum capacitatem reperire.	172
XI.	Regulam mensurariam, quam virgam visoriam appellant, construere ad dolia vinaria mensuranda.	174
XII.	Dolia seu vasa vinaria metiri Regulâ visoriâ.	179

LIBER VII. GEODÆTICUS.

Sive de Superficierum divisionibus.		183
SCAPUT I. De divisione triangulorum per lineas ab angulo ductas.		184
PROBLEMA I. Triangulum quodcunque dividere in duas; tres, &c. partes, per lineam à quovis angulo ad latus oppositum protractam.		185
II.	Aliter dividere triangulum in partes æquales per lineas ab angulis ductas. ibid.	

- III. Triangulum quodcunque per rectam à quovis angulo ductam dividere in duas partes secundum proportionem datam &c. 186
- IV. Triangulum quodcunque per rectas à quovis angulo ductas dividere in plures partes secundum proportionem datam &c. 187
- V. Dividere campum triangularem in partes inæquales datas, per lineas ab eodem puncto ductas. 188
- VI. Triangularem campum dividere in partes inæquales datas, per lineas ex diversis angulis ductas. ibid.
- VII. Aliter dividere triangularem campum in partes inæquales, per lineas à diversis angulis ductas. 189
- CAPUT II. De divisione triangulorum per lineas à latere ductas.** 190
- PROBLEMA I.** Dividere triangulum in duas æquales partes per lineam à quovis puncto dato in uno latere ipsius ductam. 191
- II. Dividere triangulum in duas partes per rectam à quovis puncto in aliquo latere ductam, in proportionem datam. 192
- III. Dividere triangulum in tres aut quotlibet partes æquales, per rectas è puncto in latere assumpto. 193
- IV. Triangulum dividere in tres æquales partes, per lineas à latere ad latus ductas è diversis punctis. 194
- V. Dividere triangulum in tres partes inæquales secundum quamcunque rationem datam, lineis à latere ad latus ductis &c. 195
- CAPUT III. De divisione triangulorum per lineas lateribus parallelas, & non parallelas.** 196
- PROBLEMA I.** Triangulum quodcunque per lineas uni lateri parallelas dividere in quotlibet partes æquales. ibid.
- II. Dividere triangulum in duas partes habentes quamcunque proportionem datam, per lineas uni lateri parallelas, ita ut &c. 197
- III. Dividere in plures partes modo dicto triangulum. 198
- IV. Dividere triangulum in plures partes inæquales imperatas, per lineas uni lateri utcunque oppositas, quando scitur area ipsius, & latera. 199
- V. Dividere triangulum in partes æquales per lineas partim parallelas, partim non parallelas, lateribus. 200
- CAPUT IV. De divisione triangulorum per lineas à punctis mediis ductas.** ibid.
- PROBLEMA I.** Triangulum à puncto invento in ejus medio dividere in tres partes æquales. 201
- II. Intra triangulum quodcunque invenire puncta, ex quibus ductæ rectæ dividant ipsum in quotvis partes æquales. ibid.
- CAPUT V. De divisione triangulorum per lineas lateribus perpendiculares.** 202
- PROBLEMA I.** Triangulum dividere in duas partes æquales per lineam uni laterum perpendicularem. ibid.

II. Triangulum dividere per lineam uni laterum perpendiculararem in proportionem datam. 203

CAPUT VI. De divisione parallelogrammorum in partes datas. 204

PROBLEMA I. Dividere datum parallelogrammum in plures partes secundum quamlibet proportionem datam, per lineas lateribus oppositis æquidistantes. ibid.

II. Dividere datum parallelogrammum bifariam per rectam ex puncto, five in latere, five extra, five intra ipsum dato, aut assumpto. 205

III. Dividere parallelogrammum datum in plures partes secundum rationem datam, quando nota est superficies. 206

CAPUT VII. De divisione trapeziorum, quorum duo quælibet opposita latera sunt parallelæ. 207

PROBLEMA I. Dividere trapezium laterum parallelorum in partes æquales, lineis à latere ad latus tractis. ibid.

II. Dividere trapezium laterum parallelorum in partes inæquales secundum proportionem datam, lineis à latere ad latus. 208

III. Dividere trapezium duorum laterum æquidistantium, per lineam ab angulo protractam, in duas partes secundum proportionem datam. 209

IV. Dividere trapezium æquidistantium laterum, in plures partes secundum proportionem datam, per lineas ab uno angulo protractas. 211

V. Quadrangulum duorum æquidistantium laterum dividere per lineam ductam a puncto in uno æquidistantium laterum assignato, secundum proportionem datam. ibid.

PARERGUM, in quo error Serlii, aliorumque, detegitur. 215

LIBER VIII. METAMORPHOTICUS,

Sive de planorum, corporumque transformatione. 220

SCAPUT I. De inventione mediarum proportionalium, tam in discreta, quam in continua quantitate. 222

LEMMA I. Inter duos numeros medium proportionalem invenire. ibid.

II. Inter duos numeros datos invenire duos medios proportionales. 223

III. Inter duas rectas lineas datas invenire mediam proportionalem. ibid.

IV. Inter duas rectas lineas datas, reperire duas alias continuè proportionales. 224

V. Datis duobus numeris, tertium continuè proportionalem invenire. 227

VI. Datis tribus lineis rectis, quartam proportionalem invenire. ibid.

VII. Datis tribus numeris, quartum proportionalem invenire. 228

CAPUT II. De transformatione triangulorum planorum rectilineorum in alias planas rectilineas figuras. ibid.

PROBLEMA I. Triangulo cuicumque dato constituere aliud simile, similiterque positum, cujus singula latera sint vel æqualia, vel majora, vel minora &c. 229

- II. Triangulo cuicunque dato constituere aliud simile majus, vel minus, quoad superficiem, sub quavis proportionem. 231
 III. Dato triangulo α quale parallelogrammum rectangulum facere. 233
 IV. Dato triangulo cuicunque constituere α quale quadratum. 234
 V. Duobus triangulis, seu α qualibus, seu in α qualibus, similibus tamen, invenire aliud triangulum simile α quale. 235
 VI. Triangulum dato quadrato α quale constituere. ibid.
 VII. Triangulum dato parallelogrammo, tam rectangulo, quàm non rectangulo, α quale constituere. ibid.
 VIII. Aliter constituere triangulum α quale quadrato, aut parallelogrammo dato. 236
 IX. Datis quocunque triangulis α quale triangulum constituere. ibid.
 X. Triangulum rectangulum dato circulo α quale quàm proximè constituere. ibid.

CAPUT III. De transmutatione quadrangulorum in alias figuras planas. 237

PROBLEMA I. Quadrangulo quocunque dato describere aliud simile, vel α quale, vel quoad singula latera majus, aut minus, in qualibet proportionem. ibid.

- II. Quadrangulo quocunque dato constituere simile aliud majus, aut minus, quoad aream, secundum quamvis proportionem. 238
 III. Aliter quadrangulo cuicunque dato construere aliud simile similiterque positum, majus, vel minus, secundum proportionem datam. 239
 IV. Parallelogrammo rectangulo α quale quadratum constituere. 241
 V. Parallelogrammo non rectangulo α quale quadratum constituere. ibid.
 VI. Datis duobus quadratis, sive α qualibus, sive in α qualibus, unum quadratum α quale invenire. ibid.
 VII. Propositis quocunque quadratis, sive α qualibus, sive in α qualibus, invenire quadratum omnibus illis α quale. 242
 VIII. Duobus quadratis in α qualibus propositis, invenire alia duo quadrata, quæ & α qualia sint inter se, & simul sumpta duobus in α qualibus α qualia. ibid.
 IX. Dato quocunque rectilineo, α quale parallelogrammum & quadratum constituere. 243

CAPUT IV. De transmutatione polygonorum rectilineorum in alias figuras. 244

PROBLEMA I. Polygono cuicunque dato describere aliud simile similiterque positum, majus, vel minus, in quacunque proportionem quoad latera. ibid.

- II. Polygono dato constituere aliud simile similiterque positum, majus, vel minus, quoad aream, secundum datam proportionem. 245
 III. Multangulo dato α quale quadratum constituere. ibid.

CAPUT V. De transformatione circularum in alias figuras planas, & e contrario. 246

PROBLEMA I. Dato circulo α quale triangulum rectangulum invenire. ibid.

II. Dato circulo æquale parallelogrammum rectangulum, & quadratum invenire quàm proximè. 247

III. Aliter dato circulo æquale quadratum constituere. ibid.

IV. Adhuc aliter dato circulo æquale quadratum constituere. ibid.

V. Dato quadrato constituere circulum quàm proximè æqualem. 248

VI. Circulum cuicunque rectilineo dato æqualem constituere. 249

VII. Pluribus circulis datis describere unum circulum æqualem. ibid.

VIII. Dato circulo figuram rectilineam æqualem construere. ibid.

IX. Circulum in quavis proportionè data augere, vel minuire. 250

X. Circulum duplicare, triplicare, vel quavis proportionè æquali augere, ac minuire. ibid.

CAPUT VI. De transmutatione figurarum solidarum in alias figuras solidas. 251

PROBLEMA I. Datum cylindrum in parallelepipedum æquale ejusdem altitudinis convertere; & datum parallelepipedum in cylindram æqualem ejusdem altitudinis. ibid.

II. Dato cono æqualem pyramidem ejusdem altitudinis constituere; & vicissim pyramidi conum æqualem ejusdem altitudinis. 252

III. Dato prismati, vel cylindro, æqualem sub eadem altitudine pyramidem vel conum construere; & è converso datæ pyramidi vel cono æquale prisma, vel cylindrum ejusdem altitudinis. 253

IV. Datum cylindrum, vel prisma; similiter datum conum, vel pyramidem, cujuscunque altitudinis, in æqualem cylindrum &c. sub data qualibet alia altitudine, & supra basem quotcunque angulorum, revocare. 254

V. Dato parallelepipedo rectangulo æqualem cubum construere. 255

VI. Dato cubo æquale parallelepipedum rectangulum construere in altitudine data, vel supra datam basem. 256

VII. Dato parallelepipedo quod non sit cubus, sub data altitudine æquale parallelepipedum construere. 258

VIII. Dato quocunque parallelepipedo excitare super dato plano quadrangulo, æquale parallelepipedum. 259

IX. Datæ sphæræ æqualem cubum construere. 260

X. Dato cubo æqualem sphæram construere. ibid.

XI. Aliter datæ sphæræ æqualem cubum constituere. 261

XII. Aliter dato cubo æqualem sphæram invenire. ibid.

XIII. Sphæræ datæ construere æquale solidum rectangulum supra basim quotcunque angulorum; & è contrario. 262

XIV. Sphæræ datæ æqualem pyramidem facere. ibid.

XV. Sphæræ datæ æqualem cylindrum facere. 263

XVI. Datæ sphæræ æqualem conum facere. ibid.

XVII. Sphæram cuilibet corpori regulari æqualem construere. ibid.

XVIII. Datis duobus aut pluribus cubis, unum æqualem facere. 264

XIX. Cubum quotlibet figuris solidis non cubis æqualem facere. 265

XX. Dato

- XX. Dato solido simile solidum in data ratione majus vel minus constituere. *ibid.*
 XXI. Ex cubo majori detrahare cubum minorem; residuoque cubum æqualem
 facere; idemque in solidis alijs efficere. 166
 XXII. Data quavis aque quantitate, cubum invenire, qui ejus sit capax. 167

LIBER IX. HYDRAGOGICUS.

- S**ive de Libellatione Aquarum, totaque Libellationis natura. 169
SCAPUT I. Quid sit Libellatio, & quinam de illa scripserint. 171
CAPUT II. De Libellaticis Instrumentis à Vitruvio enumeratis, videlicet
 Dioptra, Libra aquaria, & Chorobate. 172
CAPUT III. De alijs Instrumentis Libellaticis, à varijs Auctoribus usurpatis. 175
 De Quadrante, Quadrato, Astrolabio, & Planimetro. *ibid.*
 De Libella ordinaria. 176
 De Regula oblonga. *ibid.*
 De Vase Aquario. *ibid.*
 De Libella extemporali. 178
 De Libra. 179
 De Statera. *ibid.*
 De Speculo. 180
CAPUT IV. De Libella Kircheriana, & Claviana. *ibid.*
CAPUT V. Suppositiones variz Libratorum. 183
CAPUT VI. De usu libellaticorum Instrumentorum in explorandis atque con-
 stituendis planis horizontalibus secundum omnem exporrectionem. 193
CAPUT VII. De Vulgari Libratorum praxi in librandis locorum distantis,
 ad perducendas aquas; simulque de usu libellaticorum Instrumentorum in
 explorandis & constituendis planis horizontalibus secundum unam tan-
 tum exporrectionem. 197
CAPUT VIII. De praxi libellandi tradita à Patre Nicolao Cabro. 301
CAPUT IX. Examinatur Sententia & praxis Cabri in libellandis aquis. 306
CAPUT X. De alveorum atque canalium, per quos aqua decurrit, necessaria
 declivitate in perducendis aquis. 309
CAPUT XI. De usu Pantometri Kircheriani in libellandis aquis. 312
PROBLEMA I. Pantometrum Kircherianum ad usum Libellæ accommodare,
 & æquilibrare. 313
 II. Pantometro duo loca non multum à se invicem distantia librare, pro duce-
 dis aquis. *ibid.*
 III. Pantometro librare duo loca inter se longè dissita, pro aquis perducendis. 315
 IV. Pantometro librare duo loca, inter quæ mons interjectus est. 316
 V. Alijter librare Pantometro duo loca circa montem, quando ex utroque signum
 aliquod in montis cacumine videri potest. 317
 VI. Alijter ex ipso monte invenire duorum locorum circa montem positorum al-
 tudinem, Pantometro nostro. 318

VII. Pan-

VII. Pantometro libellare aquam putei in montis latere collocati.	319
CAPUT XII. De usu Speculi pro Libella.	ibid.
CAPUT XIII. Documenta nonnulla pro Libratoribus aquarum.	324

LIBER X VARIUS.

S ive Varia Problemata, Pantometri ope, ac præcipuè linearum Polymetrarum eidem inscriptarum usu, soluta.	327
PARS PRIMA. De Fabrica linearum Polymetrarum, Instrumento nostro inscribendarum.	330
PRAGMATIA I. Lineam fundamentalem præparare.	ibid.
II. Lineam Arithmeticam Instrumento inscribere.	331
III. Lineam pro divisione linearum rectarum in quodibet partes, Instrumento inscribere.	332
TABULA I. Pro divisione Lineæ rectæ, in quodibet partes.	333
IV. Lineam pro divisione circuli in quodibet partes, Instrumento inscribere.	ibid.
TABULA II. Pro divisione Lineæ circularis in quotcunque partes.	335
TABULA III. Pro divisione lineæ circularis in latera polygonorum.	336
V. Lineam pro divisione Quadrantis circuli in gradus, Instrumento inscribere.	337
TABULA IV. Pro divisione Quadrantis Circuli in suos gradus, sive pro Lineæ Graduum.	ibid.
VI. Lineam Geometricam Instrumento inscribere.	339
TABULA V. Pro divisione Lineæ Geometricæ.	340
VII. Lineam Stereometricam Instrumento inscribere.	341
TABULA VI. Pro divisione Lineæ Stereometricæ.	342
VIII. Lineam proportionis diametri ad circumferentiam Instrumento inscribere.	344
TABULA VII. Pro proportionem inter diametrum & Circumferentiam.	ibid.
IX. Lineam Reductionis seu Commutationis planorum regularium Instrumento inscribere.	ibid.
TABULA VIII. Pro Reductione seu commutatione planorum regularium.	347
X. Lineam Reductionis Corporum regularium Instrumento inscribere.	348
TABULA IX. Pro Reductione Corporum regularium.	ibid.
TABULA X. Pro inscriptione Corporum regularium in sphaera.	349
XI. Lineam mediæ & extremæ ratione Sectam Instrumento inscribere.	ibid.
XII. Lineam metallicam inscribere Instrumento.	350
TABULA XI. Pro Linea metallicâ præparanda.	ibid.
XIII. Lineam decemlibrarum cujuscunque metalli determinare.	351
PARS SECUNDA De usu Linearum polymetrarum Instrumento inscriptarum.	ibid.
CAPUT I. De usu Linearum polymetrarum in Arithmetice operationibus; sive Problemata Arithmetica.	352

PROBLEMA I. Addere plures numeros inter se.	ibid.
II. Subtrahere unum numerum ab altero.	373
III. Multiplicare unum numerum per alterum.	374
IV. Dividere unum numerum per alterum.	ibid.
V. Tribus numeris datis, quarum proportionalem invenire, hoc est, Regulam Triam perficere.	375
VI. Inter duos numeros invenire medium proportionalem.	377
VII. Inter duos numeros datos invenire duos medios proportionales.	378
VIII. Dati numeri radicem quadratam invenire.	ibid.
IX. Dati numeri radicem cubicam invenire.	380
CAPUT II. De usu linearum polymetrarum in divisione linearum rectarum; sive Problemata Grammatica.	381
PROBLEMA I. Datam lineam rectam dividere in quotlibet partes æquales; sive ex data linea auferre quamlibet partem imperatam.	ibid.
II. Idem efficere ope Lineæ Arithmeticae.	382
III. Ex quavis recta linea accipere quotcunque partes decimas, ac centesimas.	383
IV. Ex data linea recta auferre partem, quæ vel ad totam, vel ad residuam, habeat proportionem datam.	385
V. Datam rectam terminatam secare, ut secta est alia data.	386
VI. Datam rectam dividere in proportionem datam, quando numeri proportionis sunt majores quam numerus particularum Lineæ Arithmeticae.	387
VII. Dividere lineam rectam datam in plures partes, quæ habeant inter se rationem datam.	388
VIII. Datis duabus, quarum una in quocunque partes sit, aut intelligatur divisa, quot alium partium altera contineat, inquirere.	389
IX. Datam rectam lineam mediâ & extremâ ratione secare.	ibid.
X. Inter duas datas mediam proportionalem invenire.	370
XI. Inter duas datas, duas medias proportionales invenire.	ibid.
CAPUT III. De divisione Circulorum in suas partes; sive Problemata Cyclometrica.	371
PROBLEMA I. Circulum in quotlibet partes dividere.	ibid.
II. Quadrantem, aut Circulum in quotlibet gradus dividere.	372
III. Partem quaecunque ex circulo, aut Quadrante, accipere.	373
IV. Unum, duos, tres, quatuor &c. gradus ex circulo, aut quadrante, accipere.	ibid.
V. Datâ circuli, seu peripheriæ portione, invenire quot contineat gradus.	374
VI. Datum circuli arcum imperatis gradibus augere, vel minuere.	ibid.
VII. Circumferentiæ circuli dati lineam rectam æqualem invenire.	375
VIII. Dato Circuli arcu, reperire diametrum circuli cujus est arcus.	376
IX. Datum circulum in data proportionem augere, vel minuere.	ibid.
X. Alio modo datum circulum in data proportionem augere, vel minuere.	377

CAPUT IV. De usu Linearum Polymetrarum in angulis, atque triangulis;
sive Problemata Trigonometrica. 379

PROBLEMA I. Angulum rectilineum ad desideratam mensuram construere. *ibid.*

II. Amplitudinem anguli rectilinei dati cognoscere. *ibid.*

III. Dato crure utroque trianguli rectanguli, invenire basin, & utrumque angulum acutum. 380

IV. Datis basi & crure uno trianguli rectanguli, crus alterum, & angulos acutos invenire. *ibid.*

V. Datis basi cum angulo acuto, invenire crura trianguli rectanguli dati. 381

VI. Dato crure cum angulis acutis, reliquum crus, & basin trianguli rectanguli invenire. *ibid.*

VII. Datis tribus trianguli obliquanguli lateribus, tres ejusdem angulos invenire. *ibid.*

VIII. Datis duobus trianguli obliquanguli lateribus, cum angulo ab eis comprehenso, latus tertium & angulos reliquos concludere. 382

IX. Datis trianguli obliquanguli uno latere, cum duobus angulis eidem adjacentibus, angulum tertium, & reliqua latera investigare. *ibid.*

X. Datis trianguli rectilinei tribus angulis, invenire proportionem laterum. *ibid.*

CAPUT V. De usu linearum Polymetrarum in Polygonis regularibus describendis; *sive* Problemata Polygonographica. 383

PROBLEMA I. In dato circulo Polygonum æquiangulum & æquilaterum quodcunque describere. *ibid.*

II. Dato latere Polygoni describendi, invenire radium circuli, cui inscribendum sit. 384

III. Circa datum circum, Polygonum quodcunque describere. *ibid.*

IV. Intra datum Polygonum describere circum. 385

V. Latera dati Polygoni in data proportionē augere, vel minuire. *ibid.*

VI. Dato Polygoni arcum in data proportionē augere, vel minuire. *ibid.*

VII. Dato Polygono invenire æquale triangulum, aut vicissim. 386

VIII. Dato Polygono æquale alterius nominis Polygonum constituere. *ibid.*

CAPUT VI. De usu linearum Polymetrarum in plantis figuris augendis, minuendis, ad invicem permutandis; *sive* Problemata Metamorphotica planorum. 387

PROBLEMA I. Augere, aut minuire Circulum in quavis proportionē. *ibid.*

II. Augere, vel minuire triangulum in data quavis proportionē, constituendo alterum simile, similiterque positum. 388

III. Latera trianguli dati augere vel minuire in quacunque proportionē, constituendo alium simile, similiterque positum. 389

IV. Proposita cuicunque figure aliam similes, similiterque descriptam in quacunque proportionē exhibere. *ibid.*

- V. Proposita cujuscunque figure latera augere, vel minuire, in data proportione, constituendo aliam similem similiterque positam. 390
- VI. Inter duas figuras planas similes invenire proportionem. 391
- VII. Duas, pluresve figuras planas similes addere, hoc est, constituere unam æqualem duabus, aut pluribus datis. ibid.
- VIII. Vnam figuram planam ab altera simili subtrahere; sive inter duas similes & inæquales invenire tertiam similem, & æqualem differentia duarum datarum. 392
- IX. Circulum, & alias figuras regulares quadrare; item omnes figuras regulares invicem transmutare. 393
- X. Pluribus figuris regularibus, etiam inter se dissimilibus, unam æqualem constituere. ibid.
- XI. Cuivis figuræ rectilineæ irregulari constituere figuram regularem æqualem. 394
- XII. Cuilibet triangulo æquale quadratum constituere. ibid.
- XIII. Rectangulum in Quadratum æquale commutare. ibid.
- CAPVT VII. De usulinearum Polymetrarum in solidis augendis, minuendis, permutandis; sive Problemata Metamorphotica solidorum. 395
- PROBLEMA I. Datum corpus in data proportione augere, vel minuire. ibid.
- II. Datis duobus solidis similibus, invenire eorum proportionem mutuam. 396
- III. Propositis quotlibet solidis similibus, constituere unum omnibus æquale ac simile. ibid.
- IV. Dato solido regulari, invenire alia diversorum nominum æqualia, seu æquæ capacia. 397
- V. Datæ Sphæræ inscribere quinque corpora regularia; seu dato Corpori regulari Sphæram circumscribere. 398
- VI. Dato pondere unius globi, invenire pondus alterius inæqualis ex eadem materia. ibid.
- VII. Datæ pyramidi constituere æqualem & æquæ altum conum, cylindrum, parallelepipedum. 399
- VIII. Dato cono certæ altitudinis, constituere alium æquæ capacem, sed diversæ altitudinis. ibid.
- IX. Dato cylindro certæ altitudinis, construere alium æquæ capacem, sed diversæ altitudinis. 400
- X. Dato Cylindro invenire parallelepipedum æquæ altum & æquæ capax. ibid.
- XI. Dato Cylindro æqualem cubum efficere. ibid.
- CAPVT VIII. De usu linearum Polymetrarum in metallicorum corporum proportione, quoad molem & pondus inveniendâ; sive Problemata Staticæ. 401
- PROBLEMA I. Dato globo unius metalli, invenire alium alterius metalli, pondere æqualem. ibid.
- II. Invenire proportionem metallorum quoad pondus. 402
- III. Datâ diametro globi ferrei, invenire ejus pondus. ibid.

- IV. Datâ diametro aliorum globorum metallicorum, invenire eorum pondera. 403
- V. Pondus globi ex quocunque metallo, quem tormentum bellicum capit, cognoscere. ibid.
- VI. Datis duobus, aut quotlibet globis, invenire unum illis æqualem in mole. 404
- VII. Datis duobus, aut quotlibet globis, invenire unum illis æqualem in pondere. ibid.
- VIII. Dato globo ex duobus metallis mixto, invenire metallorum pernixtionem. ibid.
- IX. Datis diametris, aut lateribus duorum solidorum similium, sed diversorum metallorum, invenire proportionem ponderum. ibid.
- X. Dato pondere & magnitudine solidi metallici, invenire aliud simile diversi metalli, quod habeat pondus datum. 405
- CONCLUSIO OPERIS, in qua Pantometrum Kircherianum ad varios usus accommodatur. 406



Errata Typographica.

Pag. 272. lin. 24. τεχνύγιμα pro τεχνύγμα. Pag. 286. in margine pro Iconismo XXVIII. ponatur Icon. XXV. Alia errata non appono, quia alia quæ Lectorem morentur, non reperi; quod Typothetæ acceptum refero, qui omnem adhibuit diligentiam ut Liber quàm correctissimè prodiret,

Ad Lectorem.

Sperabam Cursum Mathematicum, quem in calce Thaumaturgi physici adumbravi, proximè venturis nundinis autumnalibus in Lucem proditurum; at propter magnum figurarum partim ligno, partim æri incidendarum numerum id fieri nequit ante paschales subsequentes nundinas. Interim loco-Seria dabimus Naturæ & Artis, cum Prodromo in Mundum Mirabilem. Vale.



CATALOGUS LIBRORUM

à

*P. GASPARE SCHOTTO è SOCIETÀ
te Jesu partim hætenus editorum, partim posthac,
si DEVS vitam ac vires largietur, edendorum.*

LIBRI JAM EDITI.

I.

MechanicaHydraulico-pneumatica, cum Experi-
mento novo Magdeburgico. in 4^{to} Herbipoli
1657.

II. Magiæ Universalis Naturæ & Artis PARS I. Optica.
in 4^{to} Herbipoli 1657.

III. Magiæ ejusdem PARS II. Acustica. in 4^{to} Herbi-
poli 1657.

IV. Thaumaturgus Mathematicus, Sive Magiæ ejusdem
PARS III. Mathematica. in 4^{to} Herbipoli 1658.

V. Thaumaturgus Physicus, Sive Magiæ ejusdem PARS
IV. Physica. in 4^{to} Herbipoli 1659.

VI. Pantometrum Kircherianum, sive Instrumentum
Geometricum novum. in 4^{to} Herbipoli 1660.

*Omnes prostant venales Francosurti ad Manum, apud Vi-
duam & Hæredes Ioannis Godefridi Schönwetteri.*

LIBRI POSTHAC EDENDI.

I. Ioco-Seria Naturæ & Artis. in 8.^{vo}

II. Prodromus in Mundum Mirabilem, siye Itinerarium
Exsta-

Extaticum Kircherianum Prælusionibus & Scholiiis illustratum. in 4.^{to}

- III. Cursus Mathematicus, sive Absoluta omnium Mathematicarum Disciplinarum Encyclopædia, in libros XXV. digesta. in fol.
- IV. Physica Curiosa, sive Mirabilia Naturæ.
- V. Technica Curiosa, sive Mirabilia Artis.
- VI. Mundus Mirabilis, quo Mundi opificium atque structura, præcipuarumque ejus partium forma, locus, magnitudo, distantia à se invicem, & inter se symmetria atque proportio &c. explicatur. in fol.
- VII. Dictionarium Mathematicum.
- VIII. Compendium Cursus Mathematici.
- IX. Mechanica Universalis, sive Thaumaturgus Mechanicus.
- X. Horographia Universalis.

Ex his, tria priora Opera sunt jam absoluta, & præludum expectant. Physica Curiosa ex parte etiam confecta est, pars reliqua jam elaboratur. Dictionarium Mathematicum, & Compendium Cursus nostri Mathematici, si alius quispiam conscribere velit, lubens cedam, operamque quam potero, impendam. Mechanicam & Horographiam Universalem tunc conscribam, quâdo reperero qui sumptus faciat: magnorum enim sumptuum erit utrumque opus, ob magnum schematum apparatus.

Multa alia Opera mente destinavi, quæ alias, si superstes fuero, propalabo.

* * *

Ad

ru



Ad Bibliopegum.

Advertat Bibliopegus, ut Iconismos omnes æri incisos ponat è regione illarum paginarum, quarum numerus in capite singulorum est adscriptus.

Der Buchbinder solle die Kupffer also in das Buch hefften / daß sie gegen denen Blättern gewendet seyn / welcher Zahl oben an einem jeden Kupffer verzeichnet ist.



X-5.



Downloaded by Google

